

obeikandi.com

**تفويض بالقتل**

الكتاب : تفويض بالقتل

المؤلف : إسلام وهيب

تصميم الغلاف : محمد مجدى

تدقيق لغوي : أحمد أسامة

رقم الإيداع : 2016 / 25093

الترقيم الدولي : 978-977-778-093-3

الطبعة الأولى : 2016

20 عمارات منتصر – الهرم - الجيزة

ت-011-27772007 02-35860372

[Noon\\_publishing@yahoo.com](mailto:Noon_publishing@yahoo.com)

جميع حقوق الطبع والتوزيع محفوظة للناشر



تفويض بالقتل

رواية لـ

إسلام وهيب

للنشر  
والتوزيع

obeikandi.com

بعض الناس يقرأون الروايات ليطمئنوا أن كل شيء سيكون  
على ما يرام في النهاية ، ولا بد للخير أن ينتصر ، أنا لا أكتب هذه  
النوعية من الروايات ...

إسلام وهيب

obeikandi.com

## ( الفصل الأول )

الخميس

2011/6/16

شارع هادىء بمدينة راقية تطل مباشرة على طريق الأوتوستراد الشهير، مدينة غلب عليها الطابع الصحراوى بكل ما تحمل الكلمة من معاني، فهى مدينة سكنية تحتوى على تضاريس لا تضم سوى جبال وهضاب وكُثبان رملية، مناخها مناخ صحراوى جاف، تقع حدودها عند أخر شريط من البنايات المتراصة بجوار بعضها البعض، إذا كنت من سكان تلك البنايات التى تقع على الشريط الحدودى للمدينة ونظرت من نافذة منزلك لرأيت على مرمى بصرك صحراء جرداء شاسعة لا حياة فيها، صحراء جافة ليس بها سوى جبال عملاقة ومُنحنيات لا حصر لها، يزعم بعض أساتذة الجيولوجيا أنّ هذه الصحراء الجرداء سوف تصل بك إلى جبال البحر الأحمر إذا تحرك من خلالها فى اتجاه معلوم، فى الغالب " شمال شرق " مسافة لا تقل عن مئات الكيلو مترات!!!

الحقيقة لا يهتم أحد برأى هؤلاء الأساتذة فمن المستحيل أن يذهب أى شخص عاقل إلى البحر الأحمر مشياً على الأقدام أو حتى على ظهر ناقه، لكن تلك المعلومة تُرسخ فى ذهن كل من سمعها كم هى مدينة صحراوية تشبه كثيراً أحياء المقطم المُقْفِرة، خلف ذلك الشريط الحدودى الفاصل وعلى مسافة قريبة منه تجد أعلى هضبة مرتفعة بناية غير محددة الملامح أى أنها لم يكتمل بناءها حتى الآن، فهى لا تزال تحت الإنشاء، تعود تلك البناية إلى أحد الرجال الذين ظهرت أموالهم فجأة بعد القيام بثورة يناير العظيمة.

مساحة تلك المدينة ليست كبيرة فتستطيع أن تجوب شوارعها بأكملها في نصف ساعة تقريبًا إذا كنت تمتلك سيارة، المدينة مقسمة إلى عدة أحياء، الحي الواحد مكون من مجموعة من البنايات السكنية، زُرِعَ أمام كل مجموعة بنايات بعض الأشجار والحشائش داخل شيء أشبه بحديقة صغيرة، فكرة كانت عبقرية من مهندس الإنشاء لكسروحشة الصحراء المحيطة بالمدينة من كل جانب، شوارع المدينة هادئة تمامًا في كل الأوقات تقريبًا، فحينئذٍ لك إذا قابلت أكثر من شخص في أن واحد، محلات تجارية بسيطة ومتفرقة في جميع أنحاء المدينة، "موقف للميكروباصات" يتوسط المدينة أنشأ خصيصاً لربط المدينة بكل المناطق والمدن المحيطة قريبة كانت أو بعيدة، تحتوي على عدد قليل من المدارس الحكومية وعدد أقل من المدارس الخاصة باهظة الثمن، تحتوي أيضًا على قسم شرطة واحد وعلى مستشفى واحدة أيضًا تحمل نفس اسم المدينة، ليست مستشفى بمعناها الحرفي ولكن من الممكن أن تكون أشبه بوحدة صحية وذلك بسبب صغر حجم بنايتها وقلّة عدد العاملين بها من أطباء، ممرضين، موظفين، وأفراد أمن، حتى أنها تعاني من فقر شديد في أعداد المرضى الذين يترددون عليها، فعلى الرغم من أنها مستشفى حكومية إلا أنها تعاني بعض الشيء في الخدمات الطبية والعلاجية والأجهزة والإمكانات بشكل عام، فلا يذهب إليها سكان المدينة ليلًا إلا في الأمور الضرورية جدًا أو حالات الإصابات بالنوبات المفاجئة التي تحتاج إلى إسعافات وتدخل طبي سريع أمّا بالنهار فقد يلجأ إليها البعض في الكشوفات الطبية والفحوصات العادية، غير ذلك يذهب السكان إلى تلك المستشفيات الاستثمارية الكبيرة التي تقع في مدن أخرى قريبة، مبنى تلك المستشفى يقع في أقصى أقصى المدينة، له طريق واحد مُمهّد خاص به فتشعر وكأنه أراد أن يتزوّى بعيدًا عن كل شيء في المدينة.

نعود إلى الشارع الهادئ مرة أخرى تحديدًا إلى تلك البناية التي تتوسطه، في الدور الثاني يقطن دكتور إبراهيم أبو طالب مدير تلك المستشفى ذات البناية الصغيرة والبعيدة .

الساعة الآن الثامنة والنصف مساءً.

دكتور إبراهيم يجلس على تلك الأريكة المحببه له، في يديه صحيفة يتصفحها بعناية من خلف عويناته الكبيرة ذات الإطار العملاق، أمامه انتفخ كرشه الذي بدأ يتكون منذ أن اقتحم عقده الخامس، تجاعيد خفيفه بدأت تُغازله في أماكن متفرقة

من وجهه , دكتور إبراهيم يمتلك شخصية رائعة فهو رجل فريد من نوعه فقط مع الجنس الناعم, هوايته التعرف على البشر الذين نُقِشَ في بطاقتهم الشخصية في خانة النوع كلمة أنثى, يتقن أجدديات الكلام واستراتيجيات التعامل مع الجنس اللطيف خاصة اللواتي يتميزنَ بجمال جذاب ومظهر لافت للعيون, إذا أراد أحداً إتمام شيء في العمل حتى إن كان غير قانوني زَجَ بأنثى في طريق الدكتور إبراهيم تتمتع بسلاح الميوعة وتُجيد التعامل به فتنتهى تلك الخدمة على أكمل وجه فهو رجل ذو نَزوات وميل شديد للهوى, بجواره تجلس زوجته تتابع شيئاً ما على شاشة التلفاز بلمل شديد, من الحين إلى الأخر تلتفت له فتجده لا يزال يتصفح الجريدة بتركيز شديد, ملامح وجهها المنكمشة دائماً بسبب تصرفاته الصبيانية التي تصاعدت بشكل كبير في الآونة الأخيرة, هي تعلم أنه يُحبها ولكن في الوقت ذاته تعلم أن لُعبه يسيل على كل أنثى يلتقى بها فكانت تقول في نفسها هكذا يُحب الحُثالة!! هذا الوصف الخالي من أى تقدير لم يأتى هباءً فقد كانت على علم بمعظم نَزوات زوجها, أى أنها على علم يقين بأنه شخص غير مستقيم ولا يقدس أى حياة زوجية مهما كانت, بالتالى هو لن يحمل لزوجه أى احترام أو تقدير, للأسف إدراكها لم يكن مؤهباً لمعرفة تلك الأمور في البدايات وإنما أدركتها بعد مرور وقت طويل, وقت كان فيه هدف تربية الأطفال أسمى بكثير من إنهاء تلك الحياة المقززة بالنسبة لها.

فُتِحَ باب إحدى الغرف وخرجت " سهيلة " ابنة الدكتور إبراهيم, تلك الطالبة الجامعية المتفوقة, انضمت إليهم وجلست معهم وهي تتأفف بزهق وملل شديد.

- مالك يا سهيلة في إيه؟؟

سألها والدها فأجابته وكأنها تحمل إصراً.

- زهقت من المذاكرة يا بابا.

- طب خلاص اقعدى معنا شوية وكفاية مذاكرة.

- أقعد معاكم أعمل إيه بقى ما حضرتك قاعد تقرا الجرنال وماما بتتفرج على التلفزيون يعنى لو قعدت هقعد مع نفسى!!

- لا يا ستى هسيب الجرنال، أنا بس كنت بشوف وصلوا لحد فين فى موضوع البنك اللى اتسرق عندنا فى المدينة ده.
- آآه صحيح هما لقوا الحرامية ولا لآ؟؟
- سألت بشغف واهتمام زائد.
- لسه بيقولوا الشرطة بتبحث عن الجناة، الموضوع أصله مش سهل فى ظل الإنفلات الأمنى اللى بقينا عايشين فيه ده، بعدين الجريمة ما فاتش عليها عشر أيام.
- بصراحة يا بابا موضوع الإنفلات الأمنى ده بقى حاجة فى منتهى القرف، البنك اتسرق الساعة 12 الظهر يعنى فى عز النهار.
- سطو مسلح يا سهيلة، شوية ناس مقتعة دخلوا على البنك بسلاح قشطوه.
- حاجة تقرف، لا وماشين بالسلاح الآلى فى الشارع.
- فوضى، أدى اللى خدناه من ثورة الشباب.
- لا يا بابا الثورة ملهناش ذنب، دى ناس كده كده كانت مستعدة للبلطجة سواء كان فى ثورة ولا لا.
- بقولك إيه أنا مش ناقص قلبه دماغ.
- خلاص أنا هسكت، قولى بس هم سرقوا فلوس كتير طيب.
- أه، حوالى سبعة مليون.
- يا نهار أبيض!!!! سبعة مليون.
- أه سبعة مليون، ياريت بقى يقبضوا على البلطجية دول وينهوا على الفوضى اللى أنتم مسمينها توابع ثورة دى وهيبة الشرطة ترجع تانى بقى زى زمان.



من الصحة والحقيقة , اصطنع أنه سئِمَ من كلامها وأفعالها, هبَّ واقفًا وراح يُتمتم بكلام لم تفهم منه سوى.

- دى ما بقتش عيشة, دا واحد صديقى فى المستشفى أهو, اسمه الدكتور سنوسى, الدكتور سنوسى.

وضع شاشة الهاتف فى وجهها فرأت عليها " مكلمة لم يرد عليها " أسفلها اسم المتصل " د/سنوسى "

أخذ الهاتف واستمر فى حالة العصبية المفرطة التى تنتابه بلا داعي, هرع إلى غرفته وأغلق الباب خلفه, ابتسمت زوجته بسخرية واستهزاء وهى تمز رأسها ببطء, سهيلة تُعاتبها وهى على وشك البكاء.

- ما كانش ليه لزمة الكلام ده يا ماما , كدة بابا زعل .  
أجابتها بقوة وثقة.

- أنتِ دخل عليكى الحركتين دول, أبوكى عمل كده يا حبيبتي علشان يهرب من المواجهة, أبوكى بيخونى يا سهيلة ومع ستات وبنات أقدر ما يمكن, هو أنا لسه هعرفه النهاردة, دى عشرة عمر مهيب, كله نزوات وعلاقات وحاجة تقرف , بس للأسف عرفت كل حاجة متأخر .

ظهرت آثار تلك الكلمات على وجه سهيلة.

\*\*\*

د/إبراهيم يجلس على السرير بعدما تخلص من تلك العصبية المصطنعة التى يُجيد تمثيلها ببراعة , على وجه اهتمام بالغ وفى يديه هاتفه الخليوي, يعاود الاتصال بـ د/ سنوسى مرة أخرى, تلقت أذناه تلك الرسالة الحمقاء التى يكرهها فالتفت الذى يحاول الاتصال به ربما يكون مغلقًا أو غير مُتاح!!

- وبعدين بقى, غريبة الحكاية دى!!

تَأَفَّفَ فِي سَنَمٍ وَاَنْزَلِقِي فِي السَّرِيرِ وَاضْعًا رَأْسَهُ عَلَى الْوَسَادَةِ مُحَاوَلًا النَّوْمَ.

\*\*\*

الجمعة -2011/6/17

الساعة السابعة صباحًا.

دكتور إبراهيم نائم على سريره داخل غرفة نومه، يتجول في أحلامه، عقله الباطن يبني على ذلك الحدث الأخير الذي حدث له " مكالمة د/سنوسي " أساطير وحكايات، عينه تتحرك تلك التحركات السريعة التي تبدو كتشنجات، إذاً هو الآن داخل أحد المغامرات بصحبة د/السنوسي، هاتفه الخلوي يصرخ بتلك النغمة المقززة التي خصصها هو للدكتور سعيد نائبه بتلك المستشفى النائبة، صوت الهاتف المزعج اخترق أحلامه بوقاحة شديدة واخطت بها دون الاهتمام بحرمة ذلك الحلم الذي هيأه له عقله الباطن، الهاتف مستمر في بث نغمته المملة، وكزته زوجته بكوعها فكادت أن تخرق جانبه الأيمن من شدة الوكزة، أخبرته بصوتها الأجش الغليظ.

- يا ترد يا تقفل الزفت ده علشان عاوزه اتخدم.

فتح أبواب عينه ببطء وهو يزفر من المتصل الذي يعلمه بالتأكيد من النغمة المملة المخصصة له والتي تشبه بالفعل، حرك يده إلى الكومود المجاور له، أمسك بالهاتف واقترب به من أذنه وهو يُردد بصوتٍ خافت " عاوز إيه يا دكتور زفت على الصبح " .

ضغط على زر الاتصال وبصوت يوحى بمدى الضجر الذي يشعر به تجاهه أجاب.

- أيوة يا سعيد في إيه؟؟

اتسعت عيناه فجأة ونهض بسرعة فائقة جالسًا نصف جلسة فيبدو أن دكتور سعيد أخبره بشيء ما غير محمود.

- نعم!!! يا خبر اسود , إنت متأكد يا سعيد , يعنى أنت هناك , يادى المصيبة السودة, أنا جاى حالاً, لا لا لا , مسافة السكة.

أغلق الهاتف وانتفض من على السرير راکضاً تجاه خزانة الملابس ليستبدل ثيابه, زوجته تبتسم بشماته وهى تُردد بصوت خافت جداً.

- أحسن, إشرب بقى شوية.

## ( الفصل الثانی )

دكتور إبراهيم داخل سيارته، يتشبث بعجلة القيادة بقوة زائدة أدت إلى بروز عروق كَفَيْهِ بشكل مخيف ، أطرافه ترتعش بشكل لا إرادي، لا يستطيع فرض سيطرته عليها، يميل بنصف جسده إلى الأمام في وضعية تَنَمُّ عن مدى الضغط الشديد الواقع هو تحت تأثيره، يقود السيارة بسرعة جنونية وكأنه داخل حلقة مغلقة مخصصة لسباق السيارات، المؤشر الخاص بعدد السرعة يتقدم إلى الأمام بشكل هستيري دون أن يُعيقه أى شيء، ضربات قلبه في تصاعد وتزايد سيؤدي حتمًا إلى ارتفاع ضغط دمه وربما لن تصمد شرايينه تحت ذلك الضغط الهائل فتنفجر بحملها الزائد، الدكتور إبراهيم ليس هو الدكتور إبراهيم الذى اعتاد عليه الجميع فقد غدا دُمِيَّة بلهاء مصنوعة من القماش البالى بين يدي القلق يُحركها ويتلاعب بهما كيفما شاء، يحرك يديه من حين إلى آخر ليرفع عيناته العملاقة التى تنزلق كثيرًا بسبب قطرات العرق التى تكسو وجهه بوحشية، شوارع المدينة خاوية تمامًا من المارة فلم يلمح أى شخص منذُ أن تحرك بسيارته وهو فى طريقه إلى المستشفى فى ذلك الوقت المبكر، يبدو أن ما أخبره به دكتور سعيد ضرب جهازه العصبى بشكل جعله فى حالة عدم تركيز، بصوتٍ خافت بالكاد يُسَمَع هَمَسَن إلى نفسه.

- استرها معايا يارب، أنا مش عاوز يهدله فى آخر أيامي، أنا عارف إنى عملت حاجات كتيرزى الزفت بس أنا مش عاوز يهدله أنا مهما كان مدير مستشفى برضو.

ظل يتابع القيادة وهو يحاول أن يُطمئن نفسه ويخبرها بأن كل شيء سيصبح على ما يرام، البنائيات السكنية من حوله بدأت تشح تدريجيًا إذاً فهو أصبح على مقربة من مبنى المستشفى، ظل منطلقًا بسيارته حتى وصل إلى طريق طويل مُمهَّد، يتلوى كتعبان يزحف على الأرض ، طريق فى نهايته ذلك المبنى المزوى عن المدينة، مبنى المستشفى.

ارتفع صوت حشرجة موتور السيارة وصنعت العجلات سحابات ضخمة من الغبار والتراب خلف السيارة، سحابات قادرة على حجب الرؤية تمامًا، استمر فى الركض بتلك السرعة الجنونية حتى وصل إلى بوابة المستشفى الحديدية، هنا ارتفع صِراخ

العجلات وهي تحاول التفاوض مع الأسفلت لتتوقف السيارة بعدما احتضنها الكابح بقوة.

توقفت السيارة أمام مبنى المستشفى مباشرةً المكون من طابقين، لون وجهته الخارجية مائل إلى اللون الأبيض، أمامه توجد بوابة حديدية كبيرة تمر من خلالها سيارات الإسعاف وسيارات العاملين للدخول إلى الحرم الخاص بالمستشفى، بجوار تلك البوابة الحديدية الكبيرة حجرة ضئيلة بها مكتب صغير، إنها حجرة رجال الأمن الذين لا يزيد عددهم في الغالب عن اثنان في الفترة الصباحية وواحد فقط في الفترة المسائية، بعد البوابة الحديدية عدة أمتار ستحتاج لصعود خمس درجات تصاعدياً لتصل إلى الباب الزجاجي الشفاف الخاص بالمبنى، أعلى تلك البوابة الزجاجية تُبتت لوحة بيضاء رُسمَ عليها باللون الأحمر هلال كبير إلى حدٍ ما بجواره نقش خطاط مُتمرس اسم المستشفى، النوافذ الزجاجية تناثرت على وجهة المبنى كما تتناثر الحبوب على وجوه المراهقين، أجهزة التكييف بارزة بجوار بعض الشبابيك في الأماكن الهامة بالمستشفى كغرفة المدير طبيعاً.

بسرعة فائقة خرج الدكتور إبراهيم من السيارة، مَحَّ أَنْ هناك سيارتين أمام البوابة الخارجية واحدة منهم ترجع ملكيتها للدكتور سعيد نائبه أمَّا الأخرى فمجهولة الملكية بالنسبة له، كل هذا لا يهم فهناك مُصيبة قابعة في انتظاره، هرع كالمجنون إلى داخل المستشفى، كان يركض بسرعة لا تتناسب مع سنه الذي أوشك على الخامسة والخمسين، سرعة تُشعرك أنه يحاول الفرار من حيوان مفترس يبغى الفتك به، وصل إلى الكاونتر الخشبي الذي يبعد أمتار قليلة عن البوابة الزجاجية، هناك وجد حسن موظف الاستقبال في الفترة المسائية يجلس على مقعد مستطيل من الخشب " دِكَّة خشبية " مجاور للكاونتر، يُطأطي رأسه ويدفنها داخل كفيه، كانت عيناه تدمع وجسده يرتجف، حسن كان موجوداً بالأمس وقت وقوع الجريمة لذا يجب أن أتحدث معه ليخبرني بما حدث، هذا ما يدور في عقل و صدر دكتور إبراهيم حينما رآه، انطلق صوبه، وكَّزُه في كتفه فرفع حسن رأسه ببطءٍ ثم هبَّ واقفاً حينما اكتشف أنه دكتور إبراهيم مدير المستشفى، بشيء من العجالة التي لم تخلو من الخوف الشديد والتوتر سأله دكتور إبراهيم عما حدث أمس، فوجيء بأن حسن انخرط في نوبة شديدة من البكاء وبدأ يُتمتم بكلام غريب لم يستطيع هو تفسير أى شيء منه فردَّعه بصرامة شديدة .

- أنا مش فاهم حاجة بطل عياط وفهمنى إيه اللى حصل، دى جريمة قتل مش لعب عيال.

- والله العظيم أنا ما أعرف اللى حصل ولا عارف حتى مين اللى قتلها، أنا معرفش حاجة، معرفش حاجة.

- أمال مين اللى يعرف؟؟ مش إنت اللى كنت هنا امبارح؟؟ إيه ده إنت إيه اللى معورك كدة، أنا ما كنتش واخد بالى!!!

رأس حسن ملفوفة بضمادة من الشاش الأبيض، على جبهته هناك بقعة كبيرة حمراء ربما دمائه صبغت الشاش بذلك اللون، وربما هو لون "المكروكروم" الذى استخدمه لتطهير الجرح أو ربما هو فحّ نصبه حسن ليتوارى خلفه!!!، كل هذه التخييلات جاءت فى رأس دكتور إبراهيم حينما نظر إليه، فى البداية لم يلاحظ ما فيه حسن بسبب الضغط العصبى الشديد الذى يقع هو أسيرًا تحت رحمته.

- أنا فى حد أقرع كان لابس قناع فانديتا ضربنى على دماغى بعدها ما حستش بحاجة لحد الصبح، ولما فوقت لقيتها مقتولة فى أوضة النبطشية.

قال حسن جملته الأخيرة فى انهيار تام لدرجة أنه حينما وصل إلى كلمة "النبطشية" ظل يلطم صدغيه دون رحمة، نَهَرَ دكتور إبراهيم ثم سأله هل قاموا بإبلاغ الشرطة أم خبر الجريمة لم يخرج حتى الآن خارج أسوار المستشفى.

- أيوة وهما فوق بيرفعوا البصمات فى أوضة النبطشية.

- دكتور سعيد فين؟؟

- فوق معاهم.

- طب أنا طالعلم.

هَرُؤَل دكتور إبراهيم تجاه السلالم الداخلية للمبنى ليصعد إلى الدور الثانى، لم يلاحظ وهو تحت تأثير صدمة الخبر أن حسن استبدل ملابس عمله "اليونيفورم"

بملابسه الشخصية!!! هو قد ذكر له أنه ضُربَ على رأسه بالأمس فأغشى عليه إداً ضُربَ أثناء فترة عمله بالمستشفى أى أنه من المنطقى كان يرتدى زى العمل الخاص بالمستشفى " البنطال الكحلى والقميص الأزرق ", أخبره أيضاً أنه حينما استعاد وعيه وجدها مقتولة داخل غرفة النبطشية وبالطبع أبلغ الجميع إداً متى استبدل ملابس العمل بتلك الملابس وأى أعصاب ستتحمل وعقل يُفكر باستبدال الملابس مع تلك الفاجعة ثم إنه لماذا هو مضطر إلى ذلك؟؟ هناك سر وراء حسن لم يُكتشف بعد!!!

\*\*\*

أمام غرفة " النبطشية " يقف كل من د/سعيد، د/حسام على بعد خطوات من باب الغرفة بأمر من رجال البحث الجنائى لمتابعة عملهم، تجلس يارا القرفصاء، تستند بظهرها على الحائط، تبكى بحرقه شديدة وكأنها فقدت والديها معاً دفعة واحدة، تُردد بصوت حزين .

- ياريتى ما كنت سيبتك يا رنا، ياريتى ما سيبتك وروحت يا رنا.

بجوارها جلست ممرضة بدينة وصلت المستشفى للتو، تُحاول تهدئتها، د/إبراهيم يقترب من ذلك التجمع، تحرك اتجاهه كل من دكتور سعيد وحسام حينما رأوه زلفة ليلتقوا به فى منتصف المسافة الواقعة بينهم.

- حد يفهمنى بقى إيه اللى حصل؟؟

سألهم دكتور إبراهيم بلهفة وتوتر شديد فأجابه د/حسام سريعاً وهو يُحاول أن يُبعد أى شبهة عنه.

- أنا لسه جاى حالاً، أنا عندى نبطشية النهاردة فى المستشفى شغال طوارئ.

نظر د/إبراهيم صوب د/سعيد فأجابه.

- حسن اتصل بيّا الساعة ستة الصبح تقريباً وبلغنى أنه لقي رنا مقتولة الصبح فى أوضة النبطشية.

صفع جبهته بيداه حينما تناولت أذنه ذلك الكلام الغريب.

- يعنى إيه لقاها مقتولة مش هو اللى كان متزفت بايت هنا!!

- بيقول حد ضربه على دماغه ولما صحى لقاها مقتولة.

- الكلام ده مش داخل دماغى يا سعيد.

تناولت أذنه بكاء ونواح يارا وهى لا تزال تُردد بصوت كاد أن يكون على شفا  
الانهيار.

- ياريتنى ما كنت سيبتك يا رنا، ياريتنى ما سمعت كلامك.

تأملها د/إبراهيم وتأملَ كلماتها التى تَنمُّ عن شىء ما.

- هى يارا كانت نبطشية معاها يا سعيد.

- آه، بس أنا لما وصلت الصبح لقيتها لسه واصلة!! دى كانت حتى مش لابسه  
اليونيفورم بتاع المستشفى، واضح إنها ما كانتش موجودة فى المستشفى امبارح وقت  
النبطشية واللى بياكد كلامى إنها عماله تقول ياريتنى ما كنت سيبتك يا رنا.

لمعت عين د/إبراهيم قبل أن تتجه إلى أعلى اليسار، فى علم لغة الجسد إذا  
تحدثت إلى شخص ورأيت عيناه تتجه أعلى يساره فاعلم أنه يستعيد شيئاً أو صورة  
ذهنية من الماضى أى أنه فى تلك اللحظة يُقلب فى ملفاته العقلية عن كل الأحداث  
المتعلقة بالثىء الذى يتحدث معك فيه، أمّا إذا اتجهت عيناه أعلى اليمين فاعلم أنه  
يكذب ويخلق أحداث لأن العين لا تذهب إلى أعلى اليمين إلا فى الكلام المتعلق  
بالمستقبل.

- مالك يا دكتور؟؟

سأله دكتور سعيد.

- حسن.
- ماله؟؟
- ما كانش لابس اليونيفورم هو كمان لما أنا دخلت، واضح كمان إن حسن ما كانش فى المستشفى وموضوع الضربة اللي على دماغه دا فيلم. ينظر له دكتور سعيد بترقب شديد.
- هى الشرطة لسه ما حقتش معاهم؟؟
- الشرطة لسه ما جاتش اللي وصل بتوع المعمل الجنائى وبيرفعوا البصمات.
- الشرطة اتأخرت أوى ليه كده، أنا وصلت قبلهم.
- فعلاً تأخروا جدًا.
- هو مين اللي كان نبطشى إمبرح؟؟
- دكتور عصمت.
- بمجرد أن سَمِعَ الأسم، اتسعت حدقته وارتفع حاجبيه سويًا، ردد اسمه مرة أخرى بصوت هادىء ممطوط وكأن هذا الدكتور الذى يدعى عصمت كان يتربص لها، أردف سعيد بصوتٍ كفحيح الأفاعى.
- صح يا دكتور إبراهيم.
- هو إيه اللي صح؟؟
- اللي بتفكر فيه، لوربتنا الأحداث بمنطقية هتلاقى إن الممرضة ما كانتش موجودة وحسن إضرب على دماغه يبقى مفيش إلا عصمت، بعدين حضرتك عارف إنه كان على خلافات شديدة مع رنا الله يرحمها ولا أنت شايف إيه؟؟

رمقه دكتور إبراهيم بخبث شديد بدا فيه كالضبع الماكر.

- فعلاً يا سعيد عندك حق بس برضو ما تنساش إن إنت كمان كان في بينك وبينها خلافات ومشاكل، على الأقل اللي كان بينها وبين عصمت كان بمزاجها إنما اللي كان بينك إنت وبينها كان غصب عنها، دا ما فاتش أسبوع على آخر مرة لما هَزَقْتَك في الكافتريا ولا نسيت، دا غير طبعاً فَتَاك المُدَلِّل اللي اسمه حسن اللي واضح إنه ما كانش موجود في مقر عمله وقت وقوع الجريمة، يعني دى لوحدها قضية حتى ولو مش هو القاتل، ساعتها بقى هيتكلم وهيقول على كل حاجة.

ظهرت آثار تلك الكلمات القاسية على وجه الدكتور سعيد الذي بهت لونه فجأة، ابتلع ريقه مُصدراً صوتاً مسموعاً، ابتسم ابتسامة صفراء باردة رغماً عنه مُحاولاً أن يُبدد الشعور الغريب الذي تسلل إليه رغماً عنه، دكتور إبراهيم يتابعه بعيناه الجاحظة القوية، ظهر حسن فجأة بعدما صعد السلالم ليُخبرهم بأن الشرطة قد وصلت أمام باب المستشفى.

obeikandi.com

## ( الفصل الثالث )

أمام مبنى المستشفى تقف سيارة ملاكى حمراء اللون، أعلى يمين زجاج السيارة الأمامى لُصقت شارة مربعة داخلها صورة لميزان أسود اللون، خلفه مباشرةً خطان يقطعان منتصف الصورة بميل منتظم، أحدهما لونه أخضر والأخر أحمر، نُقش فوق صورة الميزان الأسود على رقعة بيضاء كلمة " النيابة العامة "، فُتِحَ باب السيارة ليخرج منها شاب فى أوائل عقده الثالث، طويل القامة، جسده متناسق جدًا كأنه مانيكان لعرض الأزياء، بشرته بيضاء بياض لامع فيُخيل إليك أنه يضع مادة دهنية تُعطيه ذلك اللمعان الملحوظ الذى يشعرك أنه مخلوق من الشمع، يُصفف شعره الناعم بعناية فائقة جدًا تبقيه متألقًا داخل إطار الوسامة الذى اعتاد عليه، يرتدى عيونات تُعطيه مظهر جذاب، ملامحُه المصرية تنمُّ عن نَعْرَة الرجولة التى يتسم بها كالشجاعة والإقدام فلا يمكن أن يُسلب حق مواطن أمامه ويمر الأمر مرور الكرام، حينما تراه للمرة الأولى ستجد نفسك تُردد كلمة " ابن ناس " بشكل لا إرادي، يرتدى بذلة سوداء وكرافتة منقوشة ليبدو وسيم للغاية، إنه شريف موسى وكيل نيابة.

خلف تلك السيارة الحمراء يوجد سيارة شرطة " بوكس "، يقودها شاب رفيع ممصوص، عيناه لا تكف عن الحركة والترقب طوال الوقت، يعمل لدى جهاز المباحث ويدعى الأمين مؤمن ، بجواره جلس رجل فى منتصف الثلاثينات، يرتدى بنطال وقميص أنيق، على وجهه نظارة شمس سوداء، حواجبه كثيفة الشعر ولديه شارب كث، منتصف جبهته يوجد علامة صغيرة داكنة اللون دليل على كثرة السجود، جسده متناسق رفيع إذا استثنينا ذلك الكرش البارز إلى الأمام الذى يبدو غير ملائم مع جسده الرفيع فيبدو فيه وكأنه فتاة نحيفة جدًا فى شهرها الأخير قبل ولادتها، شعره خشن وكثيف، لا يهتم تقريبًا بتصفيفه فهناك أمور أكثر أهمية من الاهتمام بتصفيف الشعر وتهذيبه، هكذا كان يُفكر سليم أبو فرحة رئيس المباحث الذى كُلفَ بالتحقيق فى بلاغ جريمة القتل التى تمت فى مستشفى مدينة 15 مايو، سليم أبو فرحة رجل يُقدس عمله ويعتبره أهم شىء فى حياته، أهم من زوجته وأهم من أطفاله الذين يعيشون معه حياة عسكرية لا ريب فيها، حياة تحكمها قوانين صارمة وضعها هو ثم عَزَمَ على تنفيذها بقبضة من

حديد، فهناك مواعيد محددة للطعام والنوم والاستيقاظ حتى في أيام الإجازات، قراراته صارمة معهم فتبدو أقرب إلى فرمانات عثمانية لا رجعة فيها أبداً حتى وإن كانت خاطئة، ما دام قد أصدر القرار فعلى الجميع تنفيذه، هذه هي معاملته مع أفراد أسرته فماذا ستكون معاملته مع المتهمين والشهود الذين يحقق معهم، قدراته جعلته يرتقي في عمله حتى وصل إلى رئيس مباحث، يتمتع بذكاء حاد يظهر في لمعان عيناه حينما يضع تركيزه في شيء، يسيطر عليه دائماً إحساس الشك ويتعاضم هذا الإحساس حينما يشرع في حل أي لغز لجريمة ما، يشك في كل شخص حتى في نفسه لحين يثبت له أنه برىء، الكل مُدان حتى يثبت العكس هذا كان مبدأه الذي لم يقتصر على حياته العملية بل توغل في حياته كلها بشكل عام.

جلس في الصندوق الخلفي لسيارة الشرطة الأمين "فتحي"، أمين شرطة يعمل في جهاز المباحث التابع لقسم المدينة مع الضابط الصارم سليم أبو فرحة، يرتدى زي مدني يعكس مدى ضخامته الجثمانية، أسود اللون وملامحه قريبة من ملامح "الشاويش عطية" إذا تجاهلنا أنه أبطش الأنف، جاحظ العينين، لديه ندبة كبيرة على رقبته تُخلد تلك الذكرى المُشرّفة التي تمكن فيها من القبض على مجرم هارب من العدالة، جسده صلب كأجساد لاعبي إفريقيا لكرة القدم، جسد متين فتشعر أنه عبارة عن صلبه أسمنتية تمشي على الأرض، شعره خليط بين الأبيض والأسود، له لهجة صعيدية صارمة تنم عن جليده وشدته مع كل من يستحق، أمامه جلس الأمين "راضى"، أمين شرطة آخر، جسده متناسق، خمري اللون، بشرته أقرب إلى النسكافيه، لديه شارب رفيع كالكرباج السوداني الذي لم يُضرب به أحد حتى الآن، يصف شعره الكثيف بعناية، يرتدى عيونات شفافة تظهر أسفلها عيناه خضراء اللون، على وجهه يبدو الذكاء الشديد.

خرج دكتور إبراهيم عبر البوابة الزجاجية وبصحبه دكتور سعيد ودكتور حسام، تقدم صوب قوة الشرطة التي جاءت للتحقيق في جريمة القتل، في الوقت الذي أوقف فيه وكيل النيابة موتور سيارته ووطأ الأرض بقدميه كان سليم وأمنائه يتصدرون المشهد أمام مدير المستشفى ومن معه، مدد دكتور إبراهيم يده مصافحاً رئيس المباحث فنظر إليه بقوة وبملامح وجه صارمة لا تنم عن خير أبداً بعدما نزع نظارته الشمسية من على وجهه ليكشف عن عيناه السوداء الحالكة، لم يمد يده ليصافحه فسحب

دكتور إبراهيم يده بإحراج شديد، لم يُعنيه ذلك الإحراج الذي سببه للدكتور إبراهيم فقط ظل ينظر للجميع بنظرات شك مُقَيِّتة دفعت شعور غريب بالخوف يتسلل إلى أجسادهم، علاوة على أن عين سليم كانت مليئة بالمكر والدهاء الشديد.

- في بلاغ جه من المستشفى بيقول إن في جريمة قتل حصلت هنا، الكلام ده مضبوط.

- قالها سليم بحزم شديد وبلهجة تُترجم للجميع قوة شخصيته وتُجسد تلك الكاريزما التي امتاز بها.

- مضبوط يا باشا.

- إنت اللي بلغت.

- سأله سليم وهو يُشير إليه بإصبعه المنتصب تجاهه، اقتحم دكتور سعيد الحوار.

- لا يا باشا، أنا اللي بلغت.

- نظر إليه سليم بقوة وصرامة.

- إيه اللي حصل بالضبط؟؟

- أنا اتصل بيبا حسن الصبح قالي إنه لقي رنا الممرضة مقتولة في أوضة النبطشية.

- حسن!! مين حسن؟؟

- دا المسئول عن المسائل الإدارية في الفترة المسائية ويعتبر أمن برضو.

- اقتحم وكيل النيابة الحوار موجهاً كلامه إلى دكتور إبراهيم.

-عاوز أطلع على الأوضة اللى تمت فيها جريمة القتل.

-حاضر يا باشا، اتفضلوا معايا، دا حتى رجالة المعمل الجنائى فوق.

-رجالة المعمل الجنائى وصلوا قبل أنا ما أوصل ، برافو، حاجة تضاف لهم فى

السيرة الذاتية.

قالها سليم بنوع من العظمة وهوهم بالدخول مع الأمناء ووكيل النيابة إلى

داخل مبنى المستشفى.

\*\*\*

داخل مبنى المستشفى وقبل صعود الدور العلوى حيثُ غرفة النبطشية، توقف رئيس المباحث عن متابعة السير فجأة، ينظر حوله، يتجول بعيناه فى كل متر داخل مبنى المستشفى وكأن حسه الأمنى يُخبره بأن هناك أمرًا ما غير طبيعى، تضيق عيناه بخبث شديد وكأنه يعترض رأسه ليصطفى منها عصارة الأفكار، دكتور إبراهيم يلاحظ تلك التغيرات التى بدأت تظهر على سليم أبو فرحة، الكل يتجه إلى السلالم حيثُ الدور الثانى وغرفة النبطشية عدا دكتور إبراهيم الذى توقف عمدًا ليسأل سليم عن سبب توقفه وبحثه الدقيق، أجابه وهو مازال يتجول بعيناه داخل المكان.

-إيه يا دكترة هو الوقوف هنا ممنوع ولا إيه؟؟

-لا ما أقصدش أنا بس...

تركه سليم وهو يتكلم متجهًا ناحية الكاونتر الخشبي، جلس القرفصاء، دقق النظر فى بقعة حمراء جافة على الأرض بجوار الكاونتر، حَكَّها بيده قبل أن يستنشقها، اقترب منه دكتور إبراهيم ليسأله بصوتٍ هادئٍ ما هذه البقعة الحمراء الصغيرة؟؟، أجابه سليم بطريقته الساخرة.

-عصير فراولة.

-نعم!!

-هيكون إيه يعنى يا دكتورا، بقعة دم طبعًا، يا من المتهم يا من المجنى عليها، هو المكتب ده بتاع مين؟؟

-حسن.

-حسن تاني، حلو أوي، واضح أن أبو على مشواره طويل معايا، مش ده اللى بلغ على الجريمة.

-ده اللى بلغ دكتور سعيد، ودكتور سعيد اللى عمل البلاغ .

-تمام، فين بقى الشبح ده ولا هو بلغ سعيد وخلع.

-لا يا باشا أنا لما جيت الصبح لقيته بس كان مخبوط على دماغه ومتعور فمممكن يكون الدم ده من الجرح اللى فى راسه.

-هنشوف كل حاجة ما تستعجلش، أنا متشوق للجريمة دى أوى وحاسس كدة أنى هاخذ بسببها ترقية.

ينظر له دكتور إبراهيم باستغراب شديد.

-يالاً علشان زمان شريف بيه فى أوضة النبطشية.

تركه سليم وانصرف فى الوقت الذي لَمَحَ فيه على وجهه المستفز ضحكة صفراء خبيثة لا يعلم منها هل هو يحاول فقط إثارة أعصابه أم أنه يعلن من خلالها عن إضافة اسم جديد فى كشف المشكوك بهم فى ارتكاب الجريمة.

\*\*\*

غرفة النبطشية بها رجلان من رجال المعمل الجنائى يتابعون عملهم فى هدوء تام، أحدهم يقوم برفع البصمات والأخر يقوم بتصوير الجثة ومكان وقوع الجريمة، وكيل

النيابة يتفقد وحيداً غرفة " النبطشية " , يترجل داخل مسرح الجريمة كيفما شاء, يضع يده اليمنى حول خصره والأخرى يَحْكُ بها ذقنه وهو يُشاهد كل شيء بتمعن شديد, أمناء شرطة المباحث يقفون على باب الغرفة يمنعون أى أحد من العبور حتى وصل سليم أبو فرحة واقتحم مسرح الجريمة لِيُعَاينها هو الآخر بتمعن شديد.

وكيل النيابة يقترب بوقار شديد من السرير الراقد عليه جثة المجنى عليها, يمد يده ويُزج الغطاء " الملاءة التى تغطى الجثة " ليكشف عن وجهها, ها هى رنا تظهر أمامه مفتوحة العينين والضم, وجهها أزرق دليل على عدم وصول الأكسجين للمخ, ترتدى زي المستشفى المُخصص للممرضات, نظر لها وكيل النيابة بثبات دون أن يُحرك عيناه بعيداً عنها فقد اعتاد على مشاهدة تلك الأشياء, بجواره يقف رئيس المباحث يشاهد الجثة هو الآخر بتمعن شديد, تضيق عينه لما يراه, ليس تأثراً بحالها ولكن تضيق وهو يشرع فى البحث عن أول خيوط الجريمة, اقترب أحد رجال المعمل الجنائى من وكيل النيابة ورئيس المباحث ويحمل فى يديه كيسين من البلاستيك مُخصصة لوضع أدوات وأدلة الجريمة بداخلها.

-الوفاة جت نتيجة عملية خنق عنيفة جدًّا منعت وصول الأكسجين للمخ وهى اللى أدت للوفاة.

قالها رجل المعمل الجنائى وهو يمد يده تجاه الجثة مُشيرًا إلى تلك العلامة الحمراء البادية على رقبتهما التى تدل على أن هناك عملية اختناق تمت بعنف شديد, رمق وكيل النيابة تلك الأثار ثم ترك الملاءة لتسقط وتحجب جثة رنا عن الرؤية, مدَّ رجل المعمل الجنائى يده بالكيس البلاستيكى الأول إلى وكيل النيابة فأخذه منه يطلع عليه, بداخله هاتف خلوى ولكن مبعثر, البطارية تمردت على الهاتف وانفصلت عنه, الغلاف البلاستيكى أيضاً للهاتف استقل بذاته فابتعد عنه نهائياً, رفع وكيل النيابة الكيس إلى أعلى وكأنه طبيب يطلع على أشعة أحد المرضى بالقرب من لمبات النيون.

-التليفون ده كان واقع جنب السرير ومفكوك من بعضه, تقرببًا كان على الكومود اللى جنب السرير ده ووقع نتيجة اشتباك.

-اشتباك!!

-آه، المعاينة الأولى للفوضى اللى كانت فى مسرح الجريمة بتقول إن كان فى اشتباك قبل وقوع الحادث، ممكن كانت نوع من أنواع الدفاع عن النفس، كمان كان فى كمية ورق أبيض مبعثر على الأرض بشكل عشوائى.

-تمام، أكيد ده تليفون المجنى عليها، ارفعوا البصمات اللى عليه واتأكدوا.

-التليفون ده مش بتاع رنا.

الكلمة كانت مباغته، التفت الجميع صوب يارا الباكية وهى تُردد تلك الكلمات المؤثرة فى اتجاه سير القضية .

-أمال بتاع مين التليفون ده؟؟؟

سألها رئيس المباحث فأجابته بصوتها الحزين " دكتور عصمت".

-مين دكتور عصمت؟؟

سألها رئيس المباحث مرة أخرى فأجاب دكتور إبراهيم بسرعة فائقة دون أن يعطها أى مجال للرد وكأنه يريد إثبات شىء معين ضد ذلك الطبيب.

-دكتور هنا فى المستشفى، وبالمناسبة كان نبطشى إمبراح، بس المستشفى كلها عارفة أنه على خلاف مع المجنى عليها.

نظر صوب دكتور سعيد بطرف عينه ثم أردف.

-زى ناس تانية كتير لهما برضو معاها خلافات.

سرعة رد فعل دكتور إبراهيم وإجابته السريعة التى كانت دون تفكير تقريباً وتلك الإضافة التى تعمد إضافتها " كان نبطشى إمبراح " ليضعه فى دائرة الشك جعلت سليم أبو فرحة يُكون الانطباع الأول عنه، دكتور إبراهيم متورط فى تلك القضية لا محالة!!!

رجل المعمل الجنائى مدّ يده لوكيل النيابة بالكيس البلاستيكي الثانى وفيه أشياء  
”مج“ من الصينى.

- ده مج لقيناه مكسر جنب السرير أعتقد برضو أنه سقط من على الكومود  
نتيجة الاشتباك.

انتزع سليم رئيس المباحث الكيس الثانى وظل يشاهده بين يديه، يتطلع إليه وسط  
نظرات رجل المعمل الجنائى التى يتعجب فيها من حماس سليم أبو فرحة وانتزاعه  
الكيس بهذه الطريقة ولكنه فى الوقت نفسه اعتاد على هذه التصرفات الغربية من  
رجال المباحث خاصة المتحمسين دائماً منهم.

أتاهم صوت يارا مرة أخرى مباغتاً.

- الكوباية دى كمان بتاعت الدكتور عصمت.

بمجرد أن سمعَ دكتور إبراهيم ذلك الاسم ثانية أشار تجاه يارا بلامح وجه من  
وجد فرصة للنجاة.

- شفت يا باشا، دكتور عصمت تانى أهو.

- واضح أن رنا دى ما كانتش بتحب تزعل حد فى نبطشيته.

- بلاش الكلام ده يا باشا، إنت دلوقتى بتتكلم عن واحدة ميتة.

قالتها يارا وعيناها ممتلئة بالدموع فنهرا سليم بحدة وبقوة ليمتلك من  
البداية زمام الأمور.

- جرى إيه يا بت، إنتِ هتعليمينى أتكلم إزاي ولا إيه؟؟

رجل المعمل الجنائى لوكيل النيابة.

-إحنا كدة تقريبًا خلصنا شغلنا في مسرح الجريمة , هنطلع دلوقتى على المعمل الجنائى نرفع البصمات ونطلع التقرير النهائى.

-كويس جدًا، أنا عاوز التقرير يكون على مكتبى فى النيابة بأسرع وقت علشان أقارنه مع تقرير الطب الشرعى لما يوصلنى بعد تشريح الجثة.

-تمام يا باشا، التقرير هيبقى فى النيابة فى أسرع وقت.

أوماً إليّه برأسه فى هدوء ووقار يتناسب معه كرجل يعمل فى النيابة العامة، انسحب رجال المعمل الجنائى بعدما أخذوا متعلقاتهم وأدلة الجريمة فى أكياسها الشفافة.

وكيل النيابة بدأ يوجه التعليمات إلى رئيس المباحث.

-سليم باشا، ياريت تخلص الاستجواب المبدئى بتاعك والتحقيق بشكل عام فى أسرع وقت وتحول الموضوع كله للنيابة.

-أكيد يا باشا فى أسرع وقت، ووعد كمان من سليم أبو فرحة أنه مش هيحول القضية دى إلا وهو قابض على الجانى ومعترف بكل المتورطين معاه.

أنهى كلماته وهو يحدق النظر فى دكتور إبراهيم فتعرق جبهته وراح التوتر الشديد يضرب جسده بلا هوادة.

-كويس جدًا، ما تنساش كمان تبعت الجثة لمصلحة الطب الشرعى علشان تتشرح ويسلمونا التقرير.

-اعتبره حصل سعادتك.

أوماً برأسه قبل أن يترك الغرفة وينصرف فى هدوء، دَسَّ رئيس المباحث يده فى جيبه وأخرج علبة السجائر، انتشل منها واحدة ووضعها بين شفتيه، اشعلها وهو يرمق الجميع بحدة، سحب نفسًا طويلًا ثم صنع سحابة مؤقتة من الدخان أمام وجهه.

-كده دور البحث الجنائي انتهى، ودور النيابة كمان انتهى، ودورى أنا يادوب هيبدأ هو، معلومة ليكم كلكم، أكثر حاجة بتعكر مزاجى إنى أصحى بدرى يوم الجمعة علشان ده أجازتي، فأنا صحيت، وجيت، بس مقريف ومزاجى زفت، فاللى هيتعاون معايا هيبقى حبيبي إنما بقى اللى هيعمل بُرم ويقعد يلف ويدور ويحور همهدل أمه، أنا لا ييفرق معايا صحافة ولا إعلام، ولا اعرف حاجة اسمها حقوق إنسان، مدام قررت تلعب معايا قط وفار، إلعب أنا مش هقولك لأ، بس استحمل لعبى أنا كمان، وعلى فكرة أنا لعبى غبي وما بهزرش، إنتم سامعين ولا مش سامعين، أدينى قُلت أهو، اللهم بلغت اللهم فاشهد.

سحب نفس من سيجارته وزفره قبل أن يعاود استكمال الحديث وبقايا الدخان الراقد في صدره يخرج مختلطاً مع كلماته الجامدة.

-دكتور إبراهيم، أنا محتاج عربية الإسعاف اللى في المستشفى علشان أنقل الجثة دى للطب الشرعى.

دكتور إبراهيم يتبادل النظر مع دكتور سعيد.

-إيه يا دكترة هتصوروا بعض كثير، عاوز عربية إسعاف.

قال نصف الجملة الأخير بحزم دفع دكتور إبراهيم لئُجيب عليه بتوتر وارتجاف شديد.

-ما هو، أصل، السواق مش موجود.

-آآآآه، خلاص، هخلى أمين الشرطة يشيلها على كتفه ويروح بيها لحد الطب الشرعى علشان تبقى مبسوط بس.

قالها بسخرية فأجابه دكتور إبراهيم بنبرة صوت مرتعشة.

طيب أنا مكن اتصل بيه واجيبه حالاً.

-واحنا بقى هنستنى سعادة البيه لحد ما يشرف.

- طب أعمل إيه أنا ما عنديش غير سواق واحد بس لأن العدد اللي شغال في المستشفى هنا محدود بعدين دا نادر جدًا لما تلاقي مستشفى فيها عربية إسعاف أصلًا.

- بقول إيه أنا مش جاي اشترى المستشفى، أنا عاوز انقل الجثة.

- طب أعمل إيه بس.

- أنا اللي هعمل يا دكترة، أمين فتحي.

- تمام يا فندم.

- بتعرف تسوق صح؟؟

- أيوة يا باشا.

- حلو أوي، هتشيل الجثة أنت وزميلك وتنقلها بعربية الإسعاف بتاعت المستشفى للطب الشرعي ولما تخلص براحتك خالص تطلع على القسم ولما سواق العربية يشرف براحته يبقى يجي ياخدها من القسم .

- تمام يا فندم.

شرع فتحي في الانصراف فاستوقفه سليم.

- فتحي، معلش نسييت حاجة مهمة، اللي يعترض طريقك اقبض عليه بتهمة تعطيل السلطات وخده على القسم روقه.

- أوامرك يا باشا.

انصرف الأمين فتحي ناحية الجثة، بمساعدة زميله الأمين راضى والدكتور حسام بدأ ينقل الجثة بالملاء التي تكسوها إلى سيارة الأسعاف، قبل أن يمسك الملاءة أو يمس أى شيء استوقفه الدكتور حسام ناصحًا إياه بارتداء جوارب حتى لا تختلط البصمات، ابتسم له فتحي قبل أن يرتدى القفاز هو وراضى ويقوموا بنقل الجثمان

على ذلك الترولى التى أحضرته تلك الممرضة البدينة التى جاءت فى الصباح للعمل فى نوبتيها يوم الجمعة، فى الوقت نفسه اقترب سليم صوب الدكتور إبراهيم، وضع يده على كتفه وكأنه لقاء حميم بين أصدقاء لم يلتقوا منذُ زمن بعيد، ترَجَّل معه خارج الغرفة وخلفهم الدكتور سعيد يحاول أن يَسْتَرِقَ السمع أمَّا يارا فجلست على باب الغرفة تُكمل البكاء.

-دكتور إبراهيم تعالى نطلع بره ندردش شوية ونسيب الأمانء يشوفوا شغلهم.

-حاضر يا افندم.

-كنت عاوز أعرف مين اللى كان موجود امبارح فى النبطشية مع المجنى عليها.

-الدكتور عصمت و حسن و غالبًا يارا الممرضة.

-غالبًا، حلوة غالبًا دي، متأكد إنك مدير المستشفى مش كده.

قالها بسخرية دفعت دكتور إبراهيم للتجهم.

-لأ ما تكشرش كدة يا دكترة من أولها، دا السكة لسه طويلة أوى أوى، أطول من الليلة السوداء .

تلعثم ولم يجد كلمات مناسبة للرد على سليم الذى يفرض سيطرته بالكامل على مجريات الأمور.

-دكتور إبراهيم أنا عاوز أروح على مكتبك علشان أحقق مع كل الناس اللى كانت موجوده إمبارح فى المستشفى.

هز رأسه فى استسلام تام.

\*\*\*

تلك الممرضة البدينة تدفع الترولى خارج المستشفى، على سطحه ترقد جثة المجنى عليها "رنا" ملفوفه بالكامل بملاءة السرير، ووضعت في سيارة الإسعاف بواسطة الأمين راضى والأمين فتحى الذى انطلق بسيارة الإسعاف لينقل الجثة إلى مصلحة الطب الشرعى.

\*\*\*

رئيس المباحث لا يزال يقف مع الدكتور إبراهيم والدكتور سعيد بالقرب من باب غرفة النبطشية، تصطدم أعينهم بولد صغير لا يتعدى عمره الخامسة عشر عامًا، يرتدى بنطال وتى شيرت رياضي، يقترب من غرفة النبطشية، يُدقق النظر في التجمع القريب من باب الغرفة، في يديه مجموعة من الجرائد والمجلات وعلى وجهه ترتسم ملامح الخوف والذعر الشديد، توقف فجأة حينما اجتاز تلك المسافة التى بينه وبين الدكتور إبراهيم وسليم أبو فرحة وبات قريبًا جدًا منهم، توقف فجأة وكأنه دمىة نفذت بطايرتها فجأة، نظر لهم فى سكون تام، تبدلت ملامحه الطفولية المذعوره إلى ملامح خوف جنونى لا يعلم أحدًا سببًا له، سليم هو أول من أدرك ذلك الإحساس الذى يتلفعه منذ اللحظة الأولى التى ظهر لهم فيها وهو فاقد السيطرة تمامًا على قدميه التى ترتعش دون تدخل منه.

- إيه يا عمرو مالك متنح كدة ليه؟؟

قالها دكتور إبراهيم فلم يُجيبه ذلك الفتى!! فقط ظل متيبسًا مكانه كتمثال من الشمع، لمعت عين سليم قبل أن تضيق كعادتها مألَ برقبته قليلاً وابتسم تلك الابتسامة الصفراء التى سبق وابتسمها للدكتور إبراهيم من قبل، اشتم سليم رائحة ما يعرفها جيدًا، رائحة تميزها أنفه حينما تكون هناك جريمة، ليست رائحة الخوف أو الأدرينالين وإنما هى رائحة شخص متورط فى الجريمة، هذا الولد يُخفى أمرًا ما خاص بالجريمة، أشار بإصبعه إلى عمرو بأن يأتي، رجع عمرو خطوة إلى الخلف فتناولت أذنه أمر من الدكتور إبراهيم.

-تعالى يا عمرو واسمع كلام سليم باشا رئيس المباحث.

اتسعت عيناه حتى بلغت اقصاها حينما سَمِعَ كلمة رئيس المباحث، ظل يرجع  
بيطء إلى الخلف حتى التقطت أذنه وقع أقدام شخص يأتي من خلفه، التفت فوجد  
الأمين راضي، أمره سليم بأن يحضر ذلك الفتى في الحال.

استنشق راضي كمية كبيرة من الأكسجين ملأها صدره قبل أن يركض تجاه  
عمرو دون تفكير فهناك أوامر من رئيس المباحث شخصيًا، ركض عمرو هو الآخر تجاه  
راضي حيثُ سُلِم الهبوط، قبل أن يُدركه انزلق على الأرض كلاعب كرة قدم يُحاول  
اختطاف الكرة من قدم خصمه، انزلق على الأرض عابرًا من بين قدمي راضي إلى الجهة  
الأخرى، استعداد توازنه وانطلق بسرعة قصوى ناحية سُلِم الهبوط، الوقت الذي  
استهلكه راضي للالتفاف إلى الخلف والنظر صوب عمرو كان ذلك الفتى الصغير يهبط  
درجات السلم برشاقة ومرونة بالغة، بأقصى سرعة بدأ راضي يركض خلفه، خرج ذلك  
الفتى من باب المبنى مُتجهًا إلى البوابة الزجاجية، راضي لم يستطيع أن يعدو بنفس  
سرعته فبمجرد أن وصل إلى بوابة المبنى الزجاجية كان الفتى وصل إلى البوابة الحديد  
الخارجية، هنا زعق راضي في الأمين مؤمن الذي يجلس بجوار سيارة البوكس يُدخن  
لقافة تبغ بأن يلحق بذلك الفتى ويقبض عليه في الحال، شدّد عليه في ذلك الأمر  
وأخبره بلهجة لا تحمل أي ذرة من المزاح أن هذه أوامر سليم باشا.

انتفض مؤمن وركض خلف ذلك الفتى السريع الذي يستمد سرعته من  
الأدرينالين الذي يُحفز عضلاته ويمدها بالقوة المطلوبة للهروب، يده تقطع الهواء وهو  
يركض بميكانيزم منتظم.

الأمين مؤمن يعدو خلفه بسرعه تقل قليلاً عن سرعة ذلك الفتى فلياقته البدنية  
ضلت طريقها إلى جسده منذُ زمن، عضلاته فقدت قوتها وجسده تنازل بالكامل عن  
مرونته، يركض وثرغره مفتوح عن آخره، يُحاول أن يلتقط أنفاسه برئة مُلأت شعبيها  
الهوائية برواسب دخان السجائر، قلبه الذي شآخ على الرغم من أنه لم يغادر  
الثلاثينات ينبض بقوة كبيرة جدًا يشعر معها مؤمن أنه سينفجر، يُحاول جاهدًا ضخ  
الدماء في شرايين ضاقت بتراكم الكوليسترول ومخلفات الطعام الجاهز على جدرانها،  
هذا هو حال الأمين مؤمن الذي توقف عن الركض وظل يلهث بشدة وكأنه ركض

أميلاً، لسانه يتدلى بالكامل خارج فمه بعدما أصفرَ لونه وبات باهتًا، هل استسلم مؤمن؟؟ هل سترك ذلك الفتى الذى ربما يحمل أسرارًا هامة تخص القضية بهرب؟؟ هل ستركه سليم أبو فرحة حينما يعود إليه بخفى حنين؟ أم سيجعل منه نموذجًا فاشلاً يتحاكى به أمام الجميع، وصل إلى عقله صورة ذهنية مستقبلية مكونة من عدة أشخاص أبرزهم سليم أبو فرحة وهو يمارس عليه أشد أنواع العذاب النفسى وهو يقف مطأطئ الرأس لا يملك لنفسه ضرًا ولا نفعًا، هنا اشتعلت طاقته الداخلية وضخت غدته الكظرية كمية لا يستهان بها من الأدرينالين فتضاعفت قواه وهو يركض خلف ذلك الفتى الصغير، يركض بسرعة قصوى يقطع فيها خيوط تلك المسافة الواقعة بينهم، لطم الهواء وجهه فازداد إصرارًا على إصراره، ازدادت سرعته فبات قريبًا منه وعلى وشك أن يمسك به، تحامل عمرو على نفسه وحاول أن يزيد من سرعته لكنه لم يستطع، حطَّ الأمين مؤمن عليه مثلما يخطُّ النسرعلى الشاه الضالة فأسقطه أرضًا، ارتطمت رأسه الصغيرة بالأرض فشعر بدوار وحشى اكتنف رأسه، هنا نهض الأمين مؤمن مستغلًا ما حدث، جثا فوقه، ضم يديه خلف ظهره، قيدها بالأساور الحديدية مُرددًا.

-عاملى فيها أحمد السقا، دا إنت هتشوف أيام سوده.

من بعيد يقف الأمين راضى على البوابة الحديدية يُشاهد ما حدث ويطمئن قلبه على تنفيذ أوامر سليم أبو فرحة.

\*\*\*

دكتور إبراهيم لا يزال يقف كما هو أمام غرفة النبطشية بصحبة الدكتور سعيد ورئيس المباحث الذى بدأ يستفسر منه عن ذلك الفتى الذى فرَّ هاربًا حينما رأهم.

-هو مين الواد ده يا دكترة؟؟

-دا عمرو يا باشا.

-والله، ما أنا سمعتك وأنت بتنده عليه وعرفت أن اسمه عمرو.

-أمال حضرتك بتسأل عن إيه؟؟

-آآه، ماشى يا دكترة، مادام أنت ماشى فى السكة دى همشى معاك وهعتبرك مش فاهم على الرغم من إنى واثق إنك ذكى جدًا وفاهم كل حاجة، طبعًا هتقولى جيت الثقة دى منين، هقولك من علم الفراسة، أصل اللى واقف قدامك ده بيحب العلم جدًا وبيقدمس أوى الثقافة، وأكثر حاجة مهتم بيها أوى بقى علم الفراسة علشان كدة بقولك إنك ذكى جدًا، عمومًا مش هطول عليك، أنا بهدوء كدة عاوز أعرف الواد ده كان بيعمل إيه هنا فى المستشفى؟؟

سأل سليم سؤاله الأخير بحدة وبأسلوب تشعر معه أنه يوجه إنذار أخير قبل حدوث ما لا يُحمد عقباه.

-الولد ده اسمه عمرو وبيبيع جرايد ومجلات وكتب، بيعجى المستشفى هنا مرتين فى اليوم، مرة فى الفترة الصباحية ومرة فى الفترة المسائية علشان بيع جرايد وكتب للناس اللى شغالة هنا فى المستشفى، بيستزق يعنى.

إنتبه سليم إلى كلام دكتور إبراهيم وأنصت إليه جيدًا، رفع سبابته وبدأ يتحدث بشكل رصين.

-دكتور إبراهيم بتعرف تلعب ميكانو.

-أفندم!!

-يبقى ما بتعرفش، طب هساعدك كدة فى تكوين الحدث، الولد ده بيعجى مرة الصبح ومرة ليل، وأول ما شاف حد غريب مش من المستشفى إتخض، ولما عرف إنى ظابط مباحث جري، يبقى الواد ده يعرف حاجة مهمة فى القضية بس السؤال هنا لو افترضنا أنه عارف حاجة وجاى يقولها الطبيعى إنه بيعجى يلاقى شرطة يبقى ليه خاف لما عرف إنى ظابط ولو ميعرفش حاجة مفيش حاجة يخاف منها، الواد ده لغزيا دكترة، على الله ما تقبضش عليه يا راضى علشان أعلقك.

-مش ممكن يكون خاف يا باشا؟؟

قالها الدكتور سعيد.

-خاف!! ممكن برضو، بس هي ما تتقالش بالسطحية دي يا سعدة، تتقال بأسلوب أعمق من ده، الواد ده حاجة من ثلاثة، يا إمّا شاهد على الجريمة وعنده معلومات وخايف يدخل في موضوع كبير وقضية هو شايف إنه أقل منها بكتير، يا إمّا ما يعرفش حاجة بس عارف إنكم عارفين إنه بييجي هنا كل يوم وأكد إنتم قلتولى معلومة زى دي فهو خاف إنى أتحفظ عليه، يا إمّا الواد ده ليه يد أصلاً في الجريمة دي.

- على فكرة يا باشا، الواد ده مش بييجي المستشفى بقاله حوالى عشر أيام وأنا أول مرة أشوفه النهاردة من ساعة ما أختفى .

تراخت ملامحه وهو يتفاجأ بذلك الخبر الذى أملاه عليه دكتور إبراهيم لتوه.

-معلومة خطيرة!!

تيبس قليلاً وظل ينظر إلى الدكتور إبراهيم قبل أن تتحرك شفتيه بصوتٍ خافت.

-واضح إن القضية دي هتبقى مليانه تشويق.

-بتقول حاجة يا باشا.

-لا سلامتك يا دكترة، ياريت بقى نروح على مكتبك علشان عاوز منك كلمتين كده.

في تلك اللحظة اقتحم الأمين راضى حديثهم، فقطع سليم حديثه وظل يرمق راضى في هدوء.

-تمام يا سليم باشا، الأمين مؤمن قبض على الواد وهيطلع بيه على القسم.

-حلو، عاوزكم بقى تتوصوا بيه توصية حلوة لحد ما أروح أنا.

-تمام سعادتك.

ابتسم سليم ابتسامة خبيثة هادئة قبل أن يأمره أن يذهب بصحبة الدكتور سعيد ويأتى بالدكتور عصمت بالقوة إلى مكتب الدكتور إبراهيم للتحقيق معه.

## ( الفصل الرابع )

غرفة متوسطة الحجم بداخلها مكتب خشبي امتلأ سطحه بإكسسوارات هائلة كجهاز الكمبيوتر وأوراق مكتبية متناثرة على سطحه، ساعة صغيرة تحمل صورة لابنة الدكتور إبراهيم، في واجهة المكتب من الأمام تنصدر المشهد لوحة خشبية مستطيلة محفور عليها بخط واضح "دكتور / إبراهيم أبو طالب"، أسفل الاسم نُقش بخط صغير "مدير مستشفى 15 مايو"، خلف المكتب يوجد كرسي هيدروليكي أسود في غاية الفخامة مُخصص للدكتور إبراهيم، يسار المكتب وعلى بعد خطوات معدودة توجد مكتبة ضخمة، كبيرة الحجم وشاهقة الارتفاع، قُربت على أن تمس سقف الغرفة، مكتبة تحتوى على عدد كبير من الكتب الطبية المتخصصة وتحتوى أيضاً على مراجع علمية ذات قيمة وأهمية كبيرة بالإضافة إلى المستندات الخاصة بالمستشفى، بالقرب من المكتبة توجد ترائيز خشبية بيضاوية الشكل مُحاطة بعدد قليل من الكراسي الخشبية أُعدت خصيصاً للاجتماعات، خلف مكتب الدكتور يوجد شبك زجاجي من الألومونيوم يطل مباشرةً على بوابة المستشفى الحديدية.

يُخيم على الغرفة الهدوء والسكون الثقيل الذى لا يخلو من صوت المعركة المشتعلة بين جهاز التكييف والرطوبة المرتفعة داخل المكتب، معركة تعكس مدى الإهمال الشديد المصابة به معظم المنشآت الحكومية، إهدار جثيم للمال العام المتجسد الآن في صورة الكهرباء التى تغذى جهاز التكييف الذى يحاول أن يهين جو المكتب الخاوى ليصبح ملائم للعمل!!!

اتسعت فرجة باب المكتب الجزر ليظهر دكتور إبراهيم وهو يمسك بمقبض الباب، يفرد ذراعيه عن آخرهما لتتسع فرجة الباب أكثر وأكثر، يُشير باهتمام زائد إلى سليم الذى دخل إلى المكتب وهو يُحرك رأسه يميناً ويساراً، يتفقد الغرفة بعناية فائقة وكأنه ينوى شراءها، يترجل في المكتب كيفما شاء وكأنه مكتبه هو في الأساس، هرع إلى كرسي المكتب الهيدروليكي، أخذ منه مقعداً له، أَسَنَدَ ظهره على الكرسي في وضعية مريحة للغاية، استرخى عليه وكأنه أنهى لتوه عملاً شاقاً احتاج منه إلى مجهود جبار،

أخذ يتأرجح به يمينًا ويسارًا لا يبالي بدكتور إبراهيم الذى ينظر له جاحظ العين فاغر الفم لما يشاهده أمامه من تصرفات رئيس المباحث التى يظهر فيها أنه لا يخشى أحدًا، لم يتوقف سليم عند هذا الحد بل أذكى ذلك الاستفزاز بتثييت كفيه خلف رأسه وكأنه فى جلسة استجمام، رَسَمَ تلك الابتسامة الصفراء السمجة على وجهه المثيرة للاستفزاز، دكتور إبراهيم يضغظ على أعصابه ويتحمل كل هذه التصرفات الحمقاء دون أن يبدي أى اعتراض، يهدوء جلس دكتور إبراهيم على الكرسى المقابل للمكتب الخشبي، أغمض سليم عيناه ومدَّ قدميه إلى الأمام فى استجمام تام، دكتور إبراهيم بدأ يسأم تلك المعاملة الوقحة التى يتلقاها من سليم منذُ وصوله إلى المستشفى.

ظل السكون هو سيد الموقف، لا صوت يعلو فوق صوت حشجة جهاز التكيف، زفر الدكتور إبراهيم فى هدوء مُرددًا بعد الابتهالات الدينية التى تبعده عن الغضب، جرح ذلك السكون وطرح على سليم سؤاله الأول.

- هو حضرتك ساكت ليه؟؟

أجابه سليم ببرود وسخرية عارمة دون أن ينظر إليه.

- أصل التكيف بتاعك حلو أوى فمستمع بيه، شوف نسمة الهوا يا أخي، تحفة.

يُحاول سليم أن يُحطم أعصاب دكتور إبراهيم قدر المستطاع، يُحقر من شأنه ويُشعره بتلك التصرفات أنه لا قيمة له على الإطلاق، يُحاول أن يزج به كى تنفلت أعصابه ويصبح غير قادر على فرض سيطرته عليها، ظل دكتور إبراهيم يتابعه مندهشًا لمدة تزيد عن دقيقتين، بعدها التفّت إليه فجأة وبدأ يتحدث معه وهو يرمقه بعين الشك.

- بص يا دكتور أنا عارف إنى رخم وبقى أرخم لما بزعل فيايريت اللى أسأل عليه تجاوب عليه علطول، ماشي؟

أوماً إليه برأسه في استسلام تام أدرك معه سليم أن دكتور إبراهيم قد خارت أعصابه وأصبح ذلك الوقت هو الأنسب للانقضاء، بطريقة غليظة وبأسلوب قاسى بدأ يوجه إليه تلك الأسئلة السريعة.

- المجنى عليها اسمها إيه بالكامل؟
- رنا سليمان حواس.
- بتشتغل إيه؟؟
- ممرضة.
- من إمتى تقريباً؟؟
- من حوالى سنتين.
- من المعاينة الأولى المجنى عليها كانت نبطشية صح؟
- صح يا باشا.
- بتهم مين بقتلها؟؟
- ما أقدرش يا باشا أتهم حد معين لأن المجنى عليها كانت على خلافات كثير مع ناس كثير، زى دكتور عصمت ودكتور سعيد وناس من بره المستشفى.
- كل دول!! كانت شرسة بنت الأيه، إنما إنت بقى وهى كنتم حبايب مش كده؟؟
- تلعثم في البداية وراحت شظايا كلمات غير مفهومة تتناثر من فيه، فسؤال سليم جاء مبالغاً.
- أنا مدير مستشفى وطبيعى لازم أبقى مختلف، مش هينفع أدخل في صراع مع موظفين أو عاملين، وحتى لو هدخل عيب أوى إنى مدير يدخل في صراع مع ممرضة.

- بس اللى يسمعك يا مديروانت بتتكلم عن الدكتور عصمت لما لقينا التليفون بتاعه جنب سرير المجنى عليها يقول غير كده؟؟

- يا باشا أنا زى ما قولت لحضرتك أنا ما أقدرش أتهم حد بعينه كله مجرد شك.

- عمومًا زمان الأمين راضى ببجيب عصمت ده من قفاه علشان أحقق معاه، ياريت إنت بقى يا دكترة تعرفنى " بالسى فى " بتاعه وبتاع المجنى عليها، علشان لما أقعد أحقق أبقى عارف الدنيا ماشية إزاي؟؟

- حاضر يا باشا.

- قبل ما تحكى أحب أفكرك علشان ممكن تكون راجل كبير وبتنسى، أنا مش هرحم أى حد هيفكر إنه يلعب بيا أو يشتغلني، فاهم يا دكترة ولا نقول كمان.

\*\*\*

قبل وقوع الجريمة بشهر واحد.

المجنى عليها، ها هى هناك، تسير وحيدة على الطريق المُهد فى رحلة الذهاب إلى بوابة المستشفى، تحمل فى يدها شنطة بلاستيكية وتحمل أخرى جلد على كتفها، تفوح الآن أذكى العطور فى ذلك الطريق المُهد الذى يتمنى أن تُبث فيه الروح لهيب واقفًا استعدادًا لأسعد لحظات حياته، لحظة العناق التى يتمناها منذ أن بدأت رنا السير عليه، يقف أمامها ويفتح ذراعيه لتركض هى نحوه وترتمى فى أحضانه فيضمها إلى صدره شاعرًا بحرارة جلدها الدافئ، يترك أنفه تستقبل أريجها العطر، يغمرها بالحنان الكافى ويُقبلها بجنون، ويُلك أيتها الفاتنة، كيف تُحرك مشاعر الجميع حتى الجماد لم ينجو من تلك اللعنة التى تنشرها فى كل مكان، رنا تستطيع أن تُحرك مشاعر أى شئ حتى الطريق غدًا لا يستطيع عليها صبرًا، فهى تُعتبر نموذجًا حقيقيًا للأنوثة الطاغية وتُعد أيضًا آية من آيات الجمال أو هكذا كان يطلق عليها معظم الرجال وترجع هذه التسمية إلى عدة عوامل ساعدت على تكوين تلك الفكرة لديهم منها أنها فتاة جميلة جذابة، بيضاء اللون، شقراء الشعر، وجهها مستدير دقيق الملامح، عيناها واسعة

يكسوها لمعان جذاب يُعطي انعكاسًا يسرُّ الناظرين، لديها نظرات عميقة جدًا تُنمُّ عن امتلاكها لخبرة كبيرة لا يُستهان بها على الرغم من أنها مازالت عذراء إلا أنها استمدت تلك الخبرة من العلاقات والصدقات التي صادفتها في حياتها، جسدها مثل آلة موسيقية لا تتوقف أبدًا عن عزف أعزب وأرقى الأنغام، جسد أنثوى تحمل كل زاوية فيه نوعًا خاصًا من المتعة لدى الرجال، تميل منحنيات القياسية حينما تتبختر وتتمايل في مشيتها كسنابل القمح الذهبية إذا داعبها الهواء، حينما تتواجد في مكان تتلاعب بقلوب المارة نساءً كانوا أرجال، النساء ينظروا لها بعين الحقد والحسد وكأنهم يقولون لها لماذا أنتِ؟ لماذا تحصدي كل هذه النظرات؟ ومن أين أتيت بهذا الجسد الهلامى مُتفجر الأنوثة أمّا الجنس الآخر فقد كانت تعيد الحياة إلى أسلات الرجال بمجرد النظر إلى جسدها الأبيض المعجون طينته بلبنٍ مكتمل الدسامة، تتسلل النار إلى أطرافهم فيطيروا على أجنحة اللذة قبل أن تنقشع عنهم كل الأمراض الجنسية المزمنة التي باتوا يُعانون منها، ينظروا لها نظرة الظمآن لكوب مياة مثلج فكم من عيون وصدور وأقدام تلتقط ضربات فُجائية قوية من نساءهم حينما لا يمتلكون أنظارهم أمام تلك الغزالة التي تُدعى رنا، لا تلتقط أذن تلك المُهرة سوى كَلِمَاتِ الإِطْرَاءِ المُختارة من قواميس الغزل العالمية لتزيدها غرورًا وتفاهرًا بصدرها الشاهق المرتفع وبخصرها المنحوت وأردافها البارزة، حينما تتحدث معها ستجد نفسك تخرج عن الإطار رغمًا عنك لتختلس نظرة سريعة غير برينة لمفاتنها المفعمة بالأنوثة، لم تكتفى رنا بكل هذه الإمكانيات بل عكفت على ارتداء اللباس الضيق الذي يُبرز محاسنها فتزداد توحشًا في نظر الجميع وتصير هي الأنثى الأكثر جاذبية على وجه الأرض.

تمر أمام الكشك الصغير القريب من بوابة المستشفى والمُخصص لبيع العصائر والحلوى، بداخله رجل في أواخر الخمسينات ينحني على الطاولة التي أمامه ويرتكز عليها بساعديه ليُتابع تلك المُهرة التي تمر من أمامه الآن، بطرف عينها تلمح شبق ذلك العجوز هالك الصحة فتبتسم ابتسامة ثقة زائدة قبل أن تتبختر بميوعة جعلته يخرج عن صمته ليرشق بعض كلمات الغزل التي تخرج عن إطار الأدب والذوق العام.

- وغلاوتك يا بلح لطلعلك النخيل مخصوص وأجيبك.

تنظر له وتبتسم قبل أن تُجيبه بدلال زائد يُخدر الأعصاب.

- يا شيخ إلهي، إنت أخرجك تتفرج على البلج بس إنما طلوع النخل خلاص بقى صعب عليك دلوقتي.

قالت كلماتها الأخيرة وهي تغمز بإحدى عيناها لتؤكد له كم هو شخص ضعيف لا يتحمل أى شىء.

دنت رنا من البوابة ولكن قبل وصولها تلمح سليمان يُحاول أن يتخفى خلف السيارات القابعة أمام باب المستشفى ليصل إليها، اتسعت عيناها وضربها إحساس مقيت تشعر به دومًا كلما رأتها أمامها، يتسلل إليها القلق ليحيطها من كل جانب، سليمان ذلك العجوز الذى فقد عقله تمامًا فقد تجده دومًا يتشاجر مع نفسه دون سبب واضح، يُتمتم بكلام غير مفهوم وغير مُرتب فلا تعلم ماذا يقصد به، يكسبه التراب فتشعر أنه خرج لتوه من مقبرة، يرتدى ملابس مُهلهلة ومُتسخة للغاية تكسوها الرقع المكونة من قطع القماش الملونة، ملامحه تُكاد لا تظهر من التجاعيد التى ترسم على وجهه مسارات متداخلة لا تدرك بدايتها ولا نهايتها، شعر رأسه غزير وكثيف جدًا لكن لا يذكر آخر لقاء بينه وبين المياه ولا يذكر أيضًا آخر معركة حربية بينه وبين مقص الحلاق، عشائر من القمل صنعت لنفسها إيواء داخله، التحم شعر رأسه مع لحيته الغير مُهندمة فطمرت ملامح وجهه أكثر وأكثر، شخص مُفزز يُشعرك بالاشمئزاز حينما تنظر له، يُسرع سليمان ذلك الشحاذ غريب الأطوار من خطواته تجاه رنا، يُزيد من سرعته وكأنها فريسة يُقبل على اصطیادها، يُريد أن يصل إليها بأى صورة ممكنة، لا ليلقى عليها الأدعية أو لِيُتاجر بأمراضه وهيئته القذرة فتشفق عليه وتدس يدها فى شنطتها وتُعطيه مألًا بل هناك أمر أكثر عمقًا.

تبدلت ملامح رنا حينما رأتها وتأكدت أنه يأتى مُسرعًا تجاهها، هربت الدماء من عروقها وذُبلت تلك الابتسامة العريضة التى كانت تعكس ثقها الكبيرة بنفسها، بدأت تركض بسرعة خفيفة تجاه بوابة المستشفى، توقف سليمان عن متابعة السير وظل يرشق نظراته العميقة المُهممة تجاهها بعدما مأل برأسه قليلًا إلى الأسفل لتصبح نظرتُه مُخيفه ثاقبة، رَفَع ذراعُه وأشار تجاهها بإبهامُه متقمصًا دور بطل فيلم أكشن فى وضعية تصوير البوستر الخاص بالفيلم، التفتت له، لمحتُه فضربها خوفٌ عظيم بعدما كانت تضرب هى الأرض بثقة زائدة، ضاقت عيناها وهو مازال متقمصًا دور بطل فيلم

الأكشن، يتوعد لها ولكن يبدو أنه يعرفها جيداً ويبدو أيضاً أنّ هناك أمر جعله يتصرف هكذا، دكتور إبراهيم يتابع كل ما يحدث من خلال شباك مكتبه الذى يطل مباشرةً على بوابة المستشفى، حركَ سليمان رأسه تجاه الشباك ليرمق دكتور إبراهيم الذى لا يزال يتابع ما يحدث وكأن هاتفاً وسوس له وأخبره أنّ الدكتور إبراهيم يتابع ما يحدث، نظر له سليمان نظرة عميقة جداً تحمل توعد لا يقل عن ذلك التوعد الذى قذفه تجاه رنا، ضاقت عيناه وابتسم بسخرية مما جعل دكتور إبراهيم يغلق الشباك بعدما اطمأن أنّ رنا دخلت من بوابة المستشفى.

رنا داخل مبنى المستشفى تضع يديها على قلبها، تغمض عينها، تزفر قلقها الذى يقطن داخلها، تُحرك يديها على شعرها فى اللحظة التى يمر فيها أحد الموظفين بجوارها فينتبه لها قبل أن يتوقف عن متابعة السير ليُغرقها بهرمون رجولته الممزوج بنكهة القلق عليها.

- فى حاجة يا رنا؟؟

فتح عينها بسرعة لتكتشف أنه مجرد موظف سَمَّج.  
لا مفيش.

استمر فى ضيخ هرمون الرجولة اللزج بلا هوادة.

- طب إنتِ مش محتاجة حاجة؟ قوليلي بس أنا فى الخدمة.

تبعثرت ملامحها وتراصت بطريقة عجيبة مُتعمدة داخل إطار وجهها وكأنها تُرسل له رسالة صامتة بأنك رجل عُثُلٌّ وثَقِيل إلى حد لا يحتمل.

أرسلت له ابتسامة جَافَه قبل أن تتركه وتتنصرف متجهة إلى عيادة الباطنة حيثُ مكان عملها، تتبختر فى مشيتها مُستعرضة كل إمكانياتها الفتاكة فتبدو وكأنها بطة تلباهى بحوصلتها الممتلئة عن آخرها، تُحاول لفت وشد انتباه كل من بالمستشفى، تتفقدهم بأعينها قبل أن ترسم ابتسامة خفيفة تدل على ثقها الكبيرة فى نفسها.

تصل إلى عيادة الباطنة لتجد عدد بسيط من المرضى يجلسون على كراسى الانتظار البلاستيكية أمام باب العيادة، تنظر لهم رنا نظرة ماسحة وكأنها تحصر عددهم قبل أن تتبسم مُعلقة " إيه ده إنتم بايتين هنا من امبارح ولا إيه ", خرج ذلك العجوز الجالس في نهاية الصف عن صمته.

- هو الدكتور هيتأخر يا بنتي.

أجابته بدلال زائد.

- لا يا جدو مش هيتأخر متقلقش، دكتور عفيفى ممكن تظبط عليه الساعة، يعنى 10 بالدقيقة هتلاقيه هنا.

يرمق العجوز ساعته وهو يتهد مُرددًا " هانت " .

تدخل رنا إلى العيادة، تستبدل ملابسها التى ترتديها بملابس المستشفى القصيرة التى تُظهر ساقها ناصعة البياض، علاوة على أن ملابس المستشفى ضيقة إلى حدٍ ما أو هكذا كانت إرادتها، لون الملابس الوردى جعلها تبدو كالدُمىة الشهيرة " باربي ", تنظر فى ساعة يدها إنها العاشرة إلا عشر دقائق، باستخدام غلاية الماء التى أخرجتها من الشنطة البلاستيكية التى كانت تحملها تصنع كوبًا من الكافيين الساخن تضعه على سطح مكتب دكتور عصمت داخل غرفة الكشف، صرخت ساعة يدها وكأنها تُخبرها بوصول العقرب الكبير إلى الرقم 12 أى أن الساعة أصبحت العاشرة، نظرت إليها فابتسمت وهرعت تجاه الباب، حركت مقبضه إلى الأسفل فاتسعت فرجته الصغيرة لترى من خلالها رجل شديد النحول فى سُمك القلم الرصاص، عيناه تستندان على عظمتى وجنتيه البارزتين، طُمِرَ خداهُ داخل عظم جمجمته بسبب قلة لحم وشحم وجهه، يرتدى نظارة نظرسينة المظهر وهبتها له هيئة التأمين الصحى ضمن نفقاتها للعاملين بالقطاع العام، شعر قصير ودقيق يُمكن حصره موزع بطريقة عشوائية على لحيته فلا تدرى هل هو ينوى تربية لحيته أم فقط يتكاسل عن حلاقتها، شعيرات قصيرة بيضاء تغزو شعره على استحياء تنمُّ عن بدء وصول الشيب إلى رأسه على الرغم من أنه لم يتجاوز عامه الثالث والثلاثون، حينما يتكلم تهتز رأسه هزة بسيطة يمينًا ويسارًا وحينما يزداد فى العصبية أو حينما يصير الحوار أكثر جدية يُمطُّ رقبته إلى

الأعلى من حين إلى آخر مع الاحتفاظ بتلك الهزة البسيطة، عروق رقبته بارزة فتبدو كالأخاديد المجسمة المرسومة على سطح مستوى، نادرًا ما تجده يتكلم بهدوء فهو دائمًا منفعل، عصبي، قد تصل سرعة انفعاله إلى 150 زعقة في الدقيقة، تستطيع أن تنقش اسمك بسهولة في موسوعة جينيس للأرقام القياسية إذا جعلته يبتسم ولو مرة واحدة فقط في حياته، داخل رأسه تقطن أعداد هائلة من الأفكار والمعتقدات الذهنية سوداوية اللون، كل شيء فيه يؤكد أنه مريض نفسيًا لا محالة حتى مشيئته تعكس مدى الصراعات النفسية التي تحدث داخله فهو عادة يمشى مائلًا بجسده إلى الأمام علاوة على أنه يعرجُ بقدميه عرجة خفيفة تُشعرك أنّ إحدى قدميه أطول قليلًا من الأخرى، يبدو متجهّمًا طوال الوقت فوجهه يُشعرك دائمًا أنه ينظر إلى منظر مقزز لا يُفارق عيناه حتى وإن كان ينظرك فلا تستبعد أنه كان رمزًا للكآبة لدى الفراعنة القدماء، يرتدى ملابس واسعة طوال الوقت لا تتناسب مع جسده النحيل، يغلق كل أزرار القميص حتى زرّه الأخير لكن اتساع وكبر ملابسهُ تُعطي لك إحاء أنه يرتدى تيشيرت يافته على شكل (V) بسبب رقبته النحيلة.

فُتح باب العيادة ليدخل بخطواط ثابتة دون أن يلقي السلام على أحد حتى المرضى، دخل متجهّمًا إلى مكتبه ليجلس على كرسيه بعدما ارتدى البالطو الأبيض، يفتح الشنطة " السمسونايت " التي كان يحملها في يده، أخرج منها سماعة وجهاز لقياس الضغط ونوتة صغيرة مُخصصة لكتابة العلاج، دون أن يُلقى السلام على رنا ودون حتى أن ينظر لها.

- نادى على المرضى لو سمحتِ يا Nurse.
- طب مفيش سلاموا عليكوا، صباح الخير، أى حاجة.  
ينظر لها بمضض.
- صباح الخير!!!! أنا مليش في الكلام الفارغ والهايف ده.
- صباح الخير بقت كلام هايف وفارغ يا دكتور!!!

- بالنسبالي آه كلام فارغ وهايف ولو سمحت مش عاوز جدل ونقاش مالوش لزمة، إتفضلي إندهى على المرضى.

- طب بلاش صباح الخير إرمى عليا سلام ربنا.

- وبعدين بقى.

يُحرك عيناه بعيداً فتصطدم بكوب الكافيين الساخن، أبدى تعجبه الشديد ودهشته مما يراه، أشار بإصبعه.

- إيه ده يا Nurse.

- نسكافية.

- مين اللى حطه هنا؟؟

- أنا.

- أنت!!!ليه؟

بدأت تتحدث معه بدلال زائد وميوعة يعشقها الرجال بالتأكيد عدا هو.

- عارفة إنك بتحب الكافيين ع الصبح، إيه الحق عليا يعنى.

يتحدث إلها باشمزاز شديد يوحى إليك أنه يمتص نصف ليمونة فيغتصب حمضها حلقه.

- إحنا فى مستشفى يا Nurse مش فى ملهى ليلى ولا فى فى مطعم علشان تعملى اللى عملتيه ده، شيلى، شيلى البتاع ده بسرعة و بلاش استهتار وكلام فارغ.

هَرَبَ الدم من عروقها وانتصب شعرها فهى لم تلقى هذه المعاملة من أحد طيلة حياتها، رنا تُدرك جيداً أنها جميلة وجذابة واعتادت أن يتلطف عليها الجميع ويركضون

خلفها مثلما يركض اللاعبون خلف كرة القدم ليلحقوا بها، كانت لا تتوقع أبدًا هذا الرد الجارح المؤلم.

- يعنى أنا تاعبة نفسى وعامله ده كنوع من أنواع التقدير ليك يا دكتور علشان يبقى ده ردك ليا، أخرتها أنا مُستهترة وبعمل كلام فارغ.

أجابها بلهجة قوية لم تخلو من العصبية التى اعتاد عليها الجميع منه.

- المفروض إننا فى مكان شغل محترم، وأعتقد إننا لازم نراعى المرضى اللى قاعدين بره دول، مش نسيمهم ونقعد نشرب شاي وكافيين، إتفضلى لى الفوضى دى وشوفى هترممها ولا هتديها لحد غلبان ولا هتعملى فيها ايه، بعد كدة اندهى على المرضى اللى بره بترتيب الحجز، الله أعلم بقى إنتِ عارفة مين اللى حجز قبل مين ولا كنتِ مشغولة فى الشاي والقهوة.

- دكتور عصمت بعد إذتك أنا عارفة شغلى كويس أوى وعمرى ما قصرت فيه.

يُلوح لها بيده وكأن كلامها مجرد وهمي لا صحة له.

- روى يلا إندهى على المرضى يباريت لو حد حب يديكى حاجة كدة ولا كدة علشان يدخل فى دور غير دوره ما تدخلهوش وراعى ضميرك شوية.

يحتقن وجهها وتنفر عروق رقبتهَا غيظًا، ما هذا الكائن العجيب!! إنه لا يملك أى فنيات أو تقنيات خاصة بالتعامل مع الناس، تضرب الأرض بقدميها قبل أن تنصرف بغضبٍ عارم، انتزعت كوب النسكافية بقوة أدت إلى تساقط بعض قطراته على الأرض، فتحت باب العيادة وخرجت مسرعة ترى أمامها أشباه أشياء، بطريقة سريعة خلت تمامًا من التركيز والاهتمام ألقت على المرضى " اللى عليه الدور يدخل، أنا مش هقف

أنظم المرور” ثم انصرفت في طريقها وألسنة الغضب تتصاعد بداخلها فتصهر ملامحها الجميلة وتُحولها إلى ملامح غاضبة قاسية، تضرب الأرض بكعب نعلها تعبيرًا عن ذلك.

تستمر في السير على تلك الشاكلة حتى تصل إلى رواق خاوي تمامًا من الممرضات والأطباء، رواق يصل بك في نهايته إلى غرفة الاستراحة الخاصة بالممرضات ولكن لا أحد هناك، الرواق خاوي تمامًا فالكل مشغول في عمله، من سيذهب إلى هناك في وقت ذروة العمل، وصلت رنا إلى الاستراحة، اقتربت من الباب، وضعت يدها على مقبضه فاستمعت إلى صوت أنفاس كالفحيح تقترب منها، نظرت بجانبها فوجدت الدكتور سعيد كأنه كان يتربص لها في الخلاء، شهقت رنا حينما وجدته فجأة، أغمضت عينها ووضعت يدها على قلبها، يبرود متناهي اتسع ثغره ليرسم تلك الابتسامة الاستفزازية التي يشتهر بها.

- إيه!! شفتي عفريت ولا إيه؟؟

لم تخلُ كلماته من تلك اللهجة التي جليها معه من محافظة البحيرة.

- مش عفريت ولا حاجة بس ليه الرعب ده يا دكتور سعيد الحكاية مش ناقصة الصراحة.

- رعب!!!! رعب!!! إيه بس.

- ما لما حد يطب عليك كده في مكان ما فموش حد يبقى اسمه رعب.

يُحرك دكتور سعيد رأسه ويتجول بعيناه على مرمى بصره فلا يجد أحدًا سواهما في تلك اللحظة، يبتسم لها بوجهه الذي يُشبه كثيرًا وجه قط سيامي سَمَج.

- أصل أنا كنت حاسس إن إنتِ هتيجي هنا.

بتعجب شديد ممزوج بصبر بدأ ينفذ.

- ليه يا دكتور سعيد أنت سبت الطب وبقيت تشتغل في الأمن؟؟

قهقهه مجاملاً ثم بلغة حوار يُحاول فيها أن يُبدى إعجابه الشديد بها.

إحساسي قال لي , على الرغم يعني من إنك المفروض دلوقتي تكوني في شغلك, بس زى ما بقولك كدة إحساسى قال لى إنك هتبقى هنا, هو إنك سايبه شغلك ليه, ما قلنالك بلاش شغل مع دكتور عصمت إنك اللى صممى, على العموم أنا ممكن أعمله جزاً لو مزعلك , لا جزاً إيه أنا ممكن أنقله خالص .

يُهدم ملابسه بغرض التباهى والتفاخر المبالغ فيه ثم أُردف وكأنه نابليون.

- ما تنسيش إني نائب المدير وأقدر أعمل كده بسهولة.

قهقهت بسخرية عارمة ارتفع فيها صوتها وبات مسموعاً, تلك القهقهة العالية أثارَت اشمئزاز دكتور سعيد فسألها عن سببها.

- يا دكتور سعيد سيب الكلام ده ليعيل من عيالك أهو على الأقل يبقى لايق عليه شوية إنما إنت عجزت وكحكحت على الحاجات دى أوى يا جدو.

يجز على أسنانه غيظاً فتتهى هي حديثها سريعاً.

- سلام يا جدو علشان عندى شغل ومش فاضية للعب العيال ده.

همت بالانصراف ولكن قبل أن تدنو إلى الغرفة تجد أصابعه مغرورة في لحم ذراعها الطرى مُحاولاً استوقافها قبل أن تنصرف.

- استنى بس يا رنا ما خلصناش كلامنا لسه.

تعمد أيضاً الضغط بقوة على لحمها فنظرت له بحدة وقوة رادعة, نظرت له بملامح وجه قاسية تشعر معها وكأنها ستطلق ألسنة اللهب من فمها كالتنين الثائر, ترك ذراعها على الفور وتراجع خطوات معدودة إلى الخلف خجلاً منها, يهرب بعيناه

بعيداً عن عيناها التى تتسع عن آخرها وملامحها التى تستشيط غضباً لا يُبدد بسهولة، مهدوء بدأ ينسحب وسط نظراتها الجامدة.

على مسافة قريبة منها وخلف إحدى الأعمدة يقف دكتور عصمت مختبئاً يُتابع ويُشاهد كل شىء بتركيز وانتباه مُخبر أُرْجل مباحث يُراقب أحد الخارجين عن القانون، ترك المرضى وترك كل شىء وهرع خلف رنا يراقبها من بعيد وهو مختبئ مثلما كان دكتور سعيد يختبئ، لكن لماذا؟ لابد وأنَّ هناك سر خطير يُخفيه هذا العصمت غريب الأطوار، لمحتة رنا بطرف عيناها قبل أن تدنو إلى الغرفة.

غرفة صغيرة الحجم لا يوجد بها سوى منضدة خشبية صغيرة حولها مجموعة من الكراسى الخشبية الغير مُريحة، مرصوصة بطريقة عشوائية تُشبه كراسى قاعة الأفراح بعد انصراف المعازيم، الغرفة غلب عليها الإهمال الشديد فهى غرفة غير نظيفة وهناك أكياس بلاستيكية كثيرة تغزو الأرض وسطح المنضدة أيضاً، تجلس يارا على إحدى الكراسى الخشبية، تلك الصغيرة التى يتعثّر لسانها فى نطق حرف الرء فحينما تُنادى على أخيها كريم تُسمع منها "كويم" تمتلك ابتسامة ملائكية لا تُفارقها، ترتسم على وجهها أوتوماتيكياً حينما تنظر لك ثم تنحفر نقطتان فى بداية خديها ليُكوّنا غمازتين جميلتين تسرُّ الناظرين، تضيق عيناها الملونة مع الاحتفاظ بلمعان بسيط يُميزها، وجهها دائرى جذاب، كل هذه الإمكانيات والمقومات التى تُرشحها إلى جائزة ملكة جمال مصر لا تجعلها تتفوق على رنا، فمهما امتلكت من إمكانيات ومقومات لا تستطيع أن تمس مكانة تلك المُهرة الأصيلة التى ينجذب إليها الرجال كما ينجذب الحديد إلى المغناطيس، تدخل رنا الغرفة وهى تحت تأثير حالة من الغضب الشديد، تضرب الأرض بأقدامها وتُتمتم بكلمات بذيئة لا تُذكر فى حالة وجود أطفال، تضع كوب الكافيين على سطح الطاولة بغضب عارم لتجذب انتباه يارا المُهمكة فى تناول سندوتش، تفررن بصوت عالى فى مُحاولة منها للفت انتباهها ولكن لا حياة لمن تُنادى فيارا تأكل بنهم شديد ولا ترى سوى ذلك السندوتش الساخن الذى ابتاعته منذُ قليل، تصفعها رنا بكل قوة على كتفها فتصرخ يارا وتتطاير بقايا الطعام من فمها.

- إيه الغباوة دى!!!

- هو إنتِ يعنى مش حاسة بيه لما دخلت.

- وهحس بيكي ليه، عاصفة داخله عليا.

بغضب وضيق شديد.

- إنتِ مستفزة.

- مالك يا بنتي عصبية ليه؟؟

مازالتي مُتحفظة بنغمة الغضب التي تتحدثي بها.

- الدكتور الزفت اللي اسمه سعيد ده.

وكانها بمجرد أن ذكر اسمه استعادت هي تاريخه الأسود.

- بيبيبيبيبيبي، ماله تاني.

- عمال يطلعلي في الراحية والجاية زي عفريت العلبة وياريت اكتفى بكدة، لأ

النهاردة حط إيدته على كتفي ومسكني، هو مش واخد باله إنه في سن أبويا ولا إيه.

- ما قلنا مليون مرة بلاش موضوع أبوكي ده بالذات، هيفكرك بالذي مضى يا

رورو.

جعلت تلك الكلمات طاقة نفسية سلبية تحيط برنا على الرغم من أن صديقتها

قالتها كنوع من المزاح والدعاية، اتسعت عينها وبدت ملامحها في غاية الشراسة وكأنها

قطة تستعد للهجوم على من يعبث بأطفالها.

- أنا مش قلتلك قبل كدة ما تجيبيش سيرته وإنتي معايا، أنا ما عملتلوش

حاجة، سامعة ولا مش سامعة، هو اللي أذاني وأذى نفسه.

- أنا بهزر يا رنا والله ما أقصدش أضايقك.

قالتها يارا بنبرة صوت مرتعشة تنم عن خوف شديد.

- ما تهزريش تاني بالكلام ده لو سمحت، ماشي، أديني قولت أهو.

هزت رأسها بخيفة شديدة ثم وقعت عيناها على كوب الكافيين فأرادت أن تقوم بتغيير مجرى الحديث.

- إيه ده يا رنا؟

- كباية زفت كنت عملاها لذكر البط الى اسمه عصمت وفي الآخر طردنى زى الجزمة.

- إيه ده هو جه!!! طب إنتِ سايبه شغلك وقاعدة هنا ليه؟ كدة هيجيبلك جزا، أنا قاعدة هنا علشان دكتور حسام الى شغاله معاه مجاش.

- يجيب الى يجيبه أنا مش طايقه أبص فى وشه أصلاً.

- يا بنتى دا مجنون.

- مجنون على نفسه.

- إنتِ حرة يا رنا، طول عمر دماغك ناشفة.

- أيوة أنا حرة، مش كفاية مشغلتى مع واحد مريض.

- مريض!!!

- أيوة طبعاً مريض.

- تقصدى دكتور عصمت.

- أيوة هو زفت.

- مريض إزاي!!!

- ما أى راجل مشاعره ما تتحركش ناحيتى يبقى مريض على طول ولازم يكشف على نفسه وعلى أعصابه.

تنظر لها يارا باستغراب شديد فأردفت هي بعصبية واندفاع.

- مش عارفة أعمل إيه علشان أشده!! مش عارفه؟؟

أجابتها بنبرة صوت متقطعة.

- تعملى إيه فى إيه يا رنا، إنت بتحببيه بجد ولا إيه؟ إيه الأوفر اللى إنت فيه ده .

- أحبه!! أحب مين يا هيلة.

قالتها باستنكار شديد جداً، أردفت وهي تجسّد أبشع صور النرجسية التى سنجدها على الإطلاق.

- ما ينفعش راجل يشوفنيش وما يتشدلى، ما ينفعش أشوف واحد مش هيموت عليا، ما ينفعش أشوف واحد عينه ما بتتشالش من على جسمى، أنا أجمل وأجمد حد هنا.

تسع عين يارا فى ذهول!!!

- اقعدى بقى برقبلى فى عينك واسرحى فى وشى، إنت صاحبه هم أصلاً وأنا غلطانة إنى بتكلم معاكى، أنا هروح أجيب جدول النبطشية.

ترك رنا الغرفة وتنصرف.

\*\*\*

سليم أبو فرحة لم يتحرك من على مكتب الدكتور إبراهيم، يستمع إلى كل تأويله وحكاياته عن رنا وعلاقتها بالدكتور عصمت وزملاء العمل، حكّ ذقنه فور انتهاء دكتور إبراهيم من السرد.

- جامدة أوى الدخلة دى يا هيمما، أجمد من دخلة العيال بتوع الألتراس، عصمت مجنون، سعيد بتاع نسوان، رنا شمال، الناس كلها زى الزفت ما عدا إنت طبعاً.

قال كلماته الأخيرة وهو يرفع أحد حاجبيه باستهزاء شديد.

- لا يا باشا مش بالظبط كده، عصمت ده فعلاً مش طبيعي، بنى آدم متطرف وغير سوى أمّا رنا فدى كانت تركيبة غريبة شوية، لا الصراحة يعنى تركيبة غريبة أوى، تركيبة مُعقدة لدرجة إنى لسه مش قادر أفهمها لحد دلوقتي، أنا هحكي لحضرتك على واقعة هتكتشف إنها غريبة، مرة....

بتر سليم كلماته.

- إستنى بس يا دكترة وما تاخذنيش في دوكة الله يباركلك، حكاوى القهاوى اللى إنت عمال تحكيها دى جبتها منين، يا راجل دا إنت بتحكي الفيلم بالحوار بتاعه، إيه كنت قاعد في جيب المجنى عليها مثلاً!!

- رنا الله يرحمها كانت بتعتبرنى بالنسبة لهما حاجة كبيرة أوى، مثل أعلى، وكانت بتحكيلى على كل صغيرة وكبيرة داخل المستشفى.

- يا راجل مش تقول كدة من بدرى، وأنا اللى ظلمتك، بقى كانت بتحكيك على كل صغيرة وكبيرة، يعنى الله يرحمها كانت عصفورة كمان.

قال جملته الأخيرة وهو يغمز له بإحدى عينيه باستفزاز مقيت، ثم أردف بنفس تلك النبرة الهادئة المثيرة للأعصاب.

- أصل عندنا هنا في المحروسة كل مدير يبقي ليه عصفورة أو اتنين أو تلاتة، هو بقى وحجم قفصه، وواضح أن إنت يا دكترة قفصك ما كانش كبير كفاية.

دكتور إبراهيم يتابعه في إصطبار بات لا يُحتمل، فقد بدأ يَبغُض ذلك الأسلوب المَكْتَنُظَّ بالسخرية والاستهزاء التريّ بالاستفزاز والفضاعة.

- لا يا باشا، رنا ما كانتش عصفورة ولا حاجة، رنا كانت بتحكي اللى يخصها  
وبس.

- ماشى يا دكترة، على العموم المعلومة دى ما تهمنيش، مش هتفيدنى ولا تُخصنى، أنا اللى يَخُصنى إنى أعرف القاتل والمتورطين معاه، كمل يا دكترة حكاويك وخلينى أندهش.

- بعد اللى حكيتة لسعادتك ده بكام يوم رنا جت لى المكتب.

\*\*\*

دكتور إبراهيم أبو طالب يجلس على مكتبه مُهمك فى قراءة مجموعة من الأوراق التى تخص المستشفى، يرتدى عويناته ويتجول بعيناه يمينًا ويسارًا داخل الأوراق، يقرأ بتركيز تام حتى دهمه صوت طرق على الباب.

- إتفضل.

قالها وهو يُتابع عمله ففُتِحَ الباب لتظهر رنا من فُرُجَتِهِ، تدخل ثم تغلق الباب خلفها، مازال دكتور إبراهيم مُهمك فى القراءة، لم يرفع عيناه ليرمق حتى الشخص الذى اقتحم المكان عليه، ظل يواصل القراءة دون توقف حتى داعب أنفه ذلك العطر المُميز الذى ينبعث من رنا دومًا، استنشقه جيدًا ليتأكد منه، بالفعل إنه هو ذلك الأريج المَعهُود الذى يُغلف ملابسها باستمّرار، على الفور رَفَعَ عيناه ونظر إلى تلك الفاتنة.

- صباح الخير يا دكتور إبراهيم.

- صباح الخير يا رنا، أخبارك إيه؟؟

- الحمد لله يا دكتور والله كله تمام.

تجلس على الكرسى القابع أمام مكتبه، يُلاحظ هو من خلال خبرته الطويلة أنّ رنا قد أتت إلى هنا لسببٍ ما تريد أن تزيحُه عن صدرها، شىء ثقيل تريد أن تفصح عنه لترتاح من جملة الزائد.

- أخبار الشغل إيه يا رنا إوعى يكون فى مشاكل.

- لا لا يا دكتور مفيش مشاكل خالص، ربنا ما يجيب مشاكل أبدًا.

- أمم، بس شكلك بيقول غير كدة.

- هو فى بس موضوع صغير كدة كنت عاوزة حضرتك فيه.

باهتمام زائد.

- خير أو مري يا رنا.

- طبعًا قبل ما أكلم وأقول أى حاجة حضرتك عارف إنى بعثرك زى أبويا بالظبط.

قاطعها دكتور إبراهيم مازحًا ذاك المزاح الأصفر الملىء بالحقائق المستترة.

- ما بلاش موضوع أبوكى ده بالذات.

\*\*\*

يقتحم سليم أبو فرحة كلام دكتور إبراهيم ويوقفه عن الكلام عنوة حينما بدأ يتحدث.

- هو إيه موضوع أبوها ده بالظبط !!! من شوية وإنى بتحكى قولت أن يارا قالتها قلنا مليون مرة بلاش موضوع أبوكى ده بالذات، هيفكرك بالذى مضى، والله يرحمها قفشت، دلوقى إنت بتقولها ما بلاش موضوع أبوكى ده بالذات ممكن أفهم بقى أبوها ده ماله بالظبط.

بهدهوء وحكمة.

- رنا الله يرحمها ما كانتش بتخبي عليا حاجة زى ما قلت لسعادتك قبل كده وأنا طبعًا لازم أعرفك كل حاجة علشان خط سير القضية بس سيبنى أخلص اللى أنا

بقوله الأول علشان ما أنساش حاجة بعد كده أنا هجاوب سعادتك على كل حاجة إنت عاوزها.

أخرج سليم أبو فرحة علبة سجائر، انتزع منها سجارة، أشعلها وهو يرمق دكتور إبراهيم وتضيق عيناه، سَحَبَ نفس عميق من السجارة أخرج نصف دخانه من أنفه والنصف الآخر بدأ يخرج مع الكلام.

- ماشى يا دكترة، على الرغم من إن ده مُخالف للقواعد بتاعتى بس ماشى خلمها عليا أنا المرادى.

يُشير له سليم بأن يستكمل سرد باقى الأحداث التى كان يرويها حينما قاطعه وسأل عن والد رنا فيستأنف دكتور إبراهيم الحديث قائلاً.....

\*\*\*

أعادَ دكتور إبراهيم أخر جملتين كنوع من أنواع التأكيد ليستقطب تركيز رئيس المباحث سليم أبو فرحة.

- طبعًا قبل ما أقول أى حاجة حضرتك عارف إنى بعترك زى أبويا.

- ما بلاش موضوع أبوكى ده.

رمقته بحدة فظهرت عليه مظاهر الخجل الشديد.

- أؤمرى يا رنا أنا سامعك.

- عاوزة حضرتك فى موضوع شخصى.

باهتمام بالغ.

- قولى أنا سامعك أهو.

تنظر له وتبتسم ابتسامة جريئة.

- بصراحة كدة بقى يا دكتور أنا نفسى أتجوز.

انفجر دكتور إبراهيم فى ضحك هستيرى لدرجة أن جسده أصبح يتحرك بلا هوادة، يميل إلى الأمام بجسده حتى تُكاد أنفه تمس سطح المكتب قبل أن يرجع إلى الخلف ويرفع وجهه إلى أعلى ليفتح فمه عن أخره وهو يضحك ليُشبه ذلك الطفل الذى توضع صورته دومًا على إعلانات حملات تطعيم الأطفال.

- جرى إيه يا رنا هو حد قالك عليا إني بشتغل خاطبة اليومين دول ولا إيه.

- يا دكتور إبراهيم إدينى فرصة أشرحلك.

وهو مازال يضحك.

- إشرحى يا ستى.

- أنا عاوزه أرتبط بإنسان معانا هنا فى المستشفى.

بدأت الضحكات تتلاشى ويأخذ الموضوع جدية.

- إيه ده معقول، أوعى يكون أنا.

ابتسمت رنا ثم أردفت.

بص يا دكتور فى إنسان أنا معجبة بيه جدًا وشايفة أن هو إنسان مناسب بالنسبة ليا، وبما أن حضرتك الأب الروحى ليا فأنا حابه إنك تساعدنى.

- خطوة جريئة أوى، ومين بقى سعيد الحظ ده.

بعيون جريئة يظهر بداخلها الإصرار الشديد.

- دكتور عصمت.

مَطَّ رأسه إلى الأمام حينما سَمِعَ ذلك الاسم، اندهشت كل ملامح وجهه دفعة واحدة وتباعدت عن بعضها البعض تدريجيًا.

- دكتور عصمت!!!! عصمت اللي هو عصمت؟ إنتِ متأكدة يا رنا؟ ولا إنتِ شاربة حاجة ولا حكايتك إيه؟

تبتسم بهدوء.

- أيوة متأكدة طبعًا وعارفه أنا بقول إيه، دكتور عصمت دكتور الباطنة اللي أنا شغاله معاه.

- دا معقد يا بنتي، على طول مكشر وعمري ما شوفته بيضحك دا غير أن تصرفاته غامضة وكل كلامه غير مفهوم وغريب ولا أفكاره كلها تطرف، مش معقول دى أفكار بي آدم طبيعي، إنتِ إيه اللي جابرك على كدة.

تُجيبه دون خجل أو حياء.

- معجبه بيه وبجبهه.

ارتفع حاجباه معًا واتسعت عيناه، زحزح عويناته قليلًا فاستقرت على مقدمة أنفه.

- أنا شايفه فيه حاجات إنتم مش شايفينها.

- طب ما دام إنتِ شايفة كدة ما حولتيش تلفتي إنتباهه ليه حاجة زى كدة.

- حاولت والله يا دكتور كتير بس لقيته زى الطوبه، بتكلم مع دبشة قاعدة قدامي، لا مشاعر ولا أحاسيس ولا حاجة خالص.

- طب يا رنا ما إنتِ كدة بتأكدى كلامى أهو وهو كمان من غير ما يُقصد أثبتلك كل كلامى وأكد على إنه معقد، على فكرة أنا شاكك أساسًا إنه مريض

ومتزعليش منى يا رنا يعنى إنت عارفة أنا بعزك قد إيه بس أنا خايف يكون عصمت ده زى اللى قبله.

قطبت جبهتها وأغمضت عينها، انقبضت أصابع يدها بعصبية مُفرطة وكأنها تعتصر شيئاً، كلمة مفاجئة بالنسبة لها أدت إلى إصابتها بالشلل المؤقت، فتحت عينها وأحتدَّ بصرُها فتشابكت نظراتها مع نظرات دكتور إبراهيم الذى أدرك تمامًا الحالة التى وصلت إليها بسبب كلماته التى حملت لها أذىً نفسيًا كبيرًا، حاولت رنا أن تكبح ذلك الشعور الذى يعترىها بسادية، ابتسمت ابتسامة جافة كاذبة محاولة أن تُبدد أى أفكار سيئة وصلت إلى الدكتور إبراهيم من رد فعلها المفاجيء.

- أنا دلوقتى يا دكتور بقيت أحسن من الأول بكثير، حتى نظرتى فى الرجالة اختلفت ولا إنت شايف إيه؟؟

فرصة هائلة وجدها فى طريقه للدخول من خلالها لهُدى من روعها.

- طبعًا يا رنا، طبعًا.

ابتسمت له فابتسم لها وهو يقول إلى نفسه "لا، رنا لم تقع فى حب عصمت، أعلم ذلك جيدًا، هناك أمر آخر خطير جعلها تتصرف بهذا الحمق، ربما تريد أن تنتقم من تلك الأيام السوداء التى رأت فيها كل أنواع العذاب لكن ما دخل عصمت بهذا الأمر فهو لم يتسبب لها بأى عذاب، لا أنا متأكد أنها لم تقع فى حب هذا المتطرف النحيل، أنا متأكد أن هناك أمرًا آخر دفعها لهذا الفعل الغريب الغير متوقع، سأتركك تُخرجين ما بجعبتك يا رنا"

- هتساعدنى يا دكتور ولا لأ؟؟

- ماشى يا رنا أوعدك إنى هتصرف، هجس نبضه واشوف دماغه فيها إيه وهرد عليكى فى أقرب فرصة إن شاء الله.

رسمت على وجهها ابتسامة القائد الذى لاز بالنصر الأكبر فى أعتى معاركه الحربية.

انصرفت رنا من المكتب واسترخی دكتور إبراهيم على كرسيه الوثير, ترك كل شيء في يده ووجه عقله إلى شيء واحدٍ فقط ألا وهو اكتشاف السر الغامض الذي دفع تلك الجورية إلى الانجذاب نحو هذا الكائن الذي توفي أكنيليكياً ولكن لم يُعلمهُ أحد بالوفاة , لماذا؟ لماذا أحببت تلك الجثة التي لا فائدة منها في أي شيء؟ هل بالفعل وقعت في حبه؟ ماذا وجدت فيه لثُحبهُ؟ أو ماذا فعل هو ليُدكُ حصون قلبيها؟ لا شيء, عصمت لا يمتلك أي شيء يؤهله إلى تلك المكانة التي يُقبِل عليها فهو لا يملك مشاعر ولا أحاسيس رومانسية حتى نصيبهُ في الوسامة تنازل عنه لشخص آخر, عصمت لا يمتلك سوى هيكل عظمى ولحية غير مُهندمة فحينما تصطدم عيني به أتذكر قول الله عز وجل " يُحْيِي الْأَعْظَامَ وَهِيَ رَمِيمٌ " كيف الدكتور عصمت وكل شيء فيه تُغلفه الكأبة والحزن الشديد والسواد القاتم, لماذا اختارته هو بالذات؟؟, حتماً لا بد من معرفة السبب الحقيقي المستر حتى الآن!!!

\*\*\*

دكتور إبراهيم يجلس على كرسيه خلف مكتبه, يستند بساعديه على سطح المكتب ويميل بنصف جسدهُ العلوى إلى الأمام, يتحدث إلى الدكتور عصمت الجالس أمامه متجهماً يستمع إلى حديثه بمضض شديد وبملامح طفل يشعر بالنعاس وهو يستمع إلى قصة أسطورية مُملة يتوقع نهايتها بكل سهولة ويُسر, دكتور إبراهيم يدرك ذلك جيداً ولكنه مستمر في حديثه إلى أن ينتهي, يتحدث إليه مستخدماً تلك الاستراتيجية السخيفة التي يستخدمها مندوبو تسويق الشركات في إقناعك بمنتجاتهم العقيمة, حينما يقرع جرس الباب وتهتم أنت بفتحه لتعلم من الطارق؟؟ هنا ستجد أمامك شخص يبدو كممثل فاشل يُحاول أن يُغررك احتراماً وفي الوقت ذاته يعتذر لك عن الدقائق التي سيبترها هو من وقتك ليعرض عليك كل محاسن منتج شركته مُتجاهلاً تلك العيوب القاتلة التي تملؤه.

يستخدم استراتيجيات قوية جداً في الإقناع ليوجه نظرك وتركيزك إلى شيء واحدٍ فقط ألا وهو محاسن منتجاته التي غالباً ما تكون غير موجودة أو ربما لا تحتاجها أنت, يظل يتراقص أمامك راسماً على وجهه تلك الابتسامة السَمِجة التي يُكمل بها دوره السخيف فأماً أن تفتنع وأماً أن تغلق الباب في وجهه.

دكتور إبراهيم يستخدم نفس الاستراتيجية دون اللجوء إلى التناقض ليُظهر محاسن رنا فيُخبره أنها فتاة جميلة جذابة وأي شاب يتمنى الزواج منها فكيف لا ترى أنها من أجمل أجمل ما رأيت أنا في حياتي، إنها رنا مُهرة المستشفى التي كان يجب عليها أن تترك عملها هنا وتذهب للعمل في مستشفى الأمراض النفسية فحينما يراها المريض سينسى مرضه ولا يتذكر إلا هذا الوجه الصبوح الجميل، يُحاول دكتور إبراهيم أن يُبدد تلك الصورة السيئة التي يضعها عصمت في رأسه والنظرة الخاطئة التي يرى بها كافة نساء العالم، لم يتوقف دكتور إبراهيم عند هذا الحد بل أضاف له أيضًا أنها تُحبه وتعشقه وأنها على أتم استعداد لتضحى بنفسها وبِعمرها لو أصابه مكروه مثلما فعلت كيلويترا من أجل أنطونيو ليُخبره في النهاية أنه سيكون في غاية الغباء إن لم يظفر بها ولكن لا حياة لمن تنادى، عصمت سيبقى عصمت مهما حاول إقناعه، لم يتغير رأيه ولا فكرته عن رنا وعن كافة النساء حتى ولو سننيمتر واحد بل زاد عنادًا وتمسكًا برأيه وشعرَ أنه على صواب، استقبل وابل الكلمات التي ألقاها دكتور إبراهيم مُحاولًا فيها إقناعه بهزة رأس خفيفة وكأنه يُردد كلمة " لا حول ولا قوة إلا بالله " .

- دكتور إبراهيم، حضرتك مقتنع بالكلام الهزلي والفارغ اللي إنت عمال تقوله من الصبح ده.

- أفندم!!!!

- أصل بصراحة أول مرة أشوف بجاحه بالشكل ده، دي إنسانة مش متربية ولا عمرها عرفت يعنى إيه تربية ويعنى إيه دين، وواضح كمان إنها عايشة كدة من غير لا دم ولا كرامة، بس ده في الأول أو الآخر شيء يخصها إنما أنا اللي يخصنى إن الموضوع ده مرفوض تمامًا ورننا دي لازم تتعاقب على الكلام الغير مسئول اللي خرج منها ده، دا غير طبعًا إن منظومة الزواج دي منظومة أثبتت فشلها بشكل متفشى جدًا، كل البنات والستات خونه، كلهم خونة إلا طبعًا من رحم ربي، كل القضايا اللي في محاكم الأسرة سببها البنات والستات، الكائن ده لازم يتباد من على وجه الأرض، ما بالك بقى لما يكون الكائن ده رنا!!

- دكتور عصمت، ياريت تتحفظ شوية على ألفاظك وتكلم عن البنات اللي مش موجوده بشكل أحسن من كدة.

- أولاً كويس أوى إنى إتكلمت عليها بالشكل المهذب ده, رنا دى جريئة جداً ومش بتحط حدود فى حجم العلاقة اللى ما بينها وبين أى حد بتتعامل معاه فبالتالى بيطلع فيها ثانياً علمونا زمان أن أى بنت بتيجى تعترف إنها بتحب فلان تبقى بنت مش محترمة وبجحة.

نهض واقفاً لينهى الحديث.

- الحوار إنتهى يا دكتور وياريت تبلغ رنا هانم اللى مش متريبة إنها تتلم شوية بدل ما ألمها أنا وأربها وأعلمها يعنى إيه اختلاط ودين.

انصرف وسط حالة من الذهول الشديدة التى تجتاح ملامح الدكتور إبراهيم.

\*\*\*

رئيس المباحث يستمع إلى دكتور إبراهيم بتركيز شديد, فى يده لفافة تبغ مشتعلة سَهَا عنها حتى كادت النيران أن تحرق أصابعه بعدما ابتلعت اللفافة بأكملها, أطفالها وهو يبتسم ابتسامات صفراء لا تخلو من السخرية.

- وطبعاً روجت قولت لرنا الكلمتين دول فما عجبهاش الكلام وقررت إنها تعمل حاجة تنتقم بيها وتخرج الشحنة اللى إنت شحنتها بيها وترد على الرد المستفزه, مش كدة برضو يا دكترة.

- تمام يا فندم, حضرتك توقعت اللى حصل بالضبط.

- لا دا مش توقع يا دكترة, الفكرة كلها إنى بحب أتفرج على روتانا سينما كتير جداً.

- أفندم.

- والله زى ما بقولك كده, دا حتى الفيلم اللى إنت بتحكيه ده لسه متفرج عليه أول إمبارح.

- يا باشا أنا...

قاطعته سليم بحده شديدة.

- أنا عاوزك تحكى كل اللي إنت عارفه مش تحكى اللي إنت عاوز توصله ليا بالطريقة اللي إنت عاوزها.

أسند ظهره إلى الخلف قبل أن ينظر في عيناه بشراسة ويستأنف حديثه.

- ياريت ما تلفش حبل المشنقة حوالين رقبتك أكثر من كده.

لا يوجد ما هو أصعب من أن تجد نفسك متهماً أمام ضابط بحجم سليم أبو فرحة، الخوف تملك من كل خلية من خلايا الدكتور إبراهيم، تسرب ذلك الخوف وباتت رائحته ظاهرة بالنسبة لسليم فهو ماهر جداً في استنشاق رائحة الأدرينالين، أردف بنوع من الثقة بالنفس.

- ها يا دكترة، إحكىلى بقى بقية الفيلم، أقولك إحكىلى من أول ما الدكتور عصمت جه واتهجم عليك في مكتبك وقالك قدام كل الناس إنه هينتقم منك ومنها.

تيسب الدكتور إبراهيم بعدما هربت الدماء من عروقه، يرمق رئيس المباحث تلك النظرة التي تشعر من خلالها أنه مسخ لا يستطيع الاقتراب منه، فقط يظهر الهول على عيناه وملامحه.

\*\*\*

قبل وقوع الجريمة بأسبوعين.

دكتور إبراهيم جالس على مكتبه وبصحبته لجنة من الأطباء المشرفين من وزارة الصحة، يتحدثون في أمور هامة خاصة بقرارات جديدة سوف تُعلن عنها وزارة الصحة في القريب العاجل، تتناول أذُنهم تلك الأصوات المرتفعة الناتجة عن الشجار الذي نشب بين دكتور عصمت وسكرتيرة المكتب التي تحاول منعه من اقتحام مكتب مدير المستشفى، ارتفع الصوت واحتد قبل أن يقتحم الدكتور عصمت المكتب، ينظر إلى د/ إبراهيم بلامح يتجسد فيها الغضب الجامح، صدره يعلو ويهبط وطاقته أنفه تتسع بوحشية كالغوريلا.

- اسمع زى ما بدأت المهزلة دى تهيمها يا إمّا ودينى وما أعبد لأكون منتقم منها،  
إنت متعرفش لحد دلوقتى عصمت ممكن يعمل إيه، إنت فاهم ولا لأ.

انتفض دكتور إبراهيم من مجلسه وكأن عقرب قد لدغه وراح ينهر عصمت على ذلك الأسلوب الغير مهذب بصوت احتد خاصةً من أجل ذلك الحدث.

- إنت ازاي تتكلم معايا بالطريقة دى، وإزاي تدخل المكتب بالشكل ده، إنت متحول للتحقيق يا دكتور واتفضل من هنا باحترامك بدل ما أجيبلك الأمن يرميك بره،  
إتفضل.

- ماشى يا دكتور إبراهيم بس أنا هعرف إزاي أخذ حقى يا دكتور إفتكر  
الكلمة دى كويس.

ركل بقدمه إحدى الكراسى القابعة بالقرب منه فسقط الكرسي على الأرض  
وانصرف دكتور عصمت بغضب وعصبية مفرطة.

\*\*\*

سليم أبو فرحة يتأرجح على الكرسي يمينًا ويسارًا، ينظر إلى السقف بطرف  
عينه ويعقد يديه على صدره، يحك ذقنه فى برود ويتحدث إلى دكتور إبراهيم دون  
النظر إليه.

- وهو لما عصمت عمل كده وهدد بالشكل ده ما بلغتش ليه من ساعتها.

- ما توقعتش أن.....

قاطععه سليم بتكرار كلمته الأخيرة بنوع من السخرية والاستهزاء.

- ما توقعتش!!!! لا برافو عليك يا دكترة، رؤية مدير فعلاً.

- هو سعادتك ليه بتكلمنى كده.

- معلىش يا دكترة استحملنى شوية أصل أنا غتت, أعتت ظابط ممكن تقابله فى حياتك, حظك بقى.

- طب ممكن اسأل سؤال؟؟

- يا سلام بس كدة, إسأل يا دكترة.

- هو ليه أيمن باشا السلحدار مش هو اللى بيحقق فى الموضوع ده, مش هو برضورئيس مباحث قسم المدينة؟؟

ابتسم سليم مستهزئاً وهو ينظف أظافره, صمت للحظات تعاظمت فيها الأنا العليا المتعاظمة فى الأساس بداخله, أصفر وجهه قليلاً ثم أجابه وهو يضغط على أعصابه مُحاولاً ألا تظهر عليه آثار الضيق أو الاختناق من كلماته المستفزة.

- أنا هجاوبك رافة بيك لأن واضح إنك مش نايم فى المستشفى بس لا إنت نايم على نفسك فى كل حاجة, أيمن باشا السلحدار إنتقل من قسم 15 مايو لقسم الخليفة وأنا جيت مكانه من هناك, ودى أول قضية ليا, بقول لسه يا هادى, كده أنا إديتك معلومات من قلب الداخلية نفسها ومن منطلق بقى أن مفيش حاجة ببلاش أنا هكتب فى التحقيق إنك أصريت وبشدة على وجود أيمن باشا السلحدار, هو يعنى كان انتقل من شوية, واضح إنك كنت بتعزّه أوى يا دكترة.

ابتسم له باستفزاز ثم أردف.

- قولى بقى سَعده حاول يتعرضلها تانى؟؟

- سَعده مين؟؟

- سَعده, سعيد الهوا, دكتور سعيد يا مدير.

- أه, كتير, هو حاول يضايقها كذا مرة وبعدين عرض عليها الجواز, طبعاً هى رفضت, هدهدا بالقتل لما حكيت للمستشفى كلها وفضلوا يتريقوا عليه فى الراححة والجاية.

- وطبعًا إنت عرفت كل ده لإنك الصدر الحنين بتاعها.
- باشا بعد إذتك كلمنى بأسلوب أحسن من كده، أنا مهما كان مدير مستشفى، وخلي بال سعادتك إنت بتتعامل مع شاهد مش مع متهم.
- قالها د/إبراهيم بصبر بدأ ينفذ وبِعصبية تنمُ عن عدم تحمُّله للضغط أكثر من ذلك، تبعثرت ملامح سليم مستهزأً ومدعيًا الخوف والارتجاف من رد فعل مدير المستشفى.
- روق بس يا دكترة وما تأفورش عليا كده.
- إسمى الدكتور إبراهيم، ولو سمحت مش عاوز أسمع كلمة دكترة دى تانى.
- قالها بانفعال شديد والشرر يتطاير من عينه، ما كان من سليم إلا أن بسَطَ يده وطلب يهدوء شديد هاتفه الخلوى، هداً دكتور إبراهيم قليلاً وتَسائل في تعجب ودهشة شديدة عن سبب ذلك الطلب المباغت الغير متوقع بالمرّة في مثل ذلك الوقت!!
- هطلع رقم تليفون المجنى عليها علشان هبعث أجيب آخر مكالمات ليها من شركة المحمول.
- مش معايا الرقم.
- أشاح بوجهه بعيدًا وتحدّث معه بشيء من العنف دون النظر إليه.
- هندهه أى حد ملوش لزمة شغال فى المستشفى هاخد منه الرقم وهكتبه على موبيلك وهلاقيه معاك ومسجله هلبسك قضية تضليل السلطات.
- مدَّ يده وأمسك بصورة د/إبراهيم مع أسرته الموجودة على سطح المكتب، وأشهرها فى وجهه.
- وحياة ولادك دول ما تخلينى أزعل منك، علشان أنا زعلى غيى أوى.

ماذا فعلت في حياتي ليبتليني الله بتلك الداهية التي تمكث أمامي الآن، ما هذا الرجل الذي لا تمر منه صغيرة ولا كبيرة إلا حللها وفسرها وتساءل عنها، ما هذا الفطن الذي كلما وجهت له سؤالاً مبالغاً وجدت عنده إجابة مقنعة، أنا لا أستطيع حصره في أي شيء، معه دائماً ينقلب السحر على الساحر ويحصرني هو بكل يسر، نعم علمت أخيراً من هو!! إنه حظي السيء الذي أتى بذلك الثعلب إلى قسم المدينة قبل وقوع ذلك الحادث الغاشم، لعنة الله على ذلك الحظ السيء الذي لم يفارقتي أبداً، هذا ما يدور في عقل دكتور إبراهيم، نظر له سليم طويلاً ثم استنّهته.

- رقم التليفون يا دكتور إبراهيم، هو إنت نمت ولا إيه؟؟

مدّ يده داخل البذلة وأخرج هاتفه الخلوي ذو الشاشة العملاقة، داعبها بأصابعه التي ترتعش رغماً عنه وسط نظرات سليم المتسلطة على يديه التي ترتجف بلا هوادة والتي يدرك جيداً حجم الضغط العصبي الذي يَضَعُه فيه، نظر إلى شاشته طويلاً ثم بدأ يعطيه الرقم.

- 01187

انْتَرَعَ منه سليم الهاتف على حين غفلة وهو يرمقه بلامح وجه بارده مستفزة، رفع إحدى حاجبيه باستفزاز مبالغ فيه.

- أنا هشوف الرقم بعيني، أصلى سمعي ثقيل شوية.

رمق الشاشة بعدما ابتسم له باستفزاز شديد، اتسعت عيناه وابتعد حاجبيه عن بعضهما البعض وكأنهما في خصومة وخلاف شديد، يتابعه دكتور إبراهيم بتوجس وخيفة شديدة كادت أن تقضى على حياته.

- إيه يا دكترة، مش المجنى عليها كانت ممرضه برضو واسمها رنا.

هز رأسه دون أن يتكلم ثم طقطع فيه في استفزاز.

- الله أمال مسجلها عندك دكتور السنوسي ليه.

تلعثم دكتور إبراهيم في البداية ثم حاول سريعًا استجماع قواه.

- للأسف أنا مش بعرف أتعامل مع الموبايلات الجديدة دي فحصل خلط بين رقم رنا وبين رقم صديقى الدكتور السنوسى.

يستمتع إليه سليم دون أن ينظر إليه ودون أن يرفع عينه ليلاحظ كلماته ولسانه المرتعش، فقط ظل يداعب شاشته بلا هوادة بحثًا عن شيء أخريفضح كذبه.

توقف فجأة وابتسم وكأنه وجد دليل إدانته جديد.

- فعلاً يا دكترة، ثقافتك فى التليفونات الجديدة قليلة فالأمر اختلط عليك بدليل إنك باعتلها رسايل بنفس الاسم ده، دكتور السنوسى، مش بقولك إنت مصمم تزعلنى منك، أنا مش بقول أى كلام.

تعرفت جهته وساد ملامحه الوجوم الثقيل وهو يصغى إلى كلمات سليم القاسية، تعالت دقات قلبه تباعاً وهو يستوعب فكرة أن رئيس المباحث يزحزحه شيئاً فشيئاً تجاه حبل المشنقة، قطب جهته وتعالى أصوات أنفاسه وهو ينظر إلى سليم وعيناه مفتوحتان لا تطرفان، أردف سليم بنبرة صوت باردة مذيبة للأعصاب.

- المجنى عليها اتصلت ببيك الساعة تسعة يعنى وقت وقوع الجريمة تقريباً، وإننت ما ردتش عليها بس رجعت كلمتها تانى بعدها بسبع دقائق تقريباً وهى ما ردتش، تفسرده بأيه يا دكترة؟؟ صدفه وتصادف مثلاً.

- سليم باشا، أنا ماليش دعوة بالجريمة دي، أنا ما كانش فى أى خلافات بينى وبينها.

حاول الدكتور إبراهيم أن يخلى رأس سليم من كل الأفكار التى تضعه فى خانة الجانى أو على الأقل فى خانة الشرك الذى كان يهيمه سماع خبر وفاتها فى أسرع وقت، لكن ذلك الطراز الذى ينتمى إليه سليم أبو فرحة لا تنقشع من رأسه أى أفكار بتلك الطريقة التى يتصدرها القسم المتكرر، لن يستطيع أن تزحج ما برأسه إلا عن طريق شيئاً مادياً ملموساً.

أجابه سليم بتلك اللهجة المملولة التي يجدها رجال المباحث جيدًا والتي لن تخلو أبداً من السخرية والاستهزاء الذي اشتهر به سليم.

- أنا قولت كده يا دكترة لا سمح الله، دكترة، حتى بقى أقول يا دكترة من غير ما تفور عليا، مش يمكن يا دكترة كانت بتتصل بيك تشتكيلك من اللي قتلها مثلاً، أو بتقولك إن في حد بيتهجم عليها، ما تنساش إنك صدرها الحنين.

دكتور إبراهيم وصل إلى مرحلة كان بها على وشك البكاء، لا يدري ماذا يفعل وماذا يقول له ليبعد تلك التهم التي تتساقط على رأسه بلا تَمَهُّل، استكمل سليم تحقيقه.

- قولى كده مين اللى كان فى المستشفى أمبارح.

- أنا قُلت لحضرتك من شوية؟

- معلش أصلى عندى زهايمر.

- يارا الممرضة والدكتور عصمت وحسن بتاع الاستعلامات أمّا الغفير كان أجازة.

قالها الدكتور إبراهيم بلهجة مرتعشة ثم تذكر شيئاً ما فأردف سريعاً.

- آه وفى واحدة بتاعت نظافة اسمها أم هانى.

- أفهم من كده بقى إن دايرة الشك بتاعتنا يا دكترة فيها خمسة، دا على أساس إنك لحد دلوقتى شاهد ملك، دكتور عصمت، دكتور سعيد، يارا، حسن، أم هانى، خمسة مش كده.

- آه، ولو الجريمة دى تمت قبل كده بأربع أيام بس كان زمانهم بقوا ستة.

- عروستى!! مش فاهم يعنى.

- لسعة.

احتدت قسمات وجه سليم وكأنه كان لا يتوقع سماع ذلك الاسم المرعب.

- مين؟؟؟!!!!

قالها بجدية خالية من أى استهزاء على عكس باقى حوار التحقيق منذُ بدايته.

- لسعة، واحد كان بيتردد على رنا فى الفترة الأخيرة.

- إيه لسعة ده!! ملسوع يعنى؟

- معرفش يا باشا، هو كان لقبه كده.

- أيوة إيه حكاية عم لسعة ده، وكان بيتردد عليها ليه؟؟ وإننت كنت شاكك فيه

ليه؟؟ وأشمعنى أربع أيام؟؟

\*\*\*

القمر ينير سماء تلك الليلة الهماء معتمة الظلام، ميكروباص أبيض يتوقف أمام بوابة المستشفى، يهبط منه شاب له هيئة الخارجين على القانون، لا تلتقى عينك بعينه إلا ووجدت ثمة خفقان غريب يحدث لقلبك، ستشعر بعدم طمأنينة من هيئته المرعبة التى لا ريب فيها، تكوينه الجسمانى يشى بتلك الحياة الإجرامية التى يعيشها ومدى الصراعات النفسية القاسية التى تحدث بداخله، ربما هى لها علاقة بماضيه وربما هى تكوين نفسى حديث لما يجده الآن فى حاضره، قصير القامة، ذو وجه وعر، عظام جبهته عالية، عيونه غائرة، أنفه شبيهة بالمنقار، لديه خط فك حاد وأسنان غير اعتيادية، نحيف لدرجة أن وجهه أقرب إلى جمجمة مُحنطة، تلك المواصفات المحددة تضعه فى خانة عالم الإجرام طبقًا إلى نظرية الرجل المجرم التى وضعها تشيزرى لومبروزو، تلك النظرية التى تعتبر حجر الأساس فى علم " الأنثروبولوجيا الجنائية "، يمتلك أيضًا شارب دقيق يبدو وكأنه رُسمَ بقلم ذات خطٍ رفيع، يترجل عابراً بوابة المستشفى مرورًا بذلك الغفير الصعيدى الذى دائماً ما تجده يُصارع النوم ودائمًا ما تجده يخسر خسارة فادحة فقط من اللكمة الأولى، دخل إلى المستشفى ليصطدم بـ " حسن " ذلك الشاب المصنوع الذى يمتلىء جسده بالأمراض المستوطنة، ينتمى إلى ذلك الطراز الذى يعمل

في أى شىء مقابل لقمة العيش، يعمل رجل أمن ورجل استعلامات ومسئول اتصال في الفترة المسائية بالمستشفى، وربما في يومٍ من الأيام لو احتاجوا إلى طبيب لوجوده يعلن لهم عن نفسه!! لا بأس فمن منا يعمل في تخصصه من الأساس!!!!، تلك هى نظريته الخاصة التى يعيش بها.

دخل " لسعة " يترنج بطريقة تُظهر آثار تلك المادة المخدرة التى ربما هو تحت تأثيرها الآن.

- مساء الجمال والانتعاش الزائد.

قالها إلى حسن الذى ظل ينظر له باشمزاز شديد للغاية.

- حضرتك عاوز تكشف، دكتور النبتش....

قَدَ كلماته ثم أردف سريعاً.

- يا عم أكشف مين، إنتم مفكرين الثلاثة متر اللى إنتم قاعدين فهم دول مستشفى.

- أمال إنت عاوز إيه؟؟

- أنا عاوز رورو، رنا.

- مين!!

- رنا الممرضة يا جدع!! حد فى المدينة كلها ميعرفش رنا الممرضة دى مربية أجيال.

قالها بذهول من يتحدث عن الفنانة مرفت أمين ثم اكتشف أن شخصاً ما لا يعلم من هى!!! استكمل حديثه بنفس تلك اللهجة الغربية.

- قولها إنت بس لسعة وهى هتدشكح.
- لس... إيه؟ اسمك إيه؟؟
- بيبيبييه, دا إنت لبخة أووووى.
- صرخ بصوت عالٍ وكأنه يستنجد بها.
- رناااااااا, يا رنااااااا.
- يا أستاذ مينفعش كده.
- إهبط يلا وما اسمعش صوتك, إنت هتعملى فيها وزير الصحة.
- استكمل صراخه بلا توقف أو انقطاع حتى ظهرت له رنا تركض بسرعة تجاهه.
- فى إيه, فى إيه؟؟؟
- عمال أندع عليكى يا رنا إنت فىن؟؟
- إنت تعرفى الأشكال دى منين يا رنا.
- قالها حسن فى تحير شديد فانفجر فيه " لسعة " بصوته الغليظ الذى لا يخلو من  
أثار تلك المخدرات التى يتعاطاها بشكل دورى.
- مالك ياض عامل فيها أحمد زويل ومحدث عاجيك كده, ياض دا انت فرد  
أمن هتية ولا ليه أى لازمة أصلاً.
- صفعته على كتفه بقوة جسدت ذلك الإحساس المقيت التى تشعر به تجاهه.
- إطلع بره وإخرس, إخرس.

دفعته إلى الخارج وهي تغرق حسن بالاعتذارات المتتالية التي لا حد لها، استوقفتها خارج باب المستشفى، تتحدث معه بحدة وصرامة غير مسبوقه.

- إيه الشبورة اللي إنت داخل بيها دى، اللي يشوفك كده يقول عليك القيمة.
- وليه الغلط ده يا رونى يا حبيبة قلبى ، أنا غلطان يعنى علشان بسأل عليكى!! والله عيب يا رورو الكلمات دى.

يتحدث إليها وهو يتفاعل مع كلمته بجسده الذى لم يتوقف عن التراقص، اقترب منها وحاول أن يضع يده على جسدها فانتفض قبل أن تدفعه وهي تكشف له عن أظافرها الحادة التي ستخدش بها جسده إن حاول تكرار فعلته.

- لا إنت تلم نفسك بدل ما ودينى أقلع الجزمة وأنزلها فوق دماغ أهلك، إنت تتلسع فى دماغك على أى حد إلا أنا، فاهم ولا أعيد تانى.

- شرسة، واللى خلق الخلق طول عمرك شرسة.

- لخص يا لسعة فى يومك علشان يعدى.

- ماشى ياختى هاتى الأمانة علشان أنزاح من هنا.

بوجه مبعثر الملامح مدت يدها فى جيب بذلة الممرضات التي ترتديها ثم أعطته ظرف أبيض مغلق ممتلئ عن آخره بشيء ما لا نعلم ما هو، أخذها منها ثم قبَّله وكأنه ابنه الذى وجده بعدما كان تائهًا قبل أن يبتسم لها ابتسامة سَمِجَة.

- من يد ما نعدمها يا رونى.

- بعد كده لما تيجى هنا تيجى بأدب يا أمَّا ودينى وأيمانى ما هتشوف منى حاجة تانى.

- ليه يا رونى الإسلوب ده ما تخليكى مهذبة كده.

- سمعت ولا ما سمعتش.

- سمعت ياختى وكلامك خرم طبله ودانى.

- سمعت الرعد فى ودانك يا بعيد، يلا بقى شد من هنا يا عسلية علشان دكتور إبراهيم هنا ومش عاوزه مشاكل، مش أخذت الحاجة بتاعتك غور بقى من هنا.

لا يستجيب لها فقط تتعلق عيناه على باب المستشفى، رنا لا تدرك سبب ذلك التيبس المفاجئ، التفتت خلفها لتجد دكتور إبراهيم مدير المستشفى يقف على الثلاث درجات التى تصل بك إلى الباب الزجاجى الخاص بمبنى المستشفى، يسترق السمع لحديثهما، تلعثمت رنا وارتبكت وكأنه اقتحم غرفتها فوجدها فى وضع فاحش، رفق " لسعة " وهو يدس يهدوء ذلك الظرف الأبيض الممتلىء التى أعطته هى إياه فى جيب بنطاله الخلفى.

- فى إيه يا رنا، إيه اللى بيحصل هنا؟؟

- دا عبد الرحمن ابن خالتى كان جاى ياخذ منى حاجة كده وخلص خدها.

قالتها بارتباك شديد أثار الشك والريبة فى قلب دكتور إبراهيم، أردفت بعجالة شديدة.

- يلا يا عبد الرحمن إمشى إنت علشان تلحق شغلك.

انصرف " لسعة " دون أن ينطق بكلمة واحدة، صعد إلى سيارته " الميكروباص " لكن قبل أن ينطلق بها مَحَ الدكتور إبراهيم شاب أخر يجلس فى المقعد المجاور له، لم يستطيع تحديد ملامحه بسبب الإضاءة الخافتة والسرعة التى انطلق بها هو بالسيارة ولكنه كَوَّنَ صورة ذهنية بسيطة عن هيكله وإطاره الخارجى.

- كان عاوز إيه ده يا رنا؟؟

- دا ابن خالتى وكان عاوز الشهرية اللى يساعد بيها خالتى.

- شهيرة!!!!

- أه أصل خالتي دى مريضة وقاطعة رجلها بعيد عنك وجوزها كمان متوفى وعندها عيال كتير فأنا بساعدها بمبلغ كده صغير من باب الثواب يعنى.

- ماشى يا رنا، إنتِ حرة فى تصرفاتك وفى فلوسك بس الأشكال دى مش عاوز أشوفها تانى هنا ممكن.

- دا ابن خالتي يا دكتور.

- رنا حسن قاللى على الطريقة الزفت اللى دخل بيها هنا، مش عاوز أشوف الأشكال دى تانى يا رنا.

- حاضر.

\*\*\*

بعد تلك الواقعة بشهور و  
قبل الحادث بأسبوع.

أمام باب غرفة الممرضات، دكتور إبراهيم يترجل داخل المستشفى، يتفقد كل صغيرة وكبيرة بنفسه كعادته منذ أن تولى زمام أمور القيادة، يقترب دون عمد من باب الغرفة مُحكم الغلق، يستمع إلى صوت شجار نشب بين رنا وشخص ما لا نعلم من هو، لا يستطيع أن يتوقع لأى شخص ذلك الصوت الأجش الغير مميز، يقترب من الغرفة أكثر، يمد رأسه ويضع أذنه على باب الغرفة وكأنه دكتور باطنة يضع أذنه على صدر مريض.

- إشتري نفسك يا رنا وقوليلي هما فين، أنا أمى بتموت فاهمة يعنى إيه أمى بتموت، وإنّ مش هتبقى أغلى عندى منها.

قالها ذلك الشاب فأجابته رنا بكل حدة.

- تموت ولا تعيش وأنا مالى، أنا أساساً مليش صلّه بهم، ناس وكنت أعرفهم عن طريقك وخلص بح، كل حى راح لحاله، ومن النهاردة بقى مش عاوزة يبقى ليه صلّه بيك إنت كمان.

- يا رنا ما تركيبش دماغك واللى خلق الخلق هضُرك، أنا لحد دلوقتى مش عاوز أأذيكى يا بنت الحلال أنا أمى بتموت ولازم اتصرف، واللى خلق الخلق لازم اتصرف.

- يابنى وأنا مال ، روح اتصرف بعيد عنى.

- ماشى يا رنا، بس إنت كده جبتيه لروحك واللى خلق الخلق جبتيه لروحك بقى.

يستمع إلى صوت صراخ مكتوم وتشابك بالأيدى، يفتح الباب على مصراعية بقوة فيجد أمامه " لسعة " يمسك رنا من شعرها بعنفٍ زائد، يلف ذراعه حول رقبتها ويعتصرها بقوة، يكتم فمها بقبضة يده المتكتلة على فمها، ملامح وجهه لا تنمُ أبداً عن خير، الشرر يتطاير من عينه بجنون، ينتفض حينما فُتِح الباب ووجد أن دكتور إبراهيم يقف أمامه منتصب، جامد الملامح، تتراخى ملامحه ويتركها شيئاً فشىء، ينظر إلى دكتور إبراهيم طويلاً قبل أن ينفجر فيه.

- إطلع بره يا حيوان يا همجى، أنا لولا إنك قريبها أنا كنت بلغت الشرطة حالاً وسجنتك .

ينظر لها والشر يخرج من عينه، يتوعد لها عن طريق تلك النظرات النارية، يتركها ويتجه ناحية الباب، دكتور إبراهيم يقبض على ملابسه بقوة، يستوقفه، يُحدثه بعنف دون أن ينظر إليه.

- لولمحتك بس عديت من قدام باب المستشفى أنا هوديك فى ستين داهية، إنت سامع ولا لا.

يدفعه إلى الخارج وسط نظرات الغيظ التى يسدها إلى رنا.

- ماشى، بس إبقى افكرها يا بنت خالتي.

صرخ فيه إبراهيم " برررة "، فخرج وهو يُتمتم بكلام غير مفهوم، التفت إليها، تحدث معها بضجروقسوة.

- أنا مش هسألك هو إيه اللي خلاه يعمل فيكى كده لأن ده شئ ما يخصنيش، إنما أنا اللي يخصنى سبق وقولته قبل كده، مش عاوز أشوف الأشكال دى هنا وشفتها، عندك خصم يومين والمرة الجاية هيبقى فى تحقيق ووقف عن العمل.

أماءت برأسها وفى عينها لا يظهر أى انكسار بل هى ملامح توحى بالانتقام الجامح الآتى بلا ريب أو شك.

\*\*\*

حينما بدأ الضوء ينسحب تدريجياً ليحل مكانه الليل والظلام كان دكتور إبراهيم يجلس على مكتبه يلوم نفسه على ما فعله، لماذا عاقب رنا وهى لم تدعوه أو تطلب منه أن يأتى إليها فى مكان عملها، ربما هى مرغمة على مقابلته لأن هذا الصنف من البشر أمثال ابن خالها لا يعرف عن الذوق أو الاحترام أى شئ، ظل دكتور إبراهيم يُحاور نفسه حتى وصل فى نهاية الأمر أنه قد أخطأ حينما عاقبها هى، لا بد أن يقف بجانبها فربما هى فى محنة حقيقية وتريد من يساندها وليس لمن يعاقبها، أحس أنه فى حاجة ماسة إلى استنشاق هواء نقى لعله يساعده على التفكير والتركيز، نهض من على مكتبه واتجه إلى تلك النافذة التى تطل على بوابة المستشفى، أزاح الستار وقبل أن تمتد يده على النافذة لاحظَ أنَّ رنا تركب سيارة غريبة بجوار شخص ما، لم يتمكن هو من رؤية وجهه، فقط وقعت عيناه على جزء من ذراعه الذى يخرج من نافذة السيارة، بعدها خرجت رنا مُهزولة، اِقْتَعَدَتِ السيارة ثم انطلقت بها فى أسرع ما يكون.

ما حدث أمامه أثار دهشته بشكل كبير وجعله يشعر أنَّ هناك أمراً ما غير طبيعى يحدث مع رنا.

\*\*\*

حاول دكتور إبراهيم أن يقص كل الأحداث الماضية بطريقة مفعمة بالغموض والإثارة فيستعير فيها تركيز سليم، ربما لتغيير وجهة نظره وبتبعد هو عن دائرة الشك

التي يعلم جيداً أن اسمه قد حُفِرَ فيها، سليم يستمع له بإمعان شديد وهو يُحرك القداحة الخاصة به بين أصابعه برتابة.

- قلتلى الواد ده إسمه إيه.

- لسعة.

- لا أنا عاوز الحقيقى.

- عبد الرحمن.

- عبد الرحمن إيه.

- لا ما أعرفش.

- ما تعرفش آاه، ماشى، عمومًا أنا هعرف بطريقتى ولو إن معنى الكلام اللى إنت بتهرى فيه ده مش واقعى.

- يا باشا، رنا عمرها ما كذبت عليا فى حاجة.

- جرى إيه يا هيما ما تفوق شوية من الأوهام اللى إنت عايش فيها دى، هو فى مرتب ممرضة فى مستشفى حكومى بيكفيها علشان تساعد بيه حد، ولو فرضنا معنى إن الكلام ده صح، إزاي إنت سمعته بوندك وهو بيقولها أمى بتموت يارنا وهى بتقوله وأنا مالى ومال أمك، منين بتساعدنها ومنين مالهاش دعوة بيها!!

أغمض دكتور إبراهيم عَيْنَيْهِ ونظر إلى الأرض، لا يجد ما يقوله بعدما أَفَحَمَهُ سليم بالمنطق والحُجَّة، عين سليم تلمع ببريق ملحوظ وهو يمارس الضغط العصبى على دكتور إبراهيم طيلة الوقت، استأنف العبث بتلك القداحة بين أصابعه وهو ينتظر ردًا مقنعًا من دكتور إبراهيم الذى بدأ يُغْرِقه العرق وكأنه على شفا الدخول فى نوبة قلبية قاتلة.

- دكتور إبراهيم.

قالها سليم مفاجأة فارتعد.

- كنت قولتلى إنك مدير المستشفى مش كده؟؟

اللعنة على هذا الأسلوب الهادئ الشرس فى الوقت نفسه، كل هذا الضغط العصبى والتملُّك ونحن فقط فى مجرد استجواب بسيط، ماذا سيحدث عندما تُبحر السفينة إلى تحقيق رسمى فى قسم الشرطة.

- أنا الصراحة ما أعرفش إيه هى اختصاصات مدير المستشفى، بس أعتقد إنها كبيرة، على الأقل أكبر من اللى إنت بتحكيه ده يا دكتورة، حاسس كده إن كل حياتك فى المستشفى لرننا وبس، زعقتلها الصبح فضميرك شكشكك المغربية والمفروض ما تعملش كده، المفروض ما تعاقبهاش المفروض تقف جنبها، جرى إيه يا عم عمرو دياب دى لو مراتك مش هتعمل كده.

- يا باشا لو سمحت كفاية تجريح لحد هنا.

- وانت يا هيمما كفاية اشتغالات لحد هنا.

- يا باشا حتى لو كان كلامى عن لسعة ده إشتغالات فمش هتفرق لإنه إتوفى قبل الجريمة بخمس أيام بالظبط، بس حصلت حاجة غريبة قبل الوفاة بتاعته بيوم واحد بس.

\*\*\*

أقدام دكتور إبراهيم تتابع الخطى مُصدرة ذلك الصوت الرتيب حتى وصل إلى باب كبير مكون من دلفتين إحداها مفتوحة على استحياء، عُلقَ على بابها من الأعلى لافتة كُتب عليها "الرعاية"، تتكون من أربعة أسرّة، يفصل بين كل سرير والأخر ستارة خضراء، "لسعة" نائم على سرير فاقد الوعي تمامًا، على وجهه وجسده أثار كدمات تخبر كل من تقع عيناه عليها بأنه تم سحله على الأسفلت لفترة طويلة، يخرج من فمه ومن جسده أسلاك لا حصر لها توحى إليك وكأنها تجربة معقدة لإعادة الحياة إلى أحد الموتى، بجواره تجلس رنا، صوت أقدام دكتور إبراهيم دفعها لتتكبّ على السرير فجأة وكأن هناك قنبلة سوف تنفجر داخل الغرفة، رمقها دكتور إبراهيم سريعًا وهى تنكبّ

على سرير المريض, لم يأخذ الموضوع في اعتباره, ربما هي تبكى على ما وصل له ابن خالتها, اقترب منها ببطء, وضع يده على ظهرها مهدوء فانتفضت وكأن عقرب سام لدغها.

- إيه يا رنا بتعملى إيه هنا.

- قاعدة جنب ابن خالتى.

حركت قدميها بشكل غير طبيعى تجاه السرير, دكتور إبراهيم شعر بحركة قدميها ولكنه لم يأخذها في الاعتبار, اعتبرها حركة لا شعورية ناتجة عن التوتر الشديد.

- هو إيه اللى حصل؟؟

- عربية خبطته وهو بيعدى الشارع.

- هنا فى المدينة!!! أنا عمري ما شفت حد هنا ماشى بسرعة.

- أهو نصيبه بقى, ربنا يستر يا دكتور إبراهيم الحالة بتاعته وحشة أوى.

- ما تقلقيش يا رنا أنا هتابع حالته بنفسى ولو إنه يعنى ما يستاهلش بس مهما كان دى وظيفتى.

- ربنا يخليك يا دكتور إبراهيم.

- هو إنتِ نبطشية النهاردة؟؟

- لا.

- طب إيه اللى مقعدك هنا, قومى يلا أنا هرؤجك.

- يعنى معقول هروح وهسيبه مش كفاية خالتى قاطعة رجلها ومش هتعرف تيجى.

- وقعدتك جنبه مش هتعمله حاجة, قومي يا رنا ومن الصبح بدرى خليكى جنبه وراعيه.

تستجيب هى إلى كلامه الرصين الذى لا غبار عليه, شرعت بالنهوض ودكتور إبراهيم يمسك يدها فى محاولة منه لإنهاضها واستعادت توازنها, وقعت مقلتيه على تلك الشاشة التلفزيونية التى تُظهر رسم القلب الدائم لمريض الرعاية وتُظهر أيضًا ضغط دمه بصفة مستمرة, الشاشة لا يظهر عليها أى شىء وكأن هذا المريض قد توفى.

- هو المونيتور مش شغال.

- يا دكتور ما حضرتك عارف معظم الحاجات هنا فى الرعاية مش شغالة.

- ماشى هبقى اتصل بشركة الصيانة بكره تيجى تشوفه.

خرجوا سويًا من الرعاية, فجأة وقبل أن يبتعدوا بعيدًا عن الغرفة تذكرت رنا هاتفها الخلوى, استأذنت من الدكتور إبراهيم وعادت مرة أخرى ولكن حدث شىء غريب لم يستطيع هو تفسيره, أثناء عودتها وقبل الدخول إلى غرفة الرعاية, استمع إلى أنين هاتفها الخلوى القابع فى جيبيها!!!! إذا هى لم تسهو عنه ورغم ذلك أسرعته من خطواتها ودخلت بسرعة إلى الرعاية!!!

دكتور إبراهيم ينظر لها بدهشة, يُفكر فى الأمر, لماذا إدعت بأنها سهت عن الهاتف.

خرجت بعد عشر دقائق كاملة فوجدت الدكتور إبراهيم فى انتظارها, استفسر منها عن ما حدث, وكيف عادت إلى الداخل لتأتى بهاتفها وهو قد استمع إلى أنينه قبل أن تصل هى إلى الداخل, أجابته بسرعة وتلقائية عالية.

- أنا كنت راجعة أجيب موبايل عبد الرحمن بدل ما حد ياخده من الممرضات.

\*\*\*

سليم يستمع إلى حديث دكتور إبراهيم بتركيز طالب داخل لجنة امتحان فيزياء, سأله بلهجة جامدة تُظهر مدى قوة شخصيته البوليسية.

- هو المريض توفي إزاي؟؟
- هبوط حاد في الدورة الدموية.
- وماله, عموماً أنا هأمر بتشرح جثة المتوفي وبعرف سبب الوفاة الحقيقي مش اللي منقوش على ورق المستشفى.
- طبعاً يا فندم حقك, بس ممكن أعرف ليه؟؟
- ما شكيتش لحظة إنها تكون هي اللي قتلته.
- لأ طبعاً.
- ليه؟؟
- صمت قليلاً ثم بهدوء قال له.
- ابن خالها برضو, مهما وصلت بينهم الخلافات مش ممكن تفكر في حاجة زي دي ثم إنها هتقتله إزاي؟؟
- ما دخلتش وراها ليه لما تليفونها رنّ؟
- قولت يمكن كانت مستنية تليفون ومش عاوزه تعرفني ولا عاوزاني أسمع, أصل أنا مديرها مش أبوها.
- انحنى سليم ثم أزاح ياقة القميص عن رقبته وتحدث إلى دكتور إبراهيم بسخرية.
- بص كده يا دكترة, شايف الختم اللي على قفايا ده, شايفه.
- استعاد هيبتة ثم تحدث معه بلهجة رسمية متعالية.

- دكتور إبراهيم, أنا بوجهك تهمة قتل المجنى عليها أو على الأقل التورط في قتلها, أمّا بقى بالنسبة للرواية اللى إنت عمال تهرى فيها من أول ما قعدنا دى فدا كلام فارغ, إنت مفكر إنك بالطريقة دى تقدر تتوهى يا بتاع دكتور السنوسى.

- أنا ما قتلتش حد.

- بعد الاستجواب ما يخلص حضرتك هتشرفنا فى القسم شوية علشان نعرف موضوع إن المجنى عليها اتصلت ببيك وقت وقوع الجريمة بالظبط, الموبايل بتاعك ده هيفضل حرز معايا لحين الإنتهاء من التحقيق.

- بس يا فندم أنا.....

صوت طرق على الباب قطع حديث الدكتور إبراهيم, رئيس المباحث باهتمام " إتفضل " فُتِحَ الباب ببضع ليظهر أمامه شخص منحول ذو عظام وجه بارزة , نظر له سليم بإمعان, نَقَّبَ فى تلك المواصفات التى ذكرها له دكتور إبراهيم فأدرك أنه دكتور عصمت, إذا كان هو بالفعل فدكتور إبراهيم لم يُبالغ فى وصفه له, ابتسم ابتسامة بدت كأخدود يرتسم على وجه قاسى.

- دكتور عصمت مش كده.

أوما برأسه, بجواره كان يقف الأمين راضى.

- راضى.

- أيوة يا أفندم.

- مع دكتور إبراهيم, إتحفظ عليه فى مكان أمين لحين الإنتهاء من الإستجواب, ممنوع إنه يتكلم مع أى حد مهما كان ولو خالف الأوامر بلغنى.

ثار دكتور إبراهيم.

- ليه كل ده!!!! أنا مش متهم, أنا شاهد.

- يلا يا دكتور لو سمحت وما تضيعش وقت المباحث، إتفضل مع الأمين راضى.

نهض دكتور إبراهيم بصحبة الأمين راضى، ترجل تجاه الباب وسط نظرات عصمت القاسية، عيناه الجاحظة من وجهه الذى يئنم على أنه لم ينل تغذية حقيقية منذ ولادته تتبع دكتور إبراهيم وإنما ذهب كما تتبع زهرة الشمس القرص الأصفر، ظل يتأمله حتى بات يبعد عنه خطوة واحدة، رمق كل منهما الآخر بعين شاخصة توحى بأنهم عدوين لدودين على وشك أن يقتتلا، تدخل سليم لفض هذا النزاع البصرى بكياسة بعدما تأكد من الأمر.

- راضى ... مع الدكتورة.

- تمام يا فندم، يلا لو سمحت وما تجيبليش الكلام.

انصرف معه الدكتور إبراهيم بهدوء واستسلام تام وكأنه تحت تأثير التنويم المغناطيسى، دكتور إبراهيم لم يبالغ كثيرًا في وصفه للدكتور عصمت الذى يبدو عليه النحول الشديد والعصبية المفرطة، رأسه غير ثابتة، تهتز بلا هوادة وهو ينظر إلى سليم بعينين بارزتين على وجه شاحب قليل اللحم، بالفعل وجهه يعكس مدى الصراعات النفسية التى تحدث داخله، ينظر له سليم بثبات وهو يدرك جيدًا من أين سوف يبدأ.

- إتفضل يا دكتور عصمت واقف ليه؟؟

شرع عصمت فى الجلوس فأردف سليم ساخرًا.

- إتفضل يا روميو.

انتفض من مكانه وهبَّ واقفًا وكأن عقرب كان فى انتظاره على الكرسى، تحدث بعصبية مفرطة.

- لو سمحت أنا مش هبدأ التحقيق بالشكل المستفزده، أنا بنى آدم نظيف ومحترم، وكل الوساخة اللى حالك عليها إبراهيم الحرامى ده كذب فى كذب، إبراهيم ده ضلالى أصلاً ونجس، أنا مش عاوز أعتابه أكثر من كده.

تَجهم سليم وبدأ يكشف النقاب عن ذلك الوجه السيء الذى يحاول إخفائه قدر المستطاع, برزت عروق جهته فى حين أن قُطر رقبته بدأ يتعاظم وهو يزفر آخر دخان لفافة التبغ, احتدَّ صوته وبدأ أغلظ مما كان عليه.

- صوتك لو على تانى أنا هوديك فى ستين داهية, أقعد على الكرسى واتكلم باحترامك, إنت بتتكلم مع رئيس مباحث إنت فاهم ولا لأ.

كلمات سليم الحادة جعلته أكثر هدوءًا لكنه فى الوقت نفسه ظل محتفظًا بذلك الوجه الممتع, جلس على الكرسى فى حين أن سليم دفن لفافة التبغ فى تلك القطعة الزجاجية التى يطلقون عليها " طقطوقة " .

بهدوء بدأ الدكتور عصمت الدخول إلى الحديث مرة أخرى.

- طبعًا هو قالك إنى أنا إتهجمت عليه فى مكتبه وهددته هو وورنا الله يرحمها, بس هو حكى لحضرتك الموضوع من آخره, طبعًا مش هيقول لسعادتك إن رنا دى تقريبًا كانت بتحاول تعمل معايا تصرفات وحاجات أنا أخجل إنى أقولها, إبراهيم لعب بالورق وحكى لحضرتك الحدوتة من آخرها مش من أولها, لأنه راجل وسخ, أوسخ من الوساخة نفسها, بتاع حريم وستات والكل عارف إنه راجل نجس, بس اللى الناس ما تعرفهوش بقى إنه حرامى.

- حرامى!!!

- أيوة حرامى.

- فى دليل ضده.

- فى دليل بس مش بالظبط.

- يعنى إيه بقى, فزورة دى؟؟

- ممكن تدينى فرصة أحكى لسعادتك.

نظر سليم فى ساعة يده.

- بس إختصر وحياة أبوك علشان عاوزين نطلع على القسم.

## ( الفصل الخامس )

دكتور إبراهيم يجلس على كرسيه الوثير خلف مكتبه، يستند بساعديه على سطح المكتب، يتابع من خلف عويناته الكبيرة تلك السطور المنمقة المكتوبة بعناية شديدة على برنامج الورد، يتطلع إلى تلك الأوراق بتركيز شديد فربما هي أوراق تخص شيئاً ما هام خاص بالمستشفى.

فُتِحَ الباب فجأة وظهر دكتور عصمت كالنمر الغاضب، يزار بلا صوت فقط عيناه البارزة من وجهه النحيل كانتا تشعان نازاً، دخل بخطوات بدا فيها كوحش مجنون لا يهدأ ولا يريد أن يهدأ، دكتور إبراهيم يتابعه بعيناه دون أن ينطق بكلمة واحدة، سأله بحدة وهو يجزُّ على أسنانه.

- أنا عاوز أعرف إسمى إتشال ليه من لجنة الفحص الفنى بتاعة المستلزمات الطبية اللي جاية.

نظرله دكتور إبراهيم طويلاً قبل أن تتكور شفثاه على جانب فمِه الأيمن في ابتسامة باردة لا رأس لها ولا ذيل، تلك الابتسامة الباردة أثارت استفزاز الدكتور عصمت وجعلته يستكمل حديثه بأسلوب أعنف وأشد قسوة.

- أنا سألت سؤال وعاوز عليه إجابة.

خلع نظارته بهدوء وألقاها على سطح المكتب، أسند ظهره على الكرسي قبل أن يداعب شفثيه بأصابعه.

- مش هجاوب عليك إلا لما تهدا وتقعده.

- مش هقعده ومش ههدا.

- وأنا حر، أختار اللى يعجبني وأحطه في اللجنة، إنت مش هتحاسبنى، أنا هنا المدير وإنت مجرد موظف تحت أيدى يعنى تسمع كلامى، مش عاجبك روح اشتكىني في الوزارة.

- إنت بتقولى كده علشان عارف كويس إن الوزارة مش بتسمع غير كلام المديرين وبس.

- خلاص سيب المستشفى وامشى، قاعد فيها ليه؟؟

- ماشى يا دكتور إبراهيم إنت اللى إختارت، أنا هشتكىك بس مش علشان شيلت إسمى لأ علشان حرامى.

انتفض دكتور إبراهيم من على مكتبه.

- إخرس يا حيوان وإطلع بره إنت متحول للتحقيق.

- طالع يا حرامى وعلى فكرة أنا عرفت إن الشركة اللى وَّزِدت الحاجة للمستشفى دى بتاعتك من الباطن وأنا مش هسكت، سامعنى مش هسكت.

خرج عصمت مندفعًا فاصطدم بالسكرتيرة التى كانت فى دورة المياه وعادت مسرعة حينما ارتفع الصوت داخل المكتب.

\*\*\*

سليم يستمع إلى تلك القصة التى يروها د/عصمت وعلامة تعجب كبيرة تظهر فوق رأسه، استكمل عصمت كلامه.

- دكتور إبراهيم كان صاحب الشركة دى من الباطن وطبعًا محدش كان عارف بس أنا قدرت أوصل للمعلومة دى بعد عذاب، فضلت أراقبه فى كل حته حتى هنا فى المستشفى لحد ما عرفت المعلومة دى، الشركة دى مش أول مرة توردد حاجات وتطلع تعبانة، البيه كان بيعمل شركات وهمية وبيخلى ناس تدخل قدام شركته

المناقصات بأسعار مرتفعة علشان الموضوع يرسى عليه هو في الآخر, الشركة دى كانت بتورد للمستشفى مستلزمات كتير إحنا مش محتاجها تقريباً بضعف تمناها.

- يعنى الخلاف ما بينكم ما كانش على أن المجنى عليها طلبت الإرتباط بيك.
- هو قال لسعادتك كده, كداب والله العظيم كداب, عمر الحوار ده ما حصل ولا اتفتح بيننا.
- طيب لما أنت دخلت عليه المكتب كان لوحدة ولا كان معاه حد؟؟
- كان لوحده .
- يعني مكنش معاه ناس من الوزارة؟؟
- هو قال لسعادتك كدة , والله ما حصل بس دكتور إبراهيم يعرف ناس في الوزارة وسهل أوي يخليهم يشهدوا أنهم كانوا قاعدين .  
نظر له سليم طويلاً .
- طب والسكرتيرة اللي منعتك من الدخول , أزيي أنت بتقول اتصدمت فيها وأنت خارج؟؟
- وأنا داخل مكنش في سكرتيرة قاعدة أصلاً بس سهل أوي دكتور إبراهيم يخليها تشهد بأي حاجة .
- وبعدين بقى معاكم إنتم الإثنين, إنتم هتحدفوني ما بينكم ولا إيه؟؟
- يا باشا دكتور إبراهيم ده مش سهل, دا ثعبان مليون سم قاتل, مالوش لا مسكة ولا ملكة.

- طب واحدة واحدة كده يا عم الطاهر, إنت معاك دليل على إن الشركة دى بتاعته من الباطن؟؟

- للأسف لا.

- يبقى كلامك كله مالوش لزمة.

- بس حقيقة.

- إثبت.

- هثبت لسعادتك, بعدها لقيت رنا زى ما يكون مزقوقة عليه, طلبت نقلها لقسم الباطنة وطبعًا الطلب إتوافق عليه هوا, من ساعتها وهى بتعمل معايا حاجات غريبة ومتعمدة, زى ما تكون كده كانت عاوزه تجيب رجلى لحاجة أستغفر الله العظيم, طبعًا دى تصرفات مش عشوائية, دكتور إبراهيم هو اللى أكيد طلب منها تعمل كده, كان عاوز يثبت عليًا حاجة علشان أبطل تخريب وراه.

- هى منقولة معاك فى القسم بقالها أد إيه؟

- 3 شهور, على فكرة رنا حبيبة دكتور إبراهيم أوى, العصفورة بتاعته اللى محدش يقدر يبجي جنبها فى المستشفى كلها.

- بس كل اللى إنت قولته ده مش دليل ومحدش هياخد بيه, إحنا عايشين فى دولة قانون وورق, وواضح أن دكتور إبراهيم ده ذكى جدًا وعارف إزاي يرتب ورقه حلو أوى.

- للأسف يا باشا إحنا بقينا نستخدم قواعد غريبة فى حياتنا ما أنزل الله بها من سلطان, حالة زى بتاعة دكتور إبراهيم دى هيقولك كذب مرتب ولا صدق منعكش,

بقينا نصدق الكذب لمجرد إن صاحبه محترف ونسينا إن الكذب أصلاً شئ مكروه  
ومنى عنه تمامًا.

- طيب عمومًا كل اللى إتحدى ده ما يخصنيش دا يخص المباحث الإدارية، أنا  
اللى يخصنى الجريمة، الجريمة وبس.

أخرج لفافة تبغ واشعلها.

- إنت كنت نبطشى يوم الحادثة مش كده؟؟

- آه، كالعادة دكتور إبراهيم مطلعها معايا بس المرادى واضح إنه كان حاب  
يخلص مننا إحنا الإثنين.

- عاوز أعرف إيه اللى حصل بالظبط وأخر مرة شفتمها كانت إمتى؟؟

\*\*\*

يوم حدوث الجريمة.

غرفة النبطشية هادئة هدوء المقابر، عقرب الساعة الكبير يزحف ببطء تجاه رقم  
9 لتعلن بعدها الساعة أنها أصبحت السابعة إلا ربع تقريبًا، دكتور عصمت يركض  
بسرعة قصوى هربًا من ذلك الديناصور الطائر العملاق الذى يحاول أن يلحق به  
موزعًا ألسنة اللهب الغاشمة الخارجة من فمه فى كل مكان، ظل دكتور عصمت  
يركض حتى أصبح ظهره إلى الحائط، ليس هناك مجال للهرب أو للركض، الديناصور  
يقترّب منه ببطء بعدما انكشمت أجنحته وبدأ يترجل على الأرض بطريقة بدا فيها كأنها  
أعرج، يقترّب من عصمت فتتزايد أعداد حبّات العرق على وجهه، هنا انتفض من نومّه  
تاركًا ذلك الديناصور فى حلمه الأسطورى، استفاق من نومّه بسبب ذلك الحلم المزعج  
وبسبب درجة حرارة الغرفة المرتفعة فتلك المروحة التى لا تنتج سوى صوتًا مزعجًا لم  
تستطيع مقاومة الرطوبة، جلس على طرف السرير وقطرات العرق تنهمر على وجهه  
بغزازه، ترجّل إلى ذلك الحوض المتسخ دائمًا والموجود فى أقصى الغرفة، غسل وجهه

ليستعيد تركيبه ونشاطه، ذهب إلى السخان الكهربى ليُعد كوبًا من الكافيين، بحث كثيرًا عن الكوب الخاص به فلم يجده، بحث داخل شنتطته وفي أغراضه فلم يجده، تأفف كثيرًا وظل يلعن كل شىء أمامه، بحث مرة أخرى فكانت النتيجة مماثلة، اضطر أن يأخذ كوبًا من تلك الأكواب الموجودة في غرفة النبطشية، غسلها جيدًا بالماء، أفرغ بداخلها الكافيين ثم صبَّ عليه الماء الساخن، شعر بعدها أنه في حاجة ماسة للذهاب إلى الحمام، غطى الكوب بورقة ثم خرج من الغرفة متجهًا إلى الحمام.

كانت رنا تقف في الرواق الذى يصل غرفة النبطشية بالحمام، تحديداً كانت تقف أمام تلك الغرفة المُخصصة للممرضات في النبطشية، تقع هذه الغرفة على بعد أمتار قليلة من غرفة الأطباء، سدد لها نظرة بطرف عينه ثم ذهب إلى الحمام، في طريقه لمَحَ بطرف عينه " أم هانى " مسئولة النظافة في الفترة المسائية تصعد السلم فربما هى متجهة إلى غرفة الممرضات، وصل إلى الحمام، هناك أفرغ جمل مئانته بالكامل، كان يستمع إلى صوت المياه المُحبب وهى تتزحزح عنه ويتنفس الصعداء، وقف بعدها أمام صنوبر المياه وتوضأ.

عاد إلى غرفته، صلى المغرب ثم شرب كوب " النسكافيه " الذى كان قد أعدّه قبل الذهاب إلى الحمام، أمسك بكتاب وجلس على السرير يقرأ، لم تمر دقائق حتى بدأ يشعر أن النوم يصارعه بشكل وحشى وكأنه صراع من أجل البقاء، رأسه ثقيل قد تزن طن أو أكثر، غلبه النوم وهو مُمسك بالكتاب في يده.

في الصباح بدأت أذنه تتناول أصوات صُرَاخ وعويل، استمع إلى صوت ربما يعرفه لكن سكرات النوم دوماً لا تخلو من الهلوسة، تحول الصُرَاخ والعويل إلى نقاش حاد فبدأ يتعرف على الصوت، نعم إنه صوت يارا الممرضة أو في الغالب هو، تتحدث بنبرة صوت قد عبرت حدود الجنون، هو لم يسترد كامل وعيه ولكن تناولت أذنه كلمات مثل " يعنى إنت شفته أهو، أمال بتقول ما تعرفش إزاي ، هو ده اللى شفته وأعرفه، أكثر من كده ما أعرفش، ما أعرفش " في البداية ظن دكتور عصمت أنه مجرد كابوس يُغازله في منامه مثل ذلك الكابوس الذى كان يركض فيه هربًا من الدنياصور، فتح عينه ببطاء وجلس نصف جلسة بوعى شبه مبتور لكن لم ينقطع عنه صوت الصرَاخ ولا الشجار

المستمر، ارتاب في الأمر، نهض سريعاً وركض تجاه الباب، حاول أن يفتحه لكنه اكتشف أنه مُحكم الغلق، بدأ يطرق على الباب وهو يُحاول فتحه بالقوة.

- في إيه؟؟ مين اللى قفل الباب بالمفتاح؟ وإيه اللى بيحصل بره؟؟

هدأ الشجار ثم استمع إلى وقع أقدام تقترب من الغرفة، شخصاً ما وضع يده على مقبض الباب يحاول فتحه فاكتشف هو الآخر أن الباب مُحكم الغلق، هنا أناه صوت حسن من الخارج.

- الباب مقفول يا دكتور بالمفتاح.

- هو في إيه بره يا حسن؟؟

- لقينا رنا مقتولة يا دكتور، لقينا رنا مقتولة.

هنا أصابته حالة من الانهيار العصبى الشديد، جُنَّ جنونة حينما استمع إلى تلك الكلمات، ظل يضرب باب الغرفة بقدميه بغضبٍ وجنون حقيقى، كان يضربه بكل ما أوتى من قوة حتى كُسِرَ الكالون، فتح الباب ووجهه مصَفراً كنبات الكُرْكُم من هول ما سَمِعَ، كانت ملامحه توحى بالجنون، المكان كان ليس فيه سوى صوت بكاء ونحيب يارا التى جلست على الأرض تلطم خدها بلا هوادة، أمّا حسن فالموقف كان يتجسد بقوة على ملامح وجهه، رأسه كانت ملفوفة بالشاش، على جبهته هناك بقعة حمراء تظهر آثارها بوحشية على الشاش الأبيض الشفاف، هيئة حسن كانت كما وصفها دكتور إبراهيم بالضبط فور وصوله إلى المستشفى، أمسك الدكتور عصمت حسن بقوة من ملابسه الخاصة التى استبدالها بدلاً من زى المستشفى، سأله بنبرة صوت جاءت من أعماق الجنون عما حدث، هنا ظهر دكتور سعيد نائب المدير فور وصوله إلى المكان، كان يلهث مُحاولاً التقاط أنفاسه فربما كان يركض بسرعة لا تتناسب مع عمره المتقدم، نظر في عين دكتور عصمت طويلاً وكأنه يتهمه هو بقتلها ثم سأل حسن هل قام أحد بإبلاغ الشرطة، نفى حسن ذلك فنهره د/سعيد قبل أن يهرع هو ليُبلغ الشرطة

بنفسه لكن استوقفه صراخ يارا الجالسة على الأرض تبكى وتردد بصوت به بحة ناتجة عن كثرة البكاء " ياريتى ما كنت سيبتك يا رنا، ياريتى ما كنت سيبتك "

دكتور سعيد يستمع إلى كلماتها بإمعان شديد ثم يسأل حسن.

- هو مين اللى كان نبطشى معاها؟؟

- يارا

- أمال سابتها إزاي يا حسن، بعدين دى مش لابسه زى المستشفى، دا لبس خروج عادى، وإنت كمان مش لابس زى المستشفى ومتعور فى دماغك، فى إيه يا حسن حصل إيه؟؟

- دى قصة كبيرة أوى لازم أقعد أحكيها لحضرتك.

- أنتم بلغتكم دكتور إبراهيم؟؟

- لا مش معايا رصيد إلا لرقم حضرتك وبس.

- أنا هبلغه.

أخرج د/سعيد الهاتف وأجرى اتصال بالدكتور إبراهيم ليُخبره بتلك الكارثة التى حطّت على المستشفى، كانت الساعة وقتها السابعة صباحًا تقريبًا، هرع بعد ذلك إلى هاتف المستشفى ليُبلغ الشرطة.

\*\*\*

سليم يستمع إلى تلك القصة الأسطورية التى يحاول بها د / عصمت أن يدفع أى اتهام يُصَبّ تجاهه، سليم لا يصدق حرفًا واحدًا مما قيل هذا ما تُخبرنا به ملامحه، فقط ظل ينظرله وعلى وجهه ترتسم تلك الابتسامة الباردة، الساخرة التى لا تفارقه حينما يُدرك أن من يقف أمامه يحاول العبث بعقله، من خلال قراءته للغة جسده ربما هو يقول الحقيقة لكن ما سمعه لا يمكن تصديقه!!!، حسن رأسه ملفوفة

بالشاش إذًا هناك شجار قد نشب بينه وبين أى شخص، مهما كان نومه ثقيل كان سيستيقظ على أصوات الشجار، أو ربما هو من ضرب حسن على رأسه وادّعى أنه كان نائمًا يغط ولم يعلم ماذا حدث!!

- بعد كده رجالة المعمل الجنائي جت ترفع البصمات وتعاين مسرح الجريمة.

أجاب سليم بكل سخرية.

- إيه بقى فيلم الكرتون اللي إنت بتحكيه ده؟؟ المفروض إنى أصدق الهبل

ده؟؟

إجابة سليم الغير متوقعة بالنسبة له جعلته فى حالة جمود غير طبيعى، جمود يوحى إليك أنه تحول إلى تمثال أو ربما لجثة هامة.

- ها يا عصمت، أسكت الله حسك يعنى؟؟

أجابه بصوت مرتعش بدا الخوف بارزًا بين ثناياه.

- هوده اللي حصل والله العظيم، أنا والله ما كدبت فى أى حاجة.

- عصومة أنا بكره اللي يقعد يحلف كتير، خصوصًا لما يكون كداب.

- كداب!!

- آه كداب، وكلامك مليون خروم زى مصفة المكرونة كده، واستحالة يدخل

عقل عيل صغير مش رئيس مباحث.

بدأت رأسه تهمز بهدوء كعادته، عروق رقبته تنفرو وجهه ممتقع دون إرادة منه، على ملامحه بدأ يتعاضم الشعور بالقلق والتوتر، سليم يحاول أن يدهس كامل أعصابه تحت مركبته العملاقة التي يقودها باحترافية عالية، أردف سليم سريعًا قبل أن تعود الدماء إلى عروقه ويستجمع قواه.

- إنت اللى قتلتها يا عصمت.

- لأ.

- لأ إنت اللى قتلتها.

مركبة سليم مهما كانت قوية فلم تقف أمام غضب وعصبية ذلك النحيف، احتشد الغضب فى وجهه وصعد الدم إلى رأسه بشكل جعله يقذف تلك الكلمات بلهجة لا يقبلها سليم من أحد حتى ولو كان على صواب.

- حضرتك قولت من شوية إننا دولة بتاعة قانون وورق، وأنا مفيش دليل واحد ضدى، أنا بكلمك أهو بنفس المنطق بتاعك يا باشا، منطق كذب مرتب ولا صدق منعكش، مع العلم أنى والله العظيم ما قتلها.

نبش ذلك الأحمق سليم، أيقظ شيئاً فيه يحاول هو أن يبقيه نائمًا، أيقظ بداخله لعنة مقيتة حتمًا لن تروق له، أثبت عصمت دون وعى منه تلك النظرية التى تصف هؤلاء المتعصبين المندفعين بأنهم محدودى الذكاء.

- ماشى يا دكتور وأنا قبلت المنطق ده وهلعب معاك نفس اللعبة.

قالها بحدة وشراسة وشيء من التوعُد.

- س، إيه اللى ودى المجر بتاعك وتليفونك المحمول أوضة المجنى عليها؟؟ مش بس كده، دا المجر كان مكسور جنب السرير اللى لقينا عليه الجثة والتليفون كان واقع تحت السرير، عاوز تفسير منطقى بالحجة والدليل؟؟

صمت دكتور عصمت وكأن على رأسه الطير، لا يجد ما يقول، فقط عاد بذاكرته إلى ما حدث أمس ثم أجابه بصوت خفيف وبحروف بطيئة.

- ما أنا لسه قايل لسعادتك إنى أصلاً الكوباية بتاعتي كانت ضايعة واضطريت إنى أشرب فى كوباية لقيتها فى الأوضة، حتى حضرتك هتلاقها زى ما هى أنا ما غسلتهاش.

سليم يستمع إلى كلمات عصمت باستمتاع شديد وكأنه كان ينتظرها بشغف، أجابه بهدوء لا يخلو من ذلك الانقباض الذى قد جاء وقته.

- إنت طلبت دليل يدينك وأنا إديتك الدليل اللى تقريباً ينفى كل الكلام اللى إنت حكيتة ده، عاوز أنا بقى دليل يثبت كلامك ده.

بدأت سحب القلق تتجمع فوق رأسه فتحجب الضوء عن مصبره الذى بات تحت رحمة من لا يرحم، زاغت عيناه وكأنه يتلقى هاتفاً يخبره بذلك الدليل المادى الذى يريدُه سليم، لا يصدق دكتور عصمت أنه بات أسير ذلك الموقف، يتمنى لو يعود إلى الديناصور الطائر ويتضح أن كل ما هو فيه مجرد كابوس يخوض هو غماره، كابوس صنعه له الجاثوم فى منامه.

وسط ذلك الهدوء الذى خيمَ على المكان، سليم ينظر إلى دكتور عصمت بتشفى وشماته، يقول له بعينه الضيقة التى تلمع فى سعادة "على نفسها جنت مراكش".

- عارف يا دكترة، أنا بحب القرابة والثقافة أوى، أوى، أصلها بتفيدنى كتير الصراحة، مرة بقى قريت حكمة عجبتنى أوى، كانت لمين... لمين.. لمين يا سليم، آه إفتكرت، كانت لغاندى، بتقول إيه بقى الحكمة دى، الغضب يطفى سراج العقل، نوره يعنى، حكمة حلوة إكتيها يمكن تفيدك فى الكام يوم اللى قبل إعدامك، أصلها تنطبق عليك أوى علشان إنت مندفع، ومن غير ما تحس لفيت الطوق حوالين رقبتك، وواضح كمان إنك عبيط وواضح أن إبراهيم ذكى جداً، وعرف يرتب ورقه، بس فى حلقة وصل ما بينكم ولازم أعرفها، أصل إنت كداب وهو كداب وأنا هعرف ازاي أخليكم تتكلموا فى القسم، ووعد منى هاخذ الإعتراف منكم وإنتم متعلقين.

زَمَّ حاجباه في خبث ومن منخاريه أخرج حَطَّى دخان رمادى وهو يتحدث بخُشونة  
وفظَاظَة شديدة.

- دكتور عصمت، أنا بوجهك تهمة قتل المجنى عليها.

- ماحصلش.

- إثبت، إنت الوحيد اللى الحاجة بتاعتك كانت جنب سرير المجنى عليها.

- الباب بتاع الأوضة اللى كان مقفول والمفتاح اللى اختفى.

- حركة، حركة إنت عاملها، معاك نسختين قفلت بواحدة وضيعت الثانية  
وعملت الفيلم ده.

نهض واقفًا ثم مرع تجاه الباب، فتحه وبصوت عالى نادى على الأمين راضى، نظر  
إلى عصمت نظرات تملأها الكراهية.

- على جثتى إن القضية دى تتأيد ضد مجهول، ولو حصل هَلْبَسَهَا لواحد  
فيكم، يا إنت يا إبراهيم، علشان تبقى تاخدني سكة وتقولى فساد إدارى ومناقصات  
كويس، فاكرنى عبيط زيك ها!؟

وصل راضى إلى مكتب الدكتور إبراهيم، أمره سليم بحدة أن يأخذ الدكتور  
عصمت ويتحفظ عليه مع الدكتور إبراهيم لحين الانتهاء من الاستجواب أنهضه راضى  
وألزمه أن يسير تحت قيادته على حِطِّ مستقيم، استوقفه سليم قبل أن يخرج.

- أقعد بقى مع الدكتور إبراهيم بقى فكروا مين فيكم اللى هيشيل الليلة  
علشان كلها نصاية وهنطلع هيلا بيلا على القسم.

ابتسم له ابتسامة تَنَمُّ على أن القادم أسوأ لا محالة.

## ( الفصل السادس )

### قبل الجريمة بساعات

رنا داخل غرفة استراحة الممرضات، تجلس بصحبة حيرتها التي تظهر على ملامحها الشرسة الماكرة، عينها سارحة، حاملة في تلك المكيدة التي يبدو أنها تُدبر لها، هالة من الشر تحيط بها وبرأسها الممتلئة بالأفكار السوداء، تعقد ذراعها على صدرها في تحدى وهي تستمع إلى صراخ ذلك الطعام الذي يُهرس تحت أسنان صديقتهما يارا التي تأكل بنهم شديد، تأكل وكأنها ستكون المرة الأخيرة وبعدها سينفذ كل طعام العالم، تنظر لها رنا بطرف عينها في البداية قبل أن تلتفت لها وترمقها بكل قوة لكن هي لم تبالى بكل ردود الأفعال الصادرة من رنا، استمرت في تناول الطعام بشكل مستفز للغاية بالنسبة لها مع إصدارها لذلك الصوت الرتيب الذي ينمُ على أنها تستمتع بمذاق الطعام، فجأة وبدون سابق إنذار استقر ذلك اليقين في أحشائها أن يارا لا تعير لتلك النار المتقددة بداخلها أى احترام، سحقاً لذلك الفعل المشين، صفعتها بقوة كادت أن تخلع كتفها من مكانه، نهرتها يارا والتحمت ملامح وجهها لتعبر عن ذلك الغضب الجامح الذي اشتعل بداخلها.

- في إيه يا رنا، إيه المعاملة دى؟؟
- عماله تُلغِّي من الصبح ولا معبرانى، إنتِ مش شيفانى بغلى جنبك!!
- لفظتها بضجر شديد ينمُ عن تلك الحالة النفسية السيئة التي تشعر بها.
- وبتغلي ليه يا ست الغلاية؟؟
- هو دكتور عصمت اللي معانا النهاردة في النبطشية مش كده؟؟

- آه هو، ما شاء الله من ساعة ما دكتور إبراهيم وصاكي عليه وإنْتِ معاه في كل نبطشية تقريبًا.

- المشكلة إني مش فاضية ليه النهاردة.

قالتها بصوتٍ خافت.

- بتقولى إيه؟؟

- بقولك عاوزه أفكر أعمل في حاجة.

- ما كفاية يا رنا، إهدى شوية، إنتم مهديلين الراجل.

- وهو ده اللي طلبوه وعاوزه دكتور إبراهيم، بس عارفة بعيدًا عنه يعنى أنا مش ههدى إلا لما أكسره وأجيبه راعق قدامى فى الأرض، لأنه هو الوحيد فى المستشفى كلها اللي قربت منه وما كانش معبرنى ولا هيموت عليا، ولما حاولت أقرب أكثر عاش الدور وعملى فيها شريف، آه هو الموضوع كله توصية من الدكتور إبراهيم بس أنا حَزْتِ فى نفسيتى أوى إني ألاقي حد مش هيموت عليا، بس أنا وديني ما هسيبه.

يارا ترمقها فى فزع فقد غدت رنا كائن غير سوي، كائن يعج بالأمراض النفسية المعقدة التى لا يمكن حصرها، تتصرف برعونة ولا تفكر إلا فى لفت نظر الجميع، لا تهدأ إلا حينما تجد كل الرجال المتواجدين معها فى مكان واحد ينظروا إليها باستماتة شديدة وقتها تشعر بسعادة بالغة لا يمكن حتى وصفها، عصمت هو الشخص الوحيد الذى خالف ذلك النظام والقانون لذلك تريد هى أن تنتقم منه انتقامًا باردًا يشفي غليلها علاوة على انتقام دكتور إبراهيم الذى أوصاها به من الأساس، رنا باتت مريضة نفسية لا محالة، فى عيناها لا يظهر سوى الجنون الممزوج بتلك القصة القديمة التى عبثت فى كيان شخصيتها البكر وحولتها إلى تلك المريضة التى تمكث أمامى الآن.

- بتبصيلي كده ليه؟؟

- رنا بجدة إنت بقيتي مش طبيعية، أنا فعلاً بدأت أخاف منك وعليكي.

أجابتها شأن من لا يملكون وقتاً نهائياً لذلك السخف.

- والله إنتِ اللى هبله يا يارا، أنا مش هَضَيِّعَ وقتي معاكي، أنا هقوم أظبط شوية حاجات وإنتِ ما تروحيش تجيبى أكل، أنا النهاردة عزمأكي.

- إشمعنى النهاردة يعنى؟؟!!

أجابتها وهى تهض تمهيداً للانصراف.

- ما ترغيش كتير، قولى حاضر وخلص.

- لأ مش حاضر، أنا معايا أكل أصلاً، جايبه معايا سندوتشات.

ضابقت إحدى عيناها وهى تنظر لها بخبث شديد.

- يارا إسمعى الكلام بدل ما ودينى أخلى دكتور إبراهيم ينقلك، وإنتِ عارفه هخليه يوديكي فين، ها.

انصرفت وسط نظرات يارا الباهتة.

\*\*\*

بعد مرور ساعة تقريباً.

تمر تلك القصيرة التى تدعى يارا داخل الرواق الذى يصل بها فى نهايته إلى معمل التحليل، فى يدها عينات ستسلمها إلى مسئول المعمل ليأتها بالنتائج، استمعت إلى همسات تداعب أذنها قبل وصولها إلى باب المعمل، التفتت لتجدها رنا، تختبئ خلف إحدى الجدران وعلى مَحْيَاها ارتسمت ابتسامة خبث شديدة توحى بأن هناك كارثة على وشك أن تبدأ، تُشير إليها بأن تأتى، رمقتها يارا بعدم فهم فى الوقت الذى تعالى فيه

صوتها وازدادت فيه رغبتها بحضورها على وجه السرعة، القلق داهمها في الوقت الذي شرعت فيه بالافتراب منها، أخرجت كيس بلاستيكي أسود في الوقت الذي ارتسم فيه على وجهها انحرافات نفسية حادة، فتحت الكيس أمام عين يارا التي بدا عليها عدم الفهم نهائياً، الكيس يحتوى على "مج" وجهاز تليفون جوال، ما هذا الهُراء أكانت تلك الحمقاء تستدعيين بذلك الشكل الهستيري المثير للتوجس من أجل هذه الأشياء البائسة، لعنة الله عليكى يا رنا.

- عارفة الحاجات دى بتاعة مين؟؟

- مين؟؟

- د/عصمت.

قالتها وفي عيناها لمعة جنون مرجفة، قالتها وهى تبتمس ابتسامة جنونية حقيقية، أردفت دون توقف.

- أكثر حاجة تخلى د/عصمت يتعفرت هو إن حد يلعب فى حاجته أو إن حاجة تضيع منه علشان كده بقى أنا إستغلّيت فرصة إنه هو فى الحمام وسرقت الحاجات دى من شنطته.

- تصدقى إنك تافهة وهايفة وعيلة صغيرة كمان.

- كلها ساعات وتشوفى دماغ الهايفة التافهة دى هتخليه يتنطط إزاي.

- ولو حد شافك وإنّ بتعملي كده يا ناصحة هتبقى حرامية فاهمة يعنى إيه حرامية.

- حرامية!! هسرق إيه يعنى من الكحيان ده، أنا بس بضايقه بخليه يقول حقي برقبتي.

- رينا يشفيكي يا رنا، إنّ الموضوع عندك زاد عن حده أووى.

- طب روحى، روحى ودى العينات اللى فى إيدك دى أجرى، يلا، على الله بس تكون عينات دم مش حاجة تانية.

\*\*\*

قبل وقوع الجريمة بسبوعات قليلة جداً.

المكان : غرفة النبطشية الخاصة بالمرضات.

الساعة المعلقة فوق السرير الحديدى تدق الساعة، يارا تجلس على السرير تأكل بملعقة بلاستيكية علية الكشرى القابعة داخل يدها، تأكلها بنهم وتتذوقها وكأنها تتناول هذا الطعام للمرة الأولى فى حياتها، الطعام هو أهم شىء فى حياة يارا الفارغة، صوت طرق على باب الغرفة المغلق.

- ما تدخلى يا رنا وإنْتِ من إمتى يعنى بتستأذنى.

قالتها بصوت غير واضح بسبب كرة الطعام التى تملأ فمها، فُتِحَ الباب ببطء لتظهر " أم هانى " تلك المرأة البدينة المسؤولة عن النظافة ليلاً.

- هو إنْتِ يا أم هانى، تعالي خشي.

تدخل الغرفة بتلك الخطوات المرتبكة، شعرت يارا بريبة غريبة سرت فى جسديها حينما نظرت إلى وجهها بادی التوجس والقلق.

- خير يا أم هانى، مالك كده شكلك ما يطمنش.

- أنا عاوزه أروِّح دلوقتي .

- إزاي يعنى!!!!!!

- إبنى تعبان أوى وأنا سايباه مع إخواته بس قلقانه عليه أوى وقلبي شاغلنى.

- هو تعبان أوى يعنى.

- آه, سخن وبیخطرّف.
- ما إنتِ عارفه یا أم هانی, الموضوع ده صعب أوی.
- بصی أنا هَرَوِّحَ یعنی هَرَوِّحَ , أنا أبني بیموت .
- قالتها بحدّه غریبه لم یعتدّ أحد علیها, هذه لیست المرأة الطیبة التي تَعَوِّدُوا علیها, إنها امرأة أخرى تلبسها روح خبیثة وشریره, انتاب القلق الشدید یارا وهی تنظر إلى وجهها مبعثر الملامح.
- ما إنتِ عارفة إن المشي ممنوع بعدین النهاردة الدكتور عصمت المَعْقَد الی بیعمل من الحبة قُبَّة, ورنّا حبیبة دکتور إبراهیم یعنی مش عاوزة کلام مع حد.
- وهی علشان رنا حبیبة المدیّر هتتحکم فینا یعنی؟؟
- آه, هو ده نظام الأماکن الحکومیة یا أم هانی, القریب من المدیّر یعمل الی هو عاوزة, وإنّی أول مرّة تعرفی یعنی, دا إنتِ حتی قریبی تطلعی علی المعاش.
- طب والعمل؟؟
- إستی بقی لما أرزلك علی القریبة من المدیّر.
- تبحث حولها عن هاتفها الخلوی فلم تجده, فُتِحَ الباب علی حین غفلة وانطلقت رنا کالرصاصة قاتلة.
- والقریبة من المدیّر بتقولک روجی یا أم هانی أمّا إنتِ بقی یا سوسة فحسابک معایا بعدین.
- نظرت إليها بدهشة وعدم تصدیق, رنا تلك الكتلة الملیئة بالمتاعب والمشاكل تساعد غیرها!! هذا حدث تاریخی, شكرتها تلك البدینة وانصرفت خارج الغرفة, ظلت عین یارا معلقة علی رنا حتی لاحظت هی ذلك.

- مالك يا بت متنحه كده ليه؟؟

- إنتِ إزاي تعملى كده، مش فى سلطتك إنك تَمَشِّي حد من النبطشية أو الوردية.

- مش إنتِ قولتى القريب من المدير يعمل اللى هو عاوزه.

- أنا بقول كده علشان أطفشها، تقومى إنتِ تعملى كده.

- حرام، إنها تعبان.

- يا سلام!! من إمتى بقى الحنية دى يعنى؟؟ ما كانت بتبوس رجلك قبل كده علشان تستأذن ساعة وكنتى بتبيعي وتشتري فيها، يا بنتى إنتِ سادية أصلاً وبتستمعى وإنِ بتشوفى اللى قدامك بيتعذب، وتشوفيه عاوز إيه وتعملى عكسه على طول.

- يارا مش عاوزه قلبه دماغ الله يباركلك، حظي لسانك فى بُقِّك واقطمي بقى.

- طب إفرضي دكتور عصمت عرف.

- هيعرف منين، دكتور زفت عصمت ده بيرمى دماغه على المخدة بالليل مش بيقوم إلا لما حد يصحيه يقوله فى حالة وأنا من يوم ما إشتغلت هنا من سنتين مجاش إلا حالة واحدة، أصلاً المستشفى بتاعتنا تقريباً بتخدم منطقة مقطوعة أو اللى عاوز يتعالج بيروح مستشفى نضيقة.

- إحنا بقى حزننا هيبقى زى الزفت وهتحصل حاجة النهاردة وهتطبل فوق راسنا.

- يا بت إجمدى شوية هيحصل إيه يعنى.

- أنا طول عمرى فقرية وعارفه حظي كويس أوى.

- ما تقلقيش أنا عارفه أنا بعمل إيه.

تزفر في قلق.

\*\*\*\*

بعد مرور نصف ساعة تقريباً

استمعنا إلى صوت كلاكسات سيارة مزعج أمام باب المستشفى، فزعت يارا منها في حين أن رنا ظلت تبتسم بخبث شديد وكأنها على علم بما يحدث، لاحظت يارا ذلك فسألتها بدهشة عن ما أصابها.

- مش عارفه كلاكسات مين دي؟؟

- لأ.

- دا وائل خطيبك يا هبله.

اتسعت عيناها وهي تنظر لها بعدم تصديق، لا يمكن أن يأتي خطيبها إلى هنا، أولاً لأنه لم يعتد على فعل ذلك، ثانياً هناك خلاف نشب بينهم منذُ يومين انتهى بغلق كل منهما الهاتف في وجه الآخر.

- إنتِ بهزري صح.

- والله العظيم وائل خطيبك.

- وإنِ عرفتي منين؟؟

- الباشا اتصل بيا وقعد يترجاني إني أصالحكم على بعض وطلب إنه يجيلك بصالحك وتخرجوا مع بعض وأنا وافقت ووعدته إني هساعده.

- إنتِ إزاي عملي حاجة زي كده، وهو كلمك إزاي وجاب رقمك منين، دا ما شافكيش غير يوم الخطوبة بس.

- في إيه يا يارا، دا خطيبك وإنِ أختي، يعني خطيب أختي.

قالتها بحده فتراجعت يارا.

- أنا ما أقصدش، الفكرة كلها بس جاب الرقم منين؟؟
- إنتِ ممكن تسألينه هو على فكرة ، بعدين أنا غلطانة يعني؟؟
- لا والله بس هعمل إيه فى النبطشية؟
- لوعلى النبطشية مالكيش دعوة، إتكلى على الله وتعالى الصبح بدري قضي سهرتك براحتك وروحي وتعالى هنا على سبعة.
- بس دكتور....

قاطعتها.

- مفيش بس، يمين الله لو ما عملتى اللي بقول عليه لأكون قابله للدكتور إبراهيم إنك نايمه طول النبطشية وسيبانى سهرانة لوحدى، وأنا سهل أوى إنى أقلبه عليكى وأنتي عارفه.

تنظر لها دون أى رد فعل، شعرت أن رنا لها رغبة مميتة فى إبعادها عن المستشفى فى ذلك اليوم بالذات، نفس ذلك الإحساس تجسد أمام عينها فى تصرفات رنا مع أم هانى، أعتقد أن تلك الشيطانة تدبر شيئًا كبيرًا لا يمكن تخيله.

- إنتِ هتنجي وخطيبك عمال يكلكس تحت يلا.
- والله يا رنا إنتِ جبانة، ليه عملتي كده.
- تدفعها بقوة تجاه الدولاب لتُبدل ملابسها.

- طب يلا بس وبعدين أبقي أعرف أنا جبانة ولا لأ، كلتى الكشرى اللي جيتيها لك.

- آه.

- حبيبتى.

فتحت لها الدولاب وأخرجت لها ملابسها، أعطتها لها ثم فى عَجالة أخبرتها أنها ذاهبة إلى وائل خطيبها حتى لا يصاب بالملل أو يشعر أن يارا لا تريد مقابلته، بنبرة حازمة أمرتها ألا تخبره بالحديث الذى دار بينهم، أمرتها ألا تلومه على اتصاله بها من أجل فض النزاع، حتى لا تفسد اليوم.

أنهت تعليماتها الصارمة ثم نزلت هى لاستقباله حتى لا يُصاب بالملل خصوصاً أن تلك الكلاكسات هدأت تماماً وبات لا وجود لها نهائياً، يارا تعلم جيداً أن رنا لا تحب إلا نفسها، حتى وإن رَقَّ قلبها تجاه شخص لن ينال كل هذا التقدير والاهتمام، تصرفاتها الغير معتادة عليها أثارَت دهشتها، لماذا كل هذا الاهتمام بحياتى، لِمَ نَصَبْتَ نفسها قاضي لفض النزاع الناشب بينى وبين خطيبى، ربما هو ضميرها الذى أستفاق فجأة من غفوته أو ربما هناك شيئاً آخر مستتر لم يُزَع عنه النقاب حتى الآن.

\*\*\*

رنا تصب شيئاً ما فى أذن وائل الهائم على وجهه، استغلت هى حبه الشديد ليارا وأخبرته بشيء ما فى أذنه جعله يُقبَل يدها ويعتذر لها عما بدر منه علمًا بأنه لم يكن المخطئ ولكن لا يوجد شيء مستحيل أمام تلك الماكرة التى تدعى رنا، استطاعت فى أقل من خمس دقائق أن تلتف حوله وتقنعه بأن يفعل ما يفعل.

ما حدث جعل يارا فى حالة انهيار، تنظر إلى رنا بخيفة شديدة، ماذا فعلت تلك الشيطانة لتجعله هكذا، انزلت فى الكرسى المجاول له بصحبة الدهشة وعدم التصديق المصاحب لها، انطلق هو بسيارته المستعملة إلى كافية يُعد الأشهر داخل المدينة.

جلسوا سوياً، نظر لها بحنان قبل أن يبتسم لها ابتسامة جذابة قادرة على تحطيم قلوب النساء، لكنه فوجئ بردود أفعال باردة ونظرات يملأها العتاب الشديد الذى يقترب إلى الغضب، سألها طالباً تفسير ذلك؟؟

- من إمتى وإنت بتكلم رنا فى التليفون تطلب منها حاجة زى دى؟؟

الكلام أثار دهشته فى البداية ثم أجاها متسائلًا.

- هى رنا قالتلك إيه؟؟

- وائل, رد عليا لو سمحت.

- ما خلاص بقى يا يارا, إنتِ غاوية نكد.

- وائل!!!

- أنا ما كلمتش حد يا يارا, صاحبتك هى اللى كلمتى.

- !!!!!!!!!!!!!!!

تَعَانَقَ حاجباها وضافت عينها على أثر ذلك الكلام الغريب الذى تناولته أذنها,  
رَجَّتْ رأسها بعدم فهم.

- إزاي الكلام ده؟؟

- والله زى ما بقولك كده, هو ده اللى حصل؟؟

- دى قالت لى إنك كلمتها وطلبت منها تصالحنى عليك علشان إنت حاسس  
بالذنب.

- لأ يا يارا, دى هى اللى كلمتى وقالت لى مينفعش اللى حصل ده وقالت لى  
كمان إنك عندك انهيار عصبى وعماله تعيطي عياط هستيري, وتقريبًا كنتي شبه مغمى  
عليكي, دا حتى لما قولتها إنى هصالحك بكرة صممت إنه يكون النهاردة, وقالت لى  
كمان إنها هتتصرف فى موضوع النبطشية وهتظبط كل حاجة, كل اللى عليا بس إنى  
أجى كمان ساعة قدام باب المستشفى.

- هى بتعمل كده ليه!!
- ما يمكن نيتهما خيرا يارا, دى مهما كانت صاحبتك يعني.
- ما هى علشان هى صاحبتى بقولك إن الكلام ده مش صح, رنا ما تعملش حاجة لله كده أبدًا .
- شعرت بتقلص غريب فى معدتها, ألم تجسد على ملامح وجهها المتأثرة بذلك الألم, وائل لاحظ ذلك.
- مالك فى إيه؟؟
- ما أعرفش مغص كده فجأة.
- طب إيه تحي نقوم؟؟؟
- لا لا لا, دا مجرد مغص عارض مش أكثر.
- ألف سلامة عليكى.
- الله يسلمك, قولى بقى قالتلك إيه تانى؟؟
- قالتلى كمان إنى ما أقولش الكلام ده وأقول إنى أنا اللى اتصلت بيها وطلبت ده منها, بس إنت عارفة أنا ما بعرفش أكذب خالص.
- استندت بظهرها على الكرسي وهى تحت تأثير حالة عميقة من التفكير, تلهث وراء تلك المفاجآت المتتالية بلا هوادة, عصرت ذهنها وهى تفكر فى السبب الذى دفع رنا إلى فعل ذلك, بكل تأكيد هو ليس الحب, هناك سبب آخر لابد أن تعرفه.
- يا ترى بتفكري فى إيه يا رنا, ربنا يستر.
- مدام إنت عارفه إنها سوسة كده مصاحبها ليه.

- أنا بحبها يا وائل والله، بس المشكلة بخاف منها أوى، رنا تركيبية غريبة، شوية كويسة وشوية لأ، أنا ساعات كثير بيلمسها العُذر بسبب اللي حصلها واللى مرت بيه، بس اللي واثقة منه إن رنا إنسانة مش سهلة ومش طبيعية، والحاجة السيئة اللي في الموضوع بقى إنى فعلا بحبها.

شعرت بذلك التقلص مرة أخرى يُداهم معدتها بقوة، انحنى وهي تضع يدها على بطنها من أثر ذلك الألم الذى لَحِقَ بها ثانية ولكن هذه المرة أقوى بكثير.

- مالك يا يارا في إيه؟؟

- مش عارفة مغص جامد أو ووى المرادى، آه.

هرعت إلى الحمام بسرعة فائقة، وسط أنظار وائل المتبسة عليها، نهض هو الآخر وهرع خلفها إلى الحمام.

أما باب دورة المياة الخاصة بالسيدات ظل واقفاً ينتظر خروجها، مرت حوالى عشرين دقيقة ولم تخرج، هو فى حالة توتر شديدة، بجتاح تلك الأمتار القليلة مئات المرات ذهاباً وإياباً وكأنه أمام باب غرفة العمليات ينتظر سماع صراخ مولوده الأول، تلك اللحظة جاءت سيدة تعمل فى ذلك الكافية، طلب منها أن تدخل إلى الحمام لتطمئن على خطيبته، بالفعل دخلت إلى هناك ثم خرجت وهي تستند عليها وتحتضن باليد الأخرى قولونها، إذًا الألم لا يزال مستمر والمغص لم يهدأ، هرع إليها وأسندها هو الآخر.

\*\*\*

أمام عمارتها مباشرةً توقفت سيارته، ينظر لها وفي عينيه قلق شديد.

- أنا مش فاهم يعنى تبقى شغالة فى مستشفى ورافضة إننا نروح علشان نتطمئن عليكى ليه؟؟

تتحدث إليه بصوت يتخلله أنين الألم الشديد الذى تشعر به.

- الموضوع مش مستاهل يا وائل بعدين دا دكتور عصمت اللى هناك وهى مش ناقصة قرفه بصراحة.
- طب تعالى نروح صيدلية.
- لا أنا هاخذ إسبرين وهشرب حاجة دافية وهبقى كويسة.
- دماغك ناشفة.
- خلاص بقى يا وائل.
- فتحت باب السيارة تمهيدًا للنزول ثم تذكرت شيئًا ما فعادت إليه بوجهها سريعًا.
- وائل.
- إيه يا حبيبتى؟؟
- أنا لوما عرفتش أتفق مع رنا إني ما أروحش خالص هتعبك معايا تيجي توصلني الصبح للمستشفى علشان مش هينفع ما أروحش.
- خلاص تمام على 7 كده.
- لا أنا عاوزه أبقى هناك على 7.
- خلاص ماشى.
- سلام.
- سلام.

\*\*\*

يارا على سريرها تحاول الاتصال برنا قبل أن تخلد إلى نومها فتأتيها تلك الرسالة السمجة بأن الهاتف الذى تحاول الاتصال به ربما يكون مغلقاً أو غير متاح، ألقى الهاتف محاولة الذهاب إلى أحلامها وسط مغازلات الألم المستمرة.

لم تستطع النوم طوال هذه الليلة فكانت تذهب إلى الحمام بشكل هستيرى لدرجة أنه انتابها إحساس شديد بأنها مصابة بتسمم أو ما شابه.

مع ظهور أول خيط للنهار أمسكت بهاتفها وحاولت الاتصال برنا فتأتيها نفس الإجابة الأولى، الهاتف مغلق وغير متاح، نوبات الألم التى كانت تتناوب عليها هدأت كثيراً ولكن وجهها تأثر وبات مرهقاً ومُجهداً بشكل كبير، الألم والتقلص الشديد تارة وعدم النوم طوال الليل تارةً أُخرى، يارا لم يكن لديها القدرة على العودة إلى المستشفى فقررت أن تطلب رقم المستشفى الأرضى فيأتيها أن الرقم المطلوب مرفوع مؤقتاً من الخدمة، إذا لا حل سوى الذهاب للمستشفى، أخذت الهاتف واستدعت رقم وائل.

\*\*\*

توقفت سيارة وائل أمام باب المستشفى مباشرةً.

- تحبى أستنى أوصلك.
- لا أنا لسه مش عارفة ظروفى، ممكن الممرضة بتاعة النهاردة ما تجيش وأبقى مُضطرّه أطبق مكانها، روح إنت ولو احتاجتك فى حاجة هكلمك.
- طيب خليكى ورايا لو ماردتش لى جعان نوم.
- حاضر وعموماً أنا بقيت كويسة متقلقش ، سلام.
- سلام.

حطت يارا على الأرض وترجلت إلى داخل المستشفى فى حين أن وائل تركها وانصرف، عبرت البوابة الحديدية، لا يوجد أحد فالغفير فى إجازة منذُ يومين، صعدت

درجات السلم وعبرت البوابة الزجاجية متجهة إلى السلم الداخلى، الوضع غريب يوحى بالتوجس، الكاونتر الخشبي فارغ، حسن ليس هناك، سطح الكاونتر فى حالة فوضى كبيرة، الهاتف الأرضى مُلقى على الأرض والسماعة تبتعد عنه وكأنهم على خصومة وخلافات كبيرة، تابعت التقدم فظهر أمامها حسن يأتى من ناحية دورة المياه الموجودة فى الدور الأول، رأسه بالكامل ملفوفه بالشاش وهناك على جبهته بقعة حمراء تبدو من الوهلة الأولى وكأنها بقعة دماء، حالته دفعها لتتناسى ما تبقى لها من ألم فسحبت نفس استعدادًا للحديث.

- مالك يا حسن!! وإيه الشاش اللي على راسك ده إنت اتعورت ولا إيه؟؟

نظر لها وعيناه تمتلئ عن آخرها بالدموع، جسده يرتعش بشكل غير طبيعى، شكل يوحى إليك أنه راغب فى التبول، فسألته بلهجة أقوى هذه المرة.

- هو فى إيه يا حسن؟؟ إنت عامل كده ليه؟؟ وإيه الفوضى دى، تليفون المستشفى على الأرض والحرارة مرفوعة، وتليفون رنا مغلق من امبارح.

نظر حسن على الأرض حيث الهاتف الأرضى، انحنى ووضع السماعة على التليفون فعادت الحرارة، التقطه ووضعها فى مكانه على سطح الكاونتر ثم بهدوء مُريب وبملامح وجه من يقع تحت تهديدٍ شئٍ ما قال لها أن رنا قد قُتلت.

اتسعت عينها على إثر تلك الصدمة، صرخت ثم اعتصرت ملابس حسن، صرخت فى وجهه بعدم تصديق فى البداية ثم وجهت له اتهام مباشر بقتلها، حاول حسن تهدئتها، ظل ينفى تلك الاتهامات الموجهة إليه وهو يُغرقها بالقسم بين الجمل والكلمات، دفعته بالقوة ثم ركضت، صعدت السلالم وهي تصرخ بجنون، ذهبت كالمخبولة إلى غرفة النبطشية، دخلت الغرفة فوجدتها على سريرها نائمة جثة هامدة، فمها مفتوح وعيناها زائغة وسارحة إلى أعلى وجسدها قد تَخَشَّب بالكامل، لطمت وجهها بقوة دون شفقة أو رحمة، خرجت إلى خارج الغرفة، قبضت على رقبة حسن مرة

أخرى، صرخت فيه بلا هوادة منذرة إياه بالويل، هو كان بمثابة عصفور صغير بين يدها بالغة القوة، يحاول أن يُخبرها بأنه لم يفعل شيئاً ولم يعلم شيئاً عمّا حدث.

أخرسته هي بنبرة صوتها التي عبرت حدود الجنون، تحدثت معه بملامح وجه باتت تحت تأثير هياج عصبي جامح لا شك ولا ريب فيه.

قطع حديثهم طرق دكتور عصمت على باب غرفته من الداخل وهو يحاول فتح الباب، استطاع حسن أن يدفعها لأن أعصابها هدأت وشارت قواها بشكل كبير حينما استمعت إلى صوت الدكتور عصمت، اكتشفوا أن الباب مُحكم الغلق لكنه كُسِرَ بأقدام دكتور عصمت حينما أخبره حسن أن رنا وجدوها مقتولة في غرفة النبطشية.

في نفس اللحظة حضر الدكتور سعيد بعدما أبلغه حسن عبر الهاتف بما حدث، لون وجهه كان مُصَفَّرًا صفرًا غريبًا، بدأ يوزع نظرات الشك تجاه الدكتور عصمت منذُ أن ظهر أمامنا وحتى بدأ يسأل حسن هل أبلغ الشرطة بتلك الجريمة أم كان لديه رأى آخر، نهره بشدة حينما أخبره أنه لم يبلغها ولم يُبلغ الدكتور إبراهيم أيضًا لأنه لا يمتلك رصيد يكفى ثم تكفل هو بإبلاغ الشرطة والدكتور إبراهيم مدير المستشفى.

\*\*\*

سليم يتأرجح على الكرسي الوثير وهو يسدد تلك النظرات اللاذعة إلى يارا الماكثة أمامه كالحمامة المتكومة على نفسها، غارقة في دموعها المنهمرة على نفسها، يتجول بمقلتيه فيها، يتفرّس في كل أركانها وجوانحها عن تلك الحالة التي تعترها، هل هي بالفعل حزينة أم مجرد شعور كاذب تحاول هي بثّه لتُنبت شيئاً ما في رأسها للجميع، سليم بطبيعته سيميل ناحية الخيار الثاني علاوة على أن شعور الشك في تلك الفتاة التي تصطنع الحزن يراوده بسادية غريبة، لم لا فربما هي القاتلة!!

سليم أدرك الآن من خلال تلك الأحداث التي قصّتها عليه لماذا وجدها دكتور إبراهيم بغير ملابس العمل لحظة وصوله إلى المستشفى، يارا على حد قولها لم تقوم

بتلك النبطشية ولم تكن موجودة في المستشفى وقت وقوع الجريمة، لو فُرضَ بأن هذا الكلام صحيح، ماذا عن حسن، لماذا لم يكن يرتدى ملابس العمل وما سر ذلك الشاش الذي كان يُغطى رأسه، وماذا كانت تُدبرنا من الأساس؟؟؟

مدَّ يدهُ إلى علبة السجائر الراقدة بالقرب منه، استخلص واحدة ثم أشعلها دون أن يُحرك عيناه عنها، لا يزال يتفرّس فيها بنظرات عميق وثبات، أغلق القداحة بتلك الحركة التي تشعر معها أنه أحد رجال رعاة البقر بأمريكا، زفر الدخان وهو يبتسم ابتسامة خبث شديدة.

- يا بنت اللعيبة.

قالها بنبرة صوت خافتة.

- حضرتك بتقول حاجة؟؟

- أه بقول، ياريت تهدي شوية يا أنسة يارا علشان أنا محتاجك مركزة معايا.

- أنا مركزة مع حضرتك أهو.

قالتها وهي تصدر ذلك الصوت المعروف عندما تُحاول منع مخاطك من الانزلاق.

- إنتِ عارفه اللى إنتِ قولتیه ده معناه إيه؟؟

نظرت له بعينها الممتلئة عن بكرة أبيها بالدموع فأردف هو.

- معناها إن دليل الإدانة الوحيد للدكتور عصمت هو برىء منه، أو إنتِ

عاوذة تبرأيه والخيار التانى ده بقى بيزعلنى أوى.

- وأنا هعمل كده ليه، أنا لو عرفت مين هو اللى قتل صاحبتى دا أنا أشرب من

دمه.

ينظر لها سليم وإحدى عيناه تضيق فأردفت هي.

- بعدين كلامي هيخلي دكتور عصمت برىء ليه؟؟

- الكوباية اللي كانت في أوضة المجنى عليها والموبايل اللي لقيناه إنت بتقولى إن هي سرقتهم منه يعنى هو بره الليلة دى.

- وليه ما يكونش هو استغل حاجة زى دى علشان إحنا نقول كده.

- إزاي يا عميقة؟؟؟

- يعنى مثلاً ممكن يكون د/عصمت اكتشف إن التليفون بتاعه مش موجود فقام يدور عليه, ممكن يكون استعان بتليفون حسن ولا أى حد فاكتشف إنه مع رنا فحصل ما بنهم اشتباك انتهى بالجريمة وخصوصاً أن رنا كانت بتعمل كتير فى دكتور عصمت.

- واشمعنى دكتور عصمت؟؟

- لسبيين, أولاً دكتور إبراهيم كان موصى رنا عليه, كان حاططها فى طريقه علشان تزهقه وتطفشه, هو عارف إن رنا تقدر تعمل ده بسهولة بس هي عاوزه اللي يبقى فى ظهرها ويحميها, مهما كان دى ممرضة, بس تفرق كتير لما تبقى ممرضة وفى ظهرها مدير مستشفى, دكتور إبراهيم نقل رنا مخصوص من فترة عيادة الباطنة علشان الموضوع ده.

- وإبراهيم يعمل كل ده فى عصمت ليه؟؟

- ما أعرفش ولا رنا حتى كانت تعرف, الموضوع كان بمثابة خدمة طلبها منها ولما حاولت تعرف منه السبب رفض يقولها, وفى نفس الوقت ما تقدرش تقوله لأ.

- ليه؟؟

- ضهرها سعادتك، محدش في المستشفى كلها كان يقدر يبجي جنب رنا ما دام دكتور إبراهيم موجود.

- للدرجادي!!

- وأكثر كمان، المستشفى كلها عارفه إن دكتور إبراهيم بتاع بنات وستات، وببضعف قدام أى واحدة، رنا بالنسبة له ما كنتش أى واحدة فكان ضهرها وببعضها كل اللى هى عاوزاه فمش معقول بعد كل ده يطلب منها حاجة وتقوله لأ حتى ولو كانت مش عارفه السبب.

- طيب ده أولًا، ثانيًا بقى؟؟

- ثانيًا، رنا كانت ما بتحبش حد بتجاهلها، أو ما يحسسهاش بكيانها الأنثوي، كان لازم كل اللى حوالها يجروا وراها ويبقوا هيومتوا عليها، لما بقت في سكة الدكتور عصمت كانت متخيلة إنها تقدر تجيب رجله بسهولة لكن لفته متجاهلها خالص ومش معبرها، الموضوع ده كان مموتها ومخلها عاوزة تنتقم منه أكثر من الدكتور إبراهيم نفسه.

سليم ينظر لها وبتبسم، يعلم في قرارة نفسه أن بذلك الاعتراف دكتور عصمت كان محققًا، ربما إبراهيم استعان بتلك الشيطانة ليقضى تمامًا على عدوه اللدود، لكن من الواضح أن أحدًا لم يكن يتوقع أن ذلك النحيف سيظل متماسكًا للنهاية، من الواضح أيضًا أن دكتور إبراهيم متورط في شىء كبير وهذا يُفسر سر ارتبائه أمامي.

نظر إلى يارا نظرة طويلة ثم ظهرت على وجهه أمارات الاستهزاء.

- يعنى رنا كانت بتحب اللى يقعد يبص عليها ويلاغها، واضح إن الله يرحمها كانت ش.....

قاطعته مسرعة.

- كانت مريضة نفسيًا.

سحب نفس عميق من سيجارته المشتعلة ثم زفره بعنفٍ زائد.

- يعنى إيه بقى الكلام ده، القضية هتقلب مجاينن ولا إيه ، لا لا معلش أنا ما بحبش النهايات دى خالص لأى قضية.

- رنا كانت أكثر حاجة بتستمتع بيها هى نظرات الرجالة ليها، بتفضل ورا أى حد لحد ما تخليه متعلق بيها بعد كده تقعد تدل فيه.

- ليه يعنى؟؟

- بسبب مشكلة حصلت لها زمان، المستشفى كلها عارفة إن رنا أنسة بما فيهم دكتور إبراهيم إنما الحقيقة غير كده، رنا مدام ومُطلقة كمان.

هز رأسه بثبات، أَسْرَفَ في نفسه تلك الجملة التى سَمِعَهَا من الدكتور إبراهيم والتى تدل على أنه على علم بذلك الموضوع حينما جاءته رنا تخبره برغبته فى الزواج من الدكتور عصمت فكان جوابه ” على فكرة أنا شاكك أساسًا إنه مريض ومتزعلش منى يا رنا يعنى إنتِ عارفة أنا بعزك قد إيه بس أنا خايف عصمت ده يكون زى اللى فات ” هذا الكلام معناه إن دكتور إبراهيم كان على علم بما حدث لها وكان أيضًا على علم بأنها مُطلقة، إمَّا أن يارا تحاول التلاعب بسليم أو أن رنا كانت تتلاعب بالجميع وتوهم كل شخص بأنه بئرأسراها، أردفت يارا كلامها.

بدأت تقص عليه ما حدث.

\*\*\*

رنا حالها حال كافة بنات حواء، تحلم بذلك اليوم الذى ستتردى فيه الفستان الأبيض الجميل وهى تُزف وسط أقاربها وأصحابها، حلمًا كان يُراودها دومًا، جمالها الطبيعى المبالغ فيه جعلها تلوذ بعدد لا يحصى من المتقدمين للزواج، الكل كان يلهث

ورائها حتى رق قلبها إلى ذلك الوسيم الذى شعرت معه أنه سيمها من كنوز الحب ما لم تعشة فتاة فى نفس عمرها، حلق قلبها بعيداً حيث الحياة المليئة بالرومانسية والحب البكر البريء، شعرت أنه هو الرجل الوحيد لفرط انخراطها به، كانت كلما رأته شعرت أنها كالفراشة الجميلة التى تنتقل بين الزهور فى رشاقة وتفاؤل شديد، جاءها ذلك الوسيم من حيث لا تدرى ولا تعلم فعاشت معه أجمل وأرق أوقات حياتها، استطاع بأسلوبه الجذاب أن يحفر فى رأسها وعلى جدار عمرها أجمل الذكريات، حتى جاءها يوماً يطلب منها تحديد موعد للاحتفال، فى أقل من شهر كانت تجلس جواره بفستانٍ أبيض جذاب يبرز معالمها القياسية الجميلة، والدها وأهلها كانوا يعارضون فكرة الزواج من هذا الشاب ولكن إصرارها الشديد وتعلقها به جعلهم يوافقون على إتمام تلك الزيجة زُعمًا عنهم.

فى أقل من أسبوعين بدأ يشح ذلك الحب لدرجة أنها شعرت بأن هناك خللاً أو عطلاً فنياً فى جهاز الرومانسية الخاص به، بدأت تشعر وكأنه إنسان آخر غليظ القلب، ليس هذا هو الفارس الذى حلمت بالهروب معه على جواده الأبيض، بعد هذه المدة القصيرة من الزواج كان لا يصلها منه سوى شظايا بسيطة من تلك الجمال التى كان يغرقها بها قبل الزواج، علاوة على إنه غداً شخصاً عصبياً، عنيفاً، لا يتحمل أى شىء، يعاقبها بالضرب والسب على أتفه أتفه الأسباب خاصة حينما أدركت هى أنه مريض جنسياً ولن يصمد جهازه العصبى كثيراً أمام أنوثتها الصارخة، تحولت حياتهم إلى جحيم بدأ يرسم كل يوم أخذود على جدران ذكرياتهم، بدأ يشوه تلك الفترة الجميلة التى عاشتها معه قبل ذلك، بدأت أوراق عمرها بالتساقط بعدما أدركت تماماً أنه شخص مريض، فقد بقيت كما هى عذراء بعد مرور الشهر الأول بالكامل من الزواج.

مرضه كان يُسبب له أزمة نفسية شديدة، كَوَّنَ له فهماً خاطئاً وتفسيراً بعيد كل البعد عن الصواب فكانت كلما نظرت له أو تقابلت عيناه بعينها صفعها دون سببٍ أو ذنب، يعتبر هذه النظرة هى شفرة حادة تجرح بها رجولته الهزيلة العاجزة، كانت كلما حدثته أو نوهت له فقط بفكرة الذهاب إلى الطبيب نالت ما تنلُهُ الفتيات الصغيرات فى زمن الرقة والعبودية، امتلأ قلبها بالتجاعيد وباتت لا تستطيع العيش معه تحت سقف واحد، عرضت عليه فكرة الطلاق فكان الجزاء علقه ساخنة كادت أن تودى بحياتها.

استشارت بعض الناس على موقع التواصل الاجتماعي خاصة تلك الجروبات التي تتحدث دائمًا على حل مشاكل المرأة، أشارت إليها واحدة من رواد ذلك الجروب بأن تلجأ إلى القضاء، تُحرر ضده بلاغًا ثم تُقاضيه بحجة أنها تخاف ألا تقيم حدود الله.

أدرك هو ذلك الأمر وهو لا يزال في مرحلة المهد فجاءها ليلاً وحولها من أنسة بكر رشيد إلى مدام متزوجة ولكن عن طريق تلك الطريقة البدائية التي يطلقون عليها "الدخلة البلدى"، أصابها الجنون وظلت تصرخ وسط بركة الدماء التي تغطي ملاءة السرير، أصابها انهيار عصبي شديد ظلت تعاني منه لأسابيع، شعرت أنها بلا كرامة وبلا أى ثمن، خافت أن تُقص على أبويها ما حدث فيلقوا عليها باللوم والعتاب شديد اللهجة الذى ينتهى فى النهاية بكلمة " اشربى بقى " هى على يقين تام بأن والدها لن يتحرك لعمل أى شئ لأنه كان يعترض من البداية على تلك الزيجة، إذًا هو لن يتدخل حتى وإن قُتلت أمامه، هكذا كانت شخصيته!!!

لا يوجد حل ولا يوجد شخص فى حياتها يُخبرها بالحل اليقين سوى الشيطان الرجيم الذى قرر التحالف معها، قرر مسانبتها حتى يتم لها مرادها، بالفعل استطاعت هى التخلص من زوجها المريض بعد عناء شديد، أرشدها ذلك الرجيم إلى الحل الأمثل فأجبرت زوجها على الطلاق بعدما استعانت بأناس لا يعرفون فى حياتهم سوى البلطجة والعنف، أعطت لهم أموالاً كثيرة مقابل خطفه والضغط عليه بكافة الطرق حتى ينقش إمضائه على ورقة طلاقها، وينقش أيضًا إمضائه على شيك غير مُحدد المبلغ حتى يصبح وسيلة ضغط تحمها إذا فكر ذلك المريض فى إيذاها مرة أخرى، الغريب أن ذلك الشخص العصبى الهمجى تحول إلى قطة مُدلة أمام هؤلاء البلطجية، أحببت رنا نظرة الخوف والذل التى رأتها فى عيناه، عشقتها لدرجة أنها شعرت بنشوتها الممتعة، بعد ذلك الموقف قررت رنا أن تصبح شخصًا ساديًا لا يرحم أحدًا، تدهس كل شخص بعدما تجذبه تجاهها لترى فى عينه تلك المذلة التى أحببت مذاقها كثيرًا.

عاشت معه فترة قاسية تركت آثارًا فى غاية السوء فى شخصيتها الملائكية وحولتها إلى شخصية سادية ماكرة، تمتلك أظافر حادة تغرزها فى قلب كل رجل تقابله، تحولت رنا إلى مريضة نفسية تفتك بكل رجل يقع فى طريقها، تُحاول أن تتأثر لزمين فُمعت فيه

أنوثها وشعرت فيه أنها لا تساوى شيئاً، كل هذه الأحداث قبل أن تأتي إلى المستشفى أى قبل سنتين من الآن وحينما وصلت بدأت بنصب المصائد لكل من حولها من رجال، استطاعت بسهولة أن تمتلك الجميع وتلاعب بهم كيفما شاءت عدا الدكتور عصمت الذى ظل كالشوكة فى حلقتها لم تستطع أن تهره بجمالها فلجأت إلى طرق أخرى حتى يعلن هو استسلامه، لا أحد كان يعلم بهذا السر سوى أنا، صديقتها الوحيدة يارا.

\*\*\*

نظر إليها سليم باستغراب شديد وهو يعقد ذراعيه على صدره، هناك طاقة نفسية غريبة تحيط به، لا يوجد عقل بشرى يستطيع أن يُصدق كل هؤلاء الكاذبين فى قضية واحدة، نعم كلهم كاذبون حتى تلك التى تمكث أمامى مستتره خلف دموع التماسيح المنهالة على خديها كاذبة وتحاول أن تتلاعب بى، تحاول أن تتلاعب برئيس مباحث فى حجمى.

- مالك يا باشا، حضرتك مش مصدقنى ولا إيه؟؟
- قالتها يارا فضاقت عيناه وهو يُجيب عليها بخبث شديد.
- لا إزاي مصدقك طبعاً، أنا بس حاسس إنى بحقق فى خمسين قضية مش فى قضية واحدة.
- ليه يا باشا؟؟
- محدش بيقول الحقيقة.
- أنا مش بكذب يا باشا!!!
- تجاهل سليم ذلك.
- كان فى مشاكل بين المجنى عليها والدكتور سعيد.

- طبعاً.

قالتها بسرعة وتحدى غريب وكأنها كانت تتمنى سماع ذلك السؤال لتزجج به، استغل سليم ذلك الاندفاع وسألها.

- تفتكرى هو اللى عمل كده؟؟

- ما أعرفش بس مش بعيد يكون هو اللى عمل كده ليه لأ.

- ليه؟؟ اللى كان بينهم ممكن يوصله إنه يقتلها؟؟

- آه وأكثر لأن رنا عملت فيه مقلب مش ممكن ينساه أبداً

\*\*\*\*

قبل الحادث بأيام قليلة

فى إحدى الكافيات التى تطل مباشرةً على النهر الخالد د/سعيد يرتدى بذلة باهظة الثمن تجعله ذو مظهر جذاب، يجلس على تراييزة بصحبة رنا التى تضع هاتفها الخلوى وشنطة يدها على سطح التراييزة بالقرب من دكتور سعيد، ترتدى ملابس تبدو فيها فى غاية الجمال، د/سعيد يتفحصها بنظرات مليئة بالشهوة، رنا تُدرك ذلك جيداً، بدأت حديثها بأسلوب مستفز لا يظهر فيه أى احترام له ولا لمكانته.

- أيوة بقى يا عم سعيد كنت عاوزنى فى إيه؟؟

أثار دهشته ذلك الأسلوب الخالى من أى احترام أو تقدير له ولمكانته كطبيب ونائب مدير المستشفى التى تعمل هى فيها ممرضة.

- عم سعيد!!!!

- بقولك إيه، إحنا بره المستشفى وبعدين إنت عازمتى فى كافية وبتاع يعنى المفروض إحنا أصحاب فأقولك بقى عم سعيد، سعيد، سَعده براحتى ولا أنت شايف إيه يا عالمى.

التَوَت ملامحه التواء طفيف حاول هو سريعًا أن يظمره.

- مالك قلبت سحنتك ليه؟؟

- سحنتى!!!! إيه يا رنا الأسلوب ده؟؟!!

- أسلوب إيه؟؟

- يعنى حاسس كده إنك إنت بتعاقبيني علشان طلبت أقعد معاى.

بإنكار شديد وصل إلى حد السخرية.

- أنا!! يالهووى، لأ طبعًا، حد يقدر يعمل كده برضو مع سَعده، دا إنت الأصلى وربنا المعبود.

تتعهد تحريك حاجبها وأطرافها وهى تتحدث راسمة تلك الابتسامة الساخرة التى تبدو فيها مستهزئة بكلام دكتور سعيد.

- رنا ياريت نتكلم جد شوية.

- دا على أساس أن اللى بيحصل من ساعة ما طلبت إنك تقعد معايا فى مكان عام لوحديننا ده هزار.

نظر فى عينها بقوة ثم طلب الارتباط بها لعل قلبها يرق وتترك تلك الطريقة التى لا تليق به، قهقهت هى لدرجة أن رأسها رجعت إلى أقصى مدى لها للخلف، أزاحت الكرسي إلى الوراء قليلاً ووضعت قدمًا على أخرى وهى تصفق له باستهزاء شديد جدًا، ضحكت بصوت عالى مُلفت للانتباه فظهرت آثار تلك التصرفات الساخرة بَدَت على وجهه المستاء بشدة، أجابته بنفس تلك النبرة الساخرة.



- طريقتك معايا كانت بتقول كده.
- دى طريقتي مع كل الناس، إنت بقى فهمت غلط دى حاجة ترجعلك.
- ماشى يا رنا، بس أنا بقى مش هسيبك فى حالك، هعلمك الأدب وهخليكى تندى على اليوم ده وابقى خلى بقى دكتور إبراهيم الكلب بتاعك ينفعك ها.
- التقطت هاتفها القابع على سطح التراييزة ثم ابتسمت بخبث شديد جدًا قبل أن تداعب أصابعها الحادة شاشته، ضغطت على شىء ما قبل أن يظهر على مُخَيَّاهَا ابتسامة الانتصار.
- بما إنى حافظة أسلوبك الوسخ فكل اللى داربنا دلوقتي إتسجل، إخلع بقى عن دماغى بدل ما وشرفى أفضحك فضيحة المتطاهر فى المستشفى كلها.
- اقتربت منه بوجهها، دست يدها فى شعرها وراحت تبعثره وهى ترسم بلامحها المستفزة لمحة الجنون المصطنعة بنبرة صوت لا تخلو من السخرية.
- وإنت عارفنى مجنونة وممكن أفضحك يا راجل يا مُهزأ.
- اتسعت عيناه وهو يستقبل تلك الكلمات المهينة من شخص يرأسه هو فى العمل، شعر فجأة بأنها تصفعه بسادية على وجهه وليس له الحق نهائياً فى الرد أو الاعتراض، لا يملك سوى السكوت المميت فى محاولة يائسة منه للاحتفاظ بما تبقى له من كرامة أمام كل العاملين بالمستشفى، طقطق فمه فى ضيق وراح يرسم على قسمات وجهه آثار ذلك الكلام المُهين، لم يستطع أن يصمد أكثر من ذلك فى الوقت نفسه أراد ألا يندفع حتى لا تأتبه صفعات أخرى مباغثة.
- إيه يا سعيد، ساكت يعنى ومش بتبرد، أنا قلت كرامتك هتنأح عليك وتقوم تاخذنى قلمين على وشي.
- بطلي استفزازيا رنا بدل ما أقوم أمسح بيكى الأرض، إنتِ فاهمه ولا لأ.
- أمسكت هاتفها بأطراف أصابعها وراحت تُأرجحه أمام عينه ذهابًا وإيابًا.

- وبعدين بقى يا سعيد، إنت ناسى التسجيل ولا إيه، أنا ممكن أفضحك فى المستشفى كلها وتبقى مسخرة، دا أنا حلفت.

- بشرفك!!!، طب إحلفى بحاجة عليها القيمة.

ابتسمت له قبل أن يحتد بصرها بشدة.

- طب وشرفي اللي مش عاجبك ده لتشوف يا سعيد.

قالتها بتحدى وإصرار يجسد ذلك الإحساس التراكمى داخلها والرغبة فى الانتقام من ذلك الكائن الذى يدعى سعيد.

- هاتى التليفون ده.

حاول أن يتهجم عليها ليأخذ منها الهاتف بالقوة فصرخت بشكل يوحى لك بأنه يغتصبها لتتجمع حولهم الناس خاصة وأن الكافية مزدحم فى تلك الساعة، الشباب والرجال حاولوا منع وصوله إليها، فقط يرشق بعض الكلمات والشتائم البذيئة وسط صراخها هى وعويلها، انتهزت هى ذلك الزحام وهولت بخطوات سريعة خارج المكان وسط صُراخه للجميع بأن يلقوا القبض عليها.

\*\*\*

بعد تلك الواقعة بيومين

وقبل وقوع الجريمة بعشرة أيام.

دكتور سعيد وصل إلى المستشفى، بمجرد عبوره البوابة الزجاجية لا يقابله أحد إلا وأصابته نوبة ضحك هستيرى، ممرضات يمنعن أنفسهن من الضحك أثناء مروره بجوارهم، طبيب استشارى يقابله بابتسامة سخرية وحركة رأس تدل على إنه شخص غير مسئول بالمرّة، ماذا يحدث؟!؟!، إذًا قد أُشيع الخبر، رنا نفذت تهديدها إليه، أسرع فى خطواته حتى وصل إلى استراحة الممرضات، ضرب الباب بعنفٍ زائد كان معه سينفسخ

مزلاق الباب، ها هي رنا، تجلس على كرسي خشبي بجوار يارا التي فُزعت من هيئة الدكتور سعيد أمّا رنا فظلت ترمقه وفي عينيها نشوة الانتصار، وضعت قدمًا على أخرى وراحت تطرقع اللادن الذي يملأ فمها بطريقة استفزازية سمحت لضغط الدكتور سعيد بتسجيل رقم قياسى جديد فى الارتفاع، صدره يعلو ويهبط بطريقة مخيفة، الشر كان يخرج من عينه حينما بدأ يكشر عن أنيابه ويبرز لها أجنحة الوطواط المسترة خلف تلك الهيئة الهادئة الملائكية التي يتعمد الظهور بها.

- ماشى يا رنا، بس وشرفك اللى إنتِ حلفتى بيه ونفذتى لأندَمِك على اللى عملتيه ده يا رنا.

\*\*\*

سليم يستمع إلى كلام يارا التي لا تزال عيناها تمتلئ بالدموع.

- وبعدين بقى فى الشغلانة المنيلة دى، هي رنا دى كانت إيه !! سفنجة.

- ما أنا قولت لحضرتك بقى على اللى فيها.

- عارفه هو إيه اللى فيها بجد، إنى أرميكم كلكم فى السجن واتسلى عليكم واحد واحد، أزرع الواحد فيكم العلقة التمام، يقرع على كل حاجة بدون كذب.

- يا فندم أنا قولت لحضرتك كل اللى أعرفه بما يرضى الله، دى كانت صاحبتى الوحيدة ومهما كنت بعترض على أسلوبها وطريقة تفكيرها إنما والله بحبها.

- طيب بما إنك بقى بتحبيها يا ست يارا، تهمنى مين بقتلها؟؟

- ما أقدرش أتهم حد بعينه بس أنا شاكه فى الدكتور سعيد أو الدكتور إبراهيم أو الدكتور عصمت أو حتى حسن.

- تسمعى عن حد اسمه لسعة.

- آه طبغًا، رنا كانت بتقول إنه جارها، وهو اتوفى هنا فى المستشفى.

- جارها ولا ابن خالتها.
- لا يا فندم، قالتلى إنه جارها.
- أستغفر الله العظيم يارب، دكتور إبراهيم قالى إنه ابن خالتها.
- لا يا فندم، والله العظيم قالتلى إنه جارها.
- طب ما تعرفيش مات إزاي؟؟
- خبطته عربية واتوفى هنا فى المستشفى بعدها بيوم أو اتنين.
- بس مش غريبة إن عربية تخبط حد هنا فى المدينة الهادية دى.
- لسعة ده كان بيعمل كل حاجة غلط، شكله كده كان غلط وما كنتش برتاحله، وبإما حذرت رنا منه.
- طب إيه اللى هيخلى جارها يجيلها هنا على طول بصفه دائمة.
- أنا شفته مرتين أو ثلاثة بالكثير ولما سألت رنا قالتلى جارى ولما كنت بقولها ببيجي ليه كانت بتقولى خليكى فى حالك.
- كنتى هنا لما اتوفى.
- آه أنا لقيت ناس جايباه وجاية، جريت بلغت رنا وكانت يومها عاملة زى المجنونة.
- ينظر لها بفراسة ودهاء شديد.
- كنتى بتحبها فعلاً يا يارا، يعنى هيفرق معاكى فراقها.

انخرطت فى البكاء، دفنت وجهها فى كفها، وراح اللون الأحمر يصبغ وجنتها، تنهال الدموع من عينيها وسط نظرات سليم الماكرة، نهض من مكانه، مدَّ يده انتزع كفها بعيداً عن وجهها، مسح دموعها بأصابعه ثم تذوق تلك الدموع وكأنه يتذوق طعام ليعرف

مذاقه، ابتسم في خبث وسط نظراتها الغير مفهومة، راح يصدر أصواتاً غريبة من فمه وكأنه انتهى لتوه من أكل وجبة دسمه.

- دموعك حلوة يا يارا.
- حضرتك بتستهزأ بمشاعري، إيه دموعك حلوة دى؟؟
- ضاقت إحدى عينيه وهو يتحدث وكأنه أخيراً كُشِفَ عن السر.
- لأ دموعك حلوة يا يارا بجدر، يعنى مش مالحة، والدموع المألحة فى علم النفس دموع حزن أمّا الدموع العذبة دموع فرح أو دموع تماسيح فإنّ بقى يا فرحانة فيها يا إمّا إنتِ بتمثلّى علشان كنتى جزء من اللى حصل أو إنتِ اللى قتلها أصلاً يا يارا.
- اندفعت بكل قوة وراحت تبعد عنها تلك الشّمّهات التى يسدها لها سليم.
- حضرتك إزاي تقول كده، رنا دى أختى، أختى.
- إيه المشكلة، دا الأب ممكن يقتل ولاده يبقى الأخت بقى مش هتقتل أختها.
- غلط، غلط، الكلام ده غلط.
- تقدرى تقولى لما خطيبك نفى كلام رنا ما رجعتيش ليه المستشفى؟؟؟
- أنا كنت راجعة والله، بس جالى مغص رهيب، مغص فظيع ما كنتش قادرة منه، بطنى كانت بتتقطع، أنا ما كنتش جاية الشغل أصلاً لولا إنى قعدت اتصل بيها تانى يوم الصبح وكان موبايلها مقفول ورقم المستشفى مرفوع فخفت يحصل حاجة وحد يعرف إنى رُوحت وتبقى مصيبة.
- إنتِ كلمتى خطيبك عرفتيه باللى حصل.
- كلمته مرة واحدة ما ردش عليه وأنا مفيش أعصاب أعمل حاجة.

- ورينى تليفونك.

أخذ منها التليفون دَسَّهُ في جيبه ثم بلهجة قوية قال لها.

- أنا مضطر أتحتفظ عليكى لحين الانتقال للقسم, إنتِ رهن الاعتقال, يعنى ممنوع الكلام والتليفون لحين انتهاء التحقيق الرسمى.

- ليه كل ده أنا مظلومة والله العظيم ما عملت حاجة.

- إحنا لما كنا فى أوضة النبطشية وسألت على التليفون وإنتِ اللى قولتى إنه بتاع دكتور عصمت, ولما سألت على المِج وقولتلى إنه هو برضو بتاع دكتور عصمت, ما عرفتينييش ليه إنه جه هنا عن طريق رنا نفسها, يعنى هى اللى كانت سارقاه.

- كنت هقول لسعادتك والله, بس ما كانش ينفع أسيح قدام كل الناس, دى كانت مأمانى على سر وهى حية مش هفضحها بقى وهى ميته.

- الكلام ده لما بقى قاعدين فى النادى بناخد درنك وبينم على أصحابنا دودو ومودى, مش لما ببقى فى جريمة قتل, التحقيق انتهى يا أستاذة, ميعادنا فى القسم, هيتحقق معاكى إنتِ وخطيبك بس بشكل رسمى, وشرف أُمى لأُعلِّقك إنتِ وهو.

- يا باشا أنا...

قاطعها ولم يستمع إلى كلامها, كالعادة نهض واستدعى الأمين راضى بنبرة صارخة ثم أمره بالتحفظ عليها لحين الانتهاء من التحقيق, ثم أمر راضى أن يأتى إليه بحسن ليكون آخر شخص يحقق معه قبل أن ينتقلوا جميعًا إلى مقر المباحث فى قسم شرطة المدينة.

obeikandi.com

## ( الفصل السابع )

يوم حدوث الجريمة الساعة السابعة والرّبع مساءً

يجلس حسن على الكاونتر الخشبي مرتدياً زى العمل المميز، بنطال كحلي اللون وقميص أزرق، ينكب بعيناه على تلك اللعبة العقيمة التي نقلها عن طريق " البلوتوث " من زميله مسئول الفترة الصباحية قبل أن ينصرف، يحاول أن يكسر ذلك الملل الموحش الذي يشعر به في تلك الفترة المسائية العجفاء التي لا يؤنسُهُ في وحشها شيء منذُ أن عمل في تلك المستشفى النائية، البعيدة عن كل شيء.

صوت أقدام تتابع الخطى، تهبط درجات السلم الداخلى متجهة إلى الطابق الأرضي الذي يقع فيه الكاونتر الخشبي الخاص بـ " حسن "، يرفع عيناه من على شاشة التليفون ليسترق النظر وليعلم لمن يعود ذلك الصوت الرتيب، إنها ( أم هاني ) المسئولة عن نظافة المكان في الفترة المسائية، تهبط إلى الطابق الأول وهي ترتدي ملابس توحى بأنها أنهت عملها وستذهب إلى بيتها، نهض حسن سريعاً حينما رآها وكأنه يستعد للقتال ليستوقفها ويستفسر منها عما يحدث، فهي تريد أن تخرج قبل موعد انتهاء عملها إذًا هذه السيدة سترتكب جريمة شنيعة من وجهة نظر حسن الأمنية!!

- رايحة فين يا أم هاني، إنتِ هتمشي من أول الوردية!!

قالها بتعجب شديد واستنكار يوحى إليك بأنها ترتكب خطيئة لا يدرك كيف سيغفر لها.

- بقولك إيه يا حسن أنا ابني تعبان ومش طايقة نفسي، وسع كده خليني أروح له.

- مين اللي إدالك الأذن إنك تروحي!! كلمتي الدكتور عصمت.

- أنا قولت لـ "رنا" وهي هتخلص كل حاجة.

- رنا!! بس رنا مش هتشيل الجزا اللى هاخده لو حد عرف إنك روحتى وأنا مبلغتش .

- يا حسن رنا ممكن تشيلك إنت شخصيًّا من مكانك وتنقلك حته تانية، يارا لسه قايلة فوق دلوقتي هو ده نظام الأماكن الحكومية، القريب من المدير يعمل اللى هو عاوزه، وإنت عارف بقى رنا تبقى إيه بالنسبة للدكتور إبراهيم.

- أستعفر الله العظيم يارب.

- إوعى يا حسن عدينى.

خرجت أم هانى وسط تأفف حسن ونظرات عدم الرضا التى تملأ ملامح وجهه، أشاح بيده بعنف وهو يردد بصوت خافت " ربنا يتوب علينا بقى من الشغلانة دى ، أنا تعبت "

عاد إلى الكاونتر وهو يتأفف ويتمتم بكلام غير مفهوم، جلس وهو يغرق فى تلك الأفكار السوداء التى تحدد مصيره فى ذلك المكان الموبوء، انكبَّ مرة أخرى على شاشة الهاتف وراح يلعب تلك اللعبة العقيمة حتى يمر الوقت فلا يشعر بملل أو زهق، فى تلك الأثناء ظهرت رنا أمامه، اقتربت منه ببطء شديد كالقطة التى تتمسح فى صديقها لتلوذ بقطعة من تلك المقرمشات التى يطعمها بها، كانت عينها تعطفها طابع النمر الذى يحاول أن يظهر بصورة حسنة لا تتماشى مع طباعه الشرسة، ينظر لها حسن فى توجس شديد، ينظر إلى صمتها بشيء من الرهبة لأنه يعلم جيدًا أنها ستفصح عن شيء ما قريبًا، استعارت نبرة تلك الفتاة التى تقف دائمًا أمامك وتحاول إقناعك بشراء ذلك العطر الجديد.

- فى إيه يا حسن، بتخانق دبان وشك ليه؟؟

تأملها بهدوء لا يخلو من الاضطراب ثم احتاج إلى مجهود عنيف كي يُخرج تلك الكلمات من بين شفثيه.

- ما هو ما ينفعش كده يا رنا، لما حد يعرف إن أم هانى مشيت أنا هاخذ جزا وده ما يرضكيش.

- جزا إيه يا حسن، هو أنا هنا بلعب، والله العظيم ما حد يقدر يجبلك جزا ، بعدين هيعرفوا منين بس إن هى مشيت.

- من أى حد.

- ودينى ما حد هيعرف.

هدأ حسن وصمت نهائياً عن الكلام، مدت يدها إليه بعلبة كشرى مغلقة وعلى سطحها ملعقة بلاستيكية، فى البداية رفض حسن ولكنها أصرت وبشكل غريب أن يأخذها، ضغطت عليه بشكل مُلِحّ وبلا هوادة، لم تعطه مجالاً للرفض أو حتى الرد عليها فقط أخذها منها ووضعها على سطح الكاونتر، نظرت إليه بخبث شديد وبعين يصعب مواجهتها، استفسر عن فعلته وهى تضغط على أسنانها بهدوء مريب، فأخبرها حسن أنه سيأكلها حينما يشعر بالجوع، مدّت يدها وراحت بأناملها الرقيقة تُمسك بطرف ذقنه وكأنه ثمرة كمثرى، ضغطت بأناملها على ذقنه بقوة جعلت ملامحه تتأثر.

- حسن، أنا أكثر حاجة أكرها إنى أدى حد حاجة وما ياخدهاش، العلبة دى لو ما إتاكلتش دلوقتى أنا هزعلك يوم السبت.

قالتها بشيءٍ من المزاح، لكنه مُزاح أصفر يحتوى تهديد يتوارى خلف تلك الابتسامة الشيطانية التى ترسمها هى على وجهها، حسن كان على علم بذلك فهى أروع من يستخدم ذلك الأسلوب الخبيث، بهدوء فتح حسن العلبة وبدأ يلتمها بهم فى حين بدأت هى ابتسامات انتصار مأكرة قبل أن تتركه وتنصرف.

\*\*\*

بعد مرور نصف ساعة تقريباً

ظهرت سيارة أمام باب المستشفى مباشرة، توقفت قبل أن يهدأ موتورها تمامًا ويبقى في حالة سكون، مأل حسن بكامل جسده على الكاونتر الخشبي ليتمكن من رؤية تلك السيارة التي بدأت الكلاكسات تنبعث منها بشكل عشوائي مبالغ فيه، نهض حسن وخرج إلى صاحب تلك السيارة الذي لا يزال يوزع الكلاكسات بطريقة عشوائية لا تُعبر للمستشفى ولا لراحة المريض أى اهتمام.

اقتحمت رأس حسن تلك السيارة عبر النافذة المفتوحة المجاورة لكرسى القيادة.

- ما ينفعش حضرتك الكلاكسات دى خالص، تيت، تيت، تيت، دى مستشفى وفى مرضى والمفروض نوفرلهم الراحة التامة.

ابتسم له وائل خطيب يارا ثم سأله ببرود.

- طب بزمتك أنت فى مرضى جوه فى المستشفى المهجورة دى؟؟

انفعل حسن وكأنه صاحب تلك المستشفى من الأساس.

حتى لو مفيش يا أستاذ، المفروض فى نظام وسيستم للمستشفى.

ضرب وائل كلاكسات متتالية فانقلب وجه حسن وتلوى ممتعضًا.

- خلاص يا جدع بهزر معاك والله، مش هضرب كلاكسات تانى علشان خاطرك إنت بس.

- إنت مين أصلاً؟؟؟ وواقف هنا بتعمل إيه؟؟؟

- أنا وائل خطيب يارا الممرضة اللى شغالة هنا.

- بجد شىء جميل، بس برضو واقف هنا بتعمل إيه؟؟؟

اقتحمت رنا الحديث القائم بين حسن ووائل.

- إيه يا حسن فى إيه، صوتك عالى ليه؟؟؟

- عمال بييب، بييب، بييب، ينفع الكلاكسات دى قدام المستشفى.

- حسن!!

قالتها بقوة شديدة أخرسته قبل أن تستكمل حوارها بهدوء لا يخلو من تلك النبرة المتكبرة والتعالى الزائدة التي تلجأ إليها عندما تتحدث مع أحد في وجود شخص آخر.

- روح أقعد على مكتبك وشوف شغلك يا حسن، وعلى فكرة الأجازة الطويلة اللى إنت طالها هخلصها لك بكرة مع دكتور إبراهيم.

ارتفع حاجباه في دهشه عارمة.

- وإنّ عرفتى منين إني عاوز أجازة؟؟؟

أجابته بملامح وجه بدأ صبرها ينفذ.

- حسن!! ممكن تتكل على الله وتسيبني أتكلم مع الراجل كلمتين.

أوماً حسن برأسه وانقشع سريعاً من أمامهم، تركها تصب في أذن وائل تلك الكلمات التي لا يعلم هو عنها شيئاً، فقط ظل واقفاً يتابع الموقف من بعيد حتى هبطت يارا وهي ترتدى ملابس تنمُّ على أنها ستترك مكان العمل، وبما أن خطيبها يقبع هنا بسيارته إذاً ستذهب بصحبته إلى مكانٍ ما، حاول حسن أن يستوقفها ويمنع حدوث ذلك الهرج الذي لا يوحى بأى نظام أو سيستم داخل المستشفى، لكن تذكرنا وتذكر إجازته التي بسهولة من الممكن أن يتم رفضها إذا أرادت تلك الأناكوندا ذلك، تلك الحية التي يمتلئ ناهيا بالسم فتقتل به كل من يقف في طريقها، تراجع عما كان ينوى فعله والتزم الصمت نهائياً حتى يفهم ما يحدث حوله، اكتفى بمشاهدة يارا تركب السيارة وتنطلق بصحبة خطيبها.

نظرت إليه رنا بعين خبيثة ماكرة تُجسد ذلك الشر القابع بداخلها، اقتربت منها بهدوء دون أن ترفع عينها عن وجهه الغارق في الضيق والضجر، بنبرة صوت مذيبة للأعصاب سألته عن سبب انزعاجه وكأنها لا تعرفه.

- ما ينفعش كده يا رنا، بجد كده ما ينفعش خالص.
- جرا إيه يا حسن، هو أنا كل ما أعمل حاجة هتتنطط.
- يا رنا، يا رنا أم هانى حتى لو ما جاتش بكرة الجمعة ومفيش حد بيستلم منها لأن مفيش حد من بتوع النظافة بيعيى الجمعة إنما فى ممرضة ودكتور بيعجوا الصبح ولو يارا رَوَّحت وحد عرف وأنا ما بلغتش هتنفخ.
- قلتلك محدش هيبجي جنبك إنزل من على وداني بقى.
- أصل هى مش بلطجة وفتحة صدريا رنا.
- لا بلطجة ولا فتحة صدريا حسن، بتمشى بالمحبة والدماغ وأنا عارفه بعمل إيه، إهمد بقى بدل ما ودينى هبوط موضوع الأجازة.
- هدأ حسن نهائياً حينما بدأت هى ابتزازه.
- أقعد على مكتبك ومشي اليوم يا حسن.
- طأطأ رأسه دون رد.
- كلت الكشرى؟؟
- آه.
- ورينى.

فتشت بعينها فوجدت تلك اللعبة فارغة تمامًا ومُلَقاه داخل سلة المهملات بجواره، على سطح الكاونتر ووجدت أيضًا كوبًا زجاجيًا في قاعه ما تبقى من شاي. ابتسمت رنا وطبّطبت مهدوء مريب على كتفه.

- شطور يا أبو على.

تركته وعادت إلى غرفة النبطشية.

بعد ربع ساعة حسن كان منكبًا على شاشة هاتفه راغبًا في إنهاء تلك اللعبة العقيمة التي أخذها من زميله وفي الوقت نفسه يفكر فيما تفعله رنا، يحاول أن يجد تفسيرًا لما يحدث، يحاول أن يحلل ما حدث أمامه ليعلم هل هو على صواب أم كان يجب أن يزار في وجهها ويستدعي الدكتور عصمت لكنه توصل في النهاية أن تجنب شر تلك الشيطانة هو الحل الأسلم خاصة أنها وعدته بالحماية، بدأ يشعر بتقلصات غريبة في معدته، لكن لم يأخذ الأمر في اعتباره، تجاهل الألم وراح يتابع اللعب متناسيًا ذلك الشعور المقيت الذي بدأ يتصاعد بسرعة كبيرة، كلما مرّ الوقت شعّر بأن هناك شيء غريب يحدث في معدته، شيء أشبه بشفرات حادة تقطع جدار معدته وتقلصات تُنذره بالذهاب إلى الحمام، حاول أن يتناسى ما هو فيه ولكن في أقل من خمس دقائق إضافيه كانت لديه رغبة جامحة للذهاب إلى الحمام وإلا سيحدث له ما لا تُحمد عقباه، هَبَّ واقفًا وهرع إلى الحمام بسرعة فائقة توحى بأنه عداء محترف.

حسن داخل حمام المستشفى يُعاني من معدته، شعور غريب ومُليح بالمكوث هناك حتى يشعر بالراحة الأبدية، تقلص غريب ورهيب يوحى بأنه على وشك الأصابة بحمى تيفودية، ظل يعاني من ذلك التقلص لمدة تزيد عن عشر دقائق حتى بدأ يتزحزح ذلك الشعور قليلاً، وقف أمام صنوبر المياه يغسل وجهه الذي هَبَّت لونه حتى يفيق، يضع يديه على معدته متسائلًا عن ذلك التقلص الذي ظهر فجأة، هل كان ذلك بسبب الطعام الذي قدمته له رنا!!!، هل هو طعام فاسد، جفف وجهه بمنديل ورقي ثم خرج من الحمام عائدًا إلى الكاونتر الخشبي فيتفاجأ بوجود فتى الجرائد - عمرو - يجلس على تلك الدبّة الخشبية المجاورة للكاونتر، بجواره مجموعة من الجرائد والمجلات، في

يده جوال حديث يتصفح بين يديه, اقترب منه ويده اليسرى تحتضن قولونه وعلى وجهه آثار ذلك الألم الرهيب الذى يغتصب معدته, ألقوا على بعض التحية الحارة فهم لم يلتقوا منذُ عشرة أيام ثم سأله عمرو مستفسراً عن سبب وجهه الملتوى ويده التى تحتضن معدته, فأجابته بأنه يعانى من تقلص غير مبرر منذُ أن أكل علبه الكشرى التى أعطتها له رنا.

- طب خلى حد تانى يقول الكلام ده, حد مش واخد على أكل الشوارع.
- أهو اللى حصل بقى يا عمرو.
- ياعم تلاقيه برد فى معدتك ولا حاجة, بعدين أنا مش قلتك كلم المدير علشان ما تطلعش لوحدهك ياعم, أدبك تعبان أهو, إفرض بقى عاوز تروح, دا غير إن فى إنفلات أمنى ولازم عدد كبير يكون موجود فى المستشفى.
- والله يا عمرو كلمته كذا مرة وقالى ربنا يسهل.
- بس كده!!
- لا قالى هيدىنى مسدس صوت.
- مسدس صوت!! الناس بتثبت بعض فى الشوارع بالآلى وإنه هيبقى معاك مسدس صوت, إنت ما سمعتش عن البنك اللى أتسرق من كام يوم ولا إيه.
- سمعت بس ده بنك يعنى فلوس وبتاع, أنما يا حسرة اللى هيسرق المخروبه دى مش هيلاقى فيها حاجة.
- أدبك قولت يا حسن, بنك, بنك!! والشرطة شدت يومين وبعدين ولا أى أندهاش ولا أكن فى حاجة حصلت, أحنأ فى فوضى يا حسن والإنفلات الأمنى ده بقى مقرف وحاجة زى الزفت.

- ربنا يرحمنا يا عمرو، أهو هيبقى لينا ريس قريب، هيبقى أول رئيس جمهورية مُنتخب من بعد الثورة، ربك إن شاء الله هيكرم والدنيا هتقوم وهنتغل.

- إبقى قابلى.

نظرله حسن وأبتسم، فسأله عمرو عن سبب ابتسامته.

- يعنى غريبة إن حد فى سنك وبيتكلم فى السياسة.

- مصر كلها بقيت بتتكلم فى السياسة فجأة والكل بقى خبير إستراتيجى وبتاع، بعدين أنا بباع جرايد يا حسن، يعنى كل ده ببعدى عليه بس أنا شايف أن إحنا جيل مش هيشوف أمل تانى لا فى عهد ثورة ولا فى عهد أى رئيس بينتمى لأى فصيل سياسى، إحنا هنفضل إحنا فاشلين وضايعين لحد يوم القيامة علشان ربنا سبحانه وتعالى بيقول " إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ " واحنا وحشين أوى يا حسن كلنا وحشين مع بعض يا أخى، محدش بقى بيعجب التانى.

- خلاص بقى يا جدع ما تخرطش على قلبى بصل الله يباركلك، كفاية اللى أنا فيه شغل بالليل وشغل الصبح ونوم العصر وحاجة تقرف، حتى يوم الجمعة بيتبخر.

- هو انت شغل واحد مش مكفيك صح.

- يا عمرو شوف الشقة بكام والعفش بكام ومصاريف الجواز عاملة ازاي.

- على رأيك، خلاص أنا هسكت أهو ولا أقولك أنا هسيبك وهطلع أبيع جرايد.

- مش هتبيع حاجة.

- ليه؟؟؟

- دكتور عصمت هو النبطشى.

تلوى وجهه وراح يُلوح بيديه فى ضجر.

- والله أنا كل ده فاكر إنه دكتور كريم علشان كده جايب معايا كل مجلات السيارات.

يستعرض المجلات أمام وجه حسن الذى بدأت ملامحه تتلوى فقد باغته ألم معدته مرة أخرى، أردف عمرو معاتبًا إياه.

- بس أنا زعلان منك، مش كنت تقولى عصمت النبطشى والله ما كنت جيت يا أخی.

- هو حد بيشوفك، ما إنت بقالك عشر أيام ما بتجيش.

- قال يعنى لو كنت هنا كان سأل.

- كنت فىن طيب؟؟

- كنت فى البلد وجيت معايا الحنة دى.

استعرض أمامه الجوال الحديث الذى ابتاعه منذ أيام من هناك، يعرضه أمام عيني حسن التى اتسعت على أثره، أخذه منه وراح يقلب فيه بإعجاب شديد وازداد إعجابه به حينما أخبره عمرو بذلك السعر الذى ابتاعه به " مُستعمل"، أخبره عمرو أيضًا أن الكاميرا الخاصة به نقية جدًا تسجل مقاطع الفيديو بتقنية HD، أبدى حسن إعجابه الشديد بالهاتف قبل أن يسأله عمرو بعد ذلك عن النبطشية من الممرضات فأخبره أنها رنا وبارا ولكن يارا ذهبت لأمر ضرورى وسوف تعود فى الصباح الباكر.

- رنا، دى حبيبتي أصلًا.

- رنا حبيبة المستشفى كلها يا عمرو.

- وتكه بنت اللذينة، أنا هطلع أسلم عليها بس لما الكشف يخلص علشان مش  
عاوز أشوف دكتور عصمت ده.

التوى وجه حسن فجأة.

- كشف!! كشف إيه؟؟؟

- هو مش في كشف شغال فوق!!

- لأ مفيش.

- إزاي يعنى!! أنا شايف من بعيد إثنين واقفين على باب المستشفى لابسين  
كابات يا حسن، شايفهم بعيني داخلين المستشفى، دا بالأمانة كان في واحد معاه تقريباً  
شنطة سمسونايت.

- يا عمرو مفيش حد دخل.

- يا عم إنت كنت في الحمام، ما أنا دخلت وإنت مش موجود.

بدأ الألم يداهمه بوحشية هذه المرة، شعر وكأن تلك الآلة الحادة عادت مرة  
أخرى لتُقطع معدته من الدخل، ارتفع منسوب الاحتياج إلى دخول الحمام بشكل سريع  
جداً دفعه للنهوض سريعاً والركض في اتجاه الحمام وقدميه تلتصق ببعضها لتمنعه  
من حدوث كارثة، أخبر عمرو بسرعة رهيبة أنه ذاهب إلى الحمام في حين أن عمرو  
أخبره أنه ذاهب إلى رنا ليطمئن عليها وليعلم منها هل هناك كشف أم أنه بات مريضاً  
يُخيل إليه أشياء لا وجود لها.

هرع حسن إلى الحمام، دخل قبل أن تنفلت من يديه زمام الأمور، جلس بسرعة  
فائقة وراحت عضلات وجهه تنبسط شيئاً فشيئاً، شعر بسعادة غريبة تغمره حتى  
النخاع، الألم الذى يشعر به جعله لا يستطيع أن يترك الحمام وينصرف، حالة غريبة لا  
يوجد تفسير لها سوى أن ذلك الطعام فاسد لا محالة، بعد مدة تزيد عن عشرة دقائق  
استمع إلى أصوات هرج غير طبيعية وإلى أصوات عشوائية ناتجة عن كروف فرغيب،

شيئاً ما يسقط على الأرض مُصدراً صوت ارتطامه بالأرض، شيء يبدو ضخماً، يليه شيء آخر في السقوط مباشرةً مُصدراً صوت أهات ناتجة من حنجرة رجل بالغ، قُرب الحمام من ساحة الاستقبال التي يقع فيها الكاونتر الخشبي جعله يستمع إلى كل شيء يحدث بها علاوة على أن الهدوء الذي في المكان يجعلك تستمع إلى أي صوت قد يحدث حتى ولو كان بسيطاً، أنهى سريعاً ما هوفيه وهرع إلى الخارج ليكتشف أن الدبّة التي كان عمرو يجلس عليها مقلوبة على الأرض ومُزحزحة من مكانها إلى الأمام وكأن أحداً قد دفعها بقوة، الكاونتر الخشبي سقط على الأرض في وضعيه بعثرت الورق الذي كان على سطحه وأطاحت بالهاتف الأرضي بعيداً، بجواره تقبع في هدوء قبعة أو "كاب" أسود مكتوب على وجهته الأمامية باللون الأصفر "VIP"، الجرائد والمجلات التي كان يحملها عمرو مبعثرة في كل مكان وكأنه تعمد أن يفتersh بها الأرض، حسن ينظر حوله في حالة من الدهول الممزوج بالاندهاش، عيناه تتسع وهو يشاهد هذه الفوضى التي على الرغم من أنها حدثت في دقائق إلا أنها تشعرك وأن قطع من الحيوانات مرّ من هنا وهو يجاهد للفرار من حيوان مفترس يريد أن يفتك به.

آخر شيء يذكره وهو يركض إلى الحمام أن عمرو أخبره أنه صاعد إلى أعلى ليصافح رنا ولعلها تبتاع منه شيئاً، نادى عليه بصوت عالٍ لكن لم يتلقى سوى صدى صوته، طرحت نفسه عليه سؤالاً، هل تشاير مع الدكتور عصمت؟؟ مستحيل فدكتور عصمت لا يستيقظ أبداً إلا إذا كان هناك كشف، تذكر كلامه عن هؤلاء الذين قد ذكر أنه رآهم أمام المستشفى يرتدون كابات، إذا بالفعل ربما يكون هناك كشف والدكتور عصمت قد استيقظ من أجلهم، لكن مهلاً ما سرتلك القبعة الغربية التي لا تنتمي إلى أحدٍ منا!!! عمرو كان على حق، لكن معنى أنها ساقطة هنا وتلك الجرائد التي كانت بحوزته هنا إذاً واحداً منهم كان يركض خلف عمرو، وهو أسقط المقعد والكاونتر لإعاقته وهو يركض خلفه، الصوت!! هناك صوت قد تناولته أذني وأنا داخل الحمام، صوت أهات يأتي من حنجرة رجل بالغ!!! هناك أُلغاز كثيرة تحتاج إلى حل ولا حل سوى الصعود حيث غرف النبطشية!!!!

التقط القبعة السوداء من على الأرض، أعاد الكاونتر والمقعد الخشبي ثم شرع في حصد الجرائد والمجلات من على الأرض ليضعها بعد ذلك بصحبة القبعة في درج الكاونتر، احتضن قولونه الذي بدأ الألم يضربه مرة أخرى، شرع في صعود درجات

السلم ووجهه يمتعض قليلاً على أثر ذلك الألم الذى بدأ يتصاعد فى معدته، وصل إلى الرواق الذى فيه غرفة النبطشية الخاصة بالمرضات والأطباء فكتشف أن النور مغلق من القابس الكهربى، أضاءه فاستمع إلى صوت باب يُغلق، نظر بعينه نظرة عميقة محاولاً استكشاف مصدر ذلك الصوت، يقترب ببطء من الغرفة وهو يردد بصوت خافت "رنا، رنا"، لا أحد يجيب عليه، اقترب أكثر حتى وصل إلى الباب، طرق عليه طرقات خفيفة فى البداية ثم بدأت تزايد تدريجياً حتى وصلت إلى طرقات يسمعها كل من هو فى نفس الرواق حتى وإن كان فى غرفة أخرى لكن لا أحد يجيب حتى د/عصمت لم يظهر، وضع يديه على مقبض الباب وحركه ببطء إلى أسفل فاكتشف أن الباب مُحكم الغلق، طرق عليه مرة أخرى مُرددًا اسمها بصوت هادئ لكن لا يوجد نتيجة تختلف عن تلك النتائج السابقة، بات حسن فى دهشة عارمة لا يستطيع تفسير ما يحدث حوله، هناك حالة من الجنون الغامض تضرب المكان، امتعض وجهه حينما بدأ ألم معدته يغازله مرة أخرى.

- رنا أنا كده بقى مضطر أصحى دكتور عصمت لأن فى حاجات غريبة بتحصل وأنا مش فاهمها.

أخبرها حسن بما بنوى فعله لأنه يعلم جيداً كيف ستكون عاقبته إذا أبلغ دكتور النبطشية بشئ دون أن يمر على رنا، التفت إلى الخلف وشرع فى الذهاب إلى غرفة النبطشية الخاصة بالأطباء، ارتفع وقع أقدامه وهو يترجل إلى هناك، طرق على باب الدكتور عصمت لكن لم يجيب عليه أحد، صوت "كالون" الباب يتحرك يتبعه صوت المقبض قبل أن يأتية صرير الباب وهو يُفتح، تلك الأصوات المتتابعة جعلت حسن ينتبه إلى غرفة المرضات، يرمق باب الغرفة بدهشة لكن دون ظهور شئ.

- رنا، إنتِ اللى فتحتى الباب؟!!!

لا أحد يُجيب، تحرك شغف حسن وراح ببطء يخطو تجاه الباب حتى وصل إليه فتوقف عن متابعة السير ومطّ رأسه ليشاهد ما بداخل الغرفة فتلقت رأسه ضربة قوية بعصا خشبية أدت إلى سقوطه على الأرض شبه مغشى عليه، العصا كُسرت على رأسه، تشوشت رؤيته بعدما اتخذت الدماء من رأسه إلى ياقة قميصه ورقبته مسارًا لها فصبغت وجهه وسقّت ملابسه، افترش جسده الأرض نائمًا على جانبه الأيمن وكأنه

حارس مرمى يُحاول التصدى إلى ركلة جزاء يُسددها لاعب محترف، في أقل من ثانية كان ظهره يتلقى وابلًا من الركلات العشوائية المتتالية، حاول حسن أن يرفع رأسه قليلاً بعدما توقف الضرب فوجد على ما يبدو أنه شخص نحيف، أصلع، أبيض البشرة، يولى له ظهره، ينحنى ليلتقط القبعة التي سقطت منه على الأرض، إنها قبعة سوداء لكن عيناه لم تستطع رؤية تفاصيل أكثر من ذلك، التقطها ذلك الأصلع النحيف قبل أن يلتفت إليه، يتفاجأ حسن بأن ذلك النحيف الأصلع يرتدى على وجهه ذلك القناع الشهير "قناع فانديتا"، كان يحمل في يديه شنطة "سمسونايت" تبدو فارغة، فقد كانت تتأرجح في يده بسهولة، انحنى صاحب القناع وأمسك بنصف العصا المكسورة وهوى بها على رأس حسن مرة أخرى فسلب وعيه بالكامل وأغشى عليه.

\*\*\*

استرد حسن وعيه في الساعة السادسة صباحًا.

كان يشعر بصداع رهيب يقسم رأسه إلى نصفين، صداع يغتصب رأسه لدرجة أنه كان لا يستطيع أن يرفعها من على ذراعه الذي تستند عليه، هناك تنميل وحشي يشعر به في ذراعه نتيجة وزن رأسه التي ضغطت عليه طوال فترة الإغماء، تحامل على نفسه وجلس بمعاناه نصف جلسة شعر معها وكأن الرواق يلتف به، أغمض عيناه ثم حاول النهوض، سقط في البداية من فرط عدم الاتزان لكنه حاول مرات عديدة حتى تمكن من الوقوف على ركبتيه ثم على قدميه، باب غرفة الممرضات غير مُحكم الغلق، يصنع فرجة صغيرة لا تمكن رأسه من الدخول، ترجل ببطء شديد تجاه الغرفة وكأنه عائد لتوه من الموت (زومبي)، أزاحه ببطء ليصدر ذلك الصرير الكتيب الذي يُنذِر بأن شيئًا ما سوف يحدث، الغرفة بها فوضى عارمة وكأن مجموعة من الأطفال كانوا يعبثون بها، التفاصيل كانت كثيرة منها كمية من الأوراق البيضاء تفترش أرض الغرفة، كوب مكسور على الأرض، سرير الغرفة في حالة فوضى أسفلها هاتف جوال ابتعدت أشلائه عن بعضها، رنا نائمة في هدوء وسكون تام على السرير بوضعية غير صحيحة، نائمة بعرض السرير، رأسها تسقط من على السرير وكأنها تشاهد عرضًا بالملقوب، تفرد ذراعها عن آخرهما وكأنها تتأهب لتحضن أحداً، قدمها تتدلى من الجهة الأخرى

للسرير فتلامس الأرض فعرض السرير لم يتسع لجسدها بالكامل بل انتهى عند ركبتيها، عيناها ترتفع إلى أعلى، ثغرها مفتوح عن آخره لتُخبره هيئتها أنها جثة هامة.

صرخ حسن وهرع إلى غرفة الدكتور عصمت، يضرب على الباب كالمجنون لكن لا أحد يُجيب، حاول فتح الباب لكن اكتشف أنه مُحكم الغلق، ركض في الرواق حتى وصل إلى السلم الداخلى فانزلق بسبب عدم الاتزان الذى يعانى منه، هوى على الأرض وانزلق بسرعة رهيبة وبطريقة لا تمتُ إلى الاتزان بصله، فهو يتدحرج كبرميل فارغ على درجات السلم، لم يأخذ في اعتباره ما حدث فور وصوله إلى الأرض فما رآه بعينه جعله يتناسى أى تعب أو ألم، أمسك بهاتفه القايح فى درج الكاونتر والذى أوشكت بطاريتة على النفاذ، أحضر رقم الدكتور إبراهيم ثم اكتشف أنه لا يمتلك رصيذاً له فقط رصيده يُساعده فى الاتصال بالدكتور سعيد، أجرى اتصالاً معه أخبره فيه أن هناك جريمة قتل وأن دكتور عصمت لا يجيب فى حين أن باب غرفته مُحكم الغلق، طلب منه الدكتور سعيد أن يبلغ الشرطة وهو سيأتى حالاً إليه.

أغلق الهاتف ثم نظر إلى نفسه ويداه ترتعش بلا هوادة من فرط ما هو فيه، اشتم رائحة نبتة لا يعلم مصدرها، فثَّس عنها فاكتشف إنه قد تغوط فى ملابسه حينما أغشى عليه لأنه كان يعانى من ألم شديد فى المعدة يستدعى الذهاب إلى الحمام كثيراً، علاوة على أن جرح رأسه يؤلمه بشدة الآن والدماء قد جفت على ملابسه إذاً هو بحاجة ضرورية إلى التنظيف، هرع إلى الحمام ليستحم وليتخلص من تلك الفضيحة فكيف سيقابل كل هؤلاء بملابس قد تغوط فيها!!!

اغتسل فى حمام المستشفى الذى تعود الاستحمام فيه طوال فصل الصيف قبل أن يذهب إلى عمله الصباحى فى أحسن حالاته، استبدل ملابس المستشفى بملابسه الشخصية، وضع المُطهر على جرح رأسه قبل أن يلف عليها الشاش وخرج ليتفاجأ أن يارا قد وصلت لتوها إلى المستشفى كما اتفقت معها رنا أمس، وجهها كان مرهقاً لونه أصفر باهت يشى بمدى التعب والإعياء التى تشعر به، تضع يدها على معدتها فى ألم، سألت حسن مستفسرة.

- مالك يا حسن!! وإيه الشاش اللي على راسك ده إنت اتعورت ولا إيه؟؟

نظر لها وعيناه تمتلئ عن آخرها بالدموع, جسده يرتعش بشكل غير طبيعي, شكل يوحي إليك إنه راغب في التبول, فسألته بلهجة أقوى هذه المرة.

- هو في إيه يا حسن؟؟ إنت عامل كده ليه؟؟ وإيه الفوضى دى, تليفون المستشفى على الأرض والحرارة مرفوعة, وتليفون رنا مغلق من امبارح.

نظر حسن على الأرض حيث الهاتف الأرضى, انحنى ووضع السماعه على التليفون فعادت الحرارة, التقطه ووضعها في مكانه على سطح الكاونتر ثم هددوه مُريب وبملاحح وجه من يقع تحت تهديد شئٍ ما.

- رنا إتقتلت يا يارا.

اتسعت عينها بعدم تصديق في البداية قبل أن يتطور الأمر وتمد يدها لتعتصر ملابسه بقوة.

- إنت بتقول إيه!!! مين دى اللى إتقتلت, إنت شارب حاجة ولا إيه.

باستسلام تام دون حتى أن يفكر في زحزة يدها عنه أو حتى دفعها بعيداً, طأطأ رأسه وراحت ملاحح الحزن والأسى تتشكل على وجهه.

- رد على أمى إنت لسه هتمثل.

- يارا إتقتلت, إتخبطت على دماغى بالليل من حد لابس قناع غريب ولما فوقت الصبح لقيتها إتقتلت.

دفعته بقوة وراحت تركض إلى غرفة النبطشية وهى تصرخ كالمجاذيب, دخلت إلى الغرفة, شاهدت جثتها وهى تصرخ وتلطم على خديها بلا رحمة, التفتت إلى حسن فجأة, وراحت تعتصر ملابسه مرة أخرى بجنون أمٍ أمسكت بقاتل ابنها الوحيد, اعتصرت ملابسه بقوة كاد معها قميصه أن يتمزق, تحدثت إليه بنبرة صوت عبرت حدود الجنون, تحدثت معه بملاحح وجه باتت تحت تأثير هياج عصبى جامع فعقلها يرفض تمامًا تصديق أن زميلتها وصديقتها باتت في عداد القتلى.

- إنت اللى قتلها يا حسن, إنت اللى قتلها.

حاول حسن أن يدفعها بعيداً وهو يصرخ فى وجهها هو الآخر.

- أنا ما قتلتش حد, والله العظيم أنا ما قتلت حد.

- أمال مين اللى قتلها؟؟

- ما أعرفش.

- يعنى إيه ما تعرفش.

صمت وعيناه راحت تدمع بحزن ممزوج بخوف شديد.

- إنت هتعيطلى, رد عليا.

قالتها بقوة فأجابها بصراخ هو الآخر.

- ما أعرفش, إمبراح الباب بتاع الأوضة ما كانش عاوز يفتح وفجأة الباب فتح ولقيت حد بيضربنى على دماغى, حد رفيع وأصلع وكان لابس كاب إسود وقناع غريب , ما عرفتش أشوف وشه, ضربنى على دماغى وجرى.

- يعنى إنت شفته أهو, أمال بتقول ما تعرفش إزاي.

- هو ده اللى شفته وأعرفه, أكثر من كده ما أعرفش, ما أعرفش.

قطع حديثهم صوت طرق الدكتور عصمت من داخل الغرفة وهو يحاول فتح الباب متساءلاً عن من أحكم غلقه, تخلص حسن من مخالف يارا القابضة على ملابسها وركض إلى غرفة نبطشية الطبيب ليتحاور معه وليكتشف منه أن باب غرفته مُحكم الغلق وأن المفتاح ليس بحوزته, أصابته حالة انهيار عصبي حاد حينما أخبره حسن أن رنا وجدوها مقتولة فى الصباح, ظل يضرب الباب بقدميه حتى كُسِرَ الكالون وخرج دكتور عصمت كالمجنون فى اللحظة التى وصل فيها الدكتور سعيد يلهث مُحاولاً

التقطات أنفاسه بعدما ركض بسرعة قصوى من سيارته حتى باب غرفة النبطشية، نظر في عين دكتور عصمت وأطال النظر وكأنه يقول له أننى أعرف من الذى قتلها، سأل حسن هل قام بإبلاغ الشرطة؟؟، نفى حسن ذلك فمهره د/سعيد قبل أن يبلغ هو الشرطة بنفسه، يارا تجلس القرفصاء تبكى بحرقة مُرددة بصوتها الحزين الباكي " ياريتنى ما كنت سيبتك يا رنا، ياريتنى ما كنت سيبتك"، دكتور سعيد يستمع إلى كلماتها بإمعان ثم يسأل حسن.

- هو مين اللى كان نبطشى معاها.

- يارا.

- أمال سابقتها إزاي!!!

- دى قصة كبيرة أوى هبقى أحكيها لساعدتك.

- إنت بلغت الدكتور إبراهيم.

- لا مش معايا رصيد إلا لرقم حضرتك بس.

- أنا هبلغه.

أخرج د/سعيد الهاتف وقام بالاتصال بالدكتور إبراهيم فى تمام الساعة السابعة ليُبلغه بتلك الكارثة ثم ذهب لإبلاغ الشرطة.

\*\*\*

سليم أبو فرحة يستمع إلى حديث وكلام حسن الذى لا يزال قابلاً أمامه يقص عليه ما حدث فى ليلة أمس، سليم ينظر له بانتباه شديد وتركيز عميق وكأنه يحاول تخيل كل مشهد يحكيه على تقنية ثلاثية الأبعاد، يهتز بالكرسى قليلاً وهو ينظر له بإمعان شديد، رأسه ملفوفة بالشاش وتلك البقعة الحمراء ظاهرة على جبهته، يجلس أمامه بملابسه الخاصة، لا يرتدى زى المستشفى الرسمى.

- بس يا باشا بعد كده رجالة المعمل الجنائى جت بعد كده حضراتكم.
- آه, طب دكتور إبراهيم وصل إمتى.
- بعد رجالة البحث الجنائى بشوية كده يا باشا.
- ضحك سليم ببطء فى البداية وراحت ضحكاته تزايد تدريجيًا حتى وصلت إلى أقصى صوتٍ لها, ضحك لدرجة أنه كان من السهل إذا نظرت إلى فمه أن تشاهد حنجرتة عبر فمه المفتوح عن آخره.
- حلو أوى الفيلم الأجنبى ده يلا, إنت منزله من على النت بقى ولا شففته على قنوات الأكشن.
- يا باشا أنا.....
- شششششش, مش عاوز كذب يا أبو على.
- يا باشا أنا ما بكديش.
- بتكذب يا أبو على, قولى بس قتلها ليه؟؟
- حالة لا توصف من الانفلات العصبى والعقلى قد أصيب بها ذلك النحيف.
- والله العظيم ما قتلها, وهقتلها ليه؟؟, هستفيد إيه؟؟
- إخرس يلا واتكلم بصوت واطى بدل ما وشرف أمى أعلقك من رجلك زى الدبيحة.
- هدأ حسن وبدأ يتحدث بصوت خافت.
- طب يا باشا هقتلها ليه.
- علشان تنتقم منها.

- ليه؟؟
- علشان الذل اللى بتذلهولك ده كل شوية.
- والله العظيم ما حصل, والله ما حصل.
- لم يترك سليم الفرصة تمر هكذا, يجب أن يدلى بدلوه ليستفيد من حالة الارتباك التي أصابت حسن.
- طب قولى مين اللى قالك إقتلها, إبراهيم.
- والله ما حد قالى.
- يعنى قتلها من نفسك.
- والله ما قتلها.
- طب مين اللى قتلها؟؟
- أنا قلت لسعادتك مواصفاته, وكان لابس قناع.
- طب القناع كان شكله إيه؟؟
- ما أنا قولت لسعادتك قناع فانديتا.
- يابن اللعيبية يا حسن تصدق ملعوبة, تعمل الجريمة وتنتقم منها وتلبسها لحد مجهول المصدر, لا ولد, لعيب, شابهو يا ابو على.
- كلام سليم يثير استفزاز كل خلية من خلايا حسن, سليم يتفرس فيه ويتابع كل ردود أفعاله بشيء من العمق.
- والله العظيم يا باشا ما حصل والله ما حصل.

- طب استنى جاتلى فكرة يا أبو على.

بصمت مهذب استمع فيه إلى كلام سليم الذى أردف بخبث شديد.

- إنت قُلت أن الكاب والجرايد والمجلات إنت شيلتهم فى درج الكاونتر بتاعك من إمبارح , والمفروض أنك لسه مجيتش جنهم صح.

- صح يا باشا.

- روح هاتهم يا أبو على وريمهملي.

بدت على وجهه أمارات النصر, هذه فرصة ذهبية أعطاها له سليم.

- حاضر يا باشا.

انتفض من مكانه بسرعة البرق, استوقفه سليم.

- أبو على.

- أيوة يا باشا.

- هاتهم فى كيس علشان البصمات.

- حاضر.

obeikandi.com

## (الفصل الثامن)

سليم أبو فرحة يجلس على مكتب الدكتور إبراهيم، يعبث في أدراجه وفي تلك الملفات الراقدة على سطح المكتب، يزفر دخان لفاقة التبغ التي ملأ دخانها المكان وهو في انتظار وصول حسن بالجرائد والمجلات والكاب الأسود الذي احتفظ به، هناك شخص يقترب من باب غرفة المكتب الغير محكم الغلق، يقترب بهدوء مريب متعمداً ألا يصدر صوت وكأنه لا يريد أن يجرح ذلك الهدوء الذي يُخيم على المكان فبدا كلص يتسلل إلى مسرح الجريمة، نظر بعينه من فرجة الباب على سليم المنهمك بالتنقيب في مكتب الدكتور إبراهيم، تعالت أنفاسه ثم مدَّ يده وراح يفتح الباب الجزراري فيصدر ذلك الصوت الذي يدل على أن حلقة في أمس الحاجة إلى مادة بتروليه لتسهيل حركة سريانة وليُخرس ذلك الصوت المزعج الذي انتزع انتباه سليم وجعله ينظر إلى سليمان، ذلك الشحاذ ذو الهيئة الرثة الذي كانت رنا تحاول الفرار منه كلما أرادت الدخول إلى المستشفى، ينظر إليه سليم طويلاً، يحاول أن يتعرف عليه، إنه يُشبه تماماً ذلك الشحاذ العجوز الذي وصفه له وهو يحاول التعدي على رنا وهي تلوذ بالفرار منه، يرتدى ملابس مهلهلة، مُتسخة للغاية تكسوها الرقع الملونة، ملامحه لا تظهر من كثرة التجاعيد التي ترتسم على وجهه، شعره الكثيف الملتحم مع ذقنه يدفس هيئته، يقف متصلباً ينظر بثبات إلى سليم الذي لم يزحج عيناه عنه، ظللاً هكذا يتبادلون النظرات لمدة تزيد عن دقيقتين، خرج سليم عن صمته.

- في حاجة يا راجل إنت؟؟

قالها بحدة فأجابه العجوز.

- أنا عارف مين اللي قتل رنا الممرضة.

- !!!!!

هنا انتفض سليم وراحت ملامحه تتباعد عن بعضها كقط رمل شيئاً ما يتحرك بسرعة تحت ملاءة كبيرة، بلل شفتاه السفلى بلسانه كأنه أصيب بنوبة ارتفاع سكر، اتسعت عيناه وبدأ يُنقب في وجه ذلك الرجل الذى يقف أمامه بثبات غريب، يُدقق النظر فيه مستخدماً كل الدورات والكتب التى قراءها في علم النفس.

- يعنى إنت عارف القاتل؟؟

- آه، وشوفته كمان وهو بينفذ الجريمة.

قطب سليم جبهته في استغراب شديد، يحاول استيعاب كلام ذلك الرجل الكبير الذى لا يبدو عليه أى نضوج فكرى أو فصاحه، سليم لا يريد أن يندفع وراء ذلك الكلام فربما هو مجرد رجل مجنون خاصة أن هيئته تشي بذلك.

- ولما انت شفت الجريمة ما منعتهش ليه؟؟

- وامنعها ليه؟؟ دا أنا كنت في غاية الإنبساط وروحها بتطلع قدامى.

قالها وهو يبتسم ابتسامة مخيفة تضعه في خانة القتلة الساديين، شعر سليم برجفة غريبة لم تعترية منذ وقتٍ طويل.

- بقولك إيه إنت شكلك كده مجنون وبتهرتل، إطلع بره يا راجل إنت بدل ما ودينى أخدمك القسم أظبطك، هتعملي فيها مجنون ساعتين هرفع عنك الكتاب العمر كله.

قالها بحدته فتجههم سليمان وراحت عيناه تجحظ لدرجة أنها كادت أن تخرج من تجويفها.

- أنا لا مجنون ولا بهرتل، أنا عارف مين اللى قتلها بجذ.

يُشير بيديه إلى عيناه.

- شوفته بعينيا دول وهو بيقتلها، شوفتها وهى بتفرفر فى إيده وبتترجاه إنه يسيبها تعيش، بس هو طلع راجل، دكر، قتلها علشان يحورها من اللى كانت هى فيه.

- إنت بتعمل إعلان فيلم يا جدع أنت؟؟ ما تقول مين اللى قتلها وأخلص .

قالها بغضب وبعنف شديد فجاءة الرد المباغت الذى لم يتوقعه، جاءة ليسقط عليه كالصاعقة من السماء.

- أنا اللى قتلتها.

- !!!!!!!!!!!!!

ارتعدت فرائضه وظل ينظر له بعدم فهم، سادت ملامحه الدهشة العارمة فى البداية ثم بدأ بعد ذلك بيتسم وكأنه لا يصدق ما يقوله ذلك المخبول.

- تانى كده يا حج الله يباركلك، مين اللى قتلها كده؟؟

- أنا اللى قتلتها.

- إنت عارف لو طلعت شارب ولا مبرشم أنا هعمل فيك إيه.

ابتسم ذلك العجوز وراح يُحرك رأسه يمينًا ويسارًا فى بطاء شديد وكأنه لا يصدق ما يسمع.

- ما هو اللى بيحى على طول ويقول كلمة الحق حتى ولو على رقبته يبقى يا إمًا شارب أو مبرشم، ولا يمكن سعادتك إتغيرت فى اللى أنا لابسه، كنت تعالى يا بيه شوفنى زمان قبل الدنيا ما تحط عليا ورنا تعمل فى اللى عملته، أهو كل اللى أنا فيه ده بسببها.

- لا بقولك إيه بابا أنا رئيس مباحث مش موظف فى الشئون الإجتماعية علشان أقعد أسمع إنت كنت إيه وبقيت إيه، إظبط نفسك معايا كده وخليك مُحدد، قتلها ليه؟؟؟

بهدهوء وبروء لا يتناسب مع قاتل يجلس أمام رئيس مباحث.

- هى المبنى عليها اسمها إيه؟؟

- هو احنا داخلين لجنة امتحان شفوى؟؟ ما تتكلم علطول يا راجل إنت بدل ما أخذك القسم وأعلق فى أنبوبة لحد ما بيان لك صاحب.

- يا باشا دا سؤال مهم فى صُلب القضية.

- أعتبر إنى أنا اللى سألته وجاوب أنت.

- اسمها رنا سليمان حواس, وأنا سليمان حواس والء المبنى عليها.

تباعء فكى سليم وراح ينظر له بملامح رجل اكتشف خيانة زوجته, أءرف العجوز بتلك الطريقة التقريرية.

- رنا هى بنتى الوحيدة وكان لازم أقتلها.

ضرب سليم جبينه بيءه مُصدراً ذلك الصوت الناتج عن التصادم.

\*\*\*

قبل وقوع الجريمة بسنوات كثيرة.

سليمان وقتها كان على حافة الثلاثينات, ربما لم تمر سوى سنتين على اقتحامه ذلك العءء الجديد من عمره, يجلس مع زوجته ذات الجمال المتوسط ءكتور بءين يُءء الأشهر فى مجال علاج العقم وتأخر الإنجاب, يجلس سليمان أمامه بصحبة زوجته فى عيادة ذلك الءكتور الءى يطلع بإمعان على مجموعة تحاليل عبر عيناته الءقيقة الءى انزلقت حتى مقدمة أنفه, على وجهه يظهر ءء فعل يَشِى بالتوجس والقلق الشءيد, زوجة سليمان ترتجف وتنظر له وكأنها تنتظر ظهور نتيجة الثانوية العامة برغبة ءءول كلية الطب, تمء يءها الءرتجفة فتلتقى مع يء زوجها سليمان الغارقة فى العرق من شءة التوتر, الءكتور ينتزع عيناته وينظر لهما وعلى محياه لمسة حزن شءيدة لا

يمكن تجاهلها، بشيءٍ من الأسى أخبرهم أنهم غير قادرين على الإنجاب، لابد أن تكون هناك معجزة حقيقة في زمنٍ انتهت فيه المعجزات من أجل حدوث ذلك.

الخبر كان صادماً وكافياً لدخولهم في حالة اكتئابٍ حاد لكن إيمانهم الشديد بقضاء الله وقدره لم يدفعهم نحو اليأس بل جعلهم على يقين بأن كلما ضاقت عليهم حياتهم وأظلمت فلا بد أنهم على شفى فرجٍ قريب.

وَأَيُّ سَلِيمَانَ حَيَاتِهِ شَطَرَ اللَّهُ سَبْحَانَهُ وَتَعَالَى فَكَانَ يَلْجَأُ إِلَى كُلِّ النَّوَافِلِ الَّتِي تَجْعَلُهُ قَرِيبًا مِنَ اللَّهِ عَزَّ وَجَلَّ، اسْتَمَرَ عَلَى هَذَا الْأَمَلِ وَعَلَى هَذِهِ الْحَيَاةِ الدِّينِيَّةِ حَتَّى أَتَاهُ اللَّهُ بِالْيَقِينِ، حَمَلَتْ زَوْجَتُهُ وَأَصْبَحَ فِي رَحِمِهَا طِفْلاً لَهَا، الْخَبْرُ كَانَ بِمَثَابَةِ انْتِصَارِ يَضَاهِي انْتِصَارِ مِصْرَ فِي حَرْبِ أُكْتُوبَرِ، ارْتَفَعَ التَّهْلِيلُ وَالتَّكْبِيرُ وَرَاحَ سَلِيمَانُ يُوْزَعُ الْحَلْوَى وَالْهَدَايَا عَلَى كُلِّ سَكَانِ الشَّارِعِ دُونَ حِسَابٍ أَوْ حَتَّى تَفْكِيرٍ، أَصَابَتْهُ حَالَةٌ فَرَحٍ غَرِيبَةٍ دَفَعَتْهُ لِفَعْلِ كُلِّ هَذَا، بَدَأَتْ زَوْجَتُهُ تَشْعُرُ بِأَعْيَاءٍ شَدِيدٍ فَحَجَمَهَا الضَّنْيِيلَ وَصَحَّتْهَا الْوَهْنَةُ كَانَتْ لَا تَتَحَمَّلُ الْأَمَّ الْحَمْلَ وَالْوَالِدَةَ وَلَكِنْ إِصْرَارُهَا الشَّدِيدُ عَلَى الْوُصُولِ إِلَى ذَلِكَ الْحَلْمِ كَانَ يَجْعَلُهَا تَتَحَامَلُ عَلَى نَفْسِهَا وَتُجَاهِدُ حَتَّى يَأْتِيَ إِلَى تِلْكَ الدُّنْيَا مَوْلُودَهَا الْأَوَّلَ.

فِي مَسَاءٍ لَيْلَةٍ بِيَمَاءٍ مَشْتُومَةٍ اسْتَيْقِظَ سَلِيمَانٌ عَلَى صَوْتِ صُرَاخِ زَوْجَتِهِ، تَغْلَغَلَ الصُّرَاخُ فِي أُذُنِهِ فَفُزِعَ وَهَرَعَ إِلَيْهَا لِيَجِدَهَا سَاقِطَةً عَلَى أَرْضِ الْحَمَامِ بَعْدَمَا انزَلَتْ قَدَمَيْهَا وَهِيَ فِي طَرِيقِهَا إِلَى بَابِ الْخُرُوجِ، اتَّسَعَتْ عَيْنَاهُ وَرَاحَ الْهَلَعُ يَتَجَسَّدُ بِسُرْعَةٍ فَائِقَةٍ عَلَى وَجْهِهِ وَهُوَ يُخَيَّلُ إِلَيْهِ أَنْ طَفَلَهُ الْمَسْكِينُ الَّذِي يَتَمَنَاهُ بَاتٍ فِي خَطَرٍ، صَرَخَ وَهُوَ يَقْتَرِبُ مِنْ زَوْجَتِهِ لِيَكْتَشِفَ أَنَّهَا رَاقِدَةٌ عَلَى بَرَكَةٍ مِنَ الدَّمَاءِ، حَمَلَهَا كَالْمَجْنُونِ وَهَبَطَ بِهَا إِلَى الشَّارِعِ، اقْتَحَمَ عَنُودَ سَيَارَةِ أُجْرَةٍ كَانَتْ سَائِقِهَا فِي طَرِيقِهِ إِلَى الْبَيْتِ، صَرَخَ فِي وَجْهِ السَائِقِ حِينَئِذٍ أَخْبَرَهُ أَنَّهُ أَنْهَى عَمَلَهُ وَهُوَ الْآنَ فِي طَرِيقِهِ إِلَى الْبَيْتِ، أَمْرُهُ بِنَبْرَةِ صَوْتِ جَنُونِيَّةٍ أَنْ يَذْهَبَ بِهِمْ إِلَى الْمَسْتَشْفَى حَالًا وَإِلَّا قَتَلَهُ فِي الْحَالِ، انْطَلَقَ السَائِقُ وَهُوَ يَسُوبُ ذَلِكَ الْقَرَارَ الْخَاطِئَ الَّذِي جَعَلَهُ يَتَأَخَّرُ بِسَيَارَتِهِ إِلَى مِثْلِ ذَلِكَ الْوَقْتِ مِنَ اللَّيْلِ، وَصَلُوا إِلَى الْمَسْتَشْفَى، حَمَلَهَا سَلِيمَانُ بَيْنَ يَدَيْهِ كَالْجَرِيدَةِ وَهَرَعَ بِهَا إِلَى دَاخِلِ الْمَسْتَشْفَى لِيَتَلَقَى بِعَدَاهَا تِلْكَ الصَّفْعَةَ الْغَاشِمَةَ، انْتَهَى الْحَمْلُ وَتَوَفَّى الْجَنِينَ.

لا شك في أن هذا الخبر كان بمثابة فاجعة بالنسبة له ولكنه ظل متمسكاً بذلك الأمل مواسياً نفسه بذلك الوعد المقدس الذى لا ريب فيه " وَإِذْ تَأَذَّنَ رَبُّكُمْ لَئِن شَكَرْتُمْ لَأَزِيدَنَّكُمْ "، الحمد لله تعالى بما ينبغى لجلال وجهك وعظيم سلطانك، ظل يُردها بيقين وبصدق حتى حملت بعدها زوجته على أثره، حملت في مولودتها الجديد (رنا) عدة أشهر حتى أتت إلى هذه الدنيا ولكن كُتِبَ عليها أن تأتى عَجِيَّةً " فاقدة الأم من الصغر فتربت بلبن غير أمها " فقد توفت زوجة سليمان أثناء الولادة.

عكف سليمان على تربية ابنته رنا، كان يعمل ليل نهار حتى لا يشعرها بنقص أو بأنها عَجِيَّةٌ تربت بلا أم، أو أنها محرومة من حنان يلوذ به تقريباً كل من هم في نفس عمرها.

كَبُرَتْ رنا والتحقت بمعهد التمريض لتعمل بعدها في عدة مستشفيات حتى انتهى بها الأمر في مستشفى 15 مايو العام فور انتقالهم إلى تلك المدينة البعيدة، وفي يوم من الأيام تحديداً قبل وقوع الجريمة بعدة أشهر جاءت إلى والدها الذى كان يجلس في شرفة المنزل يحتسى فنجان القهوة المحبب إلى قلبه، قبلته بحنان قبل أن تجلس بجواره تتحدث إليه بلهفة شعره ومنها أنها على أعتاب ترك حياة العزوبية، تظاهر بالبلاهة حتى أخبرته هي أن هناك من يود أن يقابله من أجل الزواج، ابتسم سليمان من أعماق قلبه ثم طلب منها أن يأتى إلى مقابله في نهاية الأسبوع القادم خاصة بعدما عَلِمَ منها أنه يعمل طبيب في نفس تلك المستشفى التى تعمل هي بها.

## يوم الخميس مساءً

كان الموعد المحدد ليلتقى سليمان بذلك الطبيب الذى يرغب بالزواج من ابنته الوحيدة، ظل سليمان مُستعداً له حتى قُرِعَ الجرس، تبختر بسعادة وهو في طريقه إلى الباب، فتحه على مصراعيه مرحباً، راسماً تلك الابتسامة التى تتسع من الأذن إلى الأذن ولكن سرعان ما تلاشت تلك الابتسامة وحل مكانها استغراب شديد ودهشة عارمة، فقد وجد أمامه رجل عجوز في سنه تقريباً، يحمل في يديه علبة تبدو أنها كعكة

الخطوبة الشهيرة، لا تتسرع يا سليمان ربما هو والد العريس ولكن أين هو العريس هل  
تبحر أم أرسل والده فقط، لا لا هذا العجوز الذى وهن العظم منه هو العريس!!!!

التمعت عيناه وبدا وجهه غير مرحبًا بمجرد أن رأى ذلك العجوز، ظل سليمان  
متسمراً أمامه دون جراك فقط ينظر له باستغراب شديد انعكس على ملامح الرجل  
العجوز فبدا عليه الاستياء الشديد من ذلك الاستقبال الذى لا يليق به ولا بمكانته،  
خرجت رنا من الداخل لتشاهد ما يحدث بين والدها والعجوز، اقتحمت تلك الجلسة  
البكماء وبدأت بالحديث.

- بابا، دا الدكتور إبراهيم مدير المستشفى وجاى علشان يتقدملى!!!!

صرخ سليمان رافضاً تماماً إتمام هذه الزيجة بل رفض الجلوس مع الدكتور  
إبراهيم من الأساس، رفض لدرجة أنه منعه حتى من الدخول إلى شقته، زفر إبراهيم  
وشعر أن ما يحدث إهانته كبيرة له، هذا الرجل الذى يدعى سليمان لا يعير له أى إحترام  
فقدفه ببعض الكلمات الحادة قبل أن يولى له ظهره وينصرف فى اللحظة التى نشب  
فيها شجار عنيف بين رنا ووالدها، تعالت الأصوات وتراشقت الاتهامات، حاولت رنا أن  
تعبّر للدكتور إبراهيم عن مدى استياءها الشديد لهذا الفعل المُشين الذى فعله  
والدها فى الوقت نفسه حاول هو أيضاً أن يُوقظها من غفوتها، فهو لن يتركها لهذا  
الرجل المسن الذى هو فى عمر والدها بعد كل ما فعله وبذله من أجلها، لا لن يتركها  
هكذا، اشتد الشجار بينهم لدرجة أن سليمان صفعها على وجهها بقوة أطاحت برأسها  
بعيداً، صفعه قوية تركت بصماته على خدها الأبيض بلا شفقة أو رحمة، استفاق فى  
وقتٍ كان لا يصلح فيه أى رجوع فلا يمكن لرصاصة أن تعود إلى سلاحها بعدما ضُغِطَ  
على الزناد، نظرت له معاتبة إياه بتلك النظرة الدامعة ثم هرولت إلى غرفتها دون أن  
توجه له أى لوم أو عتاب، دخلت إلى صومعتها ولم تخرج منها على الإطلاق.

ندم سليمان على فعلته فهذه هى المرة الأولى التى تمتد فيها يده على ابنته  
الوحيدة، لم يستطيع النوم فى تلك الليلة الهمماء إلا سُويعات قليلة استسلم فيها إلى  
الإرهاق الفكرى والذهنى العنيف الذى اجتاح رأسه، يومها أتته زوجته فى المنام تعاتبه  
بشدة على ضرب ابنتها فى ذلك السن الكبير، استيقظ من نومه وذهب إلى غرفتها فلم  
يجدها، بل وجد ورقة مطوية كُتِبَ فيها أنها تركت المنزل وذهبت إلى الدكتور إبراهيم

فقد أحبته ولن تعيش بعيدًا عنه، هنا أصابته الصدمة الشديدة التي لم يتحملها جسده المريض، شعر أن قواه قد خارت تمامًا، شعر بدوار شديد يكتنف رأسه قبل أن يسقط على الأرض مغشيًا عليه بغيوبة السكر الأولى التي زارته بسبب ذلك التصرف الأهوج من ابنته الطائشة.

ظل ملقى على الأرض مغشيًا عليه لأكثر من عشرين ساعة دون أن يهتم لأمره أحد وعندما أفاق لم يجدها معه فقط وجد آثارها، تلك الورقة الحمقاء التي تركتها له تُخبره فيها أنها تنازلت عن كل شيء من أجل الدكتور إبراهيم حتى أباه لم تعد في حاجة إليه لأنه ببساطة سيشكل عائقًا بينها وبين حبيبها.

حاول الذهاب إليها في المستشفى مرات عديدة لكن لم يسمح له د/إبراهيم بلقاءها بل كان يأمر الأمن بطرده من المستشفى نهائياً ويُمنع دخوله حتى وإن كان مريضاً.

ساعات حالته النفسية والصحية يومًا بعد يوم حتى أصبح سليمان ملازم الفراش، عدد من الجيران نصّبوا أنفسهم مسئولين عن حل ذلك النزاع، ذهبوا إليها في المستشفى وحاولوا أن يصلحوا ما أفسده العناد ولكن الدكتور إبراهيم رفض بشدة وأعلن أن كل من سيقرب من زوجته فليكتب وصيته قبل أن يفكر في فعل كهذا.

أخبره كل من نصّب نفسه لحل ذلك النزاع بهذا الكلام، حاول سليمان أن يتفاهم مع ابنته لعل قلبها يرق تجاه من أفنى عمره من أجلها، ولكن فوجيء بأنه كلما ذهب إليها وجدها تفر منه بهلع وكأنه مُصاب بمرض جلدي قاتل تتحاشاه وكأنه جرثومه قاتلة سوف تقضى على حياتها إن اقتربت منه، تركت هذه الأفعال في نفس سليمان ما تركته، فما أصعب أن تجد نفسك منبوذًا من أقرب الناس إليك وأنت لم تفعل شيئاً يبرر ذلك الكُره!!

أراد سليمان بكل ما أوتي من قوة أن يتحدث معها فذهب إلى المستشفى في صباح يوم باكر، إحتبأ لها خلف إحدى السيارات القابعة أمام مبنى المستشفى ليصل إليها، شعرت به، لمحته وهو يختبئ فأدرك ذلك العجوز أنها سوف تلوذ بالفرار فأسرع من خطواته وكأنها فريسة يُقبل على اصطيادها، يريد أن يصل إليها بأى صورة ممكنة ليتحدث معها فركضت هي بسرعة تجاه باب المستشفى، توقف سليمان عن متابعة

السير وظل يرشق نظراته المهمة العميقة تجاهها، لا يدرك ماذا فعل ليجد منها كل هذا الجحود، ماذا فعل معها د/إبراهيم ليجعلها هكذا!!! هل جعلها تتجرع قسوة وجحود، رفع رأسه ليجد الدكتور إبراهيم يطل عليه من نافذة مكتبه التي تطل على وجهة المستشفى مباشرة، رmqه سليمان بنظرة طويلة عميقة تحمل توعداً وانتقاماً قاسياً لا ريب فيه، أغلق إبراهيم النافذة بعدما اطمأن أن رنا دخلت من بوابة المستشفى.

\*\*\*

سليمان يجلس أمام رئيس المباحث يقص عليه ما حدث، يكشف له النقاب عن أبعاد ودوافع الجريمة، يقص عليه ما حدث بطريقة تجعله يتعاطف معه لكن سها ذلك العجوز عن أنه يتحدث مع ضبع اسمه سليم أبو فرحة، انضم إليهم حسن وقد جلب معه الكاب والجرائد والمجلات التي طلبها منه سليم حينما دخل الغرفة شاهد سليمان يجلس مع رئيس المباحث، حاول أن يتدخل في الحوار لكنه سليم أخرسه وأشار إليه أن يصمت نهائياً حتى يُنهي كلامه مع سليمان.

- علشان كده يا باشا أنا كان لازم أقتلها، خليك مكانى بعد ما تعبت فيها وكبرتها وضيعت عمرى عليها تعمل معايا كده.

استنشق سليم بقوة وكأنه يعاني من سيلان في الأنف، حك أنفه وعيناه تستقر على ذلك العجوز البائس فى صمتٍ طويل، يفكر سليم ويحاول أن يمنح نفسه الوقت الكافى لاكتشاف ذلك العجوز الذى يجلس أمامه، بدأ يتحدث معه برصانة.

- مش هيفرق معايا إنت قتلتها ليه، دى حاجة تخصك إنت ما تخصصيش أنا، يعنى فى النهاية إنت هتبقى بالنسبالى قاتل، إنت بقى جاحد، هى جاحدة كده كده هتتعدم بالإعتراف ده.

- ياريت تعدمونى دلوقتى وتخلصونى من النار والعذاب الى أنا حاسس بيهم.  
قالها وعيناه تدمع بلا توقف فنهره سليم بكل قسوة.

- لا بقولك إيه ما تعيطليش، أنا مش فاتحتها شؤون معنوية أنا رئيس مباحث يا حبيبي، بعدين إتقل على العياط شوية دا مشوارك معايا لسه طويل أوى بالإعتراف العسل ده.

- أنا تحت أمرك يا باشا بس إعدمنى وريحنى.

- ما تهمد بقى يا راجل إنت وخلينى أعرف اشتغل.

- حاضر.

الترم الصمت وظل ينظر إلى عين سليم التى تلمع لمعاناً مُريباً لا ينم عن خير أبداً.

- الجزء الأخير الى حصل قدام المستشفى ده، لما حاولت تروح تكلمها وجريت منك وفوجئت بدكتور إبراهيم واقف فى الشباك، حصل قبل الحادث بشهر تقريباً مش كده برضو؟؟؟

صمت قليلاً ثم أوماً له برأسه على استحياء.

- دكتور إبراهيم حكاى الموضوع ده بس طبعاً من غير الأبعاد دى دا كمان.....

توقف عن الحديث فجأة، لمعت عينه قبل أن يميل برأسه قليلاً إلى أسفل اليمين وكأنه يحاول أن يضع تركيزه فى شىء ما ارتطم برأسه، تذكر حديثه مع الدكتور إبراهيم الذى لم يمر عليه سوى ساعة واحدة، تذكر كلام رنا مع صديقتها يارا التى تعتبر متمهة أمامه الآن بعد استجوابها، كانت تجلس معها فى استراحة الممرضات بعد تعرضها لمضايقات الدكتور سعيد.

- عمال يطلعلى فى الراحية والجاية زى عفريت العلبة وياريت اکتفى بكده لأ النهاردة حط أيدوا على كتفى ومسكنى، هو مش واخد بالوا إنه فى سن أبويا ولا إيه.

- مش قلنا بلاش موضوع أبوكى ده بالذات، هيفكرك بالذى مضى.

جعلت تلك الكلمات طاقة نفسية سلبية تحيط برنا على الرغم من أن صديقتها قالتها كنوع من المزاح والدعابة، اتسعت عيناها وبدأت ملامحها في غاية الشراسة وكأنها قطة تستعد للهجوم على من يعيث بأطفالها.

- مش قلنا مليون مرة ما تجيبيش سيرة أبويا دي، أنا ما عملتلوش حاجة، سامعة ولا مش سامعة، هو اللي أذاني وأذى نفسه.

تذكر أيضًا حديثها مع دكتور إبراهيم في مكتبة حينما جاءته لتعرض عليه فكرة الزواج من د/عصمت.

- هو في بس موضوع صغير كده كنت عاوزه حضرتك فيه.  
باهتمام زائد.

- خير أومرى يا رنا.

- طبعًا قبل ما أتكلم وأقول أى حاجة حضرتك عارف إنى بعترتك زى أبويا بالظبط.

قاطعها دكتور إبراهيم مازحًا ذاك المزاح الأصفر الملىء بالحقائق المستترة.

- ما بلاش موضوع أبوكى ده بالذات.

فهم سليم الآن سر ذلك الكلام الذى كانت تتوارى خلفه تلك القصة المحزنة التى بطلها الجحود الشديد.

- علشان كده بقى كل شوية ما بلاش موضوع أبوكى، بلاش موضوع أبوكى، يا ولاد الهرمة.

- بتقول حاجة يا باشا؟؟

- لا ما تركزش إنت يا سولى دا حوار تافه كده ما تركزش معايا مشوارك إنت أكبر من كده بكتير, بس إبراهيم ده لازم يتظبط, مش مريحى كده.
- إبراهيم ده رأس الأفعى فى كل مصيبة بتحصل هنا فى المستشفى.
- تجرت عين سليم وهو ينظر له بعمقٍ شديد وكأنه ينتظر ظهور زاوية مناسبة لمباغثة سليمان العجوز بتلك الطريقة التى لا تخلو أبداً من السخرية.
- بقولك إيه يا سولى, أنا عندى استفسار صغير كده؟؟, طبقاً لكلامك دكتور إبراهيم إتجوز رنا أول ما سابت البيت صح؟؟
- صح يا باشا.
- الله ينور عليه, تمام, اليوم بقى اللى إنت أستخيت فيه ورا العربية قدام باب المستشفى هى كانت جاية وأول ما شافتك جريت منك صح؟
- صح يا باشا.
- تسلمى, قومت إنت بقى باصص لفوق, قال إيه!! لقيت دكتور إبراهيم واقف فى الشباك مش كده؟؟
- كدة يا باشا.
- طب يا سولى هو ينفع برضو حد يروح الشغل بالعربية بتاعته ويسيب مراته تيجى لوحدها, مش منطوق برضو ولا انت شايف إيه؟؟
- نظر له سليمان طويلاً قبل أن يُجيبه بهدوء لا يخلو من كرهه للدكتور إبراهيم.
- آه ينفع, دكتور إبراهيم ده أوسخ منه أنا ما شفتش, بعدين هو كان متجوزها عُرْفى ومش عاوز حد فى المستشفى يعرف.

- يعنى متجوزها عرفى غصب عن أبوها اللى هو راشق قدام المستشفى 24 ساعة ومحدث يعرف, لا مش مقنعة دى يا سولى بعدين إنت قولت أن فى ناس إندخلت فى الحوار علشان تحله, يعنى المفروض جملة تنتظر كده, تتسمع كده, إنت فى مصر يعنى.

- ده اللى حصل يا باشا, بس خد بالك سعادتك دكتور إبراهيم ده أفعى مش هتقدر تمسك عليه حاجة.

- لا يا حبيبى إذا كان هو أفعى أنا حاوي وبعرف لأعب الأفاعى حلواوى وعمومًا مشواره معايا أنا اعتبرته بدأ لأنه كده كده متورط فى قضية سرقة باعتراف ناس هنا.

نظر سليم إلى حسن فوجده فى حالة غريبة, يجلس أمامه بعدم ثبات ويبدو أن لديه شيئًا هامًا ليقوله, منذُ أن دخل إلى المكتب وعيناه تتسع عن آخرها ويرمقنا بنظرات غريبة وقد جاء الوقت المناسب لمعرفة تفسير تلك النظرات.

- فى إيه ياض يا حسن, بتبصلى كده ليه؟؟

- أصل ده عم سليمان وما ينفعش أصلًا يبقى هنا.

- إشمعنى يعنى ما ينفعش يبقى هنا, جريان مثلاً!!

- لأ علشان هو مجنون وبينعالج من التوهم أصلًا.

هاجت الأجواء فى الغرفة بعدما تناولت مسامع سليمان ذلك الكلام من حسن, ظل يصرخ وهو يوجه ركلات محمومة إلى الأرض بقدميه مُدعيًا أن هذا التحيف متواطىء وخائن وعميل للدكتور إبراهيم الذى يعطى له الأموال مقابل تضليل العدالة, صرخ سليم فى وجهه أمره بالسكوت وإلا سيصُب عليه كل أشكال العذاب,

أخرسه ذلك التهديد والأسلوب الشرس الذى يجيده سليم لكنه ظل ينظر إلى حسن بتلك النظرة التى كان يرمق بها الدكتور إبراهيم وقت ما كان يقف فى نافذة مكتبه.

دوى صوت سليم يسأل حسن فى جزع هل أن المجنى عليها ابنة ذلك العجوز أم

لا.

- لا.

تحول المكتب إلى ساحة من الجنون مرة أخرى , هاج سليمان وراح يرشق الألفاظ ويوزع الاتهامات على حسن والدكتور إبراهيم, زعق سليم مُهددًا و منذرًا إياه بالويل إن لم يتوقف هذا العجوز عن تلك الأفعال الصببانية الخالية من الرصانة, التزم الصمت رغمًا عنه وهو يجز على أسنانه فى ضجر.

- يعنى الراجل ده ما عندوش بنت اسمها رنا.

- لا عنده بس مش رنا دى, رنا تانية خالص.

دفس سليم وجهه فى كفيه وراح يُحركهما فى حيرة شديدة وعدم فهم.

\*\*\*

الأحداث التى قصها سليمان ليست عارية تمامًا من الصحة, فهو رجل وحيد رزقه الله بطفلة تدعى "رنا" بعد سنين من المعاناه مع أطباء الإنجاب, طفلة قليلة الحظ توفيت أمها أثناء ولادتها بسبب ضعف جسدها وبسبب صحتها الهزيلة, تربت فتاة عَجِيَّةً بلبن غير أمها, كبرت والتحقت بإحدى معاهد النظم, أَحَبَّت شاب كان زميلًا لها فى ذلك المعهد, عاشت معه قصة رومانسية تصلح أن تكون رواية ترسم حروف اسم كاتبها من ذهبٍ وهو فى بداية حياته الأدبية, أَحَبَّته من كل قلبها وازداد الحب له بعدما أقسم لها أنه لن يتنازل عنها مهما حدث فهى تمثل له الحياة وهو يمثل لها أنفاسها.

قبل بدء السنة النهائية في المعهد طلب منها أن يلتقى مع والدها سليمان ليخطبها منه بشكل رسمي، عانقتها الفرحة وغمرتها السعادة لدرجة أنها كانت تشعر أنها ترتفع عن الأرض وتحلق في السماء بجناحين من السعادة، ذهبت إلى والدها فوافق بعد إلحاحها الشديد أن يلتقى مع ذلك الشاب الراغب في الزواج منها.

التقى معه ولكن لم يحصل الشاب حتى على تقدير مقبول، لن يستطيع أن يقنع سليمان بأى شيء فهو مجرد شاب تافه لا يتحمل أى مسئولية على الرغم من أنه يمتلك شقة ووظيفة مضمونة في شركة أباه إلا أنه لا يتحمل أى مسئولية فالوصف الوحيد الذى لاذ به بعد تلك المقابلة إنه شاب " خرج " .

بكت رنا ودخلت في حالة اكتئاب شديدة بعدما أخبرها والدها بذلك الرأى الصادم، حزنّت وابتعدت عنه لدرجة أنها قاطعته تمامًا فكانت حتى لا تلقى عليه السلام حينما تخرج أو تعود إلى المنزل، كلما حاول هو أن يقترب منها نفرت منه وأشاحت بوجهها بعيدًا عنه تعبيرًا منها عن مدى الألم النفسى التى تشعر به والذى يعتبر هو سببًا رئيسيًا فيه، هذه ليست ابنته فقد باتت مخلوقًا آخر لا يعرفه منذ أن رفض ذلك الشاب.

وافق سليمان تحت كل هذا الضغط الرهيب، وافق وهو غير مقتنع بتلك الزيجة من الأساس ولكن بمجرد أن أعلن موافقته ورنا تبدل حالها تمامًا وعادت كما كانت قبل زيارة الاكتناب لها، راحت تضحك وتبتسم وتملأ البيت كله بالبهجة والسعادة.

حدد والدها زمان ومكان الخطوبة، حضر الجيران والأصدقاء أمّا أهل فلم يكن هناك غير والدها لأن رنا ليس لها أهل سوى والدها وهو أيضًا ليس لديه سواها.

تَزَنَّت رنا وارتدت ذلك الفستان الملون وأضافت إلى وجهها المساحيق فباتت كسندريلا حقًا في جمالها وهيئتها وحتى ابتسامتها الصافية الجذابة، قبل بدء الفرح والدخول إلى القاعة حضر العريس بسيارة حديثة ذات مظهر غريب يشد الانتباه والأنظار فواجهت السيارة الخارجية غارقة في العبارات والكلمات والرسومات الغريبة

المهمة حتى مظهر العريس كان غريبًا فيكفى إنه كان يعقص شعره بأستك من الخلف!!!

أخذها العريس وجعلها تجلس بجواره داخل السيارة وبدأ بعمل حركات غريبة وخطيرة بالسيارة أمام القاعة وسط الحاضرين, لم تتوقف خطورة الأمر على تلك الحركات التي تصرخ فيها عجالات السيارة بسبب احتكاكها الشديد بالأسفلت وهو يحاول أن يدور بالسيارة حول نفسها بل إنه دفع أصدقائه لسكب كميات كبيرة من الزيت على الأسفلت ليصير الأمر أكثر جنونًا وأكثر إثارة.

ظل العريس يستعرض بسيارته حتى خرجت عن السيطرة والتفت عدة مرات حول نفسها قبل أن ترتطم بأحد اللافتات الإعلانية الكبيرة التي سرعان ما سقطت على السيارة فتعرج سقفها بوحشية شديدة.

\*\*\*\*

أمام مستشفى 15 مايو.

وصل سرب من السيارات الملاكى إلى بوابة المستشفى, دخل شاب يركض بسرعة رهيبة وهو يحمل العريس كأنه يحمل طفلًا صغيرًا غائبًا عن الوعي وملطخًا بالدماء, شاب آخر يركض بـ "رنا" وسط صراخ وعويل كل من حولهم, توقفوا جميعًا أمام مكتب حسن " الكاونتر الخشبي " الذى يقع على بعد خطوات من دخول المستشفى, بعده وشدة تنم عن خطورة الأمر سألوه عن دكتور النبطشية الموجود, رفع حسن سماعة التليفون وضرب الرقم الداخلى ليجيب عليه طبيب النبطشية, أخبره بما حدث فهرع إلى أسفل بعدما أمرهم بإدخال الحالات إلى غرفة كشف الطوارئ, استدعى حسن الممرضتين الجالستين فى غرفة النبطشية الخاصة بهم فحضروا على وجه السرعة.

دخل العريس ورنا إلى غرفة كشف الطوارئ فى حين أن الطبيب هبط سريعًا لإجراء الكشف, بدأ بالعريس بعدما أمره كل الحاضرين بذلك, فمن جاء معه هم أهل

وأصدقاء العريس من الأساس، أخبرهم الطبيب بعد الكشف السريع أن عليهم الذهاب بأقصى سرعة إلى مستشفى أكثر تخصصًا وبها استعدادات أكثر من تلك المستشفى المغمورة فهو بحاجة إلى إجراء عملية فورًا، طلبوا من الدكتور إحضار سيارة إسعاف ولكن الدكتور أخبرهم إنه لا يوجد سيارات إسعاف حاليًا فلا يوجد سوى سائق واحد وهو غير موجود الآن.

حملوه وركضوا به إلى السيارات لينطلقوا في رحلة الذهاب إلى مستشفى أخرى خارج المدينة، في لحظة أصبحت المستشفى خاوية على عروشها مع العلم أن داخل غرفة الكشف لازالت هناك فتاة ترتدى فستان الخطوبة، نظر إليها الطبيب ثم نظر حوله فلم يجد ثمة شخص واحد داخل الغرفة، أين أهلها؟؟، أين أصدقائها؟؟ هل ذهبوا جميعهم وراء العريس الغنى وتركوها هي وحدها تلقى مصيرها، أين جيرانها؟؟ وكأنها فتاة بلا أهل أو أقارب، اقترب منها الطبيب وبالكشف المبدأى عليها اكتشف أنها قد فارقة الحياة!!!!

زفر الطبيب وهو ينظر إلى الممرضة التي سألته ماذا ستفعل؟؟، أجابها الطبيب أن لا حل سوى إبلاغ الشرطة، خرج من غرفة الكشف ليكتشف أن هناك رجل عجوز يجلس القرفصاء على الأرض أمام غرفة الكشف، اقترب منه الطبيب وعلى وجهه أمارات عدم الفهم.

- يا حاج إنت قريب البنث اللى جوه دى.

أوما برأسه فى استسلام تام.

- طب يا حاج خد بنتك علشان اتوفت واحنا لو بلغنى إدارة المستشفى هيبقى فيها إجراءات كتير وهتدخل تلاجة وفيها لفة كده، خدها والصبح طلعلها تصرح دفن.

يتحدث الطبيب وكأنه أمر عادى وطبيعى من الممكن أن يحدث، هل هو إهمال أم تعود على مثل هذه الأمور!!، أيا كان السبب فذلك الطبيب لم يراعى سن أو حالة ذلك العجوز، أخبره بما حدث بطريقة كانت سببًا بعد ذلك لدمار حياته بالكامل، رmqه بعين اتسعت عن آخرها قبل أن يسقط على الأرض مغشيًا عليه.

غرفة الرعاية غارقة في ضوء النهار، شعر سليمان بشيء ما يضغط على عضلات ذراعه بشكل يمنع الدماء من التدفق داخل العروق مما أدى إلى حدوث تنميل في كفيه وساعديه، ذلك الألم المباغت جعله يسترد وعيه ويفتح عينه على استحياء ليجد أمامه طبيب يطمئن على صحته بواسطة سماعة وجهاز ضغط، إذاً ذلك هو ما يضغط على عضلاته، جهاز الضغط اللعين، سأل الطبيب الممرضة .

- بياخذ العلاج اللي كتبتة ولا لا.
- أه يا دكتور بس الحقن خلصت أخر واحدة خدها امبارح بالليل.
- طب ما تصرفي غيرها.
- ما أنا قولت رنا تجيهملى من نص ساعة بس لسة ما جتش.
- رنا مين!!!
- رنا سليمان يا دكتور، حضرتك مش عارف رنا سليمان الممرضة اللي شغالة معنا؟؟
- عارفها طبعاً، حد في المستشفى كلها ما يعرفش بنت سليمان حواس , بس أنا مستغرب أصل رنا دى مديرة مستشفى هو حد عارف يشغلها.
- ابتسمت الممرضة في هدوء دون أن تُعقب.
- عموماً رنا بقى ولا سميحة المهم الراجل ياخذ العلاج في معاده.
- حاضر يا دكتور.
- وقعت عين الممرضة على سليمان ثم أخبرن الطبيب.

- دكتور، المريض ده كل شوية يفوق كده ويقعد يبص حواليه بعدين يرجع في غيبوبة تانى .

- أيوة لإنه تحت تأثير صدمة عصبية شديدة جداً، ربنا يستر عليه بس وهو في السن ده.

أنهى الطبيب كلماته ثم خرج من الغرفة، ظلت الممرضة وحدها مع سليمان داخل غرفة الرعاية، تنظر في عينه التي بدأت تتسع شيئاً فشيئاً، رفع يده ببطء شديد ثم أشار تجاه الباب فأوجست منه خيفة ورجعت إلى الخلف قليلاً، فُتِحَ باب الغرفة على حين غفلة فشهقت الممرضة بصوتٍ عالى قبل أن تعلم أنها رنا.

- في إيه يا "كلمة بذئنة" .

- والمصحف خضتيني يا رنا.

- ليه يا بنتي؟؟

- الراجل العجوز ده عمال يعمل تصرفات غريبة.

قالتها وهي تجاهد لالتقاط أنفاسها، نظرت رنا إلى ذلك العجوز فوجدته ينظر لها ويبتسم بطريقة غريبة، اقتربت من الممرضة وسألتها باستغراب، أردف العجوز بهدوء وعتاب.

- هو مال ده!!

- ما أعرفش.

- إيه يا رنا مش هتيجي تسلمى على بابا ولا انتى لسه زعلانة علشان أنا مش عاوز أقابل العريس.

قالها سليمان بصوت يكاد يُسمع , صوت يدل على الأجهاد والاعياء الشديد , نظرت المريضة إلى رنا وفكها السفلى يتدلى على الأرض من شدة الدهشة , أردف سليمان وهو مازال يُجاهد .

- يبقى إنتِ لسه زعلانة من بابا.

نظروا إليه ببطء شديد فوجدوه يبتسم ابتسامة غريبة مريبة لا معنى لها سوى أن ذلك العجوز قد تفككت صواميل عقله بالكامل.

منذُ ذلك الحين وعقل سليمان يُيء له أن رنا سليمان المريضة هي ابنته, الفكرة في بدايتها كان يتعاطف معها الجميع حتى طلب سليمان لقاء مدير المستشفى الذي كان على علم بحالته الصحية.

سليمان يجلس أمام دكتور إبراهيم على مكتبه الخشبي, يحكى له قصة ابنته التي قاطعته من أجل حبيبها, قاطعه والدها الذي رباها من أجل رفضه اللقاء بحبيبها, ظل دكتور إبراهيم ينظر له بثبات يفكر كيف سيحل تلك الأزمة وكيف سيتعامل مع ذلك العجوز الذي فقد عقله, لا حل سوى ذلك الذي يداعب عقله وفكره الآن.

- ومين بقى حبيبها ده اللي مقاطعة أبوها بسببه.

هز رأسه وعيناه تتسع في جنون.

- ما أعرفش, لسه ما شفتوش, كل اللي أنا فاكره إنه شغال معاها هنا في المستشفى.

- !!!!!!!

- مالك؟؟

- أصل أنا أعرف أن بنتك بتدرس في معهد مش شغالة في مستشفى.

- لأشغالة هنا في المستشفى.

- مش شغالة.

- لأشغالة هنا أهو في المستشفى,, هو أنا هتوه عن بنتى ولا إيه؟؟؟

- عم سليمان, بنتك إتوفت فى حادث يوم فرحتها وعريسها كمان اتوفى, اللى هنا فى المستشفى دى رنا تانية خالص, فهمت دى رنا ودى رنا, دا مجرد تشابه أسماء مش أكثر.

حاول دكتور إبراهيم أن يصدم سليمان بواقعه لعله يفيق من تلك الأوهام التى يعيش فيها لكن فوجئ بعينه تتسع أكثر مما كانت عليه, وملامحه تزداد شراسة, فى لحظة هب واقفًا ثم انقضى على الدكتور إبراهيم, اعتصر ملابسه بطريقة تشعرك أن دكتور إبراهيم لص وقد ألقى هو القبض عليه أخيرًا.

- يبقى إنت اللى عاوز تتجوزها, يبقى إنت العريس اللى بسببه هى ما بتكلمينيش, إنت بقى السبب فى تفكيك الأسرة بتاعتنا.

يتحدث إلى الدكتور إبراهيم بصوت غليظ محطم للأعصاب وبملامح وجه جنونية يخرج منها الشر والجنون معًا, حاول دكتور إبراهيم أن يدفعه بعيدًا ولكن وجده متشبثًا به كالخفاش الذى التصق بفريسته ليمتص دماها.

- إنت مجنون, أنا أول يوم أشوفك فيه النهاردة, هو أنا شفتك قبل كده ولا حتى أعرفك.

- لا, أنا إفتكرتك, إنت اللى جيتلى البيت علشان تخطيها وأنا ما رضيتش يا عجوز.

- أنا!!

- طبعًا هتنكر ما إنت ضلالى أصلك.

- أنا أول مرة أشوفك.

- لا إنت جيتلي وأنا طردتك, إنت أفعى عايشة فى المستشفى لازم راسها تنقطع,  
وأنا اللي هقطعها بإيدى.

تحسس دكتور إبراهيم بيده على زر الجرس المتصل بمكتب السكرتارية, ضغط  
عليه دون أن يشعر سليم, فتحت السكرتيرة الباب ليجد سليمان يتهجم على دكتور  
إبراهيم فاستدعى الأمن وطلب منهم أن يتحفظوا على ذلك المجنون حتى يتم إبلاغ  
مستشفى الأمراض العقلية.

\*\*\*

- بعدها بكام يوم لقينا عم سليمان راجع تانى قدام المستشفى قاعد ليل نهار  
بالشكل والهينة اللي حضرتك شايفها دى, محدش بقى يعرف هو هرب ولا المستشفى  
الى مَسْتَهْ علشان مفيش منه أمل ولا إيه اللي حصل بالظبط بس كل اللي أقدر أقوله  
إننا اتصلنا بالمستشفى كذا مرة بس محدش سأل فينا تانى, وطبعًا كان بيتعدى على رنا  
فى الرايحة والجاية علشان كده كانت بتهرب منه.

ذلك كان الدكتور إبراهيم استدعاه سليم ليعرف منه أيضًا قصة سليمان  
المجنون, يقصّ على سليم قصة وتاريخ ذلك العجوز المصاب بالتَّوهم.

- كداب, بنى آدم كداب ووسخ, الكلام ده ما حصلش ولا فى أى شىء من  
الصحة.

قالها سليمان متهجمًا على الدكتور إبراهيم فكشر سليم عن أنيابه وصرخ فى وجه  
سليمان كي يخرس ويدعه يمارس عمله, لكن هذه المرة كان التهديد أكثر غلظة وشراسة  
فأخرس سليمان تمامًا, نظر إلى الدكتور إبراهيم وسأله بحدّة.

- وإنْت بقى يا عم هارى بوتر عرفت كل الأحداث دى منين، كنت راكب على المقشة السحرية بتاعتك وبتطير فوقهم.

- يا باشا المستشفى كلها عارفة قصة سليمان الله يكون فى عونته دا غير إنه فى بداية الغيبوبة كان بييجى ناس جيرانه بسيطة أوي يسألوا عليه فعرفنا منهم الحكاية والقصة كلها بس لما موضوع الغيبوبة طَوَّل وعرفه قصة جناحه محدش بقى ييجى زى ما تقول يا باشا كده خافوا.

- أنا مش مجنون إنت اللى كلب وتكذب.

- ودينى لو ما سكتت يا سليمان لكون معلقك.

- أنا مش بكذب يا باشا.

- إخرس بقى وسيبنى أتكلم.

- إتفضل يا باشا.

- أيوة يعنى سليمان ده خلاص مخه فوت.

سأل سليم دكتور إبراهيم.

سليمان غالبًا بيعانى من وهم مرضى.

- دا إيه ده؟؟

- ده اضطراب عام فى التفكير وبيتميز باعتقاد ثابت خاطئ لايتزعزع عن عقل المريض حتى لو اللى حوليه اعتقد عكس ده أو حتى ظهرت للمريض نفسه أدلة تنفى اعتقاده، وبيتصف الإعتقاد ده بإنه خيالى أو مبني على أوهام مش موجوده إلا فى عقل المريض وبس، الوهم بيظهر فى أمراض نفسية كتير زى الشيزوفرنيا والبارافرنيا والنوبات الهوسية والفصام، وطبعًا أنا مش متخصص علشان أشخص حالته بس اللى ما يختلفش عليه إثنين إن الراجل ده شايف رنا الممرضة هبيئة رنا بنته ودى ظاهرة



قالها دكتور إبراهيم فانتمفض سليمان وحاول أن يتهجم على الدكتور إبراهيم، دفعه سليم ليسقط على الأرض، زعق فيه بتلك النبرة القاسية.

- أنت مجنون، عاوز تتهجم عليه قدامى.

هاتف سليم الخلوى بدأ يئن رنينه بتلك النغمة المميزة، أخرجه من جيبيه، نظر إلى شاشة الهاتف الكبيرة، ابتسم ابتسامة رضا لا حد لها، نظر في ساعة يده ثم تحدث إلى الجميع.

- إحنا هنكمل كلامنا في القسم بقى يا أبو على إنت وسليمان.

نظر له حسن بخيفة وارتباك واضح .

- ليه يا باشا ؟؟؟ أنت هتخدني أنا ليه ؟؟

قالها حسن فصرخ سليم في وجهه .

- إنت هتصاحبني يا روح أمك، قوم يلا فز.

سليم يرمق حسن الذى هَبَّ واقفًا وقدماه ترتعش بلا هوادة، فتح الباب واستدعى الأمين راضى، الذى جاء على وجه السرعة، أعطى له التحية كالعادة.

- هاتلى حسن والمجنون التانى ده على اليوكس.

قالها وهو يتأجج غضبًا ، فما كان من الأمين راضى سوى طاعة الأوامر وإلا نال كل ما لا يتمناه .

obeikandi.com

## ( الفصل التاسع )

أمام بوابة المستشفى الخارجية.

سليم أبو فرحة يقف وأمامه كل من دكتور إبراهيم والدكتور سعيد، داخل عربة الشرطة - البوكس - يجلس في صندوقها الخلفي الأمين راضى وبصحبتة كل من حسن البادي عليه الذهول الشديد وسليمان الباسم الضاحك وكأنه ذاهب إلى حفل تكريم وليس إلى قسم شرطة متهماً في قضية قتل، سليم يتحدث إلى دكتور إبراهيم بتلك الطريقة التي يجيدها رجال المباحث.

- أنا هكمل الإستجواب مع حسن وسليمان في القسم وانتم هتجولى أول ما يتم استدعائكم ، النصيحة اللى عاوز أنصحكم بيها ياريت تبقوا متعاونين معنا علشان أنا الوش التانى بتاع القسم قليل الأدب أوى، أنا عن نفسى بكرهه، هناك سهل أوى إنى أقبل من أى حد حتى ولو كان مدير مستشفى، فكروا في كلامى وياريت نتعاون مع بعض.

أنهى كلماته ثم ارتدى نظارته الشمسية وولى لهم ظهره وراح يخطو بثقة تجاه سيارة الشرطة " البوكس "، فتح الباب ثم انزلق في كرسى القيادة، رمقهم من خلف عدساته الغامقة قبل أن يرسم على محياه ابتسامة خبيثة جداً تنم عن ذلك الشر الآتى لا محالة، أدار محرك السيارة وانطلق متجهًا إلى القسم.

دكتور إبراهيم ينظر بعمق إلى الدكتور سعيد الشارد تمامًا والذى لم يشعر به ينظر تجاهه، دون مقدمات سأله " ماذا بك ؟؟ بتلك الطريقة التقريرية التى يستخدمها حينما يتحدث إلى شخص لا يجبذ التعامل معه.

- من ساعة ما الشرطة جت وأنا حاسس إنى شفت وكيل النيابة ده قبل كده.

- وكيل النيابة ولا رئيس المباحث؟؟

- لا وكيل النيابة .

- أكيد شفته في النيابة.

قالها مستهزئاً فأجابه د/سعيد.

- لا أنا عمري ما روحت النيابة، أنا حاسيس إنى شفته هنا فى المستشفى، وتقريباً كان مع الجدع اللى اسمه لسعة ده قريب رنا.

- آآآه، دا واضح إنها علّيت مِنك ع الأخر يا سعيد.

نظرله سعيد بطرف عينه متغطرساً ثم سأله بنوع من التعالى الزائد الذى أدركه إبراهيم.

هوليه محدش حقق معايا ولا خد أقوالى.

- لا أصل هما بياخدوا الناس المهمين اللى شايفين إنهم لهم لازمة الأول، أقصد فى القضية يعنى علشان ما تاخدش الموضوع على صدرك، بعد كده بياخدوا الباقي على مهلهم.

قالها بسخرية عارمة قبل أن يخبطه على كتفه ثلاثة خبطات خفيفة مردفأ.

- بعدين ما تستعجلش يا حبيبي دورك جى جى.

صمت قليلاً قبل أن يطرح سؤالاً أخر بصوتٍ مرتفع.

- هما ليه خدوا حسن وسليمان المجنون، أنا شايف إن اللى بيحصل ده مش واقعى أبداً.

- جرى إيه يا سعيد إنت بتفهم فى القانون كمان.



أرضًا، تلوى بجسده على الأرض كالسمكة التي خرجت لتوها من الماء وهي الآن ترقص رقصة الموت الأخيرة، أخرج راضى مسدسًا ناريًا وسدده تجاه حسن.

- اللي فيكم هيفكر يتشعوذ هخليه ذكرى، مفهوم.

بعد ربع ساعة ظهر أمامهم شيئًا ما يشبه الكهف، عبارة عن تجويف داخل الجبل، يصلح أن يكون وكر للهاربين والخارجين عن القانون، اقترب سليم من الكهف حتى أصبح أمام مدخله مباشرةً، أخرج رأسه من النافذة وراح يتطلع إلى ما بداخله، الإضاءة غير واضحة بالشكل الذى يوفر لك رؤية التفاصيل لكن الذى كان واضحًا هو أن سيارة وكيل النيابة كانت ترقد بالداخل!!!!

دخل سليم بالسيارة داخل الكهف وتوقف بجانب سيارة وكيل النيابة الذى يجلس على مقدمة السيارة يدخن السجائر وقد خلع سترة البدلة التى كان يرتديها، نهض واقفًا حينما توقفت سيارة " البوكس " ، المكان من الداخل مجهز بحيث كان هناك من يمكث به لفترة ليست بقصيرة ، هناك متاع على الأرض يوحي بأن شخصًا ما كان ينام هنا، موقد يعمل بالغاز لتجهيز الطعام، أوانى تمتلئ بالماء، مصابيح تعمل بالغاز تستخدم للإضاءة.

- إيه يا عم كل ده، إنتم بتحققوا فى الجريمة بجد ولا إيه؟؟؟

قالها وكيل النيابة ساخرًا فأجابه سليم.

- الحوار كان طويل وفي كام حاجة حصلت ما كنتش عامل حسابها فى الخطة.

هناك صوت صراخ يأتي من خلف سيارة الشرطة، إنه سليمان يصرخ مُستنجدًا بأحد بعدما أدرك أن هناك أمرًا ما غير طبيعى، هرع الجميع إليه فى حين أن راضى وضع يده على فيه ليمنعه من الصراخ، استغل حسن ذلك الشغب وقفز من السيارة ثم ركض فى اتجاهه للخروج من الكهف لكن ركض خلفه وكيل النيابة أو الذى كان يقوم بدور وكيل النيابة بسرعة فائقة، حسن كان سريع علاوة على خفة وزنه ولكن وكيل النيابة لم يستسلم، قفز عليه فأسقطه أرضًا، حاول حسن البكاء والصراخ ولكن وضع وكيل النيابة فى فمه بعض الحصى والتراب ليصمت، أنهضه بعنف وسحبه

بسادية من ملابسه جرًا على الأرض وهو يسعل بشكل هستيري بسبب التراب الذى دخل فمه، عاد به إلى سليم مرة أخرى، مازال سليمان يحاول الصُراخ وهو فى حالة من الهياج العصبى الشديد، أشار له سليم بعيناه وحاجباه مع هزه صغيرة من رقبته مالت على آثارها رأسه قليلاً ناحية اليمين، أوماً راضى برأسه ثم لوى رقبة سليمان فكسر عنقه، هداً تماماً بعدما انطلقت روحه خارج جسده تبحث عن مكانٍ لها بعيداً عن ذلك المكان الذى يملأه الإجرام والانحراف الحاد الغير مفهوم حتى الآن.

حسن يرقد على الأرض يلتقط أنفاسه بصعوبة بسبب أن وكيل النيابة المُزيف يُلْفَ ذراعه لحورقبته ويقبض عليها بقوة جعلت عروق ساعدة بارزة، يحاول حسن أن يُخلص رقبته من ذلك الضغط الشديد بيده لكن كلها محاولات لم تسجل سوى الفشل التام، سليم ينظر له وقد بدت عليه ملامح السعادة والدهشة البالغة، مدَّ يده وانتزع الشارب من على وجهه ثم انتزع " الباروكة " لتكشف عن رأسه الصلعاء بيضاء اللون، بشرة سليم ليست بشرة خميرية إنما هى بشرةً بيضاء كانت مستترة تحت ذلك اللون الذى غطى وجهه، حرر أزرار القميص واحداً تلو الآخر أمام عين حسن فتمدد بؤبؤها عن آخره حينما اكتشف أن سليم شخص نحيف لا يمتلك كرش وإنما هى وسادة قطنية تبتت بحبل ملتف حول خصره تحت القميص لتصنع ذلك الكرش المُزيف، علاوة على أن القميص المفتوح أظهر لون بشرته الأبيض الحقيقي.

- مفاجأة هو يا أبو على زى الأفلام الأجنبية بالظبط، إستنى بقى خد دى كمان.

انزوى فى أحد الأركان وأخرج قناع فاندتا، ارتداه على وجهه ثم أعطى له ظهره ليتأكد حسن أن تلك الهيئة مطابقة تماماً لهيئة ذلك الرجل الذى رآه أمس قبل وقوع الجريمة وقبل أن يضربه على رأسه ليسلب وعيه بالكامل، هذا الكلام لا يفسر سوى أن ذلك الظابط هو من قتل رنا ولكن لماذا لم يظهر بهيئته الحقيقية!!! التفت إليه مرة أخرى وابتسم قبل أن يمد يده فى جيبيه ويُخرج علبة السجائر، انتزع منها واحدة وأشعلها وهو يتحدث إلى حسن الذى بدأ ينتابه سُعال عنيف بسبب ذراع وكيل النيابة المُزيف الذى يضغط على قصبته الهوائية بسادية مفرطة .

- بس أنا مش عاجبني الحوار بتاع آخر مشهد ده، محسسى إنى سطحي، أنا حابب أختم بجملة تبين أد إيه أنا شخص عميق منحرف .

جثا على ركبتيه أمامه واقترب من وجهه, زفر دخان سيجارته في وجهه ثم استكمل حديثه.

- إنت أملك شكلها زعلانه منك فدعت عليك وإنت نازل إمبراح وقالت لك ربنا يوقعك في شر أعمالك فأنا بقى شر أعمالك يا أبو على, وأمك دى ست بركة فرينا استجاب لدعاها.

- إنت اللى قتلتها يا سليم!!  
قالها بصعوبة بالغة بسبب السعال الذى احتل رئتيه.  
ضحك سليم بوحشية توحى بالتوجس .

- سليم!!! إنت لسه مفكر إنى إسمى سليم, ولسه مقتنع إن أنا أصلاً رئيس مباحث, يااااه دا أنا طلعت جامد أوى, والبلد مش عارفه قيمتى يلا مش مهم, عارف يا أبو على أنا هقولك على سر خطير علشان كده كده هيتدفن معاك, بس السؤال هنا إنت هتدفن ليه بقى ???

ينقر رأسه بإصبعه وكأنه نقار خشب ينقر بمنقاره فى جذع شجرة عتيقة.

- علشان إنت شفت وعرفت أكثر من اللازم فمش فارقة تعرف أكثر من كده ولا لا , أنا مش سليم, أنا الحوافريت.

قال أسمه الأخير بصوت هاديء كالفحيح , تركه وكيل النيابة ليقبض سليم أو الحوافريت على رقبته ويضغط على قصبته الهوائية بشكل جنونى.

- هتموت بنفس الطريقة اللى ماتت بيها المرحومة.  
بصوت بالكاد يظهر .

- طب سبني وأنا والله ما هكلم , بس بلاش تموتني أبوس إيدك .  
أوما برأسه نافياً .

- نوى يا أبو على , نو, أنا مش بعرف أسامح حد ولا أغفر لحد , ربنا بس هو اللي من حقه يغفر أو يسامح إنما أنا دوري أبعثك ليه بس .

اتسعت عيناه وظل يضغط على قصبته الهوائية حتى سقط جثة هامدة .

## (الفصل العاشر)

### الحدوتة من أولها

”عماد أبو رواش“ وشهرته الحوافريت، اشتهر بذلك الاسم العجيب مجهول المصدر دون سبب واضح أو معرفة حتى بمعناه، كان يُلقب به من قِبَل أحد الأساتذة في المرحلة الابتدائية، ربما كان يقصد عفریت بسبب كثرة أفعال عماد الشيطانية وتم تحويلها فيما بعد إلى الحوافريت، ثم اكتشف بعد ذلك أنه لقب أطلقه الفنان فؤاد المهندس في فيلم ”مطار الحب“، ولكن وقتها كان قد توقف البحث عن مصدر ذلك الاسم العجيب نهائياً فهمها كان مصدره فهو أفضل بكثير من كونه ”عماد أبو رواش“، كما أنه كان يشعر ويعتقد من داخله أن ذلك الاسم يليق به.

أنهى دراسته الابتدائية ثم اضطروا والده إلى نقل محل سكنهم إلى مدينة 15 مايو، فانتقل عماد إلى مدرسة إعدادية مشتركة أو مختلطة في تلك المدينة الهادئة، هناك تعرف على صديق جديد له يدعى ”طارق الدسوقي“ يتميز ببنية عضلية ممتازة ووفره في المال والغشامة، والده كان رتبة هامة في جهاز الشرطة، كان عماد يجلس بجواره في الفصل، وبعد فترة قصيرة صار بينهم صداقة حميمة، شعر كلاً منهما أنه يكمل الآخر، عماد يتميز بالدهاء والخبث الشديد أمّا طارق فيتميز بالقوة والسلطة والمال.

طارق دائماً كان يحلم بأن يكون شخص له شأن عظيم ووجود في المجتمع أمّا عماد فكان يحلم أن يكون فناناً مشهوراً لأنه يمتلك موهبة قوية جداً وقدرة غير عادية على تقمص الشخصيات واستحضارها ”الحركة، طريقة الكلام، الصوت“ كل شيء كان قادراً على فعله مادام هناك تقمص أو بالأحرى فن.

أستاذ عرابي، هو أستاذ اللغة العربية، كان يكره طارق الدسوقي بشدة بسبب والده الذي يعمل في جهاز الشرطة، أستاذ عرابي يرى من وجهة نظره أنه جهاز ظالم مُستبد لذلك كان يصب كل حمم غضبه على طارق، فكان يتعمد إحراجه والاستهزاء به وبجبله أمام الجميع.

طارق وبالرغم من صغرسنه إلا أن الضغط العصبى والنفسى الذى كان يُسببه له الأستاذ عُرَابى جعله يعزم على ضربه بعد انتهاء اليوم الدراسى مهما كلفه الأمر، فهو يمتلك قوة بدنية تؤهله لتترك بصماته على وجه ذلك المعلم الرجيم بالنسبة له.

عن طريق الصدفة وجد عماد أو الحوافريت صديقه طارق يختبئ فى أحد الأركان بفناء المدرسة، فى يديه قبضة حديدية، يرتديها فى أصابعه، يتطلع إليها وكأنه قد ابتاعها للتو، عيناه كانت تمتلئ بالشرار الذى لا ينم عن خير أبداً، وجهه جامد الملامح كان يشئ بذلك الثأر الذى يستعد له طارق، اقتحم عماد وحدته، ثم سأله بنبرة صوت من يعتقد أنه ولى أمره.

- إيه يا طارق البونية الحديد دى؟؟!!
- حاول طارق إخفاءها وراء ظهره.
- حواركده يا عماد وخليك إنت بعيد.
- حوار إيه يا بنى فهمنى!!
- ما أنا بقولك خليك بعيد يا عماد.
- بعيد إزاي وإنت أقرب واحد ليه، إنت بهزر يا طارق؟؟
- هاخذ حقى يا عماد.
- من مين يا طارق، من اللى عاوز تبوظ وشه بالبونيه الحديد دى؟؟
- أستاذ عُرَابى.
- الله يخربيت أهلك، إنت عبيط يلا!!
- إنت مش شايف عمال يعمل فى إيه كل حصه.
- طب ما تقول لأبوك.

- وأبقى قدامه وقدام كل الفصل والمدرسة العيل الهفاً الى بيتحامى فى بدلة أبوه الميرى، لأ يا عماد أنا هاخذ حقى بأيدى علشان أبقى راجل قدام كل الناس.

- مدام عاوز تاخذ حقك بإيدك يبقى بدماغك يا طارق مش بعضلاتك.

- إزاي يعنى؟؟!!

- قولتلى إزاي، خليك بقى ورا الحوافيرت وهو هيمخمخ ويقولك إزاي .

ضاققت عيننا عماد وهو يُخبره بجمليته الأخيرة، تهتز رأسه ببطء وكأنه يعتصر الشر الموجود بكل خلية فى تكوينه الشيطانى.

\*\*\*

تسلل طارق إلى المكتبة، هناك كانت تجلس المشرفة الاجتماعية وأمامها عدد كبير من الصور الشخصية التى طلبت إحضارها من الطلبة والطالبات، تحاول حصرها لتفصل كل مرحلة تعليمية بذاتها، اقتحم طارق المكتبة وراح يتحدث معها وهو يرتجف ويصطنع حالة الفزع التى يُجاهد ليرسمها على ملامحه القوية الجامدة، يخبرها بنبرة صوت مرتعشة أن ابنتها تلك الطالبة فى المرحلة الابتدائية قد سقطت على الأرض بوحشية لا تتناسب مع حجمها الضئيل وصحتها الواهنة، هنا انتفضت المشرفة وهرعت معه إلى فناء المدرسة تاركة كل شىء على سطح المكتب.

هناك فى فناء المدرسة كانت ابنتها قد سقطت بواسطة أحد أصدقاء عماد أو بالاتفاق معه فالتوت قدمها وراحت تبكى بكاءً هستيرياً وسط ذلك التجمع الذى حاصرها من كل اتجاه، جلست المشرفة القرفصاء بجوارها، ضمتهما إلى صدرها حتى تتوقف عن البكاء، تبرع من صدمها " عمداً " بالذهاب " للحكيمة " وإحضارها فى مكتبة المدرسة فى الوقت الذى ازدادت فيه نسبة هرمون الذكورة لدى أحد الأساتذة وقرر أن يحمل الفتاة إلى المكتبة حيث مكتب والدتها.

قبل حدوث ذلك بدقائق ذهب عماد إلى الأستاذ عرابى وطلب منه أن يحضر له كتاباً يساعده على تنمية اللغة العربية لديه فهو يريد أن يصبح شاعراً وأديباً، ذهب

معهُ الأستاذ عُرَابِي مُرحبًا بِذلك الخبر السعيد إلى المكتبة ليقتنى له كتابًا يُساعده كما طلب منه ، دخلوا إلى المكتبة فلم يجدوا المشرفة الاجتماعية والمسؤولة في الوقت نفسه عن المكتبة، تجاهل عدم وجودها وراح يبحث عن كتابًا لعماد الذي استغل انشغاله وراح يسرق صورًا للبنات من على سطح المكتب خاصتاً من هنَّ بالثانوية العامة.

بعد دقائق عاد الحشد الكبير إلى المكتبة، كان يتقدم ذلك الموكب الهائل المشرفة الاجتماعية والأستاذ الذي تبرع بحمل طفلتها المُصابه، الموقف كان ينقصه مشاعل موقدة بالنيران ومجموعة من الثائرين المرتدين الجلباب وهم في طريقهم إلى دوار عمدة القرية الظالم بعد موت أحد أبنائهم ، دخل الجميع إلى هناك فوجدوا الأستاذ عُرَابِي هناك وحيداً أمّا عماد فقد تبخر، لا أثر له داخل المكان بالكامل.

لم يأخذ أحد ما حدث في الاعتبار إلا بعد أن عادت المشرفة الاجتماعية في اليوم التالي واكتشفت أن بعض الصور قد اختفت!!!

عماد كانت لديه قدرة عالية على التقمص وتقليد الأصوات، حصل على بعض أرقام الفتيات التي سرق صورهم وبدأ يتصل بهم في منازلهم ويقلد صوت الأستاذ عُرَابِي بحجة الاطمئنان عليهم وعلى مادته الصعبة.

بعد أيام من البحث طلبت المشرفة الاجتماعية صورًا أخرى من الفتيات بحجة أنها فُقِدَت، بدأ عماد وطارق وغيرهم بأمر من عماد بالتردد على حجرة مديرة المدرسة يشتكون الأستاذ عُرَابِي بأنه مُتَعَسِف، ظالم، لا يراعى ضميره في الشرح داخل الفصل حتى أبلغها عماد ذات يوم بأنه شاهد الأستاذ عُرَابِي وهو يبتاع قطعة حشيش ويضعها في شنطته الخاصة، اتسعت عين المديرية وراحت تُنذره بالفصل النهائي لو كان كاذبًا.

استدعت المديرية الأستاذ عُرَابِي في حين أنها أرسلت الفراش ليأتي بشنطته من حجرة المعلمين، واجهته لكنه أنكركل شيء نهائيًا، كان يدافع عن نفسه بذهول وجنون واضح، طلبت منه تفتيش شنطته الخاصة فوافق على الفور، بالتفتيش وجدت صور البنات التي سُرِقَت وقد كُتِبَ عليها كلامًا فاحشًا يتنافى تمامًا مع الأدب والاحترام المفروض، عماد قد ذهب إلى خطاط وطلب منه تقليد خط الأستاذ عُرَابِي على تلك

الصور بعدما طلب عماد من الأستاذ أن يكتب له قصيدة شعرية في ورقة خارجية ليجعل الأمر أكثر سهولة على الخطاط، وجدت المديرية أيضًا قطعة صغيرة من الحشيش ملفوفة بورقة سيلوفان، اتباعها عماد ثم دسها ليثبت مصداقيته أمامها، لكن هدفه الأساسي كان تشوية سمعته، هاجت الأجواء وتم استدعاء المشرفة الاجتماعية ليكتشوا أن تلك الصور التي بحوزة الأستاذ عرابي هي نفسها صور البنات التي اختفت من المكتبة، أكد الحشد الذي كان بصحبة المشرفة وقت إصابة ابنتها أنهم حينما دخلوا المكتبة لم يجدوا فيها سوى الأستاذ عرابي، وباستدعاء البنات أصحاب الصور أكد أن الأستاذ عرابي كان يتحدث معهم هاتفياً في الفترة الأخيرة دون مبرر أو سبب واضح.

أصدرت الوزارة قرارًا نهائيًا بتحويل الأستاذ عرابي إلى وظيفة إدارية بالإدارة التعليمية وحرمانه نهائيًا من التدريس.

\*\*\*

في منزل طارق.

عماد يجلس على الأريكة وأمامه تراييزة امتلاً سطحها بكل ما تشتهيه الأنفس، طارق يحتفل مع الحوافير بذلك النصر الكبير الذي كان لا يجرؤ أن يحلم به أبدًا.

- تسلم دماغ أهلك.

- شفت الشغل، كنت هتودي نفسك في داهية يا حمار على الفاضي، رايح تلبسلى بونية حديد وعامل فيها الأندرتيكر، أديني دمرتهولك خالص من غير ولا نقطة دم واحدة.

- إيه الدماغ دى يا عماد، إيه الدماغ دى.

- دماغ متكلفة يا عم، بعدين سيبك بقى من عماد من هنا ورايح تقولى يا حوافيرت وبس.

- ماشى يا أجمد حوافريت فى الدنيا.

- ما تلم يابنى السجاير والأكل ده بدل ما أبوك وأمك يطبوا علينا ونروح فى حديد.

- يا عم أبويا وأمى مسافرين وجاينين بكرة.

- يرجعوا بألف سلامة يا حبيى.

قالها بأسلوب ينم عن مدى سعادته الشديدة بقضاء ليلة لن ينساها بقية حياته.

بعد ذلك الموقف صار طارق وعماد أصدقاء يعلم كلاً منهما قدر الأخر، حتى افترقا بعد نتيجة الثانوية العامة، طارق دخل كلية الشرطة بمساعدة والده أمّا عماد فحاول جاهداً أن يسلك مجال التمثيل لقدرته على استحضار الشخصيات وموهبته الرهيبة على التقمص لكنه كان لا يملك الوسطة التى تُعينه على ذلك فاستسلم لكلية الحقوق وهو كارّة لها.

بعد التخرج حاول أن يعمل بها لكنه كان لا يجد نفسه فى وظيفة محام تحت التميرين لا يتقاضى سوى الفُتات، عائدها المادى كان لا يكفى حتى قوت يومه، حاول عماد أن يطرق باب الفن مرة أخرى لكن لا حياة لمن تنادى، الدخول كان يحتاج إلى تأشيرة يهبها له أحد رجال الوسط الذين يتمتعون بشبكة علاقات واسعة بداخله، موهبته الفريدة وحدها كانت لا تكفى، هكذا أصبح القانون ليس فقط على مستوى المهن الفنية ولكن صار هذا القانون يطبق فى كل ركن من أركان الوطن!!، أثناء مشواره الفنى تعرف عماد على شاب ماهر يدعى "مصطفى"، خريج كلية علوم لكنه لا يهواها فقد أنفق الكثير والكثير على كورسات تعليم المكياج الفنى ليُصبح ماكير مشهور، لكن لم يجد أمامه سوى ذلك الدكتور الذى أخذه سبيًا عنده فى الصيدلية، يظل حبيسًا بها يعمل لمدة تزيد عن عشر ساعات بِثَمَنٍ بَخْسٍ جنمات معدودة، فتمكن الاكتئاب منه خاصة حينما أدرك أنه من الصعب أن يمتلك تأشيرة الدخول إلى عالم الفن، وأن تلك الكورسات باهظة الثمن كانت مجرد تجارة وريح لأصحابها.

”صلاح“ ابن خالة عماد، ليس لديه عمل ولكن لديه معارف وعلاقات لا حد لها، يعمل بتلك الموهبة التي اكتسبها من حياته وسط أبناء السوق، يتحايل ويُناقض ويستطيع أن يكسب مالا دون جهد أو تعب، يتلاعب بالجميع ليفوز في النهاية بمئات الجنيهات، يرى أن هذا الزمان لا يصلح للمستقيمين والمحافظين على العادات والأصول، فقط يستطيع أن يعيش فيه كل من يستطيع الخداع والنفاق والاحتيال.

في ليلة بهماء جلس عماد أو الحوافريت مع ابن خالته صلاح يُخططا لشيء ما، هناك صديق لصلاح يُدعى ”هشام“، لديه كمًا هائلًا من السيارات المسروقة والغير مُرخصة ومفقودة الهوية في الوقت نفسه، عماد يمتلك رأسًا داهية تمتلئ بالسموم القاتلة، لماذا لا يتعاونون جميعًا من أجل بيع تلك السيارات مقابل مكاسب مادية لا كَدَّ فيها ولا تعب.

وافق عماد على العرض، أخذ السيارة من هشام ولكن لإتمام البيع لابد وأن يكون هناك أوراقًا رسمية لها حتى ولو كانت مزيفة، إذًا هم بحاجة إلى مُزور محترف، كالعادة الحل دائمًا يكون عند صلاح ”شبكة علاقات الفريق“، ”علي“ صديق قديم لصلاح، لديه قدرة غير عادية على التزوير، استعان به البعض في إنهاء أوراق وأختام حكومية هامة كانت تعرقل لهم إتمام مصالح لا حصر لها، علاوة على أنه لم يندم على التعامل معه أي شخص في يوم من الأيام، انضم للفريق وبدأ يعمل على إنهاء الأوراق الرسمية المطلوبة للسيارة.

استعان عماد بعد ذلك بالماكير الذي صار صديقًا له ”مصطفى“ ليَجعله رجلًا عجوزًا وهن العظم منه واشتعلت رأسه شيبًا، تقمص عماد الدور بإبداع وإتقان غير مسبوق، راح يعرض تلك السيارة صاحبة الورق المُزور على بائعٍ أوهم إياه أنه لواء متقاعد ولا يحتاج إلى تلك السيارة الآن، المشتري لم يشك لحظة في اللواء فقد أجاد عماد الدور لكنه فوجيء به يسأله.

- تمام يا سيادة اللواء، بس أنا عاوز أكشف على ورق العربية وعلى حالتها الميكانيكية.

ابتسم عماد من خلف قناع ذلك الرجل العجوز.

- إكشفت براحتك بس أنا راجل عجوز يابتي، ورجل جوه الدنيا ورجل بره، والكفن مالوش جيوب ومش معقول أغش حد على آخر أيامي، طب هقابل رب كريم إزاي؟؟ عموماً يابتي اللى إنت شايفه واللى يعجبك إعمله أنا مش هقولك لا.

استغل عماد تلك العاطفة التي تملأ أرواحنا كمصريين واستغل أيضاً احترامنا وتقديرنا لكبار السن منا وظل يتحدث مع المشتري لدرجة أنه شَعَرَ بإحراج شديد جداً من طلبه وقرر أن يبتاع السيارة دون الكشف عليها.

استخدم عماد وقت كتابة العقد تلك البطاقة المزيفة التي زورها له "علي" بطاقة مكتوب في بياناتها أنه لواء ومواليد عام 1945، تمت الصفقة بنجاح واستطاع الحوافريت أن يبيع السيارة بمبلغ رائع لم يكن هشام يتخيله أبداً.

بدأ بعد ذلك الفريق الذي يضم "عماد أو الحوافريت"، "صلاح ابن خالة عماد ودوره كان العلاقات وتوفير الأشخاص التي يحتاجون إليها" علي "وهو المسئول عن تزوير أى أوراق أو مستندات أو حتى أختام يحتاجون إليها،" مصطفى "الماكيز الذي يعد لهم الشخصيات حتى لا يظهر أيًا منهم بشخصيته الحقيقية،" هشام "يوفر لهم سيارات مسروقة أو بدون ورق ليبيعوها،" الحوافريت "استطاع أن يفرض شخصيته بقوة بعدما نصَّب نفسه زعيمًا لهم، وضع القوانين الهامة ومن ضمنها ألا يتصرف أى شخص في أى شيء دون علمه والرجوع إليه، ألا تتم عمليات بيع لأى شخص داخل المدينة التي يعيشون فيها حتى يظل لا يعلم أى شخص عن طبيعة عملهم شيئاً، ابتاعوا شقة صغيرة ليتجمعوا بها كل فترة إمَّا من أجل العمل أو من أجل المزاج والكيف، في وقتٍ قليل لا يتعدى بضعة أشهر استطاع أعضاء الفريق نصب أكثر من فخ واصطياد أكثر من فريسة.

بعد فترة من الزمن وفي ليلة من تلك الليالي التي يتجمع فيها أعضاء الفريق الخمسة حضر صلاح وبصحبته ضيف جديد يدعى "لسعة" يعمل سائق ميكروباص أجرة، الجميع يجلس حول منضدة صغيرة امتلأ سطحها بكل ما يُغيب العقل ويجعلك في حالة نشوة وسعادة غير مبررة، الحوافريت يقف بعيدًا بوجهه وملامح جافة، استدى صلاح وانزوى به في أحد أركان الشقة.

- جرى إليه يا صلاح, إنت كل شوية هتشدلى واحد من الشارع ولا إليه, كده الريحه هتفوح, وأنا مش بعمل شغل فى المدينة خالص علشان نفضل مكممين كده.
- ما تقلقش يا حوافريت, إنت عارف أنا جايب لسعة ليه؟؟
- لسعة!! هو كمان إسمه لسعة, ليه يا سيدى, إتحنفى.
- علشان بيعرف يقضى ستاقآت نضيفه فحت, دا جايب حتت أستفّ حشيش مالوش حل, مش مخلوط عليه أى حاجة ولا حتى جِنَّة.
- صلاح, إتقل شوية وما تمشيش ورا كيفك ومزاجك علشان لو وقعنا واقعة واحدة مش هيبقى فيها قومة تانى.
- يا عم لا تقلق, لسعة ده معرفة قديمة وهو مش هيعرف حاجة عن شغلنا خليه فى قائمة الفرششة وبس.
- صلاح!!!
- ما قولنا بقى الفرششة وبس.
- امتعض وجهه بشراسة.
- خلاص بقى يا حوافرت والنبي لتفكها العملية مش ناقصة خنقة.
- ماشى يا صلاح لما اشوف أختها معاك.
- أختها خير إن شاء الله, تعالى بقى جرب الأستافاية.

\*\*\*

مع مرور الوقت بدأوا يستعينوا بـ "لسعة" فى بعض العمليات إذا لزم الأمر ولكن عماد كان حريصاً كل الحرص بالأ يعطى له معلومة إلا إذا لزم الأمر.

في ليلة تجمع كل أعضاء الفريق ومعهم " لسعة " لوضع خطة نصب جديدة، الكل كان يشعر بالإرهاق والتعب الشديد، النُعاس كان يداهمهم ويتلاعب بجفونهم.

- جرى إليه يا رجالة مش هينفع كده أنا عاوزكم مصححين وفايقين معايا.

قالها الحوافريت وهو يرتدى عباءة القيادة التي وهبها لنفسه من البداية.

- أنا مسقط جدًا يا حوافريت ومش قادر حتى أفتح عيني.

قالها " علي " فتبعه مصطفى وصالح " واحنا كمان "

- لأ ما ينفعش كده يا رجالة، والى خلق الخلق ما ينفع، دا وقت شغل وخطط مش وقت نوم.

ذلك كان " لسعة " يخاطبهم بتلك الطريقة التي تُظهر أنه تحت تأثير المخدرات، نظر له الحوافريت بطرف عيناه فأردف لسعة بتلك الطريقة التي تتحرك فيها كل أطرافه وأعضاء جسده.

- بقولك إيه يا كبير أنا عندي حل يفوق الرجالة.

- قول يا جهيز زمانك.

- أنا هروح أقضيلكم بُرشام مُسكن عالى الجودة هيجبط فى النفوخ على طول، وهوبا هيظبط الكلام تمام.

- مش متعودين نبلع مسكنات، أنا مش بشغل معايا مدمنين.

- حد الله، مين بس اللي جاب سيرة الإدمان، دى هى مسكنة واحدة تُستخدم فقط عند اللزوم.

هندم ملابسه بتفاخر ثم أردف وهو يُشير إلى نفسه.

- وتحت إشراف الطبيب.

نظر الحوافريت في ساعة يده.

- هتلاقى حد دلوقتى تجيب منه الزفت ده.

- يا كبير اللى بيشتغل فى الكلام ده لازم يبقى خفاش, وطواط يخاف من النهار وينتشر بالليل, وحظكم من السما بقى, البت اللى بقضى منها نبطشية النهاردة فى المستشفى.

- مين دى؟؟

- بت ممرضة شمال كده اسمها رنا, شغالة فى المستشفى اللى هنا فى المدينة, بقضى منها مسكنات وحبوب هلوسة ولامؤخدة فيجا, كل ما يلزم لإتمام سهرة سعيدة, بس حاجتها إيه بريمو بنت الأيه.

- بتجيبها مين؟؟

- وأنا مالى يا كبير هو أكل وبحلقة, تجيبها مطرح ما تجيبها إن شالله تكون بتستوردها.

- والحاجات دى هتفوق الرجالة يعنى؟؟

- واللى خلق الخلق هيقوموا يرقصوا شعبي, ويشكلوا كدهو, كدهو.

يتراقص لسعة بجسدة كهؤلاء الذين يتراقصون حينما يستمعون إلى أغنية شعبية فى فرح ما.

- ماشى يا لسعة نجرب حاجة معارفك الشمال.

- دقائق والحاجة تبقى تحت رجلك يا دولي, تعالى معايا يا صلاح.

انطلق لسعة بسيارته الميكروباص وبصحبته صلاح إلى المستشفى, فى الطريق اتصل بـ "رنا" هاتفياً وأخبرها أن تجهز له كل شرائط برشام عائلة "تيمو" فى الحال

فهو على شفا الوصول إلى المستشفى، بعد دقائق كانت سيارته تقبع أمام البوابة، هبط من سيارته وراح يترنح بطريقة تُظهر تلك المادة المخدرة التي ربما هو تحت تأثيرها الآن، دخل على حسن الجالس في الكاونتر الخشبي الخاص به.

- مساء الجمال والانتعاش الزائد.

قالها إلى حسن الذى ظل ينظر إليه باشمزاز شديد للغاية، دار بينهم ذلك الحديث الذى سبق وقصّه دكتور إبراهيم في الاستجواب على سليم "رئيس المباحث المزيّف أو الحوافريت" حتى خرجت رنا ودفعته إلى الخارج بعدما كاد أن يشتبك مع حسن.

- إيه الشبورة اللي إنت داخل بيها دى، اللي يشوفك كده يقول عليك القيمة.

- وليه الغلط ده يا روني يا حبيبة قلبى، أنا غلطان يعنى علشان بسأل عليكى!!  
والله عيب يا روني الكلمات دى.

دار بينهم الحوار كما ذكره دكتور إبراهيم في التحقيق من قبل حتى مدت رنا يدها بذلك الظرف الأبيض الممتلىء بشرائط البرشام المُسكنة، أخذها منها ثم تعلقت عيناه على البوابة الزجاجية للمستشفى، رنا لا تدرك سبب ذلك التيبس المفاجئ، التفتت خلفها لتجد دكتور إبراهيم مدير المستشفى يقف على الثلاث درجات التي تصل بك إلى الباب الزجاجى الخاص بالمبنى، يسترق السمع لحديثهما، تلعثمت رنا وارتبكت وكأنه اقتحم غرفتها فوجدها في وضعٍ فاحش، رمق "لسعة" وهو يدس يده في ذلك الظرف الأبيض الممتلىء التي أعطته هي إياه في جيب بنطاله الخلفي.

- في إيه يا رنا، إيه اللي بيعصل هنا؟؟

- دا عبد الرحمن ابن خالتى كان جاى ياخذ منى حاجة كده وخلص خدها.

قالتها بارتباك شديد أثار الشك والريبة في قلب دكتور إبراهيم، أردفت بعجالة شديدة.

- يلا يا عبد الرحمن إمشى إنت علشان تلحق شغلك.

انصرف " لسعة " دون أن ينطق بكلمة واحدة، صعد إلى سيارته " الميكروباص " لكن قبل أن ينطلق بها مَحَّ الدكتور إبراهيم شاب أخر يجلس في المقعد المجاور له، لم يستطيع تحديد ملامحه بسبب الإضاءة الخافتة والسرعة التي انطلق بها هو بالسيارة ولم يعرف أيضًا أنه من سينتحل صفة وكيل النيابة فيما بعد، لكنه كَوَّنَ صورة بسيطة عن هيكله وإطاره الخارجى.

داخل السيارة أعطى لسعة الظرف الأبيض إلى صلاح.

- إيه ده يا ابنى!!! كل دى شرايط برشام.

أجابه لسعة وهو يتابع القيادة.

- جرى إيه يا جدع إنت هتقرولا إيه، ما يحسد المال إلا أصحابه.

- يا عم ربنا يبعدنا عنه، بس البت الممرضة دى عرفت تجمع الكمية دى كلها.

- ما تستقلش بيها دى جن مصور فى صورة ممرضة وبصراحة بقى مش لايق

عليها موضوع ملاك الرحمة ده، دى تنفع كده ملاك عذاب، ملاك جهنم الحمرا.

قهقه صلاح ثم سأله.

- ومين الراجل اللى طب عليكم ده وانتم بتتكلموا مع بعض.

- دا الدكتور إبراهيم مدير المستشفى.

- يا نهار مش معدى, وعملتوا إيه؟؟
- قالتله ابن خالتي, لأ واسمى كمان عبد الرحمن.
- حلوا الإرتجال ده.
- دى شيطانة, ومش بتعرف تترنق, اللى بيعجى على لسانها بتقوله, مرة ابن خالته, مرة جارها, مرة أخوها واهى ماشية, مع كل واحد بغنوة.
- المدير كده هيقفشها على فكرة وهنروح كلنا فى ستين داهية, أصلاً هو باين عليه راجل مش سهل.
- ما يبقاش قلبك خفيف, البت حطاه فى جيها.
- إزاي!!
- أصله بتاع نسوان ولا مؤاخذه, والنوع ده بيعجى بسرعة أوى مع رنا, دا غير بقى إنه بيتثق فيها جداً.
- لا والله!!
- واللى خلق الخلق بيتثق فيها, يا جدع دا بيحاول يزقها على دكتور معقد كده معاهم فى المستشفى موقف المراكب السائرة.
- يزقها إزاي يعنى.
- يزقها يا أبو صلاح.
- مطاً كلماته الأخيرة وهو يغمز بإحدى عينيه لئنيته بأنه يقصد ذلك المعنى الوضّيع, أردف على نفس تلك النبرة.

- يعنى بيجاول يخلها وراه لحد ما تطفشو من المستشفى كلها.
- وإنك عرفت منين؟؟
- كانت بتفضفض معايا من فترة, ابن خالها بقى.
- قال جملته الأخيرة ساخرًا.
- ما تعرفش إسمه إيه الدكتور ده؟؟
- لا ما قالتش, بس إنت يهملك فى إيه يعنى.
- مستغرب بس إن كل ده يطلع فى المستشفى المحدوفة اللى محدش بييجى فيها دى.
- ما موقعها المحدوف ده هو سر قوتها يا صديقى.
- صمت الإثنان لمدة لا تزيد عن دقيقتين ثم شرع لسعة فى الكلام مرة أخرى.
- بقولك إيه يا أبو صلاح أنا هعمل معاك واجب.
- واجب إيه؟؟!!
- هعرفك على رنا الممرضة وهديلك رقمها ولما تعوز تقضى حاجة تعالى لوحدك واتعامل وأنا هوصيها عليك.
- زى الفل, بس إنت ضامنها يعنى.
- لأ طبعًا, هى جدعة وهتقضيالك أى حاجة تعوزها, بس وساختها بقى إنها كلبة فلوس, تبيع أبوها علشان الجنية وخدمة اللى يدفع أكثر.

- لأخير ما هتعرّفنى بصراحة.

قالها صلاح ساخرًا.

- يا عم إنت هتناسبها دا بيزنس.

- ماشى يا بتاع البيزنس.

- بمناسبة البيزنس بقى، أخبار حوارى مع الحوافريت إيه؟؟

- يا عم ما تقلقش مش قلتلك هشغلك معانا واديني شغلتك، أنا دخلته من

سكة إنك ديلرو هتقضى مخدرات وحبّة حبة بتدخل فى وسطينا بحجة إننا محتاجينك  
برضو، ماتقلقش يا لسعة صاحبك بيتكتك برضو ولا هي التكتكة للحوافريت بس .

صفق لسعة بكفيه قبل أن يرتفع صوته مُهللاً.

- تكتك يا أبو صلاح تكتك، واللى خلق الخلق إنت أجدع من أبويا.

قهقه صلاح مُرددًا " الله يرحمه "، انطلقوا إلى شقة الفريق.

\*\*\*

مرت الأيام و" لسعة " يومًا عن يوم كان يقترب من فريق الحوافريت أكثر حتى أصبح عضوًا هامًا فى فريق الحوافريت، يشارِكهم تقريبًا معظم عمليات النصب والاحتيال على كافة أشكالها، توسع الفريق وبدأ يدخّر مالا وافرا يكفى حاجتهم حتى توقفوا تمامًا عن العمل بعد جمعة الغضب فى الثامن والعشرين من يناير عام 2011، هناك فى شقة الفريق اجتمع كل أعضاءه بعد انتهاء فترة ما يُسمى باللجان الشعبية، حيث الشباب كان يتجمع مع بداية ظهور خيوط الظلام أسفل البنايات وفى مداخل المدينة، الحوافريت يجلس على كرسى خشبى ويفرد قدميه عن آخرهما، حول رأسه

سحابة من الدخان المتصاعد من سيجارته المشتعلة، يفكر بعمق في ذلك الحال الذي وصلوا إليه بعد ما يسمى بالانفلات الأمني.

اقتحم صلاح وحدته متسائلاً عن انتهاء حالة الخمول التي وصل إليها الفريق منذ قيام الثورة، فالكل من حولهم يسرق وينهب أمّا هم فقد توقفوا نهائياً.

- مش كده يا رجاله إحنا راكنين بقالنا كتير أوى، يللا نعمل أى عملية بدل القاعدة اللي احنا فيها دى.

- مش هينفع يا صلاح.

قالها الحوافريت دون أن ينظر له.

- ليه مش هينفع، ليه؟؟

- علشان البلد في حالة فوضى وكل واحد دلوقتي بيبيع أى حاجة معروف إنها مسروقة، إتقل وبلاش تسرع علشان ما نروحش في ستين ألف داهية.

- يا حوافريت الناس كلها تهب من هنا ومن هنا وانت تقولى مش هينفع.

- يا صلاح إتقل شوية مش كده.

قالها بعصبية وبصبر بدأ ينفذ.

تدخل هشام في الحوار.

- الحوافريت عنده حق يا صلاح إتقل، بعدين الصبيان اللي معايا خدوا كام عربية من مقلب العربيات اللي في المدينة بعد ما الشرطة انسحبت، إتقل بس الدنيا تقوم تانى وهتهق من الشغل.

زفر صلاح وجلس مكانه في حالة من الضجر الشديد، مدّ لسعة يده بسيجارة ملفوفة، أخذها منه صلاح وأشعلها في ضيق شديد.

بعد مرور عدة أشهر.

الحوافريت كان يجلس على أحد المقاهى الموجودة فى تلك المدينة، فى يديه لىّ الشيشة البلاستيكي، يسحب دخانه ويزفره بغزارة شديدة، تنتابه سعادة بالغة بعدما ابتاع منه شخص يدعى " أبو الذهب " سيارة بضعف ثمنها تقريبًا، سيارة من تلك السيارات التى استولى عليها رجال هشام من مقلب السيارات القابع فى مدخل المدينة وقت انسحاب الشرطة، تنتابه حالة من الفخر بعدما ظل أعضاء الفريق يهتفون بتسمه بعد نجاح أول عملية بعد توقف دام لشهور، تستطاع الحوافريت أن يرسم الشخصية بجدارة مُستغلاً كل موهبته الفنية فى تقمص الشخصية من خلف ذلك المكياج العبقري الذى أعده مصطفى له، يجلس الآن فى حالة من السعادة البالغة، لم يمر الكثير حتى توقفت أمام المقهى سيارة يقودها شاب فى الثلاثينات، تقريبًا فى عمر الحوافريت، جسده رياضى، يرتدى نظارة شمسية، فتح زجاج السيارة مُصدرًا ذلك الصوت الصادر من ماكينة فتح الشباك الزجاجى الأوتوماتك، أشار إلى الحوافريت بأن يأتى، نظر حوله الحوافريت، لا يوجد على المقهى تقريبًا غيره.

- أنا!!!

أوماً ذلك الشاب رأسه، فتقدم نحوه.

- خير يا برنس أى خدمة.

- إركب.

- أيوة إنت مين يعنى علشان أركب أن...

قاطعه بحدة.

- بقولك إركب يا حوافريت.

- أيوة إنت كده شبح يعني , ما كل أصحابي عارفه إن إسمى الحركى الحوافريت.

- يا عم إركب هو أنا هخطفك.

زفر الحوافريت قبل أن يزلق فى الكرسى المجاور له.

- عاوز اشترى عربية.

نظر له بعدم فهم مُصطنع.

- مش فاهم بتتكلم عن إيه يا برنس؟؟

- ليه كده ما تخليك حلو, بقولك عاوز عربية, آه افنكرت, إنت مش بتشتغل هنا فى المدينة, بس أنا زبون مختلف, أقولك سر علشان تعرف إنى زبون مختلف, أبو الذهب اللى إنت بعته العربية بضعف ثمنها وعمال تنتلط من جواك ده تبعى أنا.

تبيس الحوافريت قليلاً قبل أن يحاول إنكار ذلك.

- أبو الذهب إيه؟؟ وعربية إيه؟؟ أنا مش فاهم حاجة؟؟

- وبعدين بقى, استنى عندى فكرة.

أخرج صورة شخصية لذلك الشخص الذى يدعى أبو الذهب وأعطاهما للحوافريت نظر فيها طويلاً ليعطى نفسه فرصة كافية للتفكير.

- أيوة يعنى عاوز إيه إنت؟؟

- لسه ما عرفتنيش.

نظر لوجهه طويلاً ثم أردف بـ "لأ".

- طب فاكر أستاذ عُرابي اللي ضيعت مستقبله علشانى.

انتفضت ملامحه وهو يحتضنه داخل السيارة بحفاوة.

- طارق دسوقي!!!!

- الرائد طارق دسوقي يا قرع.

تبادلوا التحيات والسلامات ثم طلب منه طارق أن يقابله في مكان آمن ليتحدث معه في أمر هام، أعطاه الحوافيرت عنوان تلك الصومعة أو الشقة الصغيرة الخاصة به واتفقا أن يتجمعا ليلاً للحديث عن ذلك الأمر الذى لا يجوز الكلام فيه إلا داخل الحجرات المغلقة.

في شقة الفريق.

جلس الحوافيرت على المائدة وأمامه قبع طارق الدسوقي زميل الدراسة، مدَّح كلاً منهما على الآخر في حين أن طارق أخبر الحوافيرت بأنه أصبح يقبع على كتفه نسرًا ويعمل منذ أشهر في قسم شرطة المدينة، الخبر كان بردًا وسلامًا على الحوافيرت الذى اعتقد بديهياً أنه صار له ظهرًا قويًا في المدينة فقط حينما ترجع الأمور إلى طبيعتها وينتهى ذلك الانقلابات الأمنى، أخبره طارق أنه أراد البحث عنه ليجمع شملهم ثانية فعلم من مصادر سرية الطرق الغير شرعية التى يتبعها الحوافيرت في كسب الأموال.

- ورغم كل شغلك الشمال ده عمرى ما شفتك في القسم ولا حتى ليك ملف عندهم ولا محطوط في كشوف المغضوب عليهم.

- ولا عمرك هتشوفنى يا طارق باشا, عيب دا أنا الحوافريت.
- أكثر حاجة بحترمها فيك هي دماغك, طبعًا الكلام ده من زمان مش من دلوقتى, على الرغم يعنى من إن الإحترام ده بدأ يزيد بشكل كبير من ساعة ما قررت أرصدك من فترة.
- ابتسامه ضعيفة يحاول الحوافريت بها أن يقضى على معالم الخوف الذى بدأ يتسلل إليه.
- إيه يا طارق باشا إنت محتاج ترقية ولا إيه.
- قهقه طارق بتفاخر ثم أجاب.
- لا مش محتاج ترقية ولا حاجة ولو محتاج مش هاخدها على حساب صاحبي, أنا بس عاوزك فى مصلحة كده.
- تأمرنى طبعًا بس لو كانت يعنى مصلحة فى استطاعتى.
- فى الإمكان يا حوافريت.
- بدأ يتحدث بتلك الطريقة التقريرية الباردة التى تجعلك دومًا فى احتياج إلى الاستفسارات.
- جوز خالتى.
- إيه عاوز عربية.
- ابتسم طارق ثم أردف.

- مزعلنى حبتين، يرضيك أروح أطلب إيد بنته يرفض، وياريت يرفض بأدب إنما يقولى أصل عاوز أجوزها لدكتور زيه، أنا عارف وواثق إنه مش بيحبني دا غير إنه خايف علشان أنا فشلت فى جوازي الأولانى، وهو عارف إن بنته دى داخله دماغى أوى يا حوافريت فقلك أجيها فى الطب أصلها دكتورة هى وإخواتها الإنتين، سبحان الله طول عمرى بكره إخواتها دول كره العمى من واحنا عيال صغيرة أد كده، شباب معقد بنظارات نظرو وشعر خشن وحاجة تقرف، شكلهم معفن إنما هى حاجة تانية خالص.

- والمطلوب يا كبير واوعى تقولى حد يضرها بمية نار والشغل القديم ده.

- لا لا لا، دا اللى يمسها دا أنا أفرمه، أبوها يبقى صاحب شركة الفرماوى للبلستيك اللى فى المنطقة الصناعية اللى هنا.

- عارفها طبعًا، إيه عاوز تولع فيها.

- لأ مش دلوقتى، فى حاجة أهم الأول، أنا راصده بقالى فترة وعرفت من مصادر موثوق منها إنه هيروح الأسبوع الجاى يحط مبلغ كبير فى البنك حوالى 5 مليون جنية ثمن بضاعة حوالة حاجة كده ما تخصصيش، اللى يخصنى إنه هيبقى فى البنك ومعاها شنطة فيها خمسة مليون جنية.

- والمطلوب.

قالها الحوافريت وهو يخشى أن تتناول أذناه ما يخشاه.

- سطو مسلح من شوية ناس ملثمة زى ما بيحصل من ساعة الثورة بالظبط، هتدخل البنك تاخد الشنطة وتقلب البنك وتمشى.

- جرى إيه يا طارق باشا، هو اللى جاب لسعادتك المعلومات عنى قالك إنى بقيت زعيم عصابة ولا إيه؟؟

- الموضوع مش محتاج عصابة ولا حاجة, الموضوع كله أسهل مما تتخيل.

- إزاي يعني؟؟

سادت ملامحه التدبير وظل ينظر له بعيون تخر منها الحَصَافَةَ والاتزان.

- إحنا في انفلات أمني يا حوافريت ولازم نستفيد منه, إنت دماغك شغاله  
وتهترف تخططها كويس وبعدين إنت هتطلع بمبلغ محترم.

- بس دى مجازفة.

- خدها ثقة من حد شغال في الجهاز, في تراجع أمني رهيب من بعد الثورة,  
والخطوة اللي بناخدها بنحسها مية ألف مرة الأول.

زئير تلك العواصف التي بدأت في رأس الحوافريت كانت عالية و مستمرة بشكل  
انعكس بشكل واضح على ملامحه الغارقة في الحيرة الشديدة, أردف طارق ليجذب  
انتباهه بتلك النبرة الرقيقة وهو يحاول أن يلعب معه دور الصديق الناصح.

- الفلوس اللي هتتعمل الأيام دى مش هتتعمل تانى يا حوافريت, إنت يوم ما  
بتبيع عربية بيطلعلك عشرين ولا ثلاثين ألف, إنما الطلعة دى فيها قرشين كويسين,  
أحنا في فترة عروض يا حوافريت حتى نفاذ الكمية, فعاوزين نغتنم الفرصة.

- إحنا مكسبنا هيبقى كام.

- أنا اللي يخصنى من الشنطة النص أمّا النص التانى باللى هتلاقيه في البنك  
حلال عليك إنت وفريقك, وده يوم في وسط الأسبوع يعني خير ربنا هيبقى كتير.

- ولو ما لقيناش الفرماوى ولا كان معاه الشنطة.

- هطير النسر الى على كتافى يا حوافريت, عيب الكلام ده إنت بتكلم الرائد طارق الدسوقى.

أغاظته طريقة طارق الوثائقه المتعالیه.

طيب إدينى فرصة أفكر.

- قدامك النهارده بس علشان تلحق تشغل الجمجمة علشان ساعة الصفر الأسبوع الجاى.

هزرأسه متفهمًا ثم غادر طارق الشقة.

\*\*\*

عقد الحوافريت اجتماعًا لكل أعضاء الفريق داخل شقته فى نفس تلك الليلة, عرض الأمر كما سمعه بالضبط من الرائد طارق الدسوقى, سأله صلاح مستفسرًا.

- بقولك إيه يا حوافريت, المشوارده ممكن يكون كمين صاحبك ده ناصبه علشان النسر الى على كتفه تقريبًا كده حاسس بالوحدة.

قال كلماته وهو يخبط بيده على سطح الترابيزة.

- إستحالة, مفيش ضابط مجنون على وجه الأرض ممكن يخاطر ويعمل حاجة زى كده خصوصًا فى التوقيت ده, الشرطة مش ناقصة يا صلاح كفاية الى هما فيه.

- صلاح بيتكلم صح يا حوافريت, البلد دلوقتى فى أمس الحاجة لأى مادة إعلامية علشان خبطة زى دى هتقول إن الشرطة بتحارب الإنفلات الأمنى.

- الكلام ده مش صح يا مصطفى، أنا اعرف طارق من زمان، كان معايا في المدرسة، حركة زى دى ما تجيش من واحد زى طارق، بعدين أنا عارف العداوة اللي بينه وبين جوز خالته ده من زمان.

- ما هو لازم يدخل من ثغرة يا حوافريت علشان نحاسب إحنا على المشاريب في الآخر.

- ما تقلقش حتى لو الموضوع طلع كمين وده مش صح هنعرف نخرج منها.

- إزاي.

أخرج عماد هاتفه الخلوى وضغط على شاشته ليستمع الجميع إلى الحديث الذى دار بينه وبين طارق الدسوقي.

- أنا فكرت زيكم علشان كده سجلت الإتفاق اللي ما بيننا علشان لو فكر يلعب بديله هفضحه وكفاية أصلاً إن الناس هايحج على الشرطة بحجة تلفيق القضايا، يعنى تسجيل زى ده لو اترفع ع النت هيجرب الدنيا.

بدأت كتلة القلق المتراكمة على صدور أعضاء الفريق تذوب بعض الشيء بعدما أخبرهم الحوافريت بتلك الفكرة التى خطط لها جيداً، جدد الجميع الثقة فيه عدا " لسعة " الذى بات مرتبكاً بشدة فالموقف كان أكبر منه بكثير، الحوافريت كان يلاحظ ذلك لكنه تظاهر بعدم الفهم حتى تعالى صوته المرتعش.

- أنا مش معاكم فى اللعبة دى يا حوافريت.

حرك الجميع وجوههم شطر " لسعة " .

- الموضوع ده كبير والحكومة لسه قايلة إن السطو المسلح دلوقتى فيه إعدام، الموضوع مش سهل يا جدعان زى ما أنتم فاكرين، البلد بقى فيها أحكام عرفية يا حوافريت.

- يا لسعة الموضوع هيبقى سهل وفلوسه حلوة.

ذلك كان صلاح.

- الله الغنى يا عم, سامحوني يا جماعة الحوار ده كبير, واللى خلق الخلق الحوار ده كبير وأنا مش هقدر عليه.

- إنت مش هتعمل حاجة إنت هتسوق العربية وبس, إنت سواق شاطر واحنا محتاجينك.

- سامحنى يا حوافريت, مش هعرف أسوق وأنا اعصابى بايظة, معلىش يا رجالة مش هينفع, أنا لازم أمشى.

تركهم لسعة وانصرف حتى لا يتعرض لضغط من أيّ منهم ولكن قبل أن يصل للباب استمع إلى صوت الحوافريت الذى أصبح غليظاً فجأة وهو ينادى عليه, توقف أمام الباب مباشرة, دون أن ينظر إليه وبلهجة جافة قلت من أى رقه أو تقدير لأى معرفة سابقة.

- لسعة, سيديهاك عندى, لو فكرت تقل بعقلك هتزعلى منى.

التفت إليه لسعة وقد قطب جبينه وانكشيت ملامحه على إثر تلك الكلمات.

إنت بتهددنى يا حوافريت؟؟

- سمىها زى ما تسمىها يا لسعة وحط فى دماغك إنك طول ما إنت كويس أنا كويس إنما هتقل معايا أنا عارف كويس إنت بتحب أمك أد إيه.

اتسعت عيناه وجحظت بشكل كنت أعتقد أنه لا يصلح فيزيائياً, الحوافريت يعلم جيداً تعلق " لسعة " بوالدته لذلك استغل ذلك الحب وصار يهدده بإيذاءها إذا فكر فى أى شىء خبيث, خرج دون أن يجيب على الحوافريت الذى أردف للجميع عقب انصراف ذلك السائق.

- كل واحد مننا لو فكر يخون قبل ما يفكر هيكون زعلان، أمين.

تبادل الجميع النظرات فاستكمل الحوافريرت.

- نبدأ الخطة، بس قبل أى شىء عاوز واحد مكان الواد ده يا صلاح، ويكون

سواق يعرف ياكل الأسفلت زى الواد ده وواحد يقضيلنا كام حته سلاح.

- إعتبره حصل.

- مش عاوزين الموضوع يكون فى دم.

ذلك كان مصطفى ماكير الفريق، أجابه الحوافريرت.

- الموضوع سهل وهيتم من غير ولا نقطة دم واحدة واللى خايف من دلوقتى

يحصل لسعة.

لا شىء جديد يحدث، الجميع فى حالة سكون، استكمل الحوافريرت.

- زى الفل نبدأ الخطة.

\*\*\*

أمام مبنى البنك.

مبنى مكون من دور واحد، عبارة عن بوابة حديدية تليها بخطوات بوابة أخرى زجاجية تحتاج منك إلى صعود أربع درجات حتى تدركها، على اليمين يجلس عسكري قد تحمص وجهه من الشمس طوال الصيف وتفقع جلده من البرد طوال الشتاء، بعد مرور البوابة يجلس رجل أمن كبير فى السن لا يُغنى ولا يُسمن من جوع، اضطر إلى العمل فى تلك الوظيفة ليدخر مصاريف العلاج ويستطيع الإنفاق على أبناء الإنجاب المتأخر المبنى على الزواج المتأخر الناتج من ضيق الحال والوظائف ذات المبالغ

الواهنة!!، بعد مرور البوابة الزجاجية هناك عدد ثلاثة شبابيك يجلس خلفهم ثلاثة موظفين يرتدون البدلات الأنيقة، على يمين البوابة الزجاجية مكاتب خدمة العملاء وإجراءات فتح حساب جديد، أمام مكتب موظف يمتلك جسد يبدو إنه بُنى في صالات الألعاب القتالية يجلس صلاح، يتوارى خلف ذلك المكياج الذى صنعه له مصطفى الماكير ليظمر ملامحه وهيئته تمامًا، يصنع صلاح أنه يريد فتح حساب جديد.

على بعد خطوات تحديدًا أمام الكراسى القابعة بالقرب من الشبابيك الثلاثة يجلس "على" مسئول تزوير الأوراق والمستندات فى الفريق مرتديًا زى سيدة منتقبة، يتوارى خلف زهبا الأسود الفاحم، ويضع عدسات لاصقة ليُغير من لون عينه وتصير خضراء.

استتر هشام فى هيئة زى رجل عجوز انحنى ظهره ويسير بعكاز، بيد مرتعشة يطلب من العسكرى المساعدة بحُجة أنه رجل عجوز تصرخ فقرات ظهره حينما يصعد درجات سُلّم حتى ولو كانت سهلة، اقترب منه العسكرى فاستند عليه هشام وتعمد أن يلقي بحمله على العسكرى ليستنفذ قواه ففى تلك الأوقات كان مسموح لأى عسكرى باستخدام الطلق الحى دون نقاش أو جدال، العسكرى كان يتحامل على نفسه، وضع سلاحه على ظهره ودخلوا إلى البنك فى اللحظة التى وصل فيها الفرماوى إلى البنك حاملاً شنطته، تلقى الحوافريت إشارة من على الذى كان يجلس بجواره الفرماوى واضعًا شنطة سمسونيت على قدميه، لمح على مسدس يظهر من جيب الفرماوى، دقائق وضربت المكان حالة من الجنون والهباج بعدما اقتحم البنك ثلاثة أشخاص يرتدون أسود ومُلثمين، لا يظهر منهم سوى عيونهم التى تم تغيير لونها بعدسات لاصقة أمَّا باقى الشال الأسود الذى يغطى وجههم فقد رُسِمَ عليه عظام وجه جمجمة.

دخلوا إلى البنك فى اللحظة التى ضرب فيها هشام عسكرى الأمن بالعكاز على مؤخرة رأسه فسقط مغشيًا عليه، مصطفى أغلق الباب والحوافريت أطلق عيارات النار فى الهواء فاستلقى كل عملاء وموظفين البنك على الأرض.

حاول موظف البنك ذو الجسد العملاق أن يركض تجاه هؤلاء مستعينًا بكل خبرات تلك الرياضة القتالية التي يمارسها يوميًا بعد يوم ولكن فاجأه صلاح بشيء ما على رأسه أسقطه في الأرض وجد فوهة سلاح صلاح تلتصق بمؤخرة رأسه مهددًا إياه بعدم الحركة وإلا فجزَّ رأسه بذلك المسدس.

الفرماوى يفتersh الأرض وسط العملاء، يحتضن الشنطة التي بها النقود، يهدوء أخرج مسدسه من جيبه فانقض عليه على وأخذه منه، وضعه خلف رأسه فجمده الموقف، يهدوء جاء الحوافريت وحاول أن يأخذ منه الشنطة، في البداية اعتصرها ولكن ركله الحوافريت وأخذها منه عنوة، في حين أن " عبد المتجلى " ذلك الضخم الذى استعان به صلاح ليأتهم بالسلاح وقد انضم إلى الفريق حديثًا من أجل تلك المهمة أخذ شوال فارغ وبدأ يملأه من تلك الخزانة الموجودة بجوار الموظفين الذين يرتدون البدلات ويجلسون خلف الشباك الزجاجي.

استغل الموظف ذو الجسد الرياضى انشغال صلاح وتشتيت ذهنه فى أمرٍ ما وانتفض دافعًا الأرض بيديه لينقلب صلاح على الأرض، فى أقل من ثانية كان يضع رقبة صلاح بين ذراعيه ويضغط عليها بقوة مُهددًا الجميع.

- لو ما سيبتوش كل حاجة مكانها وخرجتم أنا هكسر رقبتة.

صلاح يحاول أن يتملص منه لكن خبرته الطويلة فى مجال الألعاب القتالية جعلته تحت سيطرته، نظرله الحوافريت وسدد فوهة سلاحه النارى بالقرب منه، ضرب طلاقات عشوائية فتراخت أعصاب ذلك الموظف فهرب صلاح قبل أن يسدد له ركله فى وجهه، انحنى على الأرض والتقط سلاحه مرة أخرى فى حين أن الحوافريت وجَّه سلاحه تجاه ذلك الموظف، هرع إليه مصطفى وهو يختبئ خلف زيه الأسود.

- بلاش دم، بلاش دم.

قالها للحوافريت فلم يتغير من الأمر شيئًا، اطلق طلاقات ناربة على قدميه فأصابه فى قدميه.

ذلك كان مصطفى، دفعه الحوافر تجاه الباب، خرج الجميع، الحوافر يحمّل شنطة النقود وعبد المتجلى يحمّل شوال النقود الذى ملأه من خزنة البنك المجاورة للموظفين، انزلق الجميع فى السيارة الجيب وانطلق "ياسر" ذلك السواق الذى استعان به صلاح بدلاً من لسعة بأقصى سرعة.

\*\*\*

بعد يومان من حادث السرقة.

"لسعة" يجلس القرفصاء على باب إحدى غرف الكشف بمستشفى ما خاصة فى حى الدقى، على عينه طبقة من الدموع تكاد تجعل رؤيته متعذرة بعض الشيء، تندثره حالة من القلق الشديد والتوتر على والدته التى حدث لها بعض التشنجات وسقطت على الأرض فى مشهد مهيّب وهى فى زيارة خاصة إلى أحد أقاربهم، تلقى "لسعة" مكالمة من أقاربه يخبروه فيها بأن والدته أصابها فجأة حالة من تشنجات غريبة وإغماء فاضطروا لنقلها إلى أقرب مستشفى لهم، أصابته حالة من الذعر الشديد والقلق، انطلق بسيارته إلى المستشفى، حبات العرق تتكاثر على جبينه بشكل مبالغ فيه وقلبه راح يدق بقوة كبيرة خلف ضلوعه التى أحرقها القلق، أحس أن رأسه غير متزنة وهو يضغط على دواسة البنزين بكل عنف.

وصل إلى المستشفى، هرع إلى الداخل كالمجنون، فأخبره أقاربه أنها داخل حجرة الكشف مع الطبيب، جلس على الباب فى وضع القرفصاء وعينه تدمع خوفاً مما انتابها، يخشى أن تفارقه أو أن تُصاب بأى مكروه، فهو رغم قسوته والأخطاء التى تملأ حياته إلا إنه كان يتعلق بها بشدة ومرتبطةً بها ارتباطاً قوياً.

فُتِحَ الباب وخرج الطبيب وهو يرتدى البالطو الأبيض ويلقى السماعة حول رقبته، بمجرد أن خرج من الغرفة التفتّ حوله لسعة وبعض أقاربه الذين يُصنّفون بـ "كبار العائلة"، أخذوا يتأملون وجه الطبيب الذى أخبرهم بتلك الطريقة التقريرية.

- الحالة اللى جوه دى محتاجة تدخل جراحى بأسرع وقت، يعنى ياريت الأسبوع ده أو اللى جاى كحد أقصى.

- ماشى يا دكتور إحنا موافقين، واللى خلق الخلق موافقين.

قالها لسعة بسرعة خشية أن يسبقه أحد فى الرد، فأجابه الطبيب باستياء

- أنا مش باخد موافقتك أنا عاوزك تروح تدفع الفلوس فى الحسابات وهما هيبلغونى علشان نبدأ العملية.

ذهب لسعة كما أمره الطبيب المتعالى إلى الحسابات ليصطدم بذلك المبلغ الذى يحتاج منك إلى حقيبة لتضعه فيها وأنت فى طريقك إلى المستشفى، والشرط الذى يجعلك إنساناً عاجزاً هو دفع المبلغ كاملاً قبل إجراء العملية، حاول لسعة أن يتحدث مع الطبيب فى نقل والدته إلى مستشفى حكومية ولكنه أكد له أن حالتها حرجة ولن تجد أى رعاية فى المستشفيات الحكومية، فقط فى بلدنا ينحصر المريض بين إهمال المستشفيات الحكومية ومبالغ المستشفيات الخاصة الباهظة.

تذكر لسعة الحوافريت وأعضاء الفريق وتذكر أيضاً سرقة البنك التى حدثت منذ يومان فهرع إلى شقتهم كالمجنون، ظل يطرق على الباب وكأنه منفذه الوحيد للنجاة لكن دون استجابة، الشقة خاوية تماماً وقد اختفى كل أعضاء الفريق.

تذكرنا فقد صار بينها وبين صلاح والحوافريت ود غير طبيعى خاصة فى الفترة الأخيرة، هبط درجات السلم وهرع كالمجنون إلى المستشفى، فى غرفة الممرضات التقى مع رنا وراح يتحاور معها طالباً معرفة مكان أعضاء الفريق، مظهره كان مخيفاً يدعو للتوجس، عينه زائغة ووجهه منفوخ وكأنه يعانى من مرضٍ ما، عقله كان شاردًا ويبحث عنهم كالمجنون، رنا كانت بالفعل لا تعلم أين هم ولكن بدأت تشعر وكأن هناك ثمة أمر غير طبيعى خاصة حينما أخبرها أن صلاح والحوافريت لا يُجيبون على اتصالاته.

- يابنى يردوا ولا ما يردوش أنا مالى هو أنا وَلِيَّةُ أمرهم.

- إشتري نفسك يا رنا وقوليلي هما فين, أنا أمى بتموت فاهمة يعنى إيه أمى بتموت, وإنْتِ مش هتبقى أغلى عندى منها.

قالها لسعة فأجابته رنا بكل حده.

- تموت ولا تعيش وأنا مالي, أنا أساسًا ماليش صلة بهم, ناس وكنت أعرفهم عن طريقك وخلص بيج, كل حى راح لحاله, ومن النهاردة بقى مش عاوزة يبقى ليا صلة بيك إنتِ كمان.

- يا رنا ما تركيبش دماغك واللى خلق الخلق هضُرك, أنا لحد دلوقتى مش عاوز أأذيكى يا بنت الحلال أنا أمى بتموت ولازم اتصرف, واللى خلق الخلق لازم اتصرف.

- يابنى وأنا مالي, روح اتصرف بعيد عنى.

- ماشى يا رنا, بس إنْتِ كده جيبتيه لروحك واللى خلق الخلق جيبتيه لروحك بقى.

انقض لسعة على رنا, جدل خصل شعرها بلا رحمة فى حين وضع يده على فمها حتى لا تطلق صرخات مسموعة, الغرض من ذلك هو وضعها تحت ضغط ليعلم هل هى بالفعل لا تعرف أين مكانهم أم أسكتتها بعض النقود, الغريب أن رنا لم تسأله ما علاقة شفاء والدتك بهؤلاء المشردين الذين لا يمتلكون حتى عمل, هذا التصرف الغريب هو ما جعله يشك بأن رنا على علم بكل شىء تقريبًا, اعتصم رقبته بعنف ليضعها تحت ألم رهيب, ملامح وجهه لا تنمُ أبدًا عن خير, الشرر يتطاير من عينه بجنون, فُتِحَ الباب ليتفاجأ بدكتور إبراهيم أمامه, تراخت ملامحه وكذلك أعصابه وبدأ يترك رنا شيئًا فشيئًا, نهره دكتور إبراهيم ثم بكل عنف طلب منه الرحيل مُحذِرًا إياه بعدم العودة وإلا تلقى مصيرًا غير محمود, ذلك الحوار الذى سَرَدَهُ دكتور إبراهيم لـ سليم أبو فرحة " رئيس المباحث المزيف " فى الاستجواب من قبل.

بعد انصراف الدكتور إبراهيم حركها فضولها لى تُخرج هاتفها الخلوى وتستدعى رقم صلاح, ها هو صوت جرس, ظلت تستمع إليه طويلاً حتى انتهى دون إجابة, فضولها

لم يهدأ وما فعله لسعة بها جعلها متعطشة بشدة للشرب من دمانه، وأصلت الاتصال به حتى أتاها صوته الضعيف فيبدو أنه في مكان ما يعاني من فقر شديد في شبكة الاتصال، سألته عن أحواله وعن رغبته في تعاطي المسكنات، إن رغب في ذلك فهناك صنف جديد والكمية محدودة، لم تجد في إجابته ثمة شيء غريب فـ "صلاح" أدى الدور الذى طالبه به الحوافريت ببراعة، فاضطرت هى أن تقص عليه ما حدث مع لسعة فوجدت منه توتراً وأرتباكاً واضحاً ثم طلب منها الانصراف الآن، أغلق الهاتف دون أن ينتظر حتى إجابتها.

- دا إيه يا خويا العيال المجانين دول.

شردت قليلاً ثم ضاقت إحدى عيناها.

- فى حاجة غريبة ورا صلاح ولسعة ولازم أفهمها.

\*\*\*

أفراد الفريق جميعهم داخل ذلك الكهف الذى يبدو كتجويف داخل جبل ضمن جبال تلك المنطقة النائية الصحراوية، كهف يصلح أن يكون وكر للهابين والخارجين عن القانون، كل أعضاء الفريق يضعون النقود داخل كراسى السيارة ويقوموا بحياكة القماش لتصبح النقود تملأ مع الإسفنج حشو كراسى السيارة، الفريق كان يخطط لتترك المدينة بالكامل والذهاب إلى مدينة أخرى لبدء حياة جديدة لا تخلو من الإجرام، فقط كانوا ينتظرون انتهاء الانتشار الأمنى الذى غزا المدينة فور الإعلان عن سرقة البنك، طارق الدسوقي أخبرهم وهو يأخذ منهم أمواله أن الأمر لن يتعدى الأربع أيام فهناك أمور فى البلد أهم بكثير من سرقة بنك فى ذلك التوقيت، بعدها يستطعون ترك المدينة بسهولة ويسر، الحوافريت يفرد قدميه ويدخن سيجارة بتركيز شديد ويستمتع إلى تلك الرواية التى يقصها عليه صلاح بعدما أنهى مكالمته مع رنا، أعضاء الفريق يستمعون إلى صلاح بإمعان حتى انتهى ثم طرح على الحوافريت ذلك الاستفسار.

- هنعمل إيه دلوقتى؟؟ دا غبى وممكن يودينا كلنا فى 60 داهية.

- هو ده مش مجايك برضو يا عم صلاح.

- جرى إليه يا حوافريت!! ما كل اللي في الفريق دول مجايى هو إنت جبت حد.
- في إيه يا صلاح ما تتكلم عدل!!
- ما إنت اللي بتقول كلام غريب يا حوافريت.
- تدخل هشام سريعاً لفض ذلك النزاع الذى نشب بين الإثنين.
- خلاص يا رجاله خلونا نفكر في المصيبة دى الأول.
- المصيبة دى حلها عندى.
- قالها الحوافريت وعيناه تضيق, بعدها مباشرة تلقى اتصالاً هاتفى من لسعة, أجاب عليه هذه المرة ثم أعطاه موعداً بعد ساعة في شقة الفريق.

\*\*\*

في شقة الفريق بعد مرور ساعة واحدة.

الحوافريت يجلس وحيداً أمام لسعة الذى يبدو من خلال لغة جسده أنّ حالته في غاية السوء, قدمه لا تقف عن الاهتزاز وهو يقضم أظافره بأسنانه ويبصقها على الأرض, الحوافريت ببرود متناهى يحاول حرق ما تبقى له من أعصاب.

- خير يا لسعة عاوز إيه؟؟
- هو باقى الناس فين؟؟
- إنت مالك ومال الناس هو إنت جاى تقابلنى علشان عندك كلمتين ولا احنا عزمينك على الغدا.
- لا يا عم مش عازمينى على الغدا ولا حاجة أنا بس محتاج فلوس.
- فلوس!!!

- آه فلوس، محتاج 150 ألف جنية، أمى بتموت ومحتاجة عملية يا حوافريت.
- دا بقى على أساس إني أنا الهلال الأحمر ولا الشئون الاجتماعية.
- على أساس إننا أصحاب.
- أنا عمري ما بصاحب حد.
- بلاش صحاب على أساس الخدمة اللى قضيتها معاكم.
- كنت بتاخذ ححك كامل بعد كل عملية.
- يا حوافريت المبلغ ما يجيش نقطة فى بحر اللى إنتم سرقتموه.
- أجابة ببرود متناهى لا يخلو من السخرية.
- إحنا نسرق، تؤ تؤ تؤ، ما حصلش.
- إزاي يعنى، آمال الخطة والاتفاق مع الطابط ده كان إيه.
- دا مقلب، من مقالب رمضان بتاعتت رامت جلال.
- ما تخلينيش أجيب عالها واطمها.
- إيه ده!! إنت بتهددنى يا لسعة، ما كانش العشم، بس أنا برضو هعتبرده مقلب زى مقلب سرقة البنك اللى عملناه فيك.
- بات لسعة لا يتحمل ذلك الضغط وتلك السخرية المستمرة.
- ماشى يا حوافريت، أنا هروح وزارة الداخلية، واللى خلق الخلق لأرواح وزارة الداخلية وهقول إنك إنت والناس اللى معاك اللى سرقتم البنك بتعليمات من طارق الدسوقي.

فعل حركة بديئة بضمه بسخرية عارمة.

- تصدق مش هعرف أنام النهاردة، إنت كرجتني.

- إتقل يا حوافريت وما تخليش السكينة تسرقك، لما قضية زى دى بييجى فيها إسم ظابط مش قليلة، فى ألف قناة هتذبح الموضوع ده وحصرى كمان، دا غير بقى إن من الصدفة اللى هتخدمنى قريب الظابط اللى كان موجود فى التوقيت ده بشنطة الفلوس، وطبعًا الدنيا كلها عارفه الخلافات اللى ما بينهم، العيار اللى ما يصيبش يدوش، واللى خلق الخلق يدوش، دا غير إني هجيب لهم القديم والجديد وشغلنا كله بالأسماء.

تخلت ملامح الحوافريت عن السخرية وراحت تتشكل بتلك الملامح الجادة التى يمتزج فيها القلق مع الخوف، أردف لسعة.

- واللى خلق الخلق أنا ما كنت عاوز حاجة بس أمى عاوزة عملية وعلاج وانت عارف أمى بالنسبة ليا إيه، عمري ما كنت ههدك بس لما تيجى رقبتك ولا رقبة أمى، تبقى رقبة أمى يا حوافريت.

كلمات لسعة بدأت تنشب مخالها فى روحه، القلق بدأ يتجسد فى جحوظ عينيه، زم شفثيه وراح يبحث بداخله عن رد مناسب محاولاً أن يظهر كل هذه التغيرات التى ظهرت عليه، حاول لسعة أن يعدل دفة الحديث ويكسب الحوافريت بعدما أخبره بقوة موقفه.

- أنا مش جاي أهددك زى ما قولتلك، أمى بتموت وأنا ما ينفعش أشوفها كده واسكت، أنا جيت أطلب منك الفلوس فى الأول بصورة ودية بس إنت اللى خليتنى أوصل معاك لكده، واللى خلق الخلق إنت اللى خليتنى أوصل معاك لكدة.

ثمة ابتسامة خفيفة بدأت تشق طريقها على وجهه الجامد.

- ماشى يا لسعة بكرة تقابلنى وتاخذ فلوسك.

- موافق.

- بس عليا الحرام من ديني أى لعبة كده ولا كده هيبقى عليا وعليك وعلى أعدائى كلهم، إذا كنت إنت لسعة فأنا أبو الجنان كله.

\*\*\*

ذهب الحوافريت إلى رنا في ذلك اليوم مساءً راغبًا في مقابلتها، وقف بسيارته أمام باب المستشفى، استدعى رقمها، اتصل بها فخرجت مسرعة وركبة معه السيارة، دكتور إبراهيم يقف في نفس تلك اللحظة خلف زجاج شباك مكتبة يستنشق الهواء ليساعده على التفكير والتركيز وهو يعاتب نفسه على عقابه لرنا حينما نهرها بعدما اقتحم الغرفة ووجد ابن خالتها يُحاول الاعتداء عليها، كان يتناقش مع ذاته ليعلم هل كان مخطئًا فيما فعله معها أم لا، فجأة رأى من خلف زجاج مكتبة رنا تتجه إلى سيارة شخص غريب، ركبت السيارة بسرعة فائقة ثم انطلقت سريعًا، ذلك الموقف هو ما أثار دهشته وهو أيضًا ما أخبر به سليم أبو فرحة " رئيس المباحث المزيف "، ما يحدث أمامه الآن يُشعره وأن هناك أمرًا ما غير طبيعي يحدث مع رنا، كان دكتور إبراهيم لا يدرك أبدًا أن ذلك الشخص الذى كان ينتظر رنا في سيارته ولم يستطيع هو رؤية أى شيء فيه سوى جزءٍ من ذراعه هو الحوافريت الذى قام بعد ذلك بدور رئيس المباحث سليم أبو فرحة.

\*\*\*

## في اليوم التالي

سيارة الأجرة " الميكروباص " الخاص بـ لسعة تتوقف أمام باب الكافية الذى يطل على شارع عمومى يبدو مزدحمًا قليلًا فى النهار، نزل من السيارة متجهًا إلى الباب، أصر لسعة على أخذ المبلغ فى ذلك الكافية الذى يطل على الشارع العمومى وأصر أيضًا على أن يكون التسليم الساعة الثالثة عصرًا بحيث تكون هناك حركة سريان فى الشارع فى ذلك التوقيت لأنه لا يأمن مكر الحوافريت، رفض لسعة استلام النقود فى أى مكان آخر هادىء يخلو من المارة والسكان، دخل إلى الكافية وطلب من النادل مشروبًا باردًا

ليرتب حرارة جسده المرتفعة، ظل ينتظر حتى قطع العقرب الكبير مشوارًا لا يقل عن ثلاثين دقيقة، ارتفع رنين هاتفه الخليوي، إنه رقم غريب غير مسجل، ضغط على زر الرد.

- ألو.

- إطلع بره وعدى الشارع هتلاقيني واقف بالفلوس.

أغلق الحوافريت الهاتف ولم ينتظر حتى ردًا منه، عاود الاتصال به مرة أخرى بالرقم فوجده مغلقًا، شعر للحظة أنه فح قد نصبه الحوافريت له لكن منظر والدته المريضة كان لا يفارق عيناه، لا يهم سأخرج له مهما كان التسليم سيتم في شارع عمومي، خرج من الكافية فوجد الحوافريت يقف بعيدًا وفي يده شنطة تبدو أنها شنطة النقود، شرع في عبور الشارع فإذا بسيارة تأتي بسرعة رهيبة تصدمه ليطيير إلى أعلى ثم يسقط على الأرض، التفت حوله الناس بين مررد لا حول ولا قوة إلا بالله وبين من يسب السيارة التي يقودها صلاح بسرعة رهيبة، طلب أحدهم نقله إلى المستشفى في حين أن الحوافريت اختفى.

\*\*\*

جزء من تلك الخطة التي وضعها الحوافريت للتخلص من "لسعة" بعد إصراره المقابلة والتسليم في ذلك المكان هو حالة عدم وفاته بسيارة صلاح المسرعة بدميًا سيُنقل إلى مستشفى المدينة لذلك ذهب الحوافريت إلى هناك وأبرم اتفاقًا مع رنا كونها كائن جشع عاشق للمادة حصولها على مئة ألف جنية في حالة التخلص منه حال وصوله إلى المستشفى حتى أمّا إذا وصل ميتًا فلها نفس الأجر، معرفة كل المستشفى بأنه شخص ضمن عائلتها سيُسهل عليها المهمة في الوقت نفسه لن يشك فيها أي شخص، المبلغ بالنسبة لها كان كبيرًا يستحق المجازفة، تسلمت في مساء ذلك اليوم الذي وصل فيه لسعة إلى الرعاية، وفي يدها حقنة هواء ستضخها في عروقه لينتهي أمره في ثوانٍ معدودة، المستشفى هادئة، تأكدت في بداية الأمر أن الممرضات الموجودة في النبطشية مشغولة بتناول الطعام فهرعت إلى غرفة الرعاية، بهدوء تعمدت فيه ألا تصدر صوتًا دخلت إلى الغرفة وهي تتلفت حولها، أخرجت الحقنة من ذلك الغلاف البلاستيكي الذي يحيط بها من كل جانب، وضعت السن عند مقدمة

الحقنة ليخترق جسد " لسعة " ويضخ كمية الهواء الكافية للحصول على ذلك المبلغ، نزعَت تلك الأسلاك عن الشاشة التي تعلو سريره حتى لا تصدر صوت إنذار تنبيه حال توقف قلبه.

- معلش بقى يا لسعة ولا معلش ليه إنت أصلاً ما تساويش عندى ربع المبلغ الى اتعرض عليا فيك.

استمعت إلى وقع أقدام تتابع الخطى وتقترب من باب الغرفة، أَلقت بالحقنة أسفل الكرسي وراحت بسرعة البرق تنكب على سرير المريض، رمقها دكتور إبراهيم وهى تفعل ذلك فاعتبرها تبكى على ابن خالتها، لم ينتابه أى شك فى شئٍ آخر، وضع يده على ظهرها مهدوء فانتفضت وكأن عقرباً ساماً لدغها.

- إيه يا رنا بتعملى إيه هنا؟؟

- قاعدة جنب ابن خالتى.

حركت قدمها بشكل غير طبيعى تجاه السرير لتُزج الحقنة قليلاً بقدمها وتطمرها تحت سرير المريض، شعَرَ دكتور إبراهيم بتلك الحركة فاعتبرها كما ذكر لـ " سليم أبو فرحة " فى الاستجواب أنها مجرد حركة لا شعورية ناتجة عن التوتر الشديد، دار بينهم ذلك الحديث الذى سبق وذكره دكتور إبراهيم فى الاستجواب، حديث حاول هو فيه إقناعها بأن تترك ابن خالتها وتعود إلى البيت ولكن قبل أن تنهض وقعت عينه على شاشة التلفاز المعلقة فوق السرير، استفسر منها عن سبب تعطل الجهاز فأخبرته أنها بحاجة إلى صيانة.

خرجوا سوياً من الرعاية ولكن قبل أن يتعدوا بعيداً عن الغرفة طلبت منه رنا العودة لإحضار هاتفها الخلوى الذى سهت عنه وتركته على الكومود المجاور للسرير، أثناء عودتها وقبل وصولها إلى الغرفة ارتفع رنين هاتفها التى تطمره داخل جيب زى المستشفى التى ترتديه، إنه الحوافريت يطمئن منها على تسليم روح لسعة إلى بارئها،

تجاهلت المكالمة وخفضت صوت الهاتف، انحنت سريعاً، التقطت الحقنة من على الأرض، رشقتها في جلده وضخت الهواء في عروقه بلا هوادة، وضعت الحقنة في جيبيها ولكن قبل أن تخرج كانت على يقين بأن دكتور إبراهيم سيسألها على هاتفها الذى سمع رنينه، تذكرت هاتف لسعة الذى وضعوه في الكومود المجاور للسرير، أخذته معها وحينما خرجت سألتها الدكتور إبراهيم فأخبرته أنها كانت قد عادت لتأتى بهاتف ابن خالتها بدلاً من أن يستولى عليه أحد.

\*\*\*

فى منزلها ظلت تعبت بهاتف لسعة حتى وجدت ذلك التسجيل الصوتى للحوافيرت وهو يتحدث فيه عن سرقة البنك لكل أعضاء الفريق، ذُكر فى ذلك الحديث أيضاً اسم الظابط المتورط معهم طارق الدسوقي، لسعة لم يخبر الحوافيرت عن تلك التسجيلات فربما كان يدخرها لوقتٍ آخر.

أدركت رنا الآن لماذا دفع الحوافيرت كل هذا المبلغ للتخلص منه لكن مهلاً هو لم يخبرنى بشيء عن تلك التسجيلات، ربما فى الأساس هو لم يعلم عنها شيئاً.

\*\*\*

فى اليوم التالى ...

رنا تجلس مع الحوافيرت داخل أحد الكافيات العامة، يتحدث معها بإعجاب شديد، يشعر بسعادة عارمة تغمره حتى النخاع بعدما تخلص من "لسعة" نهائياً، يمد يده بشنطة بها صغيرة تحتوى على مائة ألف جنية بعدما استمع إلى خبر وفاة لسعة و أن القضية ستقيد ضد مجهول، أخذت منه الشنطة وهى ترمقه بذات النظرة الخبيثة التى لا تنذر بخير أبداً.

- شكراً على العربون الجميل ده يا أستاذ حوافيرت.

نظر لها الحوافريت وهو يبتسم بسخرية قبل أن يُعيد الكلمة مرة أخرى.

- عربون!!

- إخس عليا هو أنا ما قلتلكش!!

قالتها بسخرية مبالغ فيها.

- لا ما قليتليش.

- مش أنا وأنا بدعبس في موبايل لسعة الله يرحمه لقيته مسجل حوار ليك إنت وشوية ناس كده وبتكلموا على سرقة بنك.

اتسعت عيناه وكأنه لا يصدق ما تتناوله أذنه الآن، تبخرت بالكامل حالة النشوة والسعادة التي كان يشعر بها، أردفت رنا سريعًا.

- آه والله البنك اللي اتسرق من كام يوم ده في المدينة.

ابتلع الحوافريت ريقه مُصدرًا صوت مرتفع، أردفت رنا بطريقة مستفزة للغاية.

- لأ وكمان معاكم ظابط اسمه إيه يا روني، اسمه إيه يا روني، آه طارق الدسوقي.

تقلصت أحشاء الحوافريت وهو يستمع إلى كلامها، يجاهد كي لا يظهر أمامها بردود أفعال تترجم حالة التوتر التي يشعر بها فقط ابتلع تلك الحالة التي تعتربه دون صوت لكن عينه التي امتلأت بالارتباك جعلت كل شيء واضح أمامها.

- عاوزه إيه يا رنا.

- مليون جنية.

- كام!!

- مليون جنينة, خدت منهم 100 ألف عربون يا حوافریتی, والباقي في أقل من أسبوع يبقى عندي.

- بس دا خيانة للأتفاق اللي كان بنا .

- الجميع يخون الجميع يا عزيزي .

مسحت بيدها على رأسه الصلعاء.

- مستنية ردك عليا يا عنيا, ونصيحة بلاش تلعب مع رنا وأظن لسعة الله يرحمه كان مديكم ال C.V بتاعى, بالإضافة بقى إن التسليم هيبقى على أرضى وسط جمهورى يا حوافریت.

\*\*\*

حينما حل مساء تلك الليلة السوداء الخالية سمائها من أى قمر مُنير, كان الحوافریت يجلس في الكهف الذى بات وكراً لهم, التف أفراد الفريق حول طارق الدسوقى الذى انفعلت كل خلية وذرة في كيانه حينما قَصَّ عليه الحوافریت ما حدث منذُ سرقة البنك, بلهجة جادة ظهرت فيها شراسة قوته الحالية.

- إنت بتستهيل, إنت بعد ما خربتھا جاى تقولى الحقنى, إنت كل تصرفاتك غلط في غلط.

- يا سلام والمفروض بقى كنت أعمل إيه يا طارق باشا؟؟

- كنت إيدله الفلوس اللي هو عاوزھا وخليه يغور في 60 ألف داهية.

- وهو بقى بالسناجة دى, هياخد الفلوس وهيسكت, إذا كان ما جابليش سيرة التسجيلات اللي معاه يبقى كانت الفلوس اللي طلبها دى مجرد مرحلة أولى وبعد كده اللعب هيشغل.

- برضو إنت اتصرفت بغباء.

- طارق باشا بلاش الله يباركك، إحنا كلنا في مركب واحدة.
- لا يا حبيبي كنا في مركب واحدة، ووصلنا المينا سوا، إنتم بقى اتشاقيتو، شيلوا بقى.
- شيلوا بقى!!
- أه شيلوا يا حوافريت علشان تبقى تستنصح تاني.
- ماشى يا طارق باشا يا دسوقي، والمركب الواحدة اللي كنا فيها دى كانت علشان مين مش علشانك إنت، مش إنت اللي سرقتنا البنك علشان، علشان ننتقم من قريبك الفرماوى، جاى دلوقتى وتقولنا شيلوا.
- بقوك إيه يا حوافريت، جو الصعبانيات ده مش هياكل معايا، إنت اللي عملت كده فى نفسك وإنت برضو اللي هتخلص نفسك.
- كان يتحدث بتحدى وكأنه مُصِرّ على خلق جو عدائى رهيب.
- أنا كنت بأتب ضميرى على اللي عملته معاك بس واضح كده إنى كان عندى حق.
- أخرج هاتفه الخلوى ووضعها على فَمِه وردد بصوتٍ عالٍ.
- طارق باشا دسوقي اللي شغال رائد فى القسم خد فلوسه من سرقة البنك وخلع.
- فَمِه طارق أن الحوافريت كان يُسجل حديثهم معًا.
- إنت بتسجلى يا حوافريت.
- وغلاوتك دى ما أول مرة، كل كلامنا متسجل.

ضغط على زر التشغيل فاستمع إلى الحديث الذي دار بينهم أثناء الاتفاق على سرقة البنك, غلى الدم في عروقه وانتفض من مكانه ليضرب الحوافريت ولكنه فوجئ بكل أعضاء الفريق يوجهون تجاهه فوهات السلاح الناري, الحوافريت ينظر له مصعوقاً.

- عاوز تضربيني يا طارق, هي غلطة بس أنا هعذرك ولوإنها حركة فيها قلة أصل ونكران جميل للى عملته معاك زمان ودلوقتى ولكن واضح إنك متربى على كده, عموماً مش مهم دى تربيتك وإنك حرقها, إنما اللى مش حرفيه بقى هو الموضوع اللى إنت من الأول دبستنا فيه, ما ينفعش يا باشا تيجى فى نص اللعبة وتقول مش لاعب علشان إحنا المفروض إننا بنلعب مع رتبة كبيرة مش مع عيل صغير, استهدى بالله كده واقعد علشان نفكر بهدوء.

هدأ طارق وجلس بهدوء على مقعده مرة أخرى, ملامح وجهه بدأت تتوتر وهو يستمع إلى تهديدات الحوافريت الباردة التى يتعمد فيها الضغط على ما تبقى له من أعصاب, علاوة على أنه يعلم جيداً قدرات الحوافريت التخيطية للإيقاع بالخصم.

- طارق أنا مش هقع لوحدى, عاوزين حل.

- هي عاوزه كام؟؟

- مليون جنية.

- تخدهم ونخلص.

- يا سلام, دا إيه الحل الجامد ده, طب ما أنا كنت قادر اعمل كده بس مش هنخلص, اللى زى رنا دى كلبة فلوس وهتفضل تنتنط بالتسجيل اللى معاها.

- طب ناوى على إيه؟؟

- هخلص منها.

هنا انفعل طارق ثانية.

- إنت إيه يا عم, خلاص بقيت قتال قتلة.

- عندك حل تانى قوله ما عندكش يبقى تسمعنى.

زفر طارق بقوة.

- وهتخلص منها إزاي يا عم البلطجى؟؟

- الست هانم لسه قافلة معايا من شوية بتسألنى جهزت الفلوس ولا لأ, طبعًا قتلها أه, قالتلى التسليم هيبقى يوم الخميس اللى جاى علشان هى هتبقى نبطشية فى المستشفى, طبعًا هى وخدانى المستشفى علشان ما أعرفش أُعذب بيها زى ما غدرت بـ " لسعة " بس أنا هعمل اللى هى مش متوقعاه وهغدر بيها هناك لأن هى أكيد عاملة حسابها إن محدش يشوفها وهى بتستلم الفلوس, اللى زى رنا دى ذكية جدا وأكيد حاسبه كل خطوة بتعملها ليه وازاي؟؟

- ولو طلع فح يا فالح.

- كده كده إحنا تحت ضررنا فميش فارقة, اللى أنا بعمله ده مجرد محاولة يمكن ننقذ بيها نفسنا, بعدين كلاب الفلوس مش بيفكروا غير فى الفلوس, هى اللى بهمها المبلغ اللى هيتدفع, لو فكرت تبلغ عنا وتاخذ 10% من المبلغ مش هياكل معاها, احنا نكسب بالنسبة لهما.

- عمومًا الخميس ميعاد كويس.

- اشمعنى؟؟

- فى مليونية يوم الجمعة وتقريبًا كل القوة بتاعت القسم هتبقى مسحوبة فى التحرير وأنا اللى هبقى نبطشى فى القسم.

- زى الفل, ده هيساعدنا كثير.

\*\*\*

الخميس 2011/6/6

يوم الجريمة.

بدأت أحداث اليوم كما ذكرتها يارا لسليم أبو فرحة في الاستجواب من قبل.

رنا داخل غرفة استراحة الممرضات في بداية النهار، نتحدث مع يارا عن النبطشية اليوم، سألتها عن الدكتور النبطشى "وهى على علم بذلك" ثم أخبرتها لا شعوريًا بأنها ليست لديها وقت لتشاكسه، فلما أعادت عليها طرح السؤال تلاعبت بها رنا وذكرت أسباب أخرى وحاولت تغيير الموضوع بدهاء شديد، تركتها بعد ذلك وانصرفت محذرة إياها بعدم شراء الطعام اليوم فقد أحضرت معها طعام للجميع.

بعد مرور ساعة تقريبًا تسللت إلى غرفة الكشف الخاصة بالدكتور عصمت، فتحت حقيبته الخاصة فوجدت أغراضه، بحثت فيها حتى وجدت هاتفه الخليوى والكوب الخاص به، أخذتهم من الشنطة ووضعهم في ذلك الكيس الأسود الذى كان بحوزتها لتداعبه وتلاعب بأعصابه كما كلفها دكتور إبراهيم، خرجت من غرفة الكشف فوجدت يارا في طريقها إلى المعمل لتسليم العينات، استدعتها وبأسلوب بدت فيه كمريضة نفسية أخبرتها أنها سرقت تلك الأغراض الخاصة به من حقيبته الخاصة لتداعبه ثم صار بينهم ذلك الحديث الذى سبق ورؤته يارا مع سليم فى الاستجواب.

\*\*\*

بعد مرور ساعة أخرى وقبل أن تبدأ النبطشية اتصلت رنا بـ "أم هانى" المسئولة عن التنظيف فى الفترة المسائية، طلبت منها إحضار ثلاثة علب "كشرى" معها وهى قادمة إلى المستشفى وشددت عليها ألا تنسى مقابل ذلك ستجعلها تذهب إلى بيتها فى بداية الوردية، أسلوب إغراء لتشجيعها كي لا تنسى أن تبتاع الطعام وفى الوقت ذاته تفسح المجال لنفسها لمقابلة الحوافريت اليوم.

- بصى يا ستي، الساعة سبعة بالدقيقة تدخل على عليه أنا ويارا وتقولى إن ابنك عيان ولازم تروحي وأنا هروحك.

- بس النهاردة الدكتور عصمت.

- مالكيش فيه، المهم تقلى وشك واللى يكلمك تقوليله هروح يعنى هروح.

\*\*\*

الساعة السابعة.

رنا تتحدث إلى الحوافريت عبر الهاتف الخلوى أمام غرفة النبطشية الخاصة بالممرضات.

- أيوا يا حوافريت، تعالى على الساعة 9 كده أكون ظبطت حالي والدنيا هنا، تعالى عند الباب ورنلى، إوعى تدخل قبل ما تاخذ منى الإشارة، حوافريت ودينى لو فكرت تغدربيا لأندمك على كل حاجة، ماشى.

فى نفس تلك اللحظة خرج دكتور عصمت ذاهباً إلى الحمام فوجدها تقف أمام غرفة النبطشية تتحدث فى هاتفها الخلوى وهذا ما رَوَاه إلى سليم أبو فرحة أثناء الاستجواب، سدد لها نظرة بطرف عينه وذهب إلى الحمام، رنا كانت مستمرة فى الحديث مع الحوافريت حتى ظهرت أم هانى كما اتفقت معها رنا، قطعت كلامها فى الهاتف وقالت لها بنبرة عاجلة.

- خشى يا أم هانى على يارا وأنا جاية وراكى.

بمجرد أن دخلت أم هانى على يارا التى كانت تأكل الكشرى بهم هرعت رنا بعدما أغلقت الهاتف إلى غرفة النبطشية الخاصة بالدكتور عصمت، وجدت كوب الكافيين الذى أعده، أخرجت من جيبيها أنبوبة وراحت تقطر منها نقاط معدودة، أغلقت الأنبوبة وأخذت مفتاح الغرفة الموجود على الكومود وهرعت إلى غرفة النبطشية.

اقتحمت الغرفة وهي تستمع إلى يارا تُخبر أم هانى بأنها سوف تستأذن الشخص القريب من المدير.

- والقريبة من المدير بتقولك روى يا أم هانى أمّا إنتِ بقى يا سوسة فحسابك معايا بعدين.

ثم اكتمل الحديث كما روته يارا مع سليم أثناء الاستجواب.

\*\*\*

هبطت أم هانى إلى أسفل ثم حدث بينها وبين حسن ذلك الحديث الذى سرّده حسن إلى سليم أبو فرحة فى الاستجواب، من بعيد كانت رنا تتابع ذلك الحوار الذى نشب بينهم وفى يدها علبة كشرى فتحتها ووضعت بداخلها بعض القطرات من زجاجة شفافة كما فعلت من قبل مع تلك العلبة التى أعطتها إلى يارا، هبطت درجات السلم فور خروج " أم هانى "، اقتربت من حسن وعينها تعطيها طابع النمر الذى يحاول أن يظهر بصورة حسنة لا تتماشى مع طابعه الشرس، استعارت نبرة تلك الفتاة التى تقف دائماً أمامك وتحاول إقناعك بشراء ذلك العطر الجديد.

- فى إيه يا حسن، بتخانق دبان وشك ليه؟؟

صار بينهم ذلك الحديث الذى انتهى بأعطائه علبة الكشرى قبل أن تنصرف مُنذرة إياه بعدم التصير فى شىء أعطته هى إياه.

تركته وصعدت درجات السلم وهى تستحضر رقم وائل خطيب يارا بعدما سرّفته من هاتفها فور علمها بذلك الخصام الذى وقع بينهم، عراك انتهى بغلق كلاً منهما الهاتف فى وجه الآخر، هانفتهُ بحجة فض النزاع بينه وبين صديقة عمرها.

- يا وائل يارا منهارة من أول اليوم ومقصر فيها أوى إنك بقالك يومين ما كلمتهاش.. عارفة إنها هى اللى غلطت والمفروض تاخذ على دماغها بس معلش إنت الرجل يا وائل، إنت اللى تستحمل .. إتفضل تعالى خدها دلوقتى وروحوا اسهروا بره سهرة حلوة وما تزعلهاش دى بتحبك.. مالكش دعوة بالنبطشية أنا مظبطة كل حاجة..

وائل إوعى تقولها إنى أنا اللى كلمتك.. قولها إنت كلمتى.. يا سيدى مش هتغلب خدته من أى حته مش فارقة.. يلا ما تتأخرش بس.

نجحت خطتها الأولى وأصبحت ليست بحاجة إلى استخدام الخطة البديلة ( B ) فى حالة عدم موافقة وائل للتخلص من يارا وزحزحتها بعيدًا عن المستشفى وعن طريقها ليخلو المكان لها لاستلام المليون جنية.

بعد نصف ساعة.

استمعت هى ويارا إلى الكلاكسات العشوائية ثم صار بينهم ذلك الحديث الذى قصته على سليم أبو فرحة فى الاستجواب، هبطت رنا إلى وائل بعدما أقنعت يارا بتغيير ملابسها وترك المستشفى والوردية كلها فى الحال، تقابلت مع وائل بعدما نهرت حسن وجعلته ينقشع من أمامها، انحنى عليه واقتربت من أذنه.

- إوعى تقولها يا وائل لحسن أزعل منك، إنت اللى اتصلت وطلبت منى ده.

حضرت يارا فأخذها وائل وانطلق بالسيارة، تأكدت رنا من أن حسن أكل علبه الكشرى ثم صعدت إلى أعلى، الدور العلوى خالى تمامًا من أى شخص سوى الدكتور عصمت الذى يغط فى النوم بسبب ذلك المنوم الذى وضعته هى له فى كوب الكافيين.

أحكمت غلق باب غرفته بذلك المفتاح الذى سرقته من على الكومود، وضعته فى درج الكومود المجاور لسريرها فى غرفة النبطشية الخاصة بالمرضات، أخرجت هاتفها الخلوى بعد مرور ربع ساعة وهاتفت الحوافريت، طلبت منه أن يظل بالقرب من باب المستشفى وحينما تعطى الإشارة يدخل ويصعد للدور الثانى.

- أول ما أرنلك تدخل على طول.. لأ مش هتلاقى حد فى طريقك... لأ يا حبيبى دى شغلتي وخطى بقى... المهم إنجز قبل ما حد يشوفك.

\*\*\*

بالقرب من باب المستشفى يقف الحوافريت بصحبة صلاح, يرتدون قبعات سوداء كُتِبَ عليها باللون الأصفر كلمة "vip", الحوافريت يحمل في يديه شنطة سمسونايت, من بعيد يأتي عمرو ذلك الطفل الصغير الذى يبيع الجرائد, لمح الحوافريت وصلاح ولكن لم يستطيع تحديد ملامحهم بسبب ضعف الإضاءة, من زاوية أخرى يجلس سليمان خلف شجرة بالقرب من الباب يتابع الحوافريت وصلاح بعين باتت مستيقظة.

لم تمر دقائق حتى استقبل هاتف الحوافريت اتصالاً, هرع هو وصلاح إلى الداخل, ركّضًا على السلم الداخلى وصعدوا إلى الدور الثانى, أخذتهم رنا إلى غرفة النبطشية الخاصة بالمرضات, رنا أحضرت كرسي وجلست أمام الحوافريت وصلاح الجالسين على سرير النبطشية, تنظر إلى الشنطة السمسونايت التى بالتاكيد هى شنطة النقود بشغف شديد, بأسلوب رصين يُجسد مدى ثقتهما بنفسها.

- كنت عارفة إنك عاقل وهتجيب الفلوس وتيجي.
- طبعًا عاقل هو أنا معقول أجازف بنفسى مع واحدة عميقة زيك.
- ولو إن حاسه إنها تريقة بس هعمل نفسى مش واخدة بالى, جيبت المليون جنية.
- لأ.
- احتدت قسمات وجهها وبدت أكثر شراسة.
- وبعدين بقى, أنا ما بحبش اللف والدوران.
- أنا أقصد مليون جنية ناقصين المية ألف جنية اللى خدتهم منى عربون.
- ابتسمت ابتسامه باهتة وكأنها تُخبره أنّ دمه بات لزوجًا أكثر من اللازم.

- هات الفلوس يا خفيف الظل.

مدت يدها لتلتقط الشنطة فأبعد يدها بسرعة.

- لما اشوف التسجيل الأول يا عميقة.

- حقك.

أخرجت الهاتف الخلوى الخاص بـ "لسعة" أشهرته في وجه الحوافريت.

- موبايل لسعة أهو.

مدّ يده ليأخذه فأبعدته وهى تصدر صوت من فهما بالنفى.

- لا يا بيبى, ممنوع الاقتراب أو اللمس لحد ما اخذ الفلوس.

- طب وأنا أضمن منين إنك ما معاكش نسخة ثانية.

- مفيش حاجة تضمنلك, الحاجة الوحيدة اللى تضمنلك هى كلمتى ومفيش قدامك غير إنك تصدقنى.

- ماشى يا رنا هصدقك بس يا ويلك لو فكرتى تلعبى بيا.

لمح الحوافريت كوب وهاتف خلوى على سطح الكومود المجاور للسرير.

- ها فين الفلوس؟؟

وضع الحوافريت الشنطة على السرير, فك الأقفال التى تحكمها ثم طلب منها أن تفتحها, نظرت فى عينه التى يملأها الغدر والمكر الشديد, فضلت أن تعطى له تهديدًا صريحًا لثُرب به أعصابه وتُذكره بألا يفعل شيئًا غبيًا تجاهها.

- ودينى لو فى لعبة كده ولا كده هى صريخة واحدة وكلنا هنروح فى داهية, إحنا

بيننا وبين دكتور غبى ما بيتفاهمش حيطة, هو نايم فى الأوضة اللى جنبى.

ابتسم الحوافريت ابتسامة صفراء ولم يُجِب، أخرجت هاتفها الخليوي وأمسكته في يدها، اقتربت من الشنطة فتحتمها ببطء من يخاف أن يتفجر شيء في وجهه، نظرت بداخلها فانقض الحوافريت عليها، اعتصر رقبتها بعدما ألقاها على السرير ثم جثا فوقها، ظل يعتصر رقبتها بقوة ليمنع عبور الأكسجين إلى رثتها، يدها ضغطت بالخطأ على الاتصال السريع بالدكتور إبراهيم الذي يجلس الآن في صالة شقته يقرأ في الجرنال مقال عن سرقة البنك الذي يقع في المدينة ولا يدري أن سارق البنك هو قاتل رنا هو نفسه من سيحقق معه غدًا في الجريمة!!!، رن هاتفه الخليوي ثم نشب ذلك الشجار الذي حدث بينه وبين زوجته في الوقت الذي التقطت فيه عين صلاح الاتصال فهرع إليها وأخذ منها الهاتف وأغلق الاتصال في الوقت الذي دخل فيه دكتور إبراهيم إلى غرفته ليعاود الاتصال بها فوجد أن هاتفها مغلق!!

فشلت كل محاولات الأكسجين في الوصول إلى رئة رنا في الوقت الذي بدأت هي فيه بالمقاومة الأخيرة أو ما يسمى برقصة الموت، تضرب بقدمها الكومود فيسقط الكوب متهشمًا وكذلك الهاتف الخليوي أيضًا، خارج الغرفة يقف عمرو يستعد للدخول، أراد أن يفاجئ رنا فأخرج هاتفه الخليوي الجديد وقام بفتح تسجيل الفيديو وفتح الباب وهو يقول "رنا وحشتيني يا مزة المستشفى كلها" تفاجأ بهول ذلك المشهد الذي كان يملأ عدسة كاميرته، صلاح يقف بجوار السرير والحوافريت يجثو على صدر رنا، يعتصر رقبتها بقوة أدت إلى بروز عروق ساعديه، وقد سقط الكاب من على رأسه ليكشف عن تلك الصلعة اللامعة وعن وجهه الذي بات واضحًا في الفيديو وضوح الشمس في كبد السماء، صرخ في وجه صلاح أن يلحق بذلك الصبي الصغير فورًا.

هنا انطلق صلاح خلفه كالرصاصة بعدما استنشق كمية كبيرة من الهواء ملأها صدره قبل أن يركض في اتجاه السلم الداخلي، عمرو يهبط درجات السلم بسرعة فائقة جعلت قدمه تفقد اتصاليها بالجاذبية بالكاد تمس الأرض، صلاح خلفه يحاول أن يمسك به، أطفأ قابس النور قبل أن يهبط درجات السلم فتحول الرواق إلى كتلة من الظلام، بمجرد أن وصل عمرو إلى الكاونتر الخشبي دفعه على الأرض فسقط مصدرًا

صوت ارتطامه بالأرض، ذلك يفسر صوت الارتطام الذى سَمِعَهُ حسن وهو داخل الحمام، كل الأشياء التى كانت على سطح الكاونتر تبعثرت على الأرض بشكل يُنمُّ عن فوضى عارمة، حاول صلاح أن يتفادى الكاونتر ويقفز من فوقه ولكن تعرقلت قدمه وسقط على الأرض مُصدراً تأوُّهاً بصوتٍ غليظ، ذلك يفسر صوت التأوُّه الصادر من حنجرة الرجل البالغ الذى سَمِعَهَا حسن وهو داخل الحمام، الجرائد والمجلات التى كانت يحملها عمرو سقطت على الأرض وكذلك الكاب الذى كان يرتديه صلاح، الذى نهض سريعاً واستمر فى الركض خلفه وسها عن انتشار ذلك الكاب الذى وجده حسن فيما بعد.

خرج حسن مسرعاً ليجد الاستقبال فى تلك الحالة التى وصفها إلى سليم فى الاستجواب.

### فى غرفة النبطشية.

الحوافيرت يُلملم تلك الأوراق التى سقطت على الأرض حينما انقلبت الشنطة السمسونيات وتطايرت الأوراق التى بها فى كل ركن فى الغرفة، استمع إلى وقع أقدام تتابع الخطى قادمة فى اتجاه الغرفة، حسن أضاء قابس الرواق فأغلق الحوافيرت الباب مُصدراً صوت الارتطام بحلقه الخشبي، تقدم حسن ببطء وهو يهمس بصوتٍ خافت "رنا، رنا"، يطرق طرقات خفيفة على الباب، يهدوء أحكم الحوافيرت غلق الباب، ويهدوء أيضاً أخرج قناع فاندتا الذى كان بحوزته فى الشنطة، ارتداه على وجهه، الحوافيرت كان بحوزته قناعين ليستتر هو وصلاح خلفهم فى حالة ظهور أى شخص.

استمع إلى حسن وهو يُخبرنا بأنه ذاهب ليُوقظ دكتور عصمت لأن الأمربات غامضاً، هنا انتفض الحوافيرت وبات فى وضعٍ سيء، وجد بجوار الباب عصا خشبية رفيعة، أخذها، فتح الباب ببطء، استمع حسن إلى صوت صريره فعاد متسائلاً عن رنا، بمجرد أن اقترب وقع أقدامه من الباب خرج الحوافيرت وضربه على رأسه بقوة جعلت العصا تنقسم إلى نصفين، تشوشت رؤيته بعدما اتخذت الدماء من رأسه إلى ياقة

قميصه ورقبته مسازًا لها، افتترش جسده الأرض، فانهاال الحوافريت عليه بالركلات العشوائية ثم بمجرد أن توقف التقط نصف العصا وهوى بها على رأسه فأغشى عليه وركض الحوافريت إلى خارج المستشفى.

\*\*\*

حالة من التوتر الشديد تضرب المكان بشكل غير طبيعي، جميع أفراد الفريق في حالة من الاضطراب غير مسبوقة، اضطراب أبرز ملامح الخوف على وجههم، ما حدث جعل كل الخيالات السوداء تتجمع في رؤسهم، صلاح يفرك يديه على بعضهما البعض وكأنه يشعر بنوبة برد قارس، حالة التوتر ظلت تُصليه عرقًا على عرق، عقله الباطن يُخيل له أنهم يساقون إلى حبل المشنقة واحدًا تلو الآخر، بصوتٍ هُلوع سأل صلاح الحوافريت المُنكَبَ برأسه على كفيه يبحث عن حل للخروج من تلك المصيبة التي باتوا ضلعًا من أضلاعها.

- الحل إيه يا حوافريت، ولا خلاص سافرنا كده كلنا.
- نظرله بوجه شخص يحاول أن يظل متماسكًا إلى اللحظة الأخيرة.
- أنا عندي خطة بس محتاج فيها مساعدة طارق الدسوقي.
- بنبرة صوت واجسة متوجسة قال صلاح.
- الله يخربيت طارق زفت دسوقي، من يوم ما ظهر في حياتنا وهي متشقلبة.
- ما عنديش حل غيره يا صلاح.
- وإيه الحل ده يا حوافريت إن شاء الله.

طلب منه الحوافيرت أن يقف عن الزنّ ويستمع إلى الخطة وهو يشرحها إلى طارق في الهاتف، اتصل به وأخبره بما حدث، انهار طارق وظل يوتّخه بنبرة صوت من هو على شفا خسارة كل شيء، انفجر فيه الحوافيرت وأخبره أنهم ليس لديهم متسع من الوقت، أخبره أيضًا بنبرة صوت جامدة أن لديه خطة ربما تكون طوق النجاة الوحيد ولكن يريد فيها مساعدته.

شرح الحوافيرت الخطة إلى طارق الذي بدا منه بعض السباب حينما سمعها لكنه وافق مع الضغط الشديد الذي مارسه الحوافيرت عليه خاصة حينما جسّد له ذلك المصير الأسود الذي ينتظره في حالة عدم موافقته فالموقف بات صعبًا وطارق لا يملك رفاهية القبول أو الرفض، ذلك كان رد الحوافيرت قبل أن ينهى المكالمة ليجد كل أفراد الفريق ينظرون إليه بوجوه غير مستوعبة وقد تدلت أفواههم بغباء واضح بعدما تناولت أذنه ما ينوى الحوافيرت فعله.

تحدث إليهم وكأنه قائد حرب قد أوشكت معركته على البدء.

- هو ده الحل اللي قدامنا يا إمّا نسترجل ونعمل اللي علينا يا إمّا كلنا كده هنبقى في خبر كان.

- بس يا حوافيرت ده....

قاطععه بغضب جامح.

- مش عاوز حد يقاطعني، مفيش عندنا وقت للمناقشة، أنا مرتب كل حاجة من ساعة ما العيل ابن.... ده صورني وجري.

التقط انفاسه ثم بدأ يشرح خطته بتمرس.

- من واقع كلية الحقوق اللي درست فيها أن أي حد هيبليج النجدة بتحولوه على القسم الواقع في دايرة البلاغ أو بتلقى هي البلاغ وبتبلغه هي للقسم، في كل الحالات أكبر راس في القسم النهاردة وبكرة تبعنا وده بسبب المليونية بتاعة بكرة، طارق

الدسوقي هيستلم البلاغ وهيبعلنا إحنا علشان نتحرك ونروح على المستشفى، القوة بتاعتنا هنتقسم على ثلاثة شرايح، الشريحة الأولى هتبقى رجال المعمل الجنائى أو البحث الجنائى ودول هيكونوا هشام وعلى، دول أول ناس هتوصل تقريبًا بعد البلاغ بربع ساعة، كل المطلوب منكم إنكم تمسحوا أى بصمات أو أدلة خاصة بينا يعنى حاجة وقعت مننا كده وما خدناش بالناس منها، يعنى بالعربي مسح أى أثر لينا هناك، على فكرة أنا كنت لابس جوانتى أنا وصلاح بس الإجراء ده هيبقى احتياطي طبعا ده فى المقام الأول وفى المقام الثانى علشان نُحِبُّك الدور صح ونقنع الناس إننا قوة شرطة فعلاً.

وأما براءوسهم دون نقاش وكأن حالة الذعر التى يشعرون بها لَجَمَت أفواههم عن الكلام

- صلاح هيبقى بيمثل الشريحة الثانية وكيل نيابة، كل المطلوب منك هو إنك تعالين مسرح الجريمة وتأمربنقل الجثة للطب الشرعى، عاوز واحد ابن ناس فى نفسه وفى تعاملاته ويتكلم من حته فى ثقة بالنفس عالية أوى، ثقتك فى نفسك هى اللى هتخلى الكل يثق فيك، كلامك يبقى ثقيل وموزون، عاوز كل كلمة ليا معنى ولها هدف ورايحة فى مكانها.

- بس أنا مش هقدريا حوافريت.

صرخ فى وجهه.

- مفيش حاجة اسمها مش هقدر، اللى أقول عليه تقول حاضر وبس.

أخرسه ذلك الهجوم الشرس المفاجئ، أردف الحوافريت.

- عبد المتجلى هيبقى أمين شرطة، مباحث طبعا علشان صعب نلاقي زى شرطة فى يوم وليلة، هتاخذ الجثة على إنك هتسلمها للطب الشرعى وتاويها بمعرفتك مش عاوز الجن الأزرق يعرف عنها حاجة، إنت حافظ الجبل كويس وزى ما لقيت الوكر اللى إحنا فيه ده هتعرف إزاي تخفيها.

- ما همكش، إعتبره حصل.

تدخل صلاح في الحوار سريعاً.

- يا سلام على البساطة، وهو أمين الشرطة بياخذ الجثة على كتفه ويطلع بها على الطب الشرعى.

- لأطبعاً بيبقى عن طريق سيارة إسعاف ومُسْعِف.

- حلو هتجيهم منين بقى يا حوافريت دول.

- من المستشفى يا صلاح.

- !!!!

- النهاردة وأنا في المستشفى لمحت عربية إسعاف هناك طبعاً بكل حال من الأحوال السواق مش هيبقى هناك لأن بكرة الجمعة هعمل مشكلة وهخلى عبد المتجلى الى هيبقى طبعاً ليه إسم تانى هو الى ياخذ عربية الإسعاف ويمشى، ولو حتى السواق كان موجود علشان عارف إنك هتسأل السؤال ده يا صلاح هتلكك بحجة إنه ما ينفعش يسبب مسرح الجريمة لأنى هبقى الشريحة الثالثة رئيس المباحث، وبالنسبة للجرائم اللى زى دى، رئيس المباحث بيبقى الفرود بتاع الأحداث، المهم يا عبد المتجلى زى ما قولتلك مش عاوز حد يعرف للجثة طريق.

- هتاويها يا حوافريت وغلاوتك.

قالها بتلك اللهجة الصعيدية القوية التى تنم عن قوته وصلابته.

- باختفاء الجثة ببقى مفيش جريمة أصلاً حتى ولو فى شهود اللى هما هيختفوا.

نظر الجميع إلى بعضهم البعض فى بلاهة.

- أَمَّا يَاسر بَقى فِده هِيسوق عَرَبية البوكس اللى هيجيبها هشام دلوقتى، ولا صعب عليك.

بتردد أجابه هشام.

- لَأَمْشِ صعب أنا العيال اللى معايا حطوا إيديهم على كذا عربية من مقلب العربيات اللى على أول المدينة وقت الانفلات الأمنى وانسحاب الشرطة وكان منهم عربيات شرطة بوكس، بس يا حوافريت إحنا لو اتقفشنا مش هنشوف النور تانى.

- ولو قعدنا حطينا إيدينا على خدنا هنتعدم كلنا، إحنا بنعمل محاولة وفرصة للنجاة.

لا أحد يُجيب الكل تحت تأثير صدمة ما سَمِع، أردف الحوافريت إلى هشام.

- عاوزين كمان عربية نعملها لوكيل النيابة.

- سهلة برضو.

- تمام أوى.

حوَّل وجهه شطر "على" مُزور الفريق.

- على، عاوزك تعملى ورقة نلزعها على إزاز العربية، ورقة فيها شعار النيابة العامة.

أجاب هشام بصوت مرتجف.

- أنا كنت عامل التصميم من فترة على اللاب علشان لو حبيننا نبيع عربية ونقول إن صاحبها كان مشتريها من حد شغال فى النيابة، يعنى اللى إنت عاوزه ده يادوب واقف على الطبع.

- زى الفل، مصطفى إنت اسمك هيبقى راضى وهتبقى أمين شرطة مباحث.

- حاضر ولو إني مش مقتنع.

- مش مهم تقتنع المهم تعمل اللي بقولك عليه وبس.

أوما برأسه في استسلام تام بوجه بادى عليه عدم الرضا، أردف الحوافريت.

- أنا بقى هبقى رئيس مباحث غنت وهعرف أعمل الدور وأسبكه صح، دور هتتعجن فيه موهبة التمثيل مع دراسة القانون اللي خلاني أدرسها التنسيق بالعافية في كلية الحقوق، هشوف من خلال استجواب سريع كده الناس اللي في المستشفى تعرف حاجة عن الموضوع ده ولا لأ، وأى حد عارف أى حاجة عننا أو عن الاتفاق اللي بيننا وبين رنا هقبض عليه ونخلص منه بمعرفتنا، أنا عاوز ما يبقاش في أثر لينا خالص، عاوز أعمل جريمة كاملة فعلاً.

نظر إلى مصطفى ثم أردف.

- مصطفى معاك كام ساعة بس، عاوز أبص في وشوش الناس دى ما أعرفهاش.

أوما برأسه قبل أن يسأله صلاح بجسده.

- والواد اللي صورنا يا فالج، كل ده وما جتس سيرته.

- الواد ده هيعمل حاجة من اتنين يا إمّا هبروح على القسم يبلغ وفي الحالة دى طارق هيستقبله وهيعمل معاه الواجب لأنه عنده خلفية بالموضوع يا إمّا هيجي الصبح المستشفى علشان يسلم الفيديو ده للظابط اللي بيحقق في اللي حصل وفي الحالة دى هنقبض عليه ونجيبو هنا ونشبعه ضرب وتعرفوا منه الفيديو ده حد تانى شافه ولا لأ.

- ولو ما عملش لا ده ولا ده، عمل تصرف تالت إحنا مش متوقعينه؟

- ساعتها يحلها ألف حلال، هنتصرف، لما نبقى فى قلب الحدث هنعرف نتصرف إنما هنتقعد نقول لو لومش هنعمل حاجة، وخلي بالك يا صلاح إحنا كده كده رايعين فى داهية يعنى دى للمرة الألف مجرد محاولة للنجاة.

- طب ما نهرب يا حوافريت.

- ما ينفعش يا مصطفى، الفيديو هيوصل للشرطة وهيجيبونا حتى ولو تحت سابع أرض، طارق هيلاقى اللى يقف جنبه واللى يقول إن التسجيل ده تركيب على الرغم من إنه حقيقى، بس طارق ليه ظهر إنما إحنا لأ، والبلد هنا اللى مالوش ظهر ما بياخدش غير على وشه.

- تفتكر اللى إحنا هنعمله ده هينجح يا حوافريت؟؟!!

- هينجح يا مصطفى، والناس هتصدقنا لو احنا وثقنا فى نفسنا وصدقنا نفسنا، الواثق فى نفسه دائماً يقود الآخرين، وعلشان نثق فى نفسنا لازم ما نخافش، كنت مرة بمثل مسرحية فى الجامعة وأنا فى كلية الحقوق، وكنت بقول جملة لسه معلقة فى دماغى لحد النهاردة، لا تأتى الثقة بالنفس من خلال كونك على حق، بل تأتى من خلال كونك غير خائف.

نظر الجميع إلى بعضهم البعض ثم أردف الحوافريت.

- عارف إنت لما بتدخل السينما وتتفرج على فيلم رعب بتلاقي نفسك خايف ومرعوب لما بتروح البيت وبتتفرج على نفس الفيلم بتقول إيه الهبل اللى كنت أنا فيه ده، معقول أنا كنت خايف من الفيلم ده، عارف إيه اللى عمل كده فيك، جو السينما من الصوت والإضاءة دخلك جو الفيلم أوى لدرجة إنك صدقته، تخيل بقى لو شوفت نفس الفيلم 3D هتصدقته أكثر، كل ما تدخل جوه الحدث أكثر كل ما تصدقه أكثر، إحنا بقى المطلوب مننا إننا نعمل للناس دى جو السينما علشان يصدقوا إننا فعلاً شرطة.

\*\*\*

في نفس ذلك التوقيت داخل القسم.

طارق استدعى أحد المحجوزين إلى مكتبة ثم طلب من العسكري أن يغلق الباب ولا يُدخل أحدًا مهما كان، جلس ذلك المحتجز الذي يدعى "فار" على الكرسي المواجه للمكتب، ظل ينظر إلى طارق الدسوقي البادئ عليه التوتر.

- إسمع يا ض يا فار، أنا عاوز منك خدمة.

- إنت تؤمرني يا طارق باشا.

- أنا عارف إنك كنت شغال في السنترال قبل ما تتفصل، عاوزك بقى زى الشاطر كده تقطع الإتصالات عن كل القسم وتخلي التليفون بتاع مكتبي ده بس هو اللي شغال، تعرف.

- دى حاجة مفيش أسهل منها، بس السؤال هنا بقى، لماذا؟؟؟ ليه يعنى يا باشا. قالها ذلك الضئيل وهو يغمض إحدى عينيه ومهز رأسه وكأنه اكتشف أمرًا ما مُشِينًا، انفعَل طارق وراح يُوبِخه.

- إنت هتصاحبني يا روح أمك، إنت تعمل اللي أقولك عليه وبس.

- والمقابل يا سيادة الرائد.

- هقطع المحضر والبرشام والحشيش اللي مسكناه معاك هيتبخر.

- أمين يا باشا.

\*\*\*

يوم الجمعة 2011/6/7

الساعة السابعة

تلقي هاتف مكتب الضابط طارق بلاغ من الدكتور سعيد بأن هناك جريمة قتل داخل مستشفى المدير، أخبر طارق الدسوقي الحوافريت وفريقه بأن يتحرك فور الانتهاء من مكالمة الدكتور سعيد.

انتقل كل أفراد الفريق إلى المستشفى، تقمص الحوافريت دور رئيس المباحث سليم أبو فرحة بشكل رائع، لم يتوقع أحد أنه مجرد ممثل رائع فشل في الحصول على

فرصة حقيقية أمام الكاميرات فقط لأنه وُلِدَ في بلدٍ لا تُمكنك من أى نجاح باهر مادمت لا تمتلك علاقات.

وصل عمرو إلى المستشفى كما توقع الحوافريت من قبل ليقدم الفيديو الذى صوره عن طريق الصدفة إلى الشرطة المتواجدة بدميًّا في مسرح الجريمة أو تسليمه إلى أحد المسؤولين في المستشفى لكنه تفاجأ برئيس مباحث يُشبه تمامًا ذلك الشخص الذى التقطته عدسة كاميرته بالأمس على الرغم من تغير ملامحه بالمكياج ولكن حاسة الصبى وشعوره الغرب تجاهه جعله يتعرف عليه بسهولة, كان لا يدرى هل من قتلها رئيس المباحث بالفعل أم أنه شخص محتال يستتر خلف ذلك المنصب, لم يجد حلاً سوى الهروب في الوقت الذى أمر فيه سليم أبو فرحة الأمين راضى بالركض خلفه, وحينما لم يتمكن من متابعته نقل ذلك التكليف إلى ياسر الذى كان جالسًا مسترخيًا داخل سيارة اليوكس, فعضلاته ورنثيه لم تُنهك مثله.

ياسر وبكل سهولة أدرك أن ذلك الفتى هو الفتى المنشود, ركض خلفه وتمكن من القبض عليه ثم هاتف صلاح ليأتى إليه بسيارته وينتقلوا سوياً إلى ذلك الوكر المخصص لهم.

هناك تلقى ذلك الفتى ضرباً موحشاً وتعذيباً بشعاً حتى أقسم لهم أنه لم يرد ذلك الفيديو سواه وأنه لم يخبر به أحداً ومن سيُخبر من الأساس!! هو يعيش مع أمه المريضة وإخوته الصغار, أخذوا منه الهاتف وتم تحطيمه أمام عينه, ثم قيدوه بالحبال وألقوا به في شنطة السيارة.

أثناء التحقيق أدرك الحوافريت أن رنا لها قصص وروايات مع كل طاقم المستشفى فهى ليست الفتاة الجميلة المدللة فقط بل إن تاريخها يُعج بالصلوات والجولات مع الجميع, تُدرك جيداً كيف تتعامل مع كل شخص, لكنها لم تحب أى شخص مهما كان قريب منها وإن كانت هناك مصلحة شخصية تتطلب التخلص منه فعليتها في الحال.

أثناء التحقيق أيضاً شعر الحوافريت أن كلام حسن وسليمان المجنون يمثلان خطراً عليه وعلى فريقه فأمر بالقبض عليهما في الحال للتخلص منهم.

حينما عاد بسيارة البوكس إلى وكر الفريق " الكهف " كان صلاح يجلس على مقدمة السيارة يدخن السجائر وقد خلع سترة البدلة التي كان يرتديها، نهض واقفًا حينما توقفت سيارة البوكس.

- إيه يا عم كل ده، إنتم بتحققوا في الجريمة بجد ولا إيه.

بعد دقائق معدودة كان سليمان قد فارق الحياة وحسن حاول الهرب فركض صلاح خلفه وأسقطه على الأرض، اقترب من الحوافريت وبدأ ينقر رأسه بإصبعه وكأنه نقر خشب ينقر بمنقاره في جذع شجرة عتيقة.

- علشان إنت شفت وعرفت أكثر من اللازم فمش فارقة تعرف أكثر من كده، أنا مش سليم، أنا الحوافريت، الحوافريت يا روح أمك.

تركه صلاح ليقبض الحوافريت على رقبته ويضغط على قصبته الهوائية بشكل جنونى.

- هتموت بنفس الطريقة اللي ماتت بيها المرحومة.

دقائق معدودة مرت عليه سنين طويلة قبل أن يفارق حسن الحياة ويُسلم روحه إلى بارئها، صلاح أخرج عمرو المقيد تمامًا، على وجهه وجسده العارى آثار ضرب وكى بالنار ليزعوا منه تلك الاعترافات التي أرادها الحوافريت وفريقه، أحضره بالقوة أمام الحوافريت الذى ظل ينظر إليه بجمود.

- عاملى فيها دكريا بتاع الجرايد.

أصيب حسن بحالة من الفزع والانهيار حينما وجد حسن جثة هامدة تمكث بهدوء على الأرض، انتصب الحوافريت وهرول تجاهه، اعتصر ملامح وجهه بيده التي أخذت هيئة مخالف النسر للحظة من اللحظات، سأل صلاح وهو لا يزال يعتصر ملامحه بقسوة.

- الواد ده حكايته إيه يا صلاح؟؟؟
- لا ما تعلقش نظيف خلاص, محدش عرف موضوع الفيديو إلا هو.
- متأكد
- عيب يا حوافريت دا شاف عذاب محدش شافه.
- خلاص إخلص منه.
- دفعه الحوافريت بكل قوة ليسقط على الأرض.

\*\*\*

بعد قتل عمرو والتخلص من جثثهم جميعاً استقل الحوافريت وصلاح و مصطفى السيارة التي امتلأت مقاعدها بالمال الذي تم سرقة, وضعوا النقود في الإسفنج الذي يستخدم لحشو المقاعد وتمت حياكة المقاعد عليها, في السيارة الأخرى التي كان صلاح يستخدمها استقلها باقي أعضاء الفريق عدا عبد المتجلى الذي لم يعد حتى الآن منذ أن أخذ سيارة الإسعاف وجثة رنا المجنى عليها للتخلص منها نهائياً, الجميع في انتظار وصوله.

- كده خلصت يا حوافريت, هنعيش حياتنا بقى.
- نظر له الحوافريت بملامح وجه مأكرة.
- مين اللي قال إنها خلصت دي يادوب ابتدت يا صلاح.
- إزاي يعنى!!
- هو إنت مفكر إني هسيب الفلوس لشوية العيال دي, الفلوس دي هتقسم عليا أنا وإنت ومصطفى والباقي كله هيبقى في خبر كان.
- اتسعت عين مصطفى وكذلك صلاح وهما يرمقا بعدم تصديق الحوافريت الذي أردف .
- الله يرحمها قالت , الجميع يخون الجميع .

تمت

شكر خاص للأستاذ / حسام محمود موسى

على المعلومات القانونية الخاصة بالرواية

صدر للكاتب

• كليبتو – عام 2015

للتواصل مع الكاتب

Facebook account : [islamwaheib@gmail.com](mailto:islamwaheib@gmail.com)

obeikandi.com

جميع حقوق الطبع والنشر محفوظة للناشر



noon\_publishing@yahoo.com  
0235860372 - 01127772007